

## Pesalem Njabuku

Pesalem njabuku kêtû Bibolo njabuku mecņa to njawê dabuņ. Lau sêga-wêwaga sêga wê tau gêdêņ njasawa baliņanô. Lau sejoņ wê to mec tau sa ma lau Israel sêjam wê to tetenј mec tau gêdêņ taņ sêlic nêņ om naņ. Gêdêņ njasawa teņ lau sêkêņ Pesalem njabuku kêsêp Bibolo gêwiņ Bibolo njabuku nјаgêdô.

Lau sêga wê tonec kêpi biņ tokaiņ-tokaiņ. Wê nјаgêdô wê lambiņņa, nјаgêdô wê tanam sakiņ Anôtôņa, nјаgêdô wê mecņa. Lau tetenј Anôtô gebe ênam êsêac sa to taê walô êsêac ma ênam êsêac kêsi. Lau nјаgêdô tetenј eņ gebe êsuc nêņ sec ôkwi. Wê nјаgêdô gêjam danje Anôtô gebe gêjam mec nê lau. Nјаgêdô tetenј eņ gebe êmêtôc nê launêņ nјаcjo. Mec tonaņ nјаgêdô gêjac lau tagenј-tagenј nјаwae ma nјаgêdô gêjac lau tapaôngeņ nјаwae. Wê nјаgêdô geoc nјаc tagenј nê nјаlêlôm lasê ma nјаgêdô kêtôc gêņwapac to biņ, taņ Anôtônê lau samob sêoc to sêsaê sêmoa naņ.

Apômtau Jesu ketenј Pesalem kêtû nê mec amboac tonangeņ. Lau teto-Binjlênsêm-Wakucwaga sêkôc nјаlô dabuņ sa anļa Pesalem ma teto kêsêp nêņ papia. Lau Buņa nјаmataņa e mênгêdêņ galocņa tetoc buku tonec sa kêtû nêņ buku mecņa to nêņ lêņ nјаgôliņ.

**Pesalem 150 tonaņ sêwa kêkôc kêtû nјаsêbu lemenјteņ me buku lemenјteņ amboac tonec gebe**

Buku kêtû nјаmataņa Pesalem 1–41

Buku kêtû luagêcņa Pesalem 42–72

Buku kêtú têlêacŋa Pesalem 73–89  
 Buku kêtú aclêŋa Pesalem 90–106  
 Buku kêtú lemenŋeŋŋa Pesalem 107–150

# 1

## *BUKU KÊTU NJAMATAŊA*

### *Lau gêdêŋ to lau sec*

- <sup>1</sup> Aweŋ êôc ŋac, taŋ êsa nê lêŋ êtôm lau,  
 taŋ sêkac tauŋ su aŋga Anôtônê naŋ, nêŋ mêtê  
 atom,  
 ma êsa lau sec nêŋ lêŋ  
 to êŋgôŋ lau-susuwaga ŋalêlôm atom.
- <sup>2</sup> Ŋac amboac tonanŋ têtac gêwiŋ Apômtaunê biŋsu  
 ma taê gêjam ênê biŋsu ŋam kêtôm bêc to  
 gelenŋeŋ.
- <sup>3</sup> Eŋ kêtôm ka sêsê kêkô butali, taŋ gêjam ŋanô  
 kêtôm ŋanocgeŋ naŋ.  
 Ŋalauŋ oc êmêliŋ atom, ma gêŋ samob, taŋ eŋ  
 gêgôm naŋ, oc êtap ŋanô sa.
- <sup>4</sup> Lau taŋ sêkac tauŋ su aŋga Anôtônê naŋ, amboac  
 tonanŋ atom.  
 Êsêac têtôm ŋapaôma, taŋ mu kelelo sa.
- <sup>5</sup> Amboac tonanŋ lau-sêkac-tauŋ-suwaga oc sêkô  
 ŋajaŋa êndêŋ noc mêtôcŋa atom,  
 ma lau sec sêkô gôlôac ŋalêlôm atom amboac  
 tonanŋ,
- <sup>6</sup> gebe Apômtau kêjala lau gêdêŋ nêŋ lêŋ.  
 mago lau-sêkac-tauŋ-suwaga nêŋ lêŋ oc ênaŋa.

# 2

*Anôtô agêc ŋac, taŋ geŋ oso eŋ naŋ*

- 1 Lau samuc sêli awen sa kêtû asagenña,  
ma tentenlatui sêkic biñ ñaôma-ñaôma nec ñam  
amboac ondoc.
- 2 Kiñ nomña sêkac taun sa,  
ma gôliñwaga sêkic biñ sêwiñ taun sebe sensen  
Anôtô agêc nê ñac, tañ gen oso en nañ.
- 3 Êsêac sêsôm gebe “Tamô êsêacnêñ lakô êñgic  
ma tambaliñ êsêacnêñ lêpoa, tañ kêgi aêac auc,  
nañ siñ.”
- 4 Apômtau, tañ gêñgôn lèpôn anga undambê nañ,  
kaômac  
ma kêsû êsêac susu.
- 5 Go kêsôm biñ gêdên êsêac totêtac ñandanjen  
ma en têtac kêmoatiñ tôn kêtakê êsêac gebe
- 6 “Aê tauc kakên ñoc kiñ gêñgôn ñoc lôc dabun  
Sion.”
- 7 “Aê gabe jasôm biñ, tañ Apômtau taê gêjam nañ,  
lasê acgom.  
En kêsôm gêdên aê gebe ‘Aêñoc latuc aôm, oc-  
salô tonec aê katu aôm tamam.
- 8 Oten aê, go jakên lau samuc têtû nêm gêñlênsêm  
ma jakên nom samucgen êtû nêm gamên.
- 9 Aôm oc ônam gôliñ êsêac ña tôcki  
to olo êsêac êtôm selo kunom.’ ”
- 10 Amboac tonañ amac kiñ nêm kauc êsaman  
ma amac nom ñagôliñwaga taêm ênam biñ, tañ  
galên biñ amac nañ.
- 11 Anam sakiñ Apômtau toatêc enjen,  
au taôm anêc en akaiña toatênêpjen.
- 12 Embe masi, oc têtac ñandan êsa  
ma amac anaña anga intêna,

gebe en ηac têtac dambê.  
Awenj êoc lau samob, tanj sê lamu engejen nanj.

### 3

#### *Mec bêbêcηa gebe Anôtô ênam sa*

- <sup>1</sup> Ojae, o Apômtau, lau tanj sêlêsu aê nanj, taêsam ηasecgoc,  
taêsam dêdi sêkô sebe sensejen aê.
- <sup>2</sup> Lau taêsam sêsôm kêpi aê gebe  
“Anôtô oc anam enj sa tenj atom.”
- <sup>3</sup> O Apômtau, aôm kôtu lautuc gômôê aê aucgoc.  
Aôm kôtu aê waec to kôsa mômêcapac sa.
- <sup>4</sup> Gamôêc Apômtau ηa aoc kapôêj,  
e kêkêj tanja ηoc tanj anja nê lôc dabuj.
- <sup>5</sup> Aê kasa tauc sic ma gaêc bêc e kalinj tauc sinj.  
Gaêc e matoc jalî kêsa gebe Apômtau gêjam aê sa.
- <sup>6</sup> Lausinj tanj topom-topom sêgi aê auc nanj,  
mago katêc êsêac atom.
- <sup>7</sup> O Apômtau, ôndi. O ηoc Anôtô, ônam aê sa.  
Aôm tonanj tec kôtap ηoc ηacjo samob kêsêp alianô,  
ma kôtuc lau, tanj sêkac tauj su anja aômnêm nanj,  
lujluj kêsêlô.
- <sup>8</sup> Apômtau kêtû ênam aêac sa ηamôkê.  
Ônam mec nêm laumanj.  
Dawidnê pesalem tenj. Gêc latu Absalom gêja su,  
go gêga.

### 4

#### *Mec êtulaηa tenj gebe Anôtô ênam sa*

- 1 O Anôtô, tañ kômasañ ñoc biñ jagêdêñ,  
 aê embe jamôêc, nañ ôkêñ tañam aê.  
 Aê gamoa togêñwapac, go aôm kôgaboac aê su.  
 Taêm labu aê ma ôkêñ tañam ñoc mec.
- 2 O amac lau tembelem anğen,  
 abe anğôm aê waec êtu meloc e êndêñ ondoc  
 acgôm.  
 Amac abe taêm ênam biñ dansañ,  
 tec abe asap gêñ ñaôma tôn e êndêñ ondocgen.
- 3 Ajalamanğ gebe Apômtau kêjaliniñ nê ñac mansañ aê  
 sa.  
 Embe jamôêc êndêñ Apômtau, oc êkêñ taña aê.
- 4 Embe têmtac ñandanğ, nañ anğôm taôm sec atom.  
 Taêm ênam biñ tonañ ênêc lêlômgenğ, amoa nêmm  
 gamêñ ma anam taôm tôn. <sup>5</sup> Ansunğ da gêdêñ  
 ma akêñ matem Apômtau.
- 6 Lau taêsam sêsôm gebe  
 “Asa oc êmoasiñ aêac.  
 O Apômtau, ôc lanğomanô ñaja sa  
 mênêpô aêac.”
- 7 Aôm kôkêñ têtac ñajam kêsêp aênoc ñalêlôm,  
 kômooasiñ aê kêlêlêc êsêac, tañ sênğonğ gênmasê  
 ñaôgenğ nañ su.
- 8 Aê jasa tauc sic to janêc bêc tobiñ malôgenğ  
 gebe aôm taômgenğ, o Apômtau, kôkêñ aê gamoa  
 ñoc ñajam.  
 Dawidnê pesalem teñ.

## 5

*Mec teñ kêtú Anôtô ejop aêacña*

- 1 O Apômtau, ôñô ñoc biñ.  
Wê tanjam ñoc oliñ.
- 2 Ojae aêñoc kiñ to ñoc Anôtô, ôñô ñoc tanjiboa  
kapôêñmanñ,  
gebe aêñoc mec êndêñ aôm êwac.
- 3 O Apômtau, ôñô aê aoc êndêñ bêbêc kanucgeñ.  
Kamasanñ ñoc da gêdêñ aôm gêdêñ bêbêc  
kanucgeñ, ma tec matoc tenñ-tengeñ aômña  
gamoã.
- 4 Aôm kôtôm Anôtô, tanñ têtac gêwiñ biñ palin-palin  
nanñ atom.  
Ñac sec tenñ êtu nêñ ñaclenñ atom.
- 5 Lanemtêna sêkô lanñômñnêñ atom.  
Aôm kôkêñ kisa gêdêñ lau-sêgôm-secwaga  
samob.
- 6 Aôm gosenñ dansanñwaga samob su.  
Apômtau gêjam lanñôanô ôkwi anñga lau, tanñ sêwê  
kainñ dec to biñ-dansanñwaga nanñ nêñ.
- 7 Aôm gôlôc kêtú nêñ têtac gêwiñ tengeñña  
gebe aê jasô nêñ andu jana.  
Aê jatenñ mec anñga nêñ lôm dabunñ  
ma jau tauc janêc gebe jatoc aôm sa.
- 8 O Apômtau, ônam gôlinñ aê êtôm nêñ biñgêdêñ.  
Ômansanñ nêñ intêna ênêc aê lanñôcnêñ êtu ñoc  
ñacjoñña,
- 9 gebe biññanô gêc êsêac awenñsunñ atom.  
Ac taêñ gêjam biñ sesenñ gêñ sunagenñ.  
Êsêacnêñ koclabenñ kêtôm sêawa gêña.  
Imbelenñ geno biñ e ñawasi lanñgwagenñ.

- 10 O Anôtô, ôkêñ ñagêjô êndêñ êsêac  
gebe nêñ dib êtu lakô êndêñ tauñ.  
Ôtiñ êsêac su anğa lanğomnêmña êtu nêñ biñ alôb-  
alôb taêsamña  
gebe sêli tauñ sa gêdêñ aôm.
- 11 Mago lau samob, tañ sê lamu aôm nañ, têntac  
ñajam êsa.  
Ôtu lautuc êsêac,  
tañ têntac gêwiñ aôm nañ,  
gebe sêmoa toôliñ êpigenñ.
- 12 O Apômtau, aôm gôjam mec ñac gêdêñ,  
ma nêmm moasiñ kêkwa eñ auc amboac lautuc.  
Dawidnê pesalem teñ.

## 6

### *Mec gebe Anôtô ênam sa êndêñ têm wapacña*

- 1 O Apômtau, têmtac ñandañ ênac aê atom.  
Têmtac êmoatiñ tôñ ma ôsôm aê atom.
- 2 O Apômtau, taêm labu aê gebe aoc kêtú dambê.  
Ô Apômtau, ômoasiñ aê gebe katakê e katuc un  
tágenñ.
- 3 Aê katuc ñatutuc ñasec.  
O Apômtau, aôm gobe ônac jaê aê e êndêñ on-  
docgenñ.
- 4 O Apômtau, ôkac taôm ôkwi ômu ômôêñ ma ônam  
aê sa.  
Ônam aê sa êtu nêmm moasiñña,
- 5 gebe lau, tañ sêmac êndu su sêja nañ, taêñ gêjam  
aôm atom.  
Asa oc êñgôm waem êsa anğa lamboam.

- 6 Aê kasê aoc jamêc-jamêc e tekoc gêbac,  
 ma gaêc bêc gajac matocsulu sasa gêdêñ  
 gêbêc baliñ gebe matocsulu kêsuñ laplap  
 lanğwagen.
- 7 Aê katanñ ñanô e matocdêbu kêtiñ ma galic gamêñ  
 sapu  
 kêtü ñoc ñacjo sêlêsu aêña.
- 8 Amac secwaga samob aêc su aña aêñoc,  
 gebe Apômtau kêkêñ taña ñoc tañiboa kapôêñ.
- 9 Aê katanñ e Apômtau kêkêñ tañagoc.  
 Apômtau kêkôc ñoc mec sagac.
- 10 Aêñoc ñacjo samob oc selendec sec e nêñ meloco  
 êsa,  
 go têtaiñ taunñ su sebenñ e sêc tomajenğenñ sêna.  
 Dawidnê pesalem teñ. Pesalem dambu taunña  
 kêtü ñamataña.

## 7

### *Apômtau kêmetôc lau jagêdêñ ñawê*

- 1 O Apômtau, ñoc Anôtô, aê gaê lamu aômğenñ.  
 Ôjanğo aê su aña lau samob, tañ sêjanda aê  
 nanñ nêñ, ma ônam aê sa.
- 2 Embe masi, go ñacjo sêmôniñ aê êngic to sênsaic aê  
 amboac lewe  
 gebe ñoc ñac-ênam-aê-sawaga masi.
- 3 O Apômtau, ñoc Anôtô, aê embe janğôm gêñ keso  
 teñ  
 êndêñ ñac teñ,
- 4 ma embe jatu kasec ñac, tañ jagêc amoa to-  
 biñmalôğenñ taunñ nanñ,



- ma embe janam êsêac, tañ sêkêñ kisa aê ñaôma  
nan, sa atom,
- <sup>5</sup> go ñacjo êjanda aê e naê aê tônia ma êka aê tônia tamiñ  
nom  
to êngôm aê waec êtu meloc.
- <sup>6</sup> O Apômtau, ôndi totêmtac ñandanen ma ôndi sa  
mêñonsen lau, tañ sêlêsu aê nan, nêñ ñaôndu  
su.  
Aôm tañ kômêtoç biñ nan, matam jali êsa gebe  
ômoasiñ aê.
- <sup>7</sup> Ôkac tentenlatu samob sa wactetoc aôm sa acgom,  
gocgo wêc ômu ôpi ôwac nêñ lólôc êtiam.
- <sup>8</sup> Apômtau kêmêtoç lau samob nêñ biñ.  
O Apômtau, ômêtoç ñoc biñ êtôm nêñ biñgêdên  
ma ômoasiñ aê êtu ñoc biñ masiña.
- <sup>9</sup> Ôkên lau, tañ sêkac tauñ su anga aômnêñ nan, nêñ  
biñ alôb-alôb ênac pep,  
ma ôpuc ñac gêdên tônia êkô ñajaña.
- O Anôtô gêdên,  
aôm kôjala ñoc ñalêlôm e gôbi lêtên.
- <sup>10</sup> Anôtô kêkam aênoc lautuc ñagabiñ.  
En gêjam lau, tañ taên gêjam biñgêdên nan sa.
- <sup>11</sup> Anôtô kêmêtoç biñ jagêdên  
ma Anôtô tonan kêkên ñagêjô kêtôm bêcgen.
- <sup>12</sup> Ñac ten embe ênam tau ôkwi atom, oc Apômtau  
êuc nê siñ ñamata êsa êtu enña.  
En êkêkam nê sôb êkanôn en.
- <sup>13</sup> En êkên nê sôb-ensen-lauña nadiñen en  
to ênam jalana tamiñ nê sôb.

- 14 Alicgac me, binj alôb-alôb gêjam ñac sec auc. En taê gêñ wapacña.  
Ma embe êkôc, oc talic gêñ tau gebe binjdanşan.
- 15 En kêkwê sê e ñalêlôm gêjac tau Jaê,  
mago tau oc nau tau êsêp nê gêñ, tañ kêkwê nan.
- 16 Gêñwapac tañ taê gêjam nan, oc êñgôndin en tau,  
ma nê gêñ alôb-alôb oc êtap en tau môkêdanşam sa.
- 17 Aê aoc êôc Apômtau êtu nê binj gêdêñña,  
ma janşa wê êpi Lôlôc Ntau Apômtaunê ñaê.  
Dawidnê wê teñ, gêjam gêdêñ Apômtau kêtú ñac Benjaminña Kus nê binña.

## 8

### *Tatoc Anôtô sa gebe gêgôm aêac waen kêsa*

- 1 O Apômtau, aêacma Ntau, nêñ ñaê ñawae kêsa gêjam nom aucgoc.  
Êsêac sêlambin aômnêñ ñawasi e jagêdêñ undambê.
- 2 Npalê to ñapalêo dedec awen sêlambin aôm sêwiñ.  
Aôm gôboa gamêñ ñajaña sa  
êpuc nêñ ñacjo su  
ma nêñ soño-soño to lau-sêli-awen-sawaga sênam taun ôkwi.
- 3 Aê embe jalic undambê, tañ lêmamlatu kêkêñ,  
ma embe jalic ajôn to utitalata, tañ kômasan nan,
- 4 (oc taêc ênam tauc gebe) Nmalac tau oc amboac asagen, tec taêm gêjam en,

ma ñamalac latu oc amboac asagen, tec gôjam  
jaom en nec.

- <sup>5</sup> Aôm kôkêñ en kédabin gebe êtôm aôm,  
ma gôjam gêlôn en ña wae to ñawasi.
- <sup>6</sup> Aôm kôkêñ en gêjam gôlin gêñ, tañ lêmam gôgôm  
nañ,  
ma kôkêñ gêñ samob kêsô en ñalabu.
- <sup>7</sup> Kôkêñ domba to bulimakao  
ma kôkêñ bôc saleñña gêwiñ.
- <sup>8</sup> Aôm kôkêñ moc, tañ sêmoa umbonñ ñalabu ma i, tañ  
sêmoa gwêclêlôm,  
to gêñ maten jali gwêcña samob, tañ sêsa nêñ  
lêñ gêdêñ-gêdêñgenñ nañ.
- <sup>9</sup> O Apômtau, aêacma Ñatau,  
nêm ñaé ñawae kêsã gêjam nom aucgoc.  
Dawidnê pesalem ten.

## 9

*Tanam danje Anôtô gebe en kêmêtôc lau  
jagêdêñgenñ*

- <sup>1</sup> Aê gabe aoc êôc Apômtau tonoc ñalêlôm samuc.  
Aê gabe jasôm aômnêm gêñsêga, tañ gôgôm nañ  
samob ñawae lasê.
- <sup>2</sup> Aê gabe têtac ñajam ma aoc êôc aôm toôndugen.  
O Lôlôc Ñatau, aê gabe janğa wê êpi aômnêm  
ñaê,
- <sup>3</sup> gebe aôm kôkêñ aêñoc ñacjo sênu taun su sêmu sêsô  
sêja.  
Aôm kôtiñ êsêac e sêka enkain ôkwi ma sêjanğa,
- <sup>4</sup> gebe aôm kômasan aêñoc bin to kômêtôc jagêdêñ.  
Aôm-kômêtêc-gêdêñwaga gôñgônñ lêpônñ tau ñaô.

- 5 Aôm goec biñ lau samuc to gosenj alôb-alôbwaga su.  
Aôm gosenj êsêacnêj ñaê su gêjaña samucgej.
- 6 Aôm golo ñacjo popoc e gacgej malenmê balingen sêja.  
Aôm gosenj malac gêwiñ e ñaê samob gêjaña.
- 7 Apômtau oc êngônj nê lêpônj endenj tôngej.  
Eñ ketoc lêpônj kêkô gebe êmêtôc biñ.
- 8 Ñac tagenj tonanj tec kêmetôc lau nomña nêj biñ jagêdêj  
ma kêkêj ñagêjô gêdêj tentenlatu gêjô gêj, tanj sêgôm nanj.
- 9 Apômtau kêtu lau, tanj sêoc gêjwapac nanj, nêj tunjtêna.  
Eñ kêtu tunjtêna gebe êsêac sêngônj ñalêlôm êndêj tanj gêjwapac êngôm êsêac nanj.
- 10 Amboac tonanj êsêac, tanj sêjala aômnmê ñaê nanj, sêkêj materj aôm.  
Aôm Apômtau tec gôwi êsêac, tanj sesom aôm nanj, sinj atom.
- 11 Awem êoc Apômtau, tanj gêngônj nê lêpônj gêngônj Sion nanj,  
asôm ênê gêjsêga lasê êndêj tentenlatu sêjô,
- 12 gebe eñ taê gêjam gebe êkac êsêacnêj kamocgôc.  
Eñ keliñ môêc, tanj lau ñasec sêmôêc gêdêj eñ nanj, sinj atom.
- 13 O Apômtau, tanj kôkô aê auc gêdêj jamac êndu ñasacgêdô nanj, taêm labu aê.

Ôlic aêmamanj gebe njoc njacjo sêgôm aê kwalec-goc.

14 Aê gabe jasôm aômnmêm gêj towae lasê samob.  
Jakô Sion latuo nê sacgêdô ma aoc êoc aôm  
toôndu, gebe gôjam aê sa.

15 Lau samuc nêj sê, tañ sêkwê kêtû aêña nanj, êsêac  
tauj sêu tauj sêsêp.

Tauj enkainj gêwê uc, tañ sêkic kelecgeñ nanj.

16 Apômtau kêmêtôc binj gêwa tau sagac.  
Njac alôb-alôb gêwê tau lêma njalakô.

17 Lau alôb-alôbwaga sêsêp lamboam sêja,  
ma lau samuc samob, tañ sêlij Anôtô sinj nanj,  
amboac tonanjenj.

18 Anôtô oc êlij lau njalêlôm sawa sinj njapanj atom-  
anô,  
ma lau njasec sênsaê gêj, tañ sêkêj matenj nanj,  
elêmê atomanô.

19 O Apômtau, ôndi sa. Ôkêj njamalac sêngôm gêj  
paliñ atom.

Ôkêj lau samuc têtap nêj njagêjô sa anja  
aômnmêm.

20 O Apômtau, ôngôm êsêac têtakê.

Ôkêj lau samuc sêjala tauj gebe êsêac lau  
njaôma.

Dawidnê pesalem tenj.

## 10

### *Mec Anôtô êmêtôc naêndêjja*

1 O Apômtau, amboac ondoci kôkac taôm su  
wackôkô jaêcgeñ.

- Amboac ondoc kôsiņ taôm gêdêņ têm gêņwapacņa.
- <sup>2</sup> Lau alôb-alôb tetoc tauņ sa ma sêjanda lau ņasec.  
Biņ taņ êsêac taêņ gêjam naņ, êtap êsêac tauņ sa acgommaņ.
- <sup>3</sup> ņac alôb-alôb kêkêli tau kêtu nê kauc secņa  
ma ņac, taņ gêjam bôlêņ ņaôli ôkwi naņ, kêsôm  
biņ meloc kêpi Anôtô e gêwi eņ siņ.
- <sup>4</sup> ņac alôb-alôb nê biņ gêjac kolec tau gebe Anôtô  
êkêņ ņagêjô atom.  
Eņ ketoc tau sa ma taê gêjam gebe Anôtô gêmoa  
atom.
- <sup>5</sup> Eņ gêgôm nê gêņ kêmoatiņ eņ e gêmoa ņajam geden  
tôņgeņ. Aômnêm lêņ mêtôcņa gêjac jaê eņ.  
Eņ kêtaņ pêlê nê soņo-soņo samob.
- <sup>6</sup> Eņ taê gêjam gêņ tau gebe “Aê oc jambeņ teņ  
atomanô,  
ma gêņwapac oc êtap aê sa atomanô amboac  
tonaņgeņ.”
- <sup>7</sup> Ênê awasuņ kapuc boa ņanô ma biņdansaņ to  
ņaclai gêjam auc.  
Gêņwapac to gêņ alôb-alôb gêsac imbêla  
ņatêpôêgeņ.
- <sup>8</sup> Eņ gêdib lau gêņgôņ gamêņ gasaņ e gêjac ņac, taņ  
tobiņmê naņ êndu.  
Eņ mata geso lau, taņ sêpô lêna kêtu gêņ  
ņagêdôņa naņ.
- <sup>9</sup> Eņ gê lamu gamêņ ma gêdib lau amboac lewe  
gêdib gêņ gêmoa gamêņdani.  
Eņ gêdib gebe êkatôm ņac ņasec tôņ.

- En kêkatôm ñac ñasec  
gebe ênsaic en naêsêp nê uclêlôm.
- 10 En kêgalab gewec-gewec  
e kêtap lau ñasec sêpô lêna taunja sa.
- 11 En taê gêjam gêc nê ñalêlôm gebe “Anôtô kêlin sin.  
Anôtô gêsan lanjanô auc e gêlic sapu.”
- 12 O Apômtau, ôndi sa. O Anôtô, ôc lêmam sa.  
Ôlin lau ñasec sin atom.
- 13 Ñac alôb-alôb oc êsôm bin meloc-meloc êpi Anôtô  
êtu asagenja.  
Ma amboac ondoc taê ênam ênêc nê ñalêlôm  
gebe “Aôm oc ôkên ñagêjô êndên aê atom  
nec.”
- 14 Mago aôm tec gôlic gêngac. Aôm gôlic gêjwapac to  
lau-sêpô-lênawagagac,  
ma aôm lêmam ônam gôlin.  
Aôm taômgen, tec ñac kêpô lênanja mata kêsap aôm.  
Aôm gôjam mosêbu sa.
- 15 Ônac ñac alôb-alôb to ñac, tan kêkac tau su anja  
Anôtônê nan, lêma tulu.  
Ôkên ñagêjô êpi en êjô nê gêj samob e toma-  
lagen.
- 16 Apômtau kêtû kin êngôn tenjen ma tenjen.  
Lau samuc malenmê anja ênê gamên sugac.
- 17 O Apômtau, aôm kôjala lau ñasec têtac kêkac êsêac  
aômja.

Aôm gôê tanam êsêac to kôpuc êsêacnêy ñalêlôm  
 tôy,  
 18 gebe ômêtôc mosêbu to lau sêngôy jageoña nêy  
 biy êtu katô  
 e ñamalac nomña têtakê lau tenj êtiam atom.

## 11

### *Lau gedenj nêy lamu*

- 1 Apômtau kêtû ñoc lamu. Ma amboac ondoc asôm  
 gêdêy aê gebe  
 “Ôêc ôpi lôc ôna amboac moc.  
 2 Gôlicgac me, dedec-Anôtôwaga sêkac tikoc talam  
 ma sêjô sôb e jadinjên,  
 sebe sêpô lau-ñalêlôm-gêdêy waga êndêy gamêy  
 ñakesec.  
 3 Embe sensey mêtê ñanomban, nanj gedenj ñamalac  
 tôy nanj su  
 ñac gêdêy oc êsôm ñabinj amboac ondocgenj.”  
 4 Apômtau gêmoa nê lôm dabunj ñalêlôm.  
 Ênê lêpôy kêkô undambê.  
 Enj mata geso lau gamêy samobña  
 ma gêlic gêy, tanj êsêac sêgôm nanj.  
 5 Apômtau kêsaê ñac gêdêy to ñac, tanj gedec enj nanj  
 kêtômgenj.  
 Ma nê ñalêlôm kêmoatinj tôy kêtû ñac, tanj  
 gêgôm nê gêy togôlinj mê nanjña.  
 6 Enj kêkêy ja to talao gêjac lau sec amboac kom  
 gêjac  
 ma kêsakinj mu ñandanj kêtû nêy gêy êlau  
 êsêacña.



- <sup>7</sup> Apômtau enj ñac gêdêñ ma têtac gêwiñ biñgêdêñ.  
 Lau tañ sêgôm ñanô kêsa nañ, oc sêmoa enj  
 lañônêmña.  
 Dawidnê teñ.

## 12

### *Mec Apômtau ênam aêac saña*

- <sup>1</sup> O Apômtau, ônam aêac sa gebe lau mansañ têtaiñ  
 su  
 ma lau wapac malenmê e gamêñ kêta êñ.
- <sup>2</sup> Sêsom biñ geo gelom-gelom tau.  
 Ac sêsom nêñ biñ awenjsuñ geno-genogenj ma  
 nêñ ñalêlôm gêja lulu.
- <sup>3</sup> Ojae, Apômtau ensenj gêdôñôlic samob, tañ seno-  
 seno biñgenj,  
 to awenjsuñ, tañ sêboa taunboja nañ, acgom-  
 mañ.
- <sup>4</sup> Lau tonañ tec sêsom gebe “Tauñma imbelenj kêpuc  
 aêac tôñ to gêdôñôlic gêjac aêac sa.  
 Asa gebe ênam gôliñ aêac.”
- <sup>5</sup> Apômtau kêsom gebe “Aê gabe japuc tauc jandi  
 êtu lau, tañ sêkôniñ êsêac sêngôñj jageo to lau  
 ñagêbôc senj olinj taun elémê nañña.  
 Aê gabe janam lau, tañ sêkêñ matenjenj gebe  
 janam êsêac saña nañ sa.”
- <sup>6</sup> Apômtaunê biñ ñalô ñakêñkêñ  
 kêtôm labi nañ sêjam e ñakep masi amboac  
 kwalamwaô.
- <sup>7</sup> O Apômtau, ônam jaom lau ñasec ma ôpuc aêac tôñ  
 êndêñ lau tônê êtôm têm samob,

<sup>8</sup> gebe lau geo oc dêndi sêoŋ to sêmboa tauŋ e sênsiŋ  
 aêac auc,  
 gebe sec gêjam sêga aŋga ŋamalacnêŋ.  
 Dawidnê pesalem.

## 13

### *Mec Apômtau ênam aêac saŋa*

- <sup>1</sup> O Apômtau, gobe ôliŋ aê siŋ samucgeŋ e êndêŋ  
 ondoc acgom.  
 Ma gobe ôsiŋ laŋôm aê e êndêŋ ondocgeŋ.
- <sup>2</sup> Aêŋoc katuc oc êôc ŋandan  
 ma ŋoc ŋalêlôm ŋawapac êtôm elen to êmbêc  
 e êndêŋ ondocgeŋ ma ŋoc ŋacjo etoc tau sa  
 êndêŋ aê e êndêŋ ondocgeŋ.
- <sup>3</sup> O Apômtau, ŋoc Anôtô, ôlic aê ma ôkêŋ taŋam  
 aêma.  
 Ôkêŋ matocanô ŋawa êsa gebe gêmac enseŋ aê  
 atôm.
- <sup>4</sup> Ma ŋoc ŋacjo etoc tau sa ma êsôm gebe “Aê kaku  
 eŋ tulu,”  
 ma ŋoc soŋo-soŋo têtû samuc êtu aê kaku saŋa  
 atôm.
- <sup>5</sup> Mago aê taêc kêka aôm têmtac gêwiŋ tengeŋŋa.  
 Ŋoc ŋalêlôm êtu samuc gebe gôjam aê kêsi.
- <sup>6</sup> Aê janam wê êndêŋ Apômtau  
 gebe eŋ kêmoasiŋ aê ŋanô.  
 Dawidnê pesalem.

## 14

### *Ŋamalacnêŋ sec (Pes 53:1-6)*

- <sup>1</sup> Lau meloc tec nêj ñalêlôm kêsôm gêdêj tauj gebe  
 “Anôtô tej gêmoa atomanô.”  
 Êsêac sêgôm gêj sec to alôb-alôb ma nêj tej  
 gêgôm gêj ñajam tej atom.
- <sup>2</sup> Apômtau kêtû kênij ñamalac latujî anja undambê  
 gebe oc êtap ñac tokauc tej, tañ kêtêc Anôtô  
 nañ, sa gêmoa me masi.
- <sup>3</sup> Mago êsêac samob sêkac tauj su. Samob têtû  
 secñagenj.  
 Êsêacnêj tej gêgôm gêj ñajam tej atom, masi  
 samucgenj.
- <sup>4</sup> “Lau secwaga samob nêj kauc gêbôc me. Êsêac  
 têdanğôj ñoc lau amboac senj mo  
 ma êsêac awenj gêjac Apômtau atom.”
- <sup>5</sup> Mago êsêac oc têtakê ñasec  
 gebe Anôtô gêmoa gêwiñ lau gêdêj nêj gôlôac.
- <sup>6</sup> Amac abe akô biñ, tañ ñac ñalêlôm sawa kêkêj  
 mata nañ, auc.  
 Mago Apômtau tau kêtû ênê lamu.
- <sup>7</sup> Ojae, moasiñ ênam Israel saña mênêsa anja Sion  
 ecmañ.  
 Êndênj tañ Apômtau êmoasiñ nê lau êtiam nañ,  
 Jakob oc êtu samuc ma Israel oc têtac ñajam  
 êsa.  
 Dawidnê pesalem.

## 15

### *Lau, tañ sênğôj Anôtônê lôc dabuj nañ*

- <sup>1</sup> O Apômtau, asa oc êtu ñaclenj aômnêm bec.

Ma asa oc êngôḡ aômnêm lôc dabuḡ.

<sup>2</sup> Nac tagenḡ, taḡ kêsâ nê lêḡ tolanḡônêm sawagenḡ ma gêgôm gêḡ gêdêḡ-gêdêḡngenḡ naḡ,  
ma kêsôm biḡḡanô tau, taḡ gêc nê ḡalêlôm naḡ  
lasê.

<sup>3</sup> Nac tagenḡ, taḡ biḡ gêga kêsâ awasuḡ atom naḡ.  
Nac taḡ gêgôm gwadê sec to kêsac nê ḡac jabanḡ  
eḡḡa atom naḡ.

<sup>4</sup> Nac tagenḡ, taḡ gêlic lau alôb-alôb amboac gêḡ  
ḡaôma  
ma etoc lau, taḡ têtêc Anôtô naḡ sa.

Nac tagenḡ, taḡ êngôm biḡ naḡ kêtôc lêma kêpi naḡ,  
ḡanô êsa  
ma biḡ tau embe êkêḡ ḡandanḡ êndêḡ eḡ, oc  
ênam nê ḡalêlôm ôkwi atom.

<sup>5</sup> Nac tagenḡ, taḡ kêkêḡ nê mone gêdêḡ lau ma taê  
kêka gebe mone êsu ḡalatu kapôêḡḡa atom  
naḡ,  
ma kêtû palê gêdêḡ biḡ kana-kanaḡa ma  
kêgôliḡ bam ḡac tobiḡmê atom.

Nac teḡ embe nê lêḡ amboac tonanḡ,  
oc nê ḡalêlôm ḡawiwic atomanô.  
Dawidnê pesalem.

## 16

### *Anôtô kêtû nê lau nêḡ awamata*

<sup>1</sup> O Anôtô, ojop aê  
gebe aê gaê lamu aôm.

<sup>2</sup> Aê kasôm gêdêḡ Apômtau gebe “Noc ḡatau aôm.  
Noc gêḡ ḡajam ḡam aôm taômgeḡ.”

<sup>3</sup> Lau dabuḡ nomḡa êsêac lau ḡaḡêḡ.

Êsêac sêjac aê matocanô ñajam.

4 Lau tan sêjalinj anôtôi jaba sa nanj, oc sêôc gêñwapac taêsam.

Aê jakêñ da decña êndêñ êsêac atom, ma êsêacnêñ ñaê êsa aocsuj atom.

5 Apômtau kêtuj ñoc gêñlênsêma ma ñoc gêñ, tanj gawê kainj nanj.

Aôm gojob ñoc lêñlênsêma ñapep.

6 Sêjac belo gamêñ e katap ñoc gamêñ ñajam sa.

Binjanô, aê galic ñoc gêñlênsêma e gêjac matocanô ñajam.

7 Aê aoc gêjac Apômtau, gebe kêtuj ñoc gêjam-sawaga ñajam.

Gêdêñ gêbêc atêc kepeñ aê kêtuj binj tonanña gêwiñ.

8 Aê kakêñ Apômtau kêkô lanjôcnêma-ñageñ gebe matocanô êpi enj endenj tôneñ.

Enj kêkô ñoc anôña, tec aê oc jakô tenj.

9 Amboac tonan ñoc ñalêlôm ñajam to ñoc katuc kêtuj samuc,

ma aê ôlic gêñgôn ñajam.

10 Gebe aôm oc ôwi ñoc katuc sinj êndêñ lamboam atom.

Aôm oc ôkêñ sê êñgamiñ nêma ñac mansanj ôli tôneñ.

11 Aôm kôtoc intêna janjôn matoc jalinja gêdêñ aê.

Aê jamoa aôm lanjômnêma totêtac ñajam samucgeñ ma jatap lêmam anôña ñamoasinj sa endenj tôneñ.

Dawidnê mec tenj.

# 17

## *Nac mansañ awa gêjac Apômtau*

- <sup>1</sup> O Apômtau, biñgêdêñ natau, ôkêñ tañam ñoc tañi.  
Ôê tañam ñoc mec gebe kasôm kêsa gêdôcôlic dansañ atom.
- <sup>2</sup> Aôm taôm oc ômêtôc aêñoc biñ,  
gebe aôm tec matamanô gôlic gêñ gêdêñ.
- <sup>3</sup> Embe ônsaê ñoc ñalêlôm me embe ôtuc kêniñ êsêp  
ñoc ñalêlôm êndêñ êmbac me embe ômbêlêm  
aê,  
oc ôtap aê taêc gêjam biñ geo teñ sa atom ma  
aocsuñ kasôm biñ keso teñ atom.
- <sup>4</sup> Ñamalac embe sêngôm nêñ gêñ oc sêngôm, mago  
aê kasa ñaclainêñ lêñ atom  
gebe aôm awamsuñ gêjac jao.
- <sup>5</sup> Ockaiñ kêpuc aôm wañam.  
Aê kasêlêñ kaku-kaku atom.
- <sup>6</sup> O Anôtô, aê aoc gêjac aôm, gebe aôm kôkêñ tañam  
aê.  
Ôê tañam aê ma ôñô ñoc biñmañ.
- <sup>7</sup> Oc nêñ têtac gêwiñ teñgeñña lasê.  
Aôm gôjam lau, tañ sêc nêñ ñacjo su wacsê lamu  
nêñ anôña nañ kêsi.
- <sup>8</sup> Ojop aê êtôm aôm taôm gojob nêñ matamanô.  
Ôñgandê aê jañgôñ nêñ magêm ñaajuñlabu.
- <sup>9</sup> Ojop aê êndêñ lau sec, tañ têtú kasec aê nañ,  
to êndêñ ñoc ñacjo, tañ sêgi aê auc e tapi-  
tapigen sebe senseñ aêña nañ.

- 10 Êsêacnêḡ ḡalêlôm ḡadani e taêḡ walô aê atom  
ma sêboa taunḡ sa ḡa awenḡsunḡenḡ.
- 11 Aê embe jamoa ḡasawa teḡ, oc sêwa aê auc.  
Êsêacnêḡ ḡalêlôm taêḡ gêḡam tagenḡ tonec gebe  
sênac aê pinḡpaḡ e jansambi sa janêc.
- 12 Êsêac têtôm lewe, taḡ kesegenḡ gwadaḡa gêmoa  
naḡ.  
Ac têtôm lewe ḡalatu, taḡ sacgenḡ-sacgenḡ gêmoa  
gamêḡndani ḡalêlôm gêdib nê gwada gêmoa  
naḡ.
- 13 O Apômtau, ôndi naôndac ḡoc ḡaḡo ma ôku êsêac  
tulu.  
Ôc nêḡ siḡ sa ma ônam katuc kêsi aḡga lau  
secwaga nêḡ.
- 14 O Apômtau, taôm lêmam ônam aê sa aḡga  
ḡamalacnêḡ  
to lau nom tonecḡa, taḡ taêḡ kêka nêḡ gêḡ  
nomḡagenḡ naḡ nêḡ.  
Gêḡ taḡ gôḡac tôḡ gêc naḡ, ôkêḡ êndêḡ êsêac e êpô  
êsêac ôkwi lanḡwagenḡ.  
Tauḡ sêniḡ e êtôm êsêac ma sêkêḡ ḡagêdô êndêḡ  
nêḡ latuḡi.
- 15 Mago aê oc jalic aôm lanḡômanô gebe aê gagôm  
keso teḡ atom.  
Embe matoc êpoa êtiam, naḡ jalic aôm endenḡ  
tônḡenḡ e tekoc êsa lanḡwagenḡ.  
Dawidnê mec teḡ.

## 18

### *Dawidnê wê kêku ḡaḡo tuluḡa*

- <sup>1</sup> O Apômtau, aê têtac gêwiḡ aôm,

tañ kôtu ñoc ñaclai nañ.

<sup>2</sup> Apômtau kêtú ñoc lamuanô to kêtú ñoc tuntêna ma kêtú ñoc gêjamsawaga.

Ñoc Anôtô kêtú ñoc lôm, tañ gaê lamu nañ, eñ kêtú ñoc lautuc to kêtú ñoc moasiñ ñabulakôp ma kêtú ñoc lêmôp ñajaña sec nañ.

<sup>3</sup> Aê aoc gêjac Apômtau ma eñ ênam aê kêsî anğa ñoc ñacjonêñ.

Talanem Apômtau.

<sup>4</sup> Gêmacanô ñadembom gênôm aê auc to gêñ gebe enseñ aêña kêtakê aê.

<sup>5</sup> Lamboam ña-uc kêkic aê auc.

Gêmac ñalakô mênkêtap aê sa.

<sup>6</sup> Gamoa e katuc uñ tagen ma aoc gêjac Apômtau.

Gamôêc gêdêñ ñoc Anôtô gebe ênam aê sa.

Eñ gêngôñ nê gamêñ dabuñ ñalêlôm e gêñô ñoc môêc.

Ma gê taña aêñoc tañiboa, tañ katanğ gangôñ eñ lañônêmña nañ.

<sup>7</sup> Go ôjô gêjam to nom ñawiwic kêsa to kôtêñ-kôtêñgeñ ma lôc ñam kêtênêp e kôjô-kôjôgeñ, gebe eñ totêtac ñandanğ gêmoa.

<sup>8</sup> Jadauñ kêsa eñ lusuawa to ja ñawaô kêsa eñ awasuñ

ma ñamôsi kêpêlanğ anğa ênê kêsa gêja-gêja.

<sup>9</sup> Eñ kêwê undambê sêlilip kêsêp gêmêñ.

Ma tao majanğ gêc eñ akainğ ñalabu.

<sup>10</sup> Eñ mênğêlôb gêngôñ kerub ñaô

to mu ñamagê kêpuc eñ tôñ mênğkelelo gêmoa.

<sup>11</sup> Eñ kêkwa tau auc ña gêsunğbôm.



- Kom ñamajan to tao tokatap-tokatap k  k  m   n   bec auc.
- 12 Tao k  k  m   n   ñawasi auc,  
mago kompoc to jawa   m  n  k  l  pan k  sa.
- 13 Go Ap  mtau k  k  n   n   wapap k  etan   n  ga un-  
damb  .  
Ma L  l  c   n  tau k  k  n   n   awa kompoc to jawa    
k  sa.
- 14 En    k  p   n   ñacjo   n   s  b e s  c s  jam gam  n   ucgen  
s  ja.  
En    k  palip   sic e k  janda   s  ac   lin-  lin.
- 15 G  g  m e gw  c   n  g  dimbob g   c tau sa k  tu aw    
ma nom   n  taon   waka tau sa.  
Gebe a  m Ap  mtau g  jam wamban  
e at  m bu gwec-gwecgen.
- 16 En    k  m  t  c l  ma   n  ga l  l  c m  n  k  kam a   t  n,  
ma g   a   sa   n  ga   samac kap   n   l  l  m.
- 17 En    k  jan  go a   su   n  ga   oc   n  cjo   n  clai n    
to   n  ga   oc gobi, tan n  n   n  clai k  l  l  c a   su  
nan n  n.
- 18   s  ac sebo s  sa d  d  n    g  d  n   oc b  c wapac  n,  
mago Ap  mtau k  puc a   t  n.
- 19 En    k  kam a   sa jakak   gam  n kwalam.  
En    k  saic a   sa kasa gaja gebe t  tac g  wi  n   gac.
- 20 Ap  mtau k  moasin    k  tu lan  cn  m sawan  .  
En g  jam a   sa k  tu lemoc selec  n.
- 21 Gebe a   kasa Ap  mtaun   l  n   apep  
ma kakac tauc su   n  ga   oc An  t  n     n  uc  nagen  
atom.
- 22   n     n  g  lin   mobb gesen   oc int  na auc

- ma kamasuc ênê bin̄su ten̄ atom.
- 23 Aê kasa ñoc lêñ ñapep e en̄ gêlic aê ñajam  
ma gajob tauc ñapep gêdên̄ gên̄nensen̄ aên̄a  
samob.
- 24 Amboac tonan̄ Apôm̄tau kêmoasin̄ aê kêt̄u gamoa  
ñañêñña,  
kêt̄u aê lemoc selecña, tec en̄ mataanô gêlic aê  
jagêdên̄.
- 25 Aôm oc ôwa taôm sa êndên̄ ñac ñajam gebe aôm ñac  
gabêjam.  
Aôm oc ôwa taôm sa êndên̄ ñac bin̄ñanôña gebe  
aôm ñac bin̄ñanôña.
- 26 Aôm oc ôwa taôm sa êndên̄ ñac mansan̄ gebe aôm  
ñac mansan̄,  
mago ñac keso-keso, tec oc ôtôt taôm êndên̄ en̄  
e êtakê.
- 27 Aôm kotoc lau maten̄ jali sa ñapep  
ma kôkônin̄ lau maten̄ waô tôn̄.
- 28 Aôm kôtun̄ ñoc ja kêpô gamên̄ ñajam.  
Apôm̄tau, ñoc Anôtô, gêgôm ñoc ñakesec ñawê  
kêsa.
- 29 Bin̄ñanô, aôm embe ôwin̄ aê oc jalêti lan̄ôc êlac  
ñoc ñacjogen̄ jana.  
Ñoc Anôtô embe êwin̄ aê oc jamboan̄ jangêli  
(ñoc ñacjonên̄) tun̄bôm.
- 30 Anôtô tonan̄ tec gêjam gôlin̄ gên̄ samob toma-  
lagen̄.  
Apôm̄taunê bin̄ ñakên̄kên̄. En̄ kêt̄u lau samob,  
tan̄ sê lamu en̄ nan̄, nên̄ lautuc.
- 31 Gebe anôtô ten̄ oc êmoa ondoc, Apôm̄tau en̄  
taugen̄goc.

Ma lamuanô tau ten oc êmoa ondoc, aêacnêñ  
Anôtô taugençoc.

32 Anôtô tau tonan tec kêjandin aê tônia ña ñaclai  
to gêjam ñoc intêna gebe ockain êndin gêñ ten  
atom.

33 Ñac tonan kêkêñ aê kasêlêñ ñagaô katôm isom.  
En ketoc aê kakô ñoc lôc ñamoatêc ñaôgenj.

34 En kêdônia lemoc sinña,  
tec lemoc jakêka talam ñamadi ñajaña.

35 Aôm gôsuj nêñ lautuc êpin aê aucña to nêñ  
anônia kêpuc aê tônia.

Aômnêñ moasin ketoc aê sa.

36 Aê kasêlêñ e aôm kômasan ockain ñamala ñapep  
gebe japô oçgêsu ôkwi atom.

37 Aê kajanda ñoc ñacjo e gaê êsêac tônia  
ma panpan jagasen êsêac popoc.

38 Aê kamakin êsêac e têtú motam su ma dêdi sa  
kêtiam atom.  
Êsêac sêc ockain ñalabu.

39 Aôm kôjandin aê ña ñaclai gebe janac sin ñanô  
binñanôçoc.

Aôm kôkônin ñoc ñacjo tônia e ockain kaka êsêac  
tônia.

40 Aôm kôkêñ aênoc ñacjo sêc aê sêja.

Aê gasen êsêac samob, tan sêkêñ kisa gêdên aê  
nan su.

41 Êsêac sêmôêc, mago nêñ ñac-ênám-êsêac-sawaga  
ten gêmoa atom.

Sêmôêc gêdên Apômtau, mago en kêkêñ taña  
êsêac atom.

42 Aê kadaba êsêac sa kêtôm mu kelelo kekop.

Aê kakip êsêac sa kêtôm sêpiŋ bôc-kêpêc sa  
aŋga malacluŋ ma sêbaliŋ siŋ.

43 Aôm gôjam aê sa aŋga siŋ tomôkê-tomôkê e kôkêŋ  
aê katu lau samuc nêŋ gôliŋwaga.

Lau taŋ sêjam kauc aê naŋ, tec sêjam sakiŋ aê  
sêmoa.

44 Lau jaba sêŋô aê ŋawaegen ma taŋeŋ wamu  
êndêŋ aê.

Êsêac latuŋi tetoc aê sa.

45 Lau jaba latuŋi katuŋ gêjaŋa  
ma sêsuŋ taŋ tênp-tênpgeŋ sêsa aŋga nêŋ  
tuŋlêlôm sêmêŋ.

46 Apômtau gêmoa mata jali. Aoc êoc ŋoc lamu.

Aê jatoc ŋoc ŋacmoasiŋ Anôtô sa.

47 Anôtô tau tec kêpuc aê tôŋ e kakac ŋoc kamocgôc.  
Eŋ kêkôniŋ malac-malac tôŋ sêsô ŋoc gôliŋ  
ŋalabu.

48 Ŋac tonan tec gêjam aê kêsi aŋga ŋoc ŋacjo, taŋ  
ŋaclai sec naŋ, nêŋ to kêpuc aê sa jakatu ŋoc  
gobi nêŋ ŋatau.

Ŋac tonan tec gêjam aê kêsi aŋga ŋaclai sec nê.

49 O Apômtau, amboac tonan jalambiŋ aôm aŋga  
lau samuc ŋalêlôm  
ma jaŋga wê êpi aômnêm ŋaê.

50 Aôm tonan tec kotoc nêŋ kiŋ sa ŋanô ma kôtôc  
nêŋ têmtac gêwiŋ teŋgeŋŋa gêdêŋ nêŋ ŋac  
goeŋ oso eŋŋa  
gêdêŋ aê Dawid to ŋoc gôlôac geden tôŋgeŋ.

Apômtaunê sakinwaga Dawid kêsôm binj tonec gêdêñ Apômtau gêjam enj kési anja Saul lêma ma ênê njacjo njagêdô nêñ.

## 19

### *Anôtônê koleñ to binjsu*

- 1 Undambê kêwaka Anôtônê wae sa  
ma umbonj gêjac enj lêma njakoleñ njaminj.
- 2 Gelenja tenj kékêñ binj tau njawae gêdêñ gelenja tenj.  
Ma gêbêcauc tenj gêwa kauc sa gêdêñ gêbêcauc tenj.
- 3 Sêsôm binj atom ma sêsam njalô tenj lasê atom.  
Lau sêñô êsêac awenj atom.
- 4 Mago êsêac awenj kêsa  
gêjam nom njagamêñ samob auc.  
Ma nêñ binj kêsa e jagêdêñ nom njamadinj.  
Enj gê oc njabec tenj anja tônê.
- 5 Oc tau tonanj kêtôm sagu togêlônjenj kêsa gêmênj  
anja nê andu  
ma kêlêti kêsa nê lêñ kêtôm njac lai tenj totêtac njajamgenj.
- 6 Kêpi anja umbonj njamadinj tenj ma kêlêti e jakêsêp njamadinj tenj  
ma gêñ tenj gêc ênê njandanj su atom.
- 7 Apômtaunê binjsu mansanj kêlau katunj.  
Apômtau gêwa nê binj sa jagêdêñ ma kékêñ lau meloc-meloc têtû lau tokauc.
- 8 Apômtaunê jatu e jakêtôm ma gêgôm nêñ njalêlôm e njajamanô.  
Apômtaunê binjsu e njakêñkêñ lanjwageng, tec kêpô aêac materjanô.

- 9 Tatêc Apômtau tonêḡ ḡalêlôm ḡawa ênêc enden tōḡgeḡ.  
 Apômtaunê mêtôc tau ḡanô ma jagêdêḡ samob.
- 10 Biḡsu tau tonan ḡanô kêlêlêc gold, kêlêlêc gold, tan sêpac e ḡanôgeḡ kêjalin tau sa nan su.  
 Biḡsu tonan ḡakana ḡajam kêlêlêc lêp to ḡatêkwi, tan kêpoac ḡaobo nan su.
- 11 Biḡsu tonan kêtu nêḡ sakinḡwaga nê puc.  
 Lau tan sêmansan nan, oc têtap ḡamoasin taêsam sa.
- 12 Ojae, asa oc taê ênam nê geo tomalagen samob.  
 Amboac tonan ôsuc ḡoc keso, tan tauc ḡajam kauc nan okwi.
- 13 Ojop nêḡ sakinḡwaga gebe etoc tau sa atom.  
 Biḡ jatoc tauc sanḡa ênam ḡolin aê atom.  
 Go jamoa lanḡôcnêḡ sawagenḡ.  
 Jawê kainḡ biḡ kapôêḡ teḡ atom.
- 14 Ôḡô aocsunḡ ḡabinḡ ḡajam ma biḡ, tan ḡoc ḡalêlôm taêc ḡêjam nan, êndêḡ aôm êwac.  
 O Apômtau, ḡoc lamu to kêsiwaga ḡanô aôm.  
 Dawidnê pesalem teḡ.

## 20

### *Mec taku ḡacjo tulunḡa*

- 1 Apômtau êkêḡ tanḡa aôm êndêḡ bêc ḡêḡwapacḡa.  
 Jakobnê Anôtô nê ḡaê êtu lautuc aôm.
- 2 Eḡ ênam aôm sa anḡa gamêḡ dabun to êpuc aôm tōḡ anḡa Sion.
- 3 Eḡ taê ênam aômnêḡ da samob.  
 Ma nêḡ daja ênac eḡ mataanô ḡajam.

- 4 Eñ êkêñ gêñ, tañ nêñ ñalêlôm taê kêka nañ, ñanô êsa.  
Eñ êkêñ aôm ôñgôm gêñ samob, tañ taêm gajam nañ, e ônac dabîñ.
- 5 Embe ôku nêñ ñacjo tulu, aêac oc ôliñ api toôndugen, oc andaiñ obokêam asam aêacma Anôtônê ñaê.  
Apômtau êkêñ gêñ samob, tañ koteñ nañ, ñanô êsa.
- 6 Galoc tec kajala gebe Apômtau gêjam nê ñac, tañ señ oso eñ nañ sa.  
Eñ kêkêñ taña eñ aña nê undambê dabuñ. Nê anôña aku ñacjo tulu toñaclaigen.
- 7 Lau ônê ñai-ñai samob taêñ kêka nêñ kareta siñña to hos,  
mago aêac tec taêñ kêka aêacnêñ Apômtau Anôtô nê ñaclai.
- 8 Êsêac tê sêku sa sêsêp jasêc,  
mago aêac gacgen bônđagi añgen akô ñajaña.
- 9 O Apômtau, ôkêñ kiñ tau êku nê ñacjo tulu.  
Ôkêñ tañam aêacmêñma môêc.  
Dawidnê pesalem teñ.

## 21

### *Aweñ gêoc Anôtô kêtú kêku ñacjo tuluña*

- 1 O Apômtau, kiñ têtac ñajam kêtú kôpuc eñ tôñña ma ôli kêpi ñanô gebe aôm gôjam eñ sa.
- 2 Biñ tañ nê ñalêlôm taê gêjam nañ, gôgôm ñanô kasa to biñ, tañ gêdôôlic kêsôm lasê nañ, gôgôm kêtú tôñ.

- 3 Aôm gôdêñ en jakômoasiñ en ñanôgen.  
Aôm kôkêñ en kêkuc sunsun gold ten.
- 4 En keten aôm gebe êmoa mata jali, tec gôgôm kêtú tôñ,  
gebe gôjac têku ênê jala ma gêmoa e ñêngeñ su.
- 5 Aôm gôjam en sa, tec nê-wae kêtú kapôên.  
Aôm kôgêlôñ en ña ñawasi to kôwaka en sa.
- 6 Aôm kotoc en sa kêtú moasiñ ñamôkê ñanô.  
Aôm gômoa gôwiñ en, tec gégôm en têtac ñajam kêsa.
- 7 Kiñ taê kêka Apômtau  
ma Lôlôc Natau nê têtac gêwiñ tengeñña êpuc en tôñ ma êku atom.
- 8 O kiñ, lêmam oc ôlô nêñ ñacjo samob tôñ.  
Nêñ anôña oc êtap samob, tañ sêkêñ kisa aôm nañ sa.
- 9 Aôm embe ojoc taôm lasê,-oc ôndamba êsêac êtôm ja geñ oba.  
Apomtau têtac ñandan oc êndanğôñ êsêac ma ja oc êniñ êsêac su.
- 10 Kiñ oc enseñ êsêacnêñ wakuc anğa nom su  
ma oc enseñ nêñ gôlôac anğa ñamalac ñalêlôm su.
- 11 Êsêac embe sêniñ oliñ sec êtu aômña me taên ênam gebe sênsau sêôc aôm,  
oc sêngôm gênlêlôm elê mê.
- 12 En oc êpê êsêac ña nê sôb  
ma êôc êsêac ôkwi e sêc.
- 13 O Apômtau, ômôên tonêñ ñaclaigen,  
ec aêac alanem to alambiñ aôm nêñ ñaclai.



Dawidnê pesalem ten.

## 22

### *Tariboa to wê lambiņņa ten*

- 1 O ŋoc Anôtô, o ŋoc Anôtô, amboac ondoc gôwi aê siņ  
ma kôkô jaêc ŋoc taņi ônam aê saņa.
- 2 O ŋoc Anôtô, aê aoc gêjac aôm gêdêņ gelenņa,  
mago gôjô aê aoc atom.  
Ma gêdêņ gêbêc, mago ŋoc ŋalêlôm kêtu malô  
atom.
- 3 Mago aôm ŋac dabuņ.  
Aôm gôngôņ Israelnê wê lambiņņa ŋaô kêtu  
nêm lêpôņ.
- 4 Aôm tonanј tec aêac tamenјmai sêkêņ materņ.  
Sêkêņ materņ aôm, tec gôjam êsêac sa.
- 5 Êsêac sêmôêc gêdêņ aôm ma gôjam êsêac kêsi.  
Êsêac sêkêņ materņ aôm e gôgôm êsêac majenј  
kêsa atom.
- 6 Aê katôm ŋamalac atom, katôm moacêņgic.  
Lau sêsu aê susu ma ŋamalac lanôņ gelo aê.
- 7 Lau samob, taņ sêlic aê naņ, têtanј pêlê aê.  
Sêņala to têdainј gêsunј aê gebe
- 8 “Ŋac tau tonanј gêsunј tau gêdêņ Apômtau, tec  
Apômtau akôc eņ samanј.  
Apômtau têtac gêwiņ eņ, tec ênam eņ kêsimanј.”
- 9 Aôm tonanј tec kôkôc aê aņga tinoc têtacêlêlôm,  
gojob aê ŋapep ma gainј tinocnê su tôņ.
- 10 Tinoc kêkôc aê su ma aôm gôjam jaom aê ŋapanј.  
Gêdêņ aê katu awê naņ, aôm kôtu aêņoc Anôtô.
- 11 Ômoa jaêc aêma atom

gebe gêjwapac mênkêdabinj ma gêjam-sawaga  
teŋ gêmoa atom.

- 12 Bulimakao kapoac taêsam sêkôm aê auc.  
Bulimakao kapoac Basanŋa toŋaclai sêgi aê  
auc.
- 13 Gêj tau sêŋa awenj gêdêj aê  
kêtôm lewe kêtanj gebe êkaku gêj popoc.
- 14 Aê gawê amboac labi.  
Aêjoc ŋatêkwa samob kêsus.  
Aêjoc ŋalêlôm kêtôm lêp  
ma gêwê gêc ŋoc wanlêlôm.
- 15 Aêjoc koclabenj ŋakelenj kêsa amboac ku ŋasaboac  
ma imbeloc kêsap lôcboam tôj. Ma kôkôninj aê  
tôj gaêc gêmacanô ŋakekop ŋalêlôm.
- 16 Ojae, kêam sêgi aê aucgoc. Secwaga toŋ teŋ sêwa  
aê auc  
ma sêkim lemoc to octapa lasê.
- 17 Ŋoc ŋatêkwa samob gêc awêgenj.  
Êsêac matenj gê aê e gêjac matenjanô ŋajam.
- 18 Êsêac sêjac sam ŋoc ŋakwê gêdêj tauj.  
Ma sêpuc kapoac kêtus ŋoc ŋakwê baliŋŋa.
- 19 O Apômtau, ômoa jaêc aêma atom.  
O ŋoc ŋaclai, mênônjam aê sa sebenj.
- 20 Ônam aê kêsi anjga sinj  
ma ônam aê sa anjga kêamnêj gebe jamoa ma-  
toc jali.
- 21 Ônam aê sa anjga lewe awasunj  
ma ojop aê êndêj bôcgabunj ŋajabo.
- 22 Aê jasôm nêj ŋaê lasê êndêj ŋoc lasitêwai

- ma jalanem aôm jakô gôlôac ñalêlôm.  
 23 Amac tañ atêc Apômtau nañ, alambinñ eñ.  
 Amac samob, tañ aña Jakobnê gôlôac nañ,  
 atoc eñ sa.  
 Amac samob, tañ nê m ñam kêsêp Israel nañ,  
 anac tênêp eñ.
- 24 Gebe eñ mataanô geo gala to gêjam dê mômê  
 ñac ñalêlôm sawa, tañ kêpô lêna tau nañ atom.  
 Eñ gêsañ lañôanô auc gêdêñ eñ atom.  
 Apômtau kêkêñ taña eñ gêdêñ tañ gêmômêc  
 gêdêñ eñ nañ.
- 25 Aôm kôtu ñoc lambinñ, tañ kês a gôlôac kapôêñ  
 ñalêlôm nañ ñamôkê.  
 Ñoc binñ, tañ gajac mata nañ, gabe jangôm êtu  
 tôñ jakô lau, tañ têtêc eñ nañ lañôñnêmña.
- 26 Lau ñalêlôm sawa oc sêniñ gêñ e êôc êsêac tôñ.  
 Êsêac tañ sesom Apômtau nañ, oc awenñ êôc eñ.  
 Nê m ñalêlôm êpi-êpi endenñ tôñgenñ.
- 27 Nom ñamadinñ samob oc taêñ ênam binñ tonañ ma  
 sênam tañ okwi dendenñ Apômtau.  
 Lau tomôkê-tomôkê samob oc sêu tañ sênêc  
 eñ lañônêmña.
- 28 Gebe Apômtau eñ kinñ,  
 eñ tec gêjam gôlinñ lau tomôkê-tomôkê samob.
- 29 Lau towae samob aña nom oc sewec êndêñ eñ.  
 Samob tañ têt u kekop nañ, to êsêac tañ lêñ  
 tamac ênduña gêjac êsêac ñawae nañ, oc  
 sewec êndêñ eñ amboac tonañgenñ.
- 30 Lau samob, tañ ocgo mênhsêsa nañ, oc sênam  
 sakinñ eñ.

Ma lau oc têtêku Apômtaunê miñ êndêñ nêñ wakuc.

- <sup>31</sup> Êsêac oc sênac miñ êndêñ lau, tañ teneñi sêkôc êsêac atom tagen nañ,  
gebe Apômtau gêjam êsêac sa. \*

## 23

### *Apômtau kêtú ñoc ñacgejob*

- <sup>1</sup> Apômtau kêtú ñoc ñacgejob,  
tec oc japô lêna gêñ teñ atom.
- <sup>2</sup> Eñ kêkêñ aê kasa tauc sic gaêc gamêñ wale-wale  
to gêwê aê jakalêwan tauc gangôn bumata.
- <sup>3</sup> Eñ kêlau ñoc katuc  
to gêwê aê kasa lêñ ñañêñ kêtú ênê ñañê.
- <sup>4</sup> Ma embe jamoa ñakêlêndin sec ñalabu, oc jatêc  
gêñwapac teñ atom,  
gebe aôm gôwiñ aê. Nêm gun to tôc gêjac aê  
têtac tôñ.
- <sup>5</sup> Aôm gono moasin aê ma ñoc ñacjo sêlic.  
Aôm goeñ oso môkêcapac ña niptêkwi ma kôkêc  
aêñoc gêñ janômña e mêngêc.
- <sup>6</sup> Binjanô, malô to moasin êsap aê tôñ êndêñ bêc  
samob, tañ jamoa matoc jali nañ,  
ma jañgôn Apômtaunê andu totêm-totêm. \*

## 24

### *Kiñ tonawasi*

- <sup>1</sup> Apômtau kêtú nom to gêñ samob, tañ gêjam auc  
nañ ñatau.

---

\* **22:31:** Dawidnê pesalem teñ. \* **23:6:** Dawidnê pesalem teñ.

- Lau taŋ sêngôŋ nom tau e jagêdêŋ ŋamadin  
naŋ, têtû nê gêŋ amboac tonan.
- <sup>2</sup> Eŋ kêsuŋ nom tonan sa kêkô gwêc ŋaô  
ma kêkwê e ŋajaŋa sec kêkô bu ŋaô.
- <sup>3</sup> Asa oc êpi Anôtônê lôc naêtôm.  
Ma asa oc êtôm gebe êkô ênê gamêŋ dabuŋ.
- <sup>4</sup> Ŋac taŋ lêma ŋawasi ma ŋalêlôm ŋakêŋkêŋ  
laŋwageŋ naŋ.  
Ŋac taŋ gêôc tau sa gêdêŋ gêŋdansan atom naŋ,  
to ŋac taŋ kêtôc lêma kêtû geo teŋŋa atom  
naŋ.
- <sup>5</sup> Eŋ oc akôc mec aŋga Apômtaunê.  
Ma Anôtô, taŋ gêjam eŋ kêsi naŋ, oc êwaka eŋ  
sa.
- <sup>6</sup> Lau taŋ sesom eŋ naŋ, nêŋ lêŋ amboac tonan.  
Êsêac taŋ sesom Jakobnê Anôtô laŋôanô.
- <sup>7</sup> O sacgêdôac, asa laŋômanô sa ma katam  
laŋgwaanôac, alêc taôm su  
gebe kiŋ toŋawasi êsô êwac.
- <sup>8</sup> Kiŋ toŋawasi tau asa.  
Apômtau ŋaclai to ŋactêkwa, Apômtau ŋactêkwa,  
taŋ gêjac siŋ naŋ.
- <sup>9</sup> O sacgêdôac, asa laŋômanô sa ma katam  
laŋgwaanôac, alêc taôm su  
gebe kiŋ toŋawasi êsô êwac.
- <sup>10</sup> Kiŋ toŋawasi tau asa.  
Lausiŋ undambêŋa nêŋ Apômtau, ŋac tonan  
kêtû kiŋ toŋawasigoc. \*

---

\* **24:10:** Dawidnê pesalem teŋ.

## 25

*Mec Anôtô ejop to êwê aéac ma êsuc nêḡ sec ôkwiḡa*

- 1 O Apômtau, aé jansuḡ ḡoc katuc sa êndêḡ aôm.
- 2 O ḡoc Anôtô, aé kakêḡ ḡêwiḡ aôm. Ôkêḡ lau sêḡḡôm aé majoc êsa atom ma ôkêḡ ḡoc ḡacjo sêôc ôndu aé atom.
- 3 Samob taḡ sêkêḡ materḡ aôm naḡ, sêḡḡôm êsêac majen êsa atom.  
Lau tagenḡ, taḡ sêkac tauḡ su aḡga aômnmêḡ naḡ, go majen êsa.
- 4 O Apômtau, ôwa nêḡ lêḡ sa êndêḡ aé.  
Ôkêḡ aé jajala nêḡ intênamaḡ.
- 5 Ôndônḡ aé ma ôkêḡ aé jasêlêḡ jasa nêḡ biḡḡanô ḡaintêna, gebe aôm kôtu ḡoc Anôtô ḡêjam aé saḡa.  
Aê kakêḡ matoc aôm kêtôm bêcḡenḡ.
- 6 O Apômtau, taêm ênam nêḡ taêm walô to nêḡ têtmac ḡêwiḡ tenḡenḡa, taḡ ḡêc ḡêdêḡ andaḡḡenḡ e mênḡḡêdêḡ galoc naḡ.
- 7 Taêm ênam ḡoc sec to geo ḡapalêḡenḡa atom.  
O Apômtau, taêm ênam aé êtu têtmac ḡêwiḡ tenḡenḡa to nêḡ moasiḡḡa.
- 8 Apômtau enḡ ḡajam to ḡêdêḡ.  
Amboac tonḡ tec kêdônḡ lau sec sêsa lêḡ ḡêdêḡ.
- 9 Enḡ ḡêwê lau, taḡ sêkôninḡ tauḡ naḡ, sêsa nêḡ lêḡ ḡêdêḡ  
ma kêdônḡ nê lêḡ ḡêdêḡ lau, taḡ sêkôninḡ tauḡ naḡ.
- 10 Apômtau ḡêwê lau, taḡ sêmasaḡ ênê poac to biḡsu naḡ.

Sêsa ênê lêñ têtac gêwiñ tengeñña to biñjanôña.

- 11 O Apômtau, ôsuc ñoc biñ kapôêñ nan ôkwi êtu nêñ ñaêña.
- 12 Ñac tañ kêtêc Apômtau nan, eñ asa.  
Apômtau oc êndôñ lêñ, tañ ñac tau êjaliñ sa nan, êndêñ eñ.
- 13 Eñ tau oc êngôñ tomoasiñ  
ma nê wakuc oc sêwê kaiñ gamêñ tau.
- 14 Lau tañ têtêc Apômtau nan, têtú ênê lau ôliñ andañ eñña.  
Ma eñ géwa nê poac sa gêdêñ êsêac.
- 15 Matoc kêsap Apômtau têtñ  
gebe eñ oc ênu ockaiñ su anga lakô.
- 16 Ôkac taôm ôkwi êndêñ aê ma taêm labu aê  
gebe aê taucgeñanô gangôñ tonoc ñalêlôm ñawapacgeñ.
- 17 Ôngôm ñoc ñalêlôm ñawapac êtu gaô  
ma ôngamboac aê su anga ñoc ñandan.
- 18 Taêm ênam ñoc ñalêlôm ñawapac to biñ, tañ  
kêlênsôñ aê  
ma ôsuc aêñoc sec samob ôkwi.
- 19 Ôlic ñoc ñacjo samob, tañ sêjac aê ñawae nan.  
Êsêacnêñ ñalêlôm kêmoatiñ têtñ aêña.
- 20 Ônam gôliñ katuc ma ônam aê sa.  
Ôkêñ lau sêngôm aê majoc êsa atom gebe aê  
gaê lamu aôm.
- 21 O Apômtau, biñgêdêñ to gêñ mansañ êkôm aê auc,  
gebe aê kakêñ matoc aôm ñapan.
- 22 O Anôtô, ônam Israel sa

anġa nêġ ġêġwapac samob ŋalêlôm. \*

## 26

### *Ŋac mansaġ teġ nê mec*

- 1 O Apômtau, nêġ mêtoċ êwaka aê sa ġebe ġawê  
biġ ŋakaiġ teġ atom ġebe aê kasa ŋoc lêġ  
laġôċnêġ sawaġeġ  
to taêċ kêċa aôm ŋaġêġeġeġ.
- 2 O Apômtau, ônsaê aê ma ôġala aê.  
Ômbêlêġ ŋoc ŋalêlôm e ômbi lêteġeġ.
- 3 ġebe nêġ têġtac ġêwiġ teġeġeġa ġêġac aê matoc  
su ġedeġeġ tôteġeġ  
ma kasa nêġ lêġ ŋaġêġeġ ŋaġaġ.
- 4 Aê ġaġġôġeġ ġawiġ lau kesowaga atom.  
Ma ġajaċ biġ ôċwi ġêdêġeġ kalomteġa atom.
- 5 Aê ġadec secwagaġeġeġ sêċac taunġ saġa  
to ġajaċ jaê lau ġeowaga.
- 6 O Apômtau, aê kakwasiġ lemoc ŋabiġ masiġeġeġ.  
Ma ġasêlêġeġ ġaġi nêġ altar amboac tonanġeġeġ  
tec ġamôa.
- 7 ġebe ġanam danġe aôm ŋa aoc ġapôteġeġ  
Ma ġasôm aômġnêġeġeġ ġêġsêġa samob ŋawae lasê.
- 8 O Apômtau, aê têġtac ġêwiġ nêġ andu ŋamala,  
ġamêġeġ taġ nêġ ŋawasi ġêġam auc naġ.
- 9 Ôtiġeġ ŋoc ġatuc siġ êwiġ lau secwaga nêġeġeġ atom.  
Ma ôlic ênaġa êwiġ lau-sêġac-ŋamalac-ênduwaga  
nêġeġeġ atom.
- 10 Lau tonanġeġeġ lemeġeġeġ siġ-dec kêġsap tôteġeġ.

---

\* 25:22: Dawidnê teġeġ.



Ma sêmêgôm awa ñalêsina kêsêp lemen anôña  
e mêngec lanjwagen.

- 11 Ma aê kasa ñoc lêñ tobiñ masigen.  
O Apômtau, ônam aê kêsi to taêm labu aê.  
12 Ockain tec kaka gamên ñatapa ñajam tôn.  
Lau embe sêkac tauñ sa, oc sêlambiñ Apômtau.  
\*

## 27

*Apômtau kêtú ñoc Ja to ñoc moasin*

- 1 Apômtau kêtú ñoc ja to ñoc moasin, amboac tonañ  
oc jatêc asa.  
Apômtau kêtú katucnê lamu, amboac tonañ oc  
jaê go asa.
- 2 Lau sec embe sênac aê gebe senseñ aê su,  
go êsêac, tañ têtú ñoc soño-soño to ñoc ñacjo  
nañ, sêka selelec e sêu tauñ.
- 3 Siñwaga taêsam embe sênji aê auc, oc ñoc ñalêlôm  
ñatutuc atom.  
Ma êsêac embe sênac siñ êndên aê, oc têtac êpa  
sugen.
- 4 Aê katen gên tagen gêdên Apômtau ma ñoc ñalêlôm  
kêkac aê biñ tagen tonecña  
gebe janğôn Apômtaunê andu êtôm ñoc bêc  
jamo matoc jaliña samob  
gebe jalic Apômtaunê ñajam  
ma jaten enj gebe êwê aê.
- 5 Gebe êndên bêc ñawapacña enj oc êsin aê janğôn ênê  
bec ñalêlôm.

---

\* 26:12: Dawidnê teñ.

- Ênê bec ñagadê oc ênsañ aê auc. Eñ êsuñ aê sa najaka poc ñajaña tôñ.
- 6 Amboac tonañ tecbeloc anğenñ êndênñ ñoc ñacjo, tañ sêgi aê auc nañ.  
Aê gabe jakênñ da anğa ênê bec ma jakênñ toôndugenñ. Aê jañga wê ma janam êndênñ Apômtau.
- 7 O Apômtau, ôkênñ tañam aê gebe aoc gêjac aôm kapôênñ.  
Taêm walô aê ma ôkênñ tañam aêmanñ.
- 8 Aôm kôsôm gebe “Ansom aê.”  
“O Apômtau, amboac tonañ tec gabe jansom aôm.”
- 9 Ôsiñ lañôm aê atom ma ôtiñ nêm sakiñwaga su totêmtac ñandanña atom.  
O ñoc kêsiwaga Anôtô, aôm kôtu ñoc gêjam-sa amboac tonañ ôtiñ aê su to ônac kapoac aê atom.
- 10 Tinoc agêc tamoc sêwi aê siñ su,  
mago Apômtau oc êkôc aê sa.
- 11 O Apômtau, ôtôc nêm intêna êndênñ aê ma ôwê aê jasa gamênñ tapa ñajam.  
Ôngôm êtu ñoc ñacjoña.
- 12 Ôwi aê siñ jandênñ biñ, tañ ñoc ñacjo sêkic nañ atom.  
Gebe biñ-gêgawaga dêdi sebe sênac aê ma sêjac tênêp gebe senseñ aê su.
- 13 Aê kakênñ gêwiñ  
gebe jalic Apômtaunê ñajam anğa gamênñ sêngônñ matenñ jaliña.

- 14 Ôkêñ matam Apômtau totêmtac êpa sugen ma tonêm ñalêlôm samucgen.  
Ôkêñ matam Apômtaugen.\*

## 28

### *Mec Apômtau ênam aéac saña*

- 1 O Apômtau, aé aoc gêjac aôm gebe ñoc lamu aôm.  
Lanôm elo ma ônam taôm tôñ aé atom,  
gebe aôm embe ênam taôm tôñ aé,  
aé oc jatôm lau, tañ sêsêp sê sêja e lanômê  
nañ.
- 2 Embe jamôêc êndên aôm ma jaôc lemoc sa êndên  
nêm lôm ñagamên dabunșêga,  
nañ ôkêñ tañam ñoc tañiboa.
- 3 Ôtiñ aé su jawiñ lau, tañ sêkac tauñ su anğa  
Anôtônê nañ, to lau alôb-alôbwaga atom.  
Gebe lau tonañ nêñ ñalêlôm keso ma sêbanac  
biñ gêdên nêñ lau jaban êsêacña.
- 4 Ôkêñ ñagêjô êndên êsêac êtôm nêñ gêñ, tañ sêgôm  
to sêjac lau matenânô aucña nañ.  
Ôkêñ ñagêjô êndên êsêac êtôm gêñ, tañ lemen  
sêgôm nañ, ôkêñ gêñ tau ñagêjô êndên êsêac.
- 5 Gebe êsêac maten gêdiñ Apômtaunê gôliñ to gêñ,  
tañ lêma gêgôm nañ atom.  
Amboac tonañ oc ensen êsêac su e ênam êsêac  
sa êtiam atom.
- 6 Aoc êôc Apômtau  
gebe eñ kêkêñ taña ñoc tañiboa kapôên.
- 7 Apômtau kêtú ñoc ñaclai to ñoc lautuc.  
Ñoc ñalêlôm kêsap engen, tec gêjam aé sa.

\* 27:14: Dawid gêga.

Amboac tonan ꞑoc ꞑalêlôm gegen aê sa  
samucgen  
gebe janꝓa wê danꝓa êpi en.

<sup>8</sup> Apômtau kêtû nê lau nêꝓ ꞑaclai  
to kêtû nê ꞑac, taꝓ sen oso en nan, nê lautuc.

<sup>9</sup> Ônam nêꝓ lau sa to ônam mec nêꝓ gêꝓlênsêꝓman  
ma ojop to ôsip aêac sa enden tôneꝓ. \*

## 29

*Ôsic to wapap kêwaka Apômtaunê wae sa*

<sup>1</sup> O lau undambêꝓa, awem êoc Apômtau  
ma alanem ênê ꝓawasi to ꝓaclai.

<sup>2</sup> Awaka Apômtaunê ꝓaê ꝓawae sa.

Au taôm togêlôꝓ dabuꝓ anêc Apômtau  
lanônêꝓ.

<sup>3</sup> Êsêac sêꝓô Apômtau awa anꝓa gwêc.  
Ma ênê awa kêdôꝓ tau gêsac gwêc.

<sup>4</sup> Apômtau awa kêtaꝓ tonꝓaclai.

Apômtau awa ꝓadindiꝓ kaiꝓ tenꝓ.

<sup>5</sup> Apômtau awa, wapap tau, gêjac kaseda.

Apômtau gêjac kaseda, taꝓ kêkô Lebanon nan  
popocꝓoc.

<sup>6</sup> En gêgôm lôc Lebanon gêboan amboac bôclatu.

Ma Hermon amboac bulimakao ꝓalatu.

<sup>7</sup> Apômtau awa kêkêꝓ jawaô kêbêlan

sinsen-sinsen kêsa maken-makenꝓ.

<sup>8</sup> Apômtau awa kêlêndiꝓ gamêꝓsawa e kêtênêꝓ lasê.

---

\* 28:9: Dawidnê tenꝓ.

- Apômtau kêkôjôc gamênsawa Kades.  
 9 Apômtau awa kêwiwic kamem to giñ kalaka walôña e kêsêlô su.  
 Ma samob, tañ sêngônê nê andu nañ, sêoc lam-biñ enj gebe ñataugoc.
- 10 Apômtau gêjam gôliñ gwêc ñagêdimbob.  
 Enj gêngônê nê lêpônê kiñña geden tòngeñ.
- 11 Apômtau êpuc nê lau tònmañ.  
 Apômtau ênam mec nê lau ña biñmalô. \*

## 30

### *Mec dangeña tenj*

- 1 O Apômtau, aê gabe aoc êoc aôm gebe gôjam aê kêsi.  
 Ma kôkêñ aêñoc ñacjo têtú samuc kêtú aê gajañaña atom.
- 2 O Apômtau ñoc Anôtô, aê gamôêc gêdêñ aôm gebe ônam aê sa.  
 Ma aôm kômoasiñ aê, tec aê ñajam kêsagoc.
- 3 Apômtau, aôm tec gôwê ñoc katuc aña lamboam kêpi gêmêñ.  
 Aôm gômôêc aê tônj mênjkôkêñ aê matoc jali kêsa kêtiam gebe jaêc su jasêp sêlêlôm jana atom.
- 4 Amac lau mansañwaga, awem êoc Apômtau.  
 Ma alanem ênê ñaê dabuñ.
- 5 Gebe enj têtac ñandañ olañ-olañ atom.  
 Ma nê moasiñ ênêc endenj tòngeñ.
- Êmbêc tatanj tañiboa  
 ma elenj ôliñ êpi-êpigenj.

\* **29:11:** Dawidnê pesalem tenj.

- 6 Aê tec taêc gêjam e gwala kêpa su  
gebe “Oc jaku atomanô.”
- 7 O ñacmoasiñ Apômtau, aôm kôwaka aê sa ganğôn  
ñoc malac ñajana.  
Ma gôsañ lanğomanô auc gêdên aê e katakê.
- 8 O Apômtau, gêdên tonañ aoc gêjac aôm  
ma katanğ gêdên ñoc Anôtô.
- 9 “Aê embe jamac êndu ma jasêp sê jana,  
oc êmoasiñ aôm amboac ondoc.  
Kekop oc etoc aôm sa  
ma êwaka nêm lên to nêm binğ ñañên sa êtôm  
me.
- 10 O Apômtau, ôkênğ tanam aê to taêm walô aê.  
O Apômtau, ôtu ñoc ônam-aê-sawaga.”
- 11 Aôm gôjam ñoc gêñwapac ôkwi kêtü wê.  
Aôm kôkac ñoc abec su ma kôkênğ têtac ñajam aê  
kajandiñ.
- 12 Amboac tonañ aê janam tauc tônğ atom. Aê  
jalambinğ aôm.  
O Apômtau, ñoc Anôtô, aê gabe janam danğe  
aôm endenğ tônğenğ. \* nanğ.

## 31

*Mec Anôtô ênam aêac sa êndênğ noc gêñwapacña*

- 1 O Apômtau, aênoc lam u aôm. Ôwi aê sinğ amboac  
ñac gêbac atomanô.  
Ônam aê sa êtu aômñêm binğêdênğñagenğ.
- 2 Ôê tanam aê  
ma mênğônam aê sa sebenğ.

---

\* **30:12:** Dawidnê pesalem, tanğ gêga gêdênğ sêjac kawi lôm dabunğ

Ôtu ñoc poclabu ôngandê aê  
ma ñoc tuntêna gebe ôpiñ aê auc.

<sup>3</sup> Aôm tec kôtu ñoc poclabu to tuntênegoc.

Aôm oc ôkam to ôwê aê êtu nêmu ñaêña.

<sup>4</sup> Aôm oc wê aê sa anja uc, tañ êsêac sêkic kelecgen  
kêtu aêña nan,  
gebe aôm kôtu aêñoc lamu.

<sup>5</sup> Aê jasakiñ ñoc katuc êndêñ aôm lêmam êwac.

O Apomtau, aôm Anôtô ñanêñ, tec gôjam aê sa.

<sup>6</sup> Aôm têmtac gedec êsêac, tañ sêsap gwam ñaôma  
tôñ nan samucgen,

mago aê matoc kêsap Apômtau tôñ.

<sup>7</sup> Aê oc têtac ñajam ma ôlic êpigen êtu nêmu têmtac  
gêwiñ tenjenña

gebe aôm matam gê aê gêdêñ gangôn jageonja  
ma kôjala ñoc katuc ôluñ-ôluñ ñam.

<sup>8</sup> Aôm gôwi aê siñ kêsêp ñacionê lêma atom.

Aôm kôkêñ aê ockainja kaka gamêñ ñatapa tôñ.

<sup>9</sup> O Apômtau, taêm walô aê gebe gangôn jageo.

Gêñwapac gêgôm aê matocanô ñatalô kêsas e  
katuc to ôlic kêlênim tau.

<sup>10</sup> Ñoc têtam gamoa matoc jalinja samob kêtu  
gêñwapacñagenja gêja

ma katanja tanjiboa kêtôm ñoc jala samob.

Aê tekoc gêbac kêtu gamoa jageonja

ma ñoc ñatêkwa kêtu golonja su.

<sup>11</sup> Ñoc ñacjo samob têtanj pêlê aê

ma ñoc lau, tañ sackapoagêdô gêdêñ tauñ nan,  
sêsu sam su aê.

Ñoc sêlêb embe sêlic aê, oc têtêc aê.

- Lau ten embe têtap aê sa anğa intêna, oc sêc aê.
- 12 Êsêac sêlin aê sin amboac ñac, tañ gêmac êndu su nañ.  
Aê katôm ku ñamoasagac.
- 13 Lau taêsam sêjac bin kesec-kesec gêdêñ taun. Gêñ secsêga kêkôm aê auc.  
Êsêac sêmasañ bin sêwiñ taun gebe senseñ aê su janaña.
- 14 O Apômtau, mago aê tec kasap aôm tôngeñ.  
Aê kasôm gebe “Ñoc Anôtô aôm.”
- 15 Aôm lêmam gôjam gôlin ñoc lêñ.  
Amboac tonañ onam aê sa anğa ñoc ñacjo to lau, tañ sêlês aê nañ.
- 16 Ôkêñ lanômanô êpô nê m sakinwaga.  
Onam aê sa êtu nê m têtac gêwiñ tengeñña.
- 17 O Apômtau, ôwi aê sin amboac gêñ gêbac atom gebe aoc gêjac aôm.  
Ôkêñ lau alôb-alôbwaga têtú gêñ gêbacmañ ma toawenmêgeñ sêsêp lamboam sêna.
- 18 Ômbôc gêdônôlic dansañ auc.  
Êsêac tetoc taun sa ma sêsôm ñac gêdêñ nê bôlêñ palin e sêgôm eñ wae kêtú sec.
- 19 Aôm gôjac nê m moasin sa gêjam sêga kêtú lau, tañ têtêc aôm nañña,  
ma kômoin lau, tañ sê lamu aôm nañ,  
ma lau samob sêlic gêdêñ matenjanô.
- 20 Aôm kôpin êsêac auc ña lanômanô gêdêñ ñamalacnêñ poac.  
Aôm kôsini êsêac ôkwi sêngôn bec ten gebe imbeleñ ênac êsêac atom.



- 21 Aoc gêoc Apômtau,  
gebe eñ kêtôc nê têtac gêwiñ tengeñña gêdêñ aê  
gêdêñ tañ sêgi aê auc sebe sêku aê tulu nañ.
- 22 Aê katêc tauc ñanôgeñ ma taêc gêjam gebe  
“Aôm tec kôtiñ aê su aña lañômnêmña.”  
Mago aôm gônô aênoc tañiboa kapôêñ  
gêdêñ tañ aoc gêjac aôm gebe ônam aê sa nañ.
- 23 Amac akêñ-gêwiñwaga samob, têtac êwiñ  
Apômtau.  
Apômtau gejob lau-ñañêñwaga ma êkêñ ñagêjô  
êlêlêc su êndêñ lau-tetoc-taun-sawaga.
- 24 Amac samob, tañ asaê Apômtau amoa nañ,  
akô ñajaña totêmtac êpa sugen. \*

## 32

*Tamoa totêmtac êpa sugen gebe Anôtô kêsuc nêñ  
sec okwi*

- <sup>1</sup> Aweñ êoc ñac, tañ Anôtô kêsuc ênê sec ôkwi  
to kêgadu ênê geo auc nañ.
- <sup>2</sup> Aweñ êoc ñac, tañ Anôtô taê gêjam ênê keso atom  
ma biñdansañ gêc ênê ñalêlôm atom nañ.
- <sup>3</sup> Gêdêñ tañ gajam tauc tôñ nañ, ñoc ôlicwalô  
gêbacnê  
gebe katan tañiboa kêtom bêcgeñ.
- <sup>4</sup> Gebe lêmam gêsac aê ma kôkôniñ aê kêtôm bêc to  
gelengeñ.  
Ñoc ñalêlôm ñakelenj kêsa kêtôm oc kêpac  
mêckelep e ñakelenj kêsa.

---

\* **31:24:** Dawidnê pesalem tenj.

- 5 Amboac tonañ tec gaoc ɲoc biñ lasê gêdêñ aôm  
ma gasañ ɲoc geo auc atom.  
Aê kasôm gebe “Jaoc ɲoc biñ keso lasê êndêñ  
Apômtau,”  
tec aôm kôsuc ɲoc geo ɲatôp ôkwi.
- 6 Amboac tonañ lau mansañ samob tetenñ êndêñ  
aôm,  
êndêñ têm sêpô lêna taunja.  
Ec embe ɲasamac sec ênsalê auc êmêñ,  
nañ êtap êsêac sa atom.
- 7 Aôm kôtu ɲoc gamêñ jasiñ taucña. Aôm gojob  
gêdêñ tañ gamoa jageo nañ.  
Nêm moasiñ gôjam aê kêsiña kêkôm aê auc.
- 8 “Aê gabe jandôn to jatôc intêna ôsaña êndêñ aôm.  
Aê matoc êndiñ aôm ma jawa aôm.
- 9 Ôtôm hos me donki kaucmê atom.  
Embe gôliñ to gôliñ ɲamôkê êsêp awasuñ atom,  
oc taña wamu aôm atom.” Apômtaunê biñ  
tonañ.
- 10 ɲac alôb-alôb kêtap gêɲwapac taêsam sa.  
Ma ɲac, tañ mata kêsap Apômtau tôn nañ,  
Apômtaunê têtac gêwiñ tengeñña êkwa eñ  
aüc.
- 11 O lau gêdêñac, ôlim êpi totêmtac ɲajamgeñ êtu  
Apômtaunja.  
Ma amac samob, tañ nêm ɲalêlôm ɲañêñ nañ,  
atu samuc toôndugeñ.\*

---

\* **32:11:** Dawid gêga. Pesalem dambu taunja kêtú luagêcña.

## 33

*Lambij êndêj Anôtô, tañ kêkêj to gejob gêj samob nanj*

- <sup>1</sup> O lau gêdêjac, atu samuc Apômtau toôndugenj.  
Lambij gajac lau mansañ jawae.
- <sup>2</sup> Anam danje Apômtau ña gêj wêña.  
Aôc enj sa ña gêj wêña, tañ ñagam lemenlu nanj.
- <sup>3</sup> Anja wê wakuc tenj epi enj.  
Ansaic ñagam êtañ toaligenj.
- <sup>4</sup> Gebe Apômtaunê bij bijñanô.  
Ma gêgôm nê gêj samob ñañêngosu.
- <sup>5</sup> Enj têtac gêwiñ bij gêdêj to bij ñañêj.  
Apômtaunê têtac gêwiñ tenjenña gêjam nom samuc auc.
- <sup>6</sup> Undambê ñanô kêsa ña Apômtaunê bij.  
Ma ñagêlôñ samob tonañ ñanô kêsa ña ênê awajaô.
- <sup>7</sup> Enj gêjac gwêc sa kêpi tagenj amboac kêsêp bu-  
lakôp.  
Enj kêkêj gwec ñagêdimbob kêpoac ñalapsamboam.
- <sup>8</sup> Nom samuc têtêc Apômtau  
ma ñamalac samob, tañ sêngôñ nom nanj, sêuc labu enjenj.
- <sup>9</sup> Gebe enj kêsôm ma gêj ñanô kêsa.  
Enj kêjatu ma gêj tau jakêkô.
- <sup>10</sup> Apômtau gesenj tentenlatunêj poac e ñanô masi.  
Enj kêkô bij, tañ lau samuc sêmasañ nanj auc.
- <sup>11</sup> Apômtaunê poac ênêc endenj tôñgenj.

- Bin tañ en kêmasañ gêc nê ñalêlôm nañ, oc elom gôlôac to gôlôac.
- 12 Awen êôc lau, tañ Apômtau kêtû nêñ Apômtau nañ,  
lau tau, tañ en kêjaliñ sa gebe têtû ênê gêñlênsêm nañ.
- 13 Apômtau kêtuc kêniñ anğa undambê kêsêp gêmêñ.  
En mataanô kêpi ñamalacnêñ latuñi samob.
- 14 Ñac tau gêñgôñ nê lêpôñ ma mata gêdiñ ñamalac samob,  
tañ sêñgôñ nom nañ.
- 15 Ñac tau tonañ tec kêmasañ samob nêñ ñalêlôm.  
Ñac tau tonañ tec mata gêdiñ gêñ samob, tañ êsêac sêgôm nañ.
- 16 Siñwaga taêsam ñasec, mago oc sênam nêñ kin sa atom.  
Ma siñsêlêc ñaclai oc êku ñacjo tulu atom.
- 17 Teñ embe taê êka nê hos siñña gebe êku ñacjo tulu, oc ênsau tau,  
gebe nê hosnê ñaclai tau oc ênam en sa atom.
- 18 Alic acgom, Apômtau mata gê êsêac, tañ têtêc en nañ,  
to êsêac, tañ sêkêñ maten ênê têtac gêwiñ teñgeñña nañ,
- 19 gebe ênam êsêac katun sa êtu sêmac êndu atomña to êôc êsêac, tañ sêmoa maten jali nañ, tôn êndên noc tôbômña.
- 20 Aêacnêñ katun kêtû gwasê Apômtau,  
aêanêñ gêjam-sawaga to aêacnêñ lautuc en.

- 21 Binjanô, aêacnêḡ ḡalêlôm kêtû samuc enḡenḡ,  
gebe aêac takêḡ ḡêwiḡ ênê ḡaê dabuḡ.
- 22 O Apômtau, aômnnêm têmtac ḡêwiḡ tenḡenḡḡa  
mêḡêpi aêac  
êtôm aêac, tec akêḡ matenḡ aôm nec.

## 34

### *Anôtô ḡêjam nê lau, taḡ sêpo lêna tauḡ naḡ sa*

- 1 Aoc êoc Apômtau endenḡ tônḡenḡ.  
ḡabinḡ lanem ênêc aocḡenḡ ḡapaḡ.
- 2 ḡoc katuc etoc tau sa êtu Apômtau ḡa.  
Êsêac, taḡ sêoc ḡêḡwapac naḡ, sêḡô e têtac  
ḡajam êsa.
- 3 Anam Apômtaunê wae êsa awiḡ aê.  
Ma tatoc ênê ḡaê sa selenḡenḡ.
- 4 Aê gamôêc Apômtau ma enḡ kêkêḡ taḡa aê.  
Ma kêḡaḡo aê su aḡga ḡêḡ samob, taḡ katêc  
naḡ.
- 5 Matam ê Apômtau, go têmtac ḡajam êsa  
ma asa tembelam sa ḡapaḡ.
- 6 ḡac ḡalêlôm sawa tonec ḡêrnôêc e Apômtau kêkêḡ  
taḡa enḡ  
ma ḡêjam enḡ sa aḡga nê ḡêḡwapac samob.
- 7 Apômtaunê aḡela kêpiḡ êsêac, taḡ têtêc enḡ naḡ auc  
ma ḡêjam êsêac sa.
- 8 Ansaê ênac awem to ajala gebe Apômtau enḡ ḡac  
gabêjam ḡanô.  
Awenḡ êoc samob, taḡ sê lamu enḡ naḡ.
- 9 Amac taḡ atu Apômtaunê lau dabuḡ naḡ, atêc  
enḡenḡ.

- Gebe êsêac, taŋ têtêc eŋ naŋ, oc sêpô lêna gêŋ  
teŋ atom.
- 10 Lewe ŋalatu taun oc sêpô lêna ma mo oc êjô êsêac,  
mago êsêac, taŋ sensom Apômtau naŋ, oc seso  
gêŋ ŋajam teŋ atom.
- 11 O ŋapalêac, amêŋ akêŋ taŋem aêmaŋ.  
Aê gabe jandôn amac êtu atêc Apômtau ŋa.
- 12 Asa taê gêjam gebe êŋgôn mata jali ŋêŋgeŋ  
ma taê kêka gebe nê bêc ênac têku tau ma êtap  
ŋajam sa.
- 13 Ojop imbêlam êndêŋ biŋ sec  
to gêdômôlic êndêŋ biŋdansaŋ.
- 14 Ônac jaê sec ma ôŋgôm gêŋ ŋajam.  
Onsom biŋ malô ma ôlêtigeŋ e naôê tôŋ.
- 15 Apômtau mata kêsap lau gêdêŋ  
ma kêkêŋ taŋa nêŋ taŋiboa.
- 16 Apômtaunê laŋôanô kêkô secwaga auc  
gebe enseŋ êsêac su e nêŋ lau taêŋ ênam êsêac  
êtiam atom.
- 17 Lau gêdêŋ embe sêmôêc, go Apômtau oc êkêŋ taŋa  
ma ênam êsêac sa aŋga nêŋ gêŋwapac samob.
- 18 Apômtau gêjam tamiŋ lau-ŋalêlôm-popocwaga.  
Eŋ gêjam êsêac, taŋ nêŋ katun ôluŋ-ôluŋgeŋ  
naŋ sa.
- 19 Ŋac gêdêŋ gêôc gêŋwapac taêsam,  
mago Apômtau gêjam eŋ sa gêdêŋ gêŋ tonan ŋai  
samob.
- 20 Eŋ gejob ênê ŋatêkwa samob  
gebe ŋateŋ tulu atom.
- 21 Sec oc ênac ŋac sec êndu.

Ma êsêac, tañ têtac sec êndênj ñac gêdênj nañ,  
oc têtap ñagêjô sa.

- 22 Apômtau gêjam nê sakinwaga nêj katun sa.  
Ma êsêac, tañ sê lamu enj nañ, oc têtap ñagêjô sa  
êjô sec atom. \* meloc kêtê enj e ñac tau kêtin  
enj su gêc gêja nañ.

## 35

*Ñac gaôc gêñwapacña nê mec Anôtô ênam enj sarja*

- 1 O Apômtau, ônac sinj êndênj êsêac, tañ sêjac aê  
semoa nañ.  
Ôku êsêac, tañ sêku aê tulu sêmoa nañ tulu.
- 2 Ôja lautuc to maluku sa  
ma ôndi mênônâ aê samañ.
- 3 Ôkôtênj kêm to ôndainj olo endenj lau, tañ sebe sê  
aê tôj nañ.  
Ôsôm êndênj ñoc katuc gebe “Aê tec gabe janam  
aôm sa.”
- 4 Ôkênj lau, tañ sesom lêj sensenj aê sunja nañ,  
têtu meloc ma sêmbac taun su.  
Êsêac tañ sêkic aênoc binj nañ,  
sênu taun su tomajenjenj sêc sêmu sêna.
- 5 Ôkênj êsêac têtôm jataê, tañ mu kelelo nañ,  
ma Apômtaunê añela êtinj êsêac su.
- 6 Êsêacnênj intêna êtu kesec ma ñalênjô êsa  
ma Apômtaunê añela êjanda êsêac.

- 7 Êsêac sêwa lakô aê kelecgenj

\* 34:22: Dawid gêga gêdênj tañ kepenj tokauc gêdênj Abimelek gebe

ma sêkwê sê gebe aê janac tauc êndu.

<sup>8</sup> Gêṅwapac êtap êsêac sa eb tagenṅmaṅ ma taunṅ sêsêp  
nêṅ lakô, taṅ sêwa kelecgeṅ naṅ,  
e gacgeṅ sênaṅa.

<sup>9</sup> Go ṅoc ṅalêlôm êtu samuc Apômtau  
ma êôc eṅ sa gebe gêjam aê kêsi.

<sup>10</sup> Aê oc jasôm toṅoc ṅalêlôm samucgeṅ gebe  
“Apômtau, asa oc êtôm aôm,  
taṅ kôjaṅgo ṅac gêṅgôṅ jageoṅa su aṅga ṅaclainê  
to kôjaṅgo ṅalêlôm sawa, taṅ gêôc gêṅwapac  
naṅ, su aṅga ṅac, taṅ kêkôninṅ eṅ tôṅ naṅ.”

<sup>11</sup> Imbeleṅ dansaṅ sêsa gebe mêṅsensaṅ aê,  
têtu kênac gêṅ, taṅ gajam kauc ṅam naṅ, gêdêṅ  
aê.

<sup>12</sup> Aê kamoasinṅ êsêac, mago sêkêṅ sec gêjô ṅajam  
e aê katuc gêbac su.

<sup>13</sup> Mago gêdêṅ taṅ gêmac kêtap êsêac sa naṅ, aê kasô  
talukêtu ṅoc ṅakwê.  
Aê gajam dabuṅ mo ma kateṅ ṅoc mec gasaṅ-  
laṅôcanô auc.

<sup>14</sup> Gagôm tauc amboac gagôm kêtu ṅoc ṅac me lasic  
teṅṅa.  
Gaṅgôṅ kapô gaducgeṅ katôm ṅac teṅ ṅalêlôm  
ṅawapac kêtu tênaṅa.

<sup>15</sup> Mago gêdêṅ taṅ aê katu sec naṅ, êsêac sêkac sa  
toôlinṅ kêpigeṅ sebe sêsu aê susu.  
Ma lau, taṅ gajam kauc êsêac naṅ, sêsôm binṅ  
alôb-alôb kêpi aê gedêṅ tôṅgeṅ.

<sup>16</sup> Êsêac têtôm sêsu-susuwaga sêjam aê katu ôwê to  
sêgôm aê katu meloc



ma sêmoênj luŋluŋ gêdênj aê.

- 17 O Apômtau, gobe ôlic gêŋ tonaj e êndênj on-docgen.  
 Ôjanda katuc su aŋga êsêanênj biŋ alôb-alôb.  
 Ônam aê kêsi aŋga lewe matac nêŋ.
- 18 Go janam danje aôm êsêp taêsam sêkac taun sa ŋalêlôm.  
 Aoc êoc aôm êsêp lau taêsam ŋanô tanenŋsunj.
- 19 Ôkênj êsêac, taŋ sêkic aênoc biŋ sêsingênj sêmoa  
 nanj, sêmajec aê atom.  
 Ôkênj êsêac, taŋ sêkênj kisa aê ŋabiŋ masigenj  
 nanj, sêsênic matenj êtu aêŋa atom.
- 20 Êsêac sêsôm biŋ malô-malô atom.  
 Ma sêgôlinj biŋdansaj kêpi gamênj tau ŋalau  
 wapac.
- 21 Êsêac sêpa lawenjenj kêtuj aêŋa ma sêmoêc gebe  
 “Kec, kec  
 taunj matenj anô talic ŋanôgac.”
- 22 O Apômtau, aôm gôlicgac, amboac tonaj ônam  
 taôm tôŋ atom.  
 O Apômtau, ômoa jaêc aê atom.
- 23 Matam jali êsa to ôndi sa gebe ômansaj ŋoc biŋ  
 êtu katô.  
 O ŋoc Anôtô to ŋoc Apômtau, ônam gôlinj ŋoc  
 biŋmaŋ.
- 24 O Apômtau ŋoc Anôtô, aôm ŋac gêdênj. Ômêtôc ŋoc  
 biŋ êtu katô  
 gebe êsêac ôlinj êpi atu aêŋa atom.

- 25 Ôkêñ êsêac sêômac aê êtu biñ, tañ sêpuc boa gêc nêñ ñalêlôm nanña atom gebe “Kec, gêñ amboac tonañ tec aêac taêñ gêjam.”  
 Ôkêñ êsêac sêkêli taun gebe “Aêac asen en sugac” nanñ atom.
- 26 Ôkêñ êsêac samob, tañ ôlin kêpi kêtu ñoc gêñwapacña nanñ, majen to môkêñapac ñawapac êsa acgom.  
 Ôkêñ êsêac, tañ tetoc taun sa gêdêñ aê nanñ, têtù meloc ma majen êkôm êsêac auc.
- 27 Ôkêñ êsêac, tañ sêlic aê ñajam nanñ, taun têtac ñajam to ôlin êpigen.  
 Ma ôkêñ êsêac sêsôm ênêc awêgen gebe” Apômtau en ñac kapôên. En taê gêjam nê sakinwaga gebe êmoa ñajamgen.”
- 28 Imbeloc oc êwaka nêmbiñgêdêñ sa, êngôm waem êtu tapa enden têngen. \*

## 36

### *Lau secwaga nêñ biñ alôb-alôb to lau gêdêñ*

- 1 Ñac alôb-alôb gêñô sec ñaawa anga tau nê ñalêlôm.  
 En gedec Anôtô, tec ketoc en sa atom.
- 2 En ketoc tau sa e taê gêjam kêtu têng gebe  
 Anôtô oc êkip sa to atin en su atom.
- 3 Biñ samob, tañ en kêsôm nanñ, biñ alôb-alôb to biñ dansañ.  
 En gêwi nê gêñ, tañ andanjen gêgôm tokauc ma ñapep nanñ, sin su.

\* 35:28: Dawidnê ten.

4 Eñ kêsa tau sic jagêc nê mê nan taê gêjam biñ alôb-  
alôb.  
Eñ kêsa sec ñalêñ ma lanjô gelo biñ keso tau  
atom.

*Anôtônê moasiñ*

5 O Apômtau, nêmtac gêwiñ tenjenña kapi e  
jagêdêñ undambê  
ma nêmtac biñ ñañêñ kapi e jakêpuc kêpi tao.

6 Aômnêmtac biñgêdêñ kêtôm Anôtônê lôc sêkô ñajana.  
Aômnêmtac mêtôc kêtôm gwêc ñagêdimbob.  
O Apômtau, aôm gôjam ñamalac to bôc sa.

7 O Anôtô, nêmtac gêwiñ tenjenña ñajamanôgoc,  
tec ñamalac latuñi sêlamu aôm magêmtac  
ñajajuñlabu.

8 Aômnêmtac andu ñamoasiñ taêsam gêjac êsêac maten  
su.  
Aôm kôkêñ êsêac sênôm aômnêmtac gêñlêwê ñajam  
ñabu,

9 gebe aôm kôtu dangôñ maten jali ñamôkê.  
Aômnêmtac ñawê kêpô aêac, tec tauñ ajala ñawê  
amboac tonan.

10 Nêmtac gêwiñ tenjenña êmoasiñ êsêac, tan  
sêjala aôm nan,  
to êmoasiñ êsêac, tan sêsa nêñ lêñ tolanôñnêmtac  
sawagen nan.

11 Ôkêñ lau tenbelen angen enkain êka aê tônia atom.  
Ma êsêac, tan sêkac tauñ su anga Anôtônê nan,  
sensoc aê atom.

12 Secwaga seben jasêc  
oc sêndi naeo.

\*

## 37

*Lau-secwaga nêñ ñajam, nan gêñ têlagenña*

- 1 Ôniñ olin êtu lau secwaga atom.  
Ôlim taôm êtu lau-kesowaganña atom.
- 2 Êsêac oc têtù gegon seben amboac gêgwan  
ma sêmêlin amboac gêgwan ñamêdôb.
- 3 Ôkêñ êwiñ Apômtau, ec ôngôm gêñ ñajamgen.  
Ôngôn nêñ gamêñ ma ôngôm gêñ êndêngeñ.
- 4 Ôtu samuc Apômtau.  
Enj oc êkêñ gêñ, tan nêñ ñalêlôm taêm kêka nan.
- 5 Ôsakin nêñ lêñ êndên Apômtau  
ma ôkêñ êwiñ en, en oc êngôm ñajam êsa.
- 6 Enj oc êkêñ aômnêm bin gêdên êpô gamêñ amboac  
ñawê.  
Ma aômnêm bin ñanên ñawê amboac oc kêkô  
ñaluñ.
- 7 Ônam taôm tôñ ômoa Apômtau lanônêm ma ôkêñ  
matam engeñ.  
Ôniñ olin ñac, tan kêtap nê kôm ñanô sa ma  
ñac, tan kêkic launên bin ma gêgôm ñanô kêsa  
nan atom.
- 8 Ojop taôm êndên têmtac ñandan ma ôkac taôm su  
anğa ñalêlôm kêmoatin tôñ.  
Ôniñ olin taôm atom, oc êkalem sec.
- 9 Apômtau oc ensen lau-sêgôm-secwaga su.

---

\* **36:12:** Apômtaunê sakinwaga Dawid gêga.

Ma êsêac, tañ sêkêñ materñ Apômtau nan, oc sêwê kain gamêñ tau.

- 10 Saunğen acgom, go secwaga tau oc malamê ma embe onsom anğa en mala, oc ôtap en sa atom
- 11 Mago lau wapac oc têtú gamêñ ñatau, ma moasinğ oc ênam êsêac auc sêmoa nêñ ñajam.
- 12 Secwaga kêkic ñac gêdêñ nê bin ma gêmôê lulunğ kêtú enñ.
- 13 Mago Apômtau kêômac en gebe kêjala gebe saunğen, go ñac tau ênañ.
- 14 Lau-secwaga sêkac nêñ sinğ sa ma sêkêkam nêñ talam, sebe sensenğ ñac ñasec to ñalêlôm sawa ma sênac êsêac, tañ sêsa nêñ lêñ gêdênğenğ nan êndu.
- 15 Mago acnêñ sinğ oc êmbuc êsêac tauñ nêñ ñalêlôm ma nêñ talam oc tulu-tulugenğ ênañ.
- 16 Ñac-gêdêñ nê waba luagêcgenğ embe ênêc, oc êlêlêc secwaga taêsam nêñ waba ñanô lasê su.
- 17 Lau tañ sêkac tauñ su anğa Anôtônê nan, nêñ lemenğ dambê oc tulu, mago Apômtau oc êpuc lau gêdêñ tônğ.
- 18 Apômtau kêjala lau mansanğ nêñ bêc ma nêñ gêñlênsêc oc ênêc tenğenğ.
- 19 Êndênğ bêc gêñwapacñ oc sêpô lêna tauñ atom. Êndênğ bêc tóbômñ, nan mo oc êc êsêac tônğ.

- 20 Lau tañ sêkac taun su anğa Anôtônê nan, oc sêmbac sênaña.  
Ma Apômtaunê ñacjo oc sênaña amboac ñaola kêsêlô, ma sê su amboac jadaun.
- 21 Ñac sec nê gêñ masi, tec oc ênac launêñ tôp êtôm atom.  
Ma ñac gêdêñ oc êkêñ gêñ totêtac wapômgenj.
- 22 Lau tañ Apômtau gêjam mec êsêac nan, oc sêwê kainj gamêñ êtu nêñ gêñ.  
Ma lau, tañ enj kêpuc boa êsêac nan, oc sênaña.
- 23 Apômtau gêjam gôliñ launêñ lêñ  
ma kêpuc ñac, tañ nê lêñ gêjac enj mataanô ñajam nan tônj.
- 24 Enj embe embenj, oc gacgenj êsêp naênêc atom  
gebe Apômtau kêkam enj gêdêñ lêma.
- 25 Aê ñapalêgenj e katu ñac lanğwa,  
mago galic Apômtau gêwi ñac gêdêñ tenj sinj atomanô. Ma galic nê gôlôac têtanj gêñ tenj atomanô.
- 26 Enj ñac têtac wapôm ma êkêñ gêñ êndêñ lau, tañ tetenj enj nanj.  
Ma nê gôlôac oc têtu moasinj laugenj.
- 27 Ôngaminj taôm êndêñ sec ma ôngôm gêñ ñajamgenj,  
go ômoa nêñ gamêñ tenjenj
- 28 Gebe Apômtau têtac gêwinj binj gêdêñ  
ma oc êwi nê lau mansanj sinj atom.  
Enj oc ejop nê lau gêdêñ sêmoa tenjenj,  
mago lau alôb-alôb nêñ wakuc oc malenjmê.
- 29 Lau gêdêñ oc têtu gamêñ ñatau  
ma oc sêñgônj nêñ gamêñ tau endenj tônjenj.

- 30 Nac gêdêḡ nê awasuḡ kêsôm biḡ tokauc lasê  
ma imbêla kêsôm biḡ jagêdêḡ.
- 31 Nac tau nê Anôtônê biḡsu gêc ênê ḡalêlôm,  
tec kêsêlêḡ kêku kêpac atom.
- 32 Nac keso gêdib ḡac gêdêḡ  
ma taê gêjam gebe enseḡ eḡ su ênaḡa.
- 33 Mago Apômtau kêkô ḡac gêdêḡ auc  
ma embe êmêtôc ênê biḡ, oc êkêḡ eḡ lêwaḡ-  
lêwaḡ atom.
- 34 Ôkêḡ matam Apômtaugeḡ to ôsap ênê lêḡ tôḡ, go  
etoc aôm sa ôtu gamêḡ ḡatau  
ma aôm ôlic eḡ enseḡ lau sec su.
- 35 Aê galic ḡac sec teḡ, taḡ ketoc tau sa ḡanôgeḡ  
e kelenḡ gamêḡ su amboac kaseda Lebanonḡa.
- 36 Mago gêdêḡ taḡ kasêlêḡ jagaô lasê eḡ mala  
kêtiām naḡ, galic eḡ malamê  
ma gasom e katap eḡ sa atomanô.
- 37 Ômoa tobiḡmêgeḡ ma ôsa nêḡ lêḡ êndêḡgeḡ  
gebe Anôtô oc êmoasiḡ lau amboac tonḡa.
- 38 Lau-secwaga samob oc sênaḡa.  
Ma lau, taḡ sêkac taḡsu aḡḡa Anôtônê naḡ,  
nêḡ wakuc oc malenḡmê.
- 39 Apômtau kêtu lau gêdêḡ nêḡ ênam êsêac sa  
ḡamôkê  
ma kêtu nêḡ lamu ḡanô gêdêḡ noc sêpô lêna  
taḡḡa.
- 40 Apômtau kêpuc êsêac tôḡ to gêjam êsêac kêsi.

Enj gêjam êsêac kêsi gêdêñ lau keso ma kêpuc êsêac  
tôñ gebe sê lamu enjen.

\*

## 38

### *Nac ñasec teñ nê mec*

- 1 O Apômtau, aôm têmtac ñandan ma ônac aê atom.  
Têmtac êmoatiñ tôñ ma ôim aê atom.
- 2 Gebe aômnêm sôb keseney aêgac.  
Ma lêmam kêkôniñ aê tôñ ñanô.
- 3 Aôm têmtac ñandan kêkêñ gêmac gêjam ôlic  
samucgen auc.  
Aêñoc geo gêgôm aê ôlic ñagêñlêlôm kêtú masê  
sugac.
- 4 Aêñoc keso gênôm aê auc kêpi e kalêlêc môkêcapac  
su,  
kêkôniñ aê tôñ amboac gêñ wapacsêga teñ.
- 5 Kêtu aê ñac melocña,  
tec ñoc kamoc kêtú kapôêñ e gêmôb.
- 6 Aê kapô gaduc ganğôñ ducgen.  
Aêñoc ñalêlôm ñawapac ma ganôñ kaukac  
kêtôm bêc to gelen.
- 7-8 Lambic gêjac aê secanô.  
Ma gêmac gêjam aê ôlic auc.  
Kasê aoc jamêc-jamêc e tekoc gêbac.  
Ñoc ñalêlôm kêjamuñ aê tec gamôêc.
- 9 O Apômtau, aôm kôjala gêñ samob, tañ gajam aoc  
su nañ,  
ma gôñô ñoc gaen oliñ sapu atom.

\* **37:40:** Dawid gêga tonec.



- 10 Njoc njalêlôm njatutuc njasec. njac lai kêtaij su anja aênjoc  
ma matocanô njawê gêjaņa amboac tonanjen.
- 11 Njoc njac to tawanj sêkac tauj su gêdênj aênjoc  
gêjwapac  
ma njoc lasitêwai sêmoa jaêc aê.
- 12 Êsêac tanj sebe sensenj aê su nanj, sêwa lakô aê.  
Êsêac tanj sebe aê jambac janaņa nanj, sêjam  
kisa aêgenj to sêkic njoc binj kêtôm bêc to  
gelenjenj.
- 13 Ma aê amboac njac tanjasunbic, nanj gêjô binj  
atom.  
Ma amboac njac awamê, nanj gêja awa atom.
- 14 Binjanô, aê katôm njac tenj gêjô binj atomanô  
ma awasuj kêpuc binj su tau atomanô.
- 15 O Apômtau, aê matoc kêsap aôm.  
O njoc Apômtau Anôtô, aôm oc ôjô aê aoc.
- 16 Aê katanj aôm gebe êsêac ôlinj êpi êtu aêja atom-  
manj.  
Embe ockainj êku êpac, nanj êsêac sêsu aê susu  
atommanj.
- 17 Kêdabinj gebe jambenj  
ma taêc gêjam njoc njandanj gedenj tôngenj.
- 18 Ojae, aê jasôm njoc binj lasê acgom,  
gebe njoc njalêlôm kêtuj aê kêtuj njoc secja.
- 19 Êsêac tanj sêkênj kisa aê njômagenj nanj, nêj lai  
kêpoa.  
Ma êsêac, tanj nêj njalêlôm kêmoatinj tôj  
njômagenj kêtuj aêja nanj, lau taêsam njasec.

- 20 Aê tec kasap binj njajam tôn.  
Ma êsêac sêkênj sec gêjô njajam ma sêkênj kisa  
aêgenj.
- 21 O Apômtau, ôwi aê sinj atom.  
Njoc Anôtô, ômoa jaêc aê atom.
- 22 O njoc njacmoasinj Apômtau,  
mênjônjam aê sa. \* têlêacnja.

### 39

*Aênjoc njac tanj gêmoa gêjwapar njalêlôm nanj, gêbu  
tau*

- 1 Aê taêc gêjam gabe jajop njoc lêng njapep  
ma imbeloc ênac binj sec tenj atom.  
Lau sec embe sêmoa aê njagala,  
oc jakênj njagôlinj êsêp aocsunj.
- 2 Amboac tonanj gajam tauc tônj njanênj lanjwagengj  
kakô.  
Ma njoc njandanj kêpônj aê secanô gêc lêlômgenj.
- 3 Njoc njalêlôm gêlanj aê gêc bôcdagi njalêlômgenj ma  
taêc gêjam gamoa e kêlakoc aê amboac ja  
kêpi gêmênj,  
go kapô imbeloc njagôlinj su.
- 4 “O Apômtau, aê oc janjgônj matoc jali e êndênj  
ondoc. Oc jamac êndu êndênj ondoc.  
Oc jamac êndu êndênj ondoc.  
Ôkênj aê jajala tauc gebe aê gêj dalamatê sec.”
- 5 Ojae, kôsaka njoc bêc kêtôm samuc tagengj wagenj,  
matamanô gôlic aênjoc bêc njawalanj njanô  
masi.

---

\* 38:22: Dawidnê pesalem tenj. Pesalem dambu taujnja kêtû

- Namalac samob gêṅ ṅajaô-jaô ṅaômagoc.
- <sup>6</sup> Namalac kêsa nê lêṅ kêtôm gêṅ ṅakatu teṅ. Eṅ  
gêṅ ṅaôma, mago gêgôm gêṅlêlôm kêtû tauṅa  
elê mê.  
Gêjac gêṅ sasa gedenṅ tōṅgeṅ ma asa oc êtu gêṅ  
tau ṅatau.
- <sup>7</sup> O Apômtau, aê oc jakêṅ matoc asa.  
Taêc kêka aôm taômgeṅgoc.
- <sup>8</sup> Ônam aê sa aṅga ṅoc sec samobmaṅ.  
Ôkêṅ lau meloc sêsu aê susu atom,
- <sup>9</sup> Aê jaṅa aoc atom, janam tauc tōṅgeṅ jamoa,  
gebe aôm gôjam gôliṅ ṅoc lêṅ tau.
- <sup>10</sup> Nêm gêṅwapac tec kêsac aê nec, ôkôc su aṅga  
aêṅoc,  
gebe lêmam kêkônîṅ aê tōṅ ṅanô e oc janaṅa.
- <sup>11</sup> Aôm embe ônac ṅamalac teṅ êtu nê sec ṅagêjôṅa,  
oc nê katu ṅajam ênaṅa êtôm abêlônṅ geṅ tau.  
Ojae, ṅamalac samob gêṅ ṅajaô-jaô ṅaômagoc.
- <sup>12</sup> O Apômtau, ôṅô ṅoc mec ma ôkêṅ taṅam ṅoc taṅi.  
Aê galiṅ matocsulu, amboac tonanṅ ônam taôm  
tōṅ atom.  
Gebe aê katu ṅacjaba katôm tamoci samob.  
Ma katu nêm ṅaclenṅ teṅ.
- <sup>13</sup> Ôlêwanṅ aê gebe jasi aoc su acgom,  
go jaêc su e malocmê samucgeṅ. \*

## 40

*Wê lambiṅṅa*  
(Pes 70:1-5)

---

\* **39:13:** Dawidnê pesalem teṅ.

- <sup>1</sup> Aê gaôn Apômtau to gajam aoc su en,  
 ma en gewec mênkékêñ taña ñoc tañi.
- <sup>2</sup> En gê aê sa anga gêsuy ñakêlêndin  
 to anga lemon ñagôlub-gôlub.  
 En kékêñ ockain kaka poc tôñ  
 ma kêpuc ockain tôñ kasêlêñ ñajaña.
- <sup>3</sup> En kékêñ wê wakuc kêsêp aocsuy.  
 Kêdôn wê lambinña ten kêpi aêacnêñ Anôtô.  
 Lau taêsam sêlic e selendec  
 e maten êsap Apômtaugen.
- <sup>4</sup> Aoc êôc ñac, tañ mata kêsap Apômtau nan,  
 ma gêmoa gêwiñ tenbeñ angenwaga atom to  
 kêsa dansantêna nêñ lêñ atom.
- <sup>5</sup> O ma Apômtau Anôtô, aôm gôgôm gêñtalô taêsam  
 kêtú aêacña.  
 Ñac ten kêtôm aôm gêmoa atom.  
 Aôm taêm gêjam lêñ moasiñña taêsam amboac  
 tonañ.  
 Aê embe jawa sa to jasa sa, oc jatôm atom gebe  
 taêsam ñanô lasê.
- <sup>6</sup> Da sêbucña to da kelen gêjac aôm matamanô  
 ñajam atom, mago kômasañ tañocsuy gobe  
 janô bin.  
 Aôm koten daja to da wama atom.
- <sup>7</sup> Amboac tonañ jasôm gebe “Ôlic acgom, oc jawac  
 sêwa aêñoc bin sa gêc bin su ñabuku.
- <sup>8</sup> O ñoc Anôtô, aê janğôm aômnêm bin êtu tôñ janac  
 ñawae.  
 Nêm bin su gêc ñoc ñalêlôm.”

- 9 Aê kasôm aôm gôjam aêac sa ñawae lasê anga lau taêsam sêkac tauñ sa ñalêlôm.  
O Apômtau, aôm taôm gôlicgac gebe aê kagamiñ gêdôcôlic atom.
- 10 Aê gasañ nêmbiñ gôjam lau kêsiña ñawae auc gêc ñoc ñalêlôm atom.  
Kasôm lasêgeñ gebe aôm ñac ñañêñ to gôjam lau sa.
- 11 O Apômtau, amboac tonañ ôngamiñ taêm walô êndêñ aêma atom.  
Nêmbiñ têtac gêwiñ tengeñña to biñ ñañêñ oc êkwa aê auc ñapan.

*Mec ênam sanja*

- 12 Gêñwapac ñalêlêma atom kêgi aê auc.  
Ñac sec kêtap aê sa gêjam aucgeñ.  
Taêsam ñasec kêlêlêc môkêclauñ môkêcapacña su,  
tec gajac kapoac tauc gacgeñ gamoa.
- 13 O Apômtau, ôlic ñajam ma ônam aê sa.  
O Apômtau, ônsaic taômgeñ mênôpuc aê tôñ.
- 14 Êsêac tañ dêdib aê sebe senseñ aê su nañ, ôkêñ êsêac samob majen to tenbelen ñawapac êsa.  
Ôkêñ êsêac, tañ sêkêñ matengeñ sebe aê jatu sec nañ, sêc tomajengeñ sêmu sêna.
- 15 Êsêac tañ sêgôm Kec, kec kêpi aê nañ,  
ôkêñ êsêac têtakê tomajengeñ.
- 16 Ôkêñ êsêac samob, tañ sesom aôm nañ,  
ôliñ êpi to têtac ñajam êsa êtu aômña.  
Ôkêñ êsêac samob, tañ taên kêka aômnêm moasiñ nañ,

sêsôm lasê endenj tònjenj gebe Apômtau ñac towae.

- 17 O Apômtau, aê tec ñac palê-palê to ñac ñalêlôm sawa jamoa naeo, mago aôm taêm gêjam aê. O ñoc Anôtô, ônam gamêñ tòn atom gebe ñoc ônam-aê-sa to ôpuc-aê-tônwaga aôm goc.

\*

## 41

### *Ñac gêmac nê mec*

- 1 Aoc gêoc ñac, tañ gêjam ñac ñasec sa nañ, gebe êndênj gêñwapac ñabec Apômtau oc ênam enj sa.
- 2 Apômtau ejop enj ma êwaka ênê katu sa gebe awenj êoc enj anja nê gamêñ. Ma aôm oc ôpô enj ñabênic su êndênj nê ñacjo, tañ têtú kêka-kêka enj nañ atom.
- 3 Enj embe êmac jaonagenj ênêc, Apômtau oc ênam malô enj. Aôm gôjam ênê gêñwapac samob ôkwi kêtú gaô.
- 4 Aê kasôm gebe “O Apômtau, taêm labu aêmanj. Ômoasinj ñoc katuc gebe aê gagôm geo gêdênj aôm.”
- 5 Ñoc sonjo-sonjo sêjac jatu aê gebe “Êndênj ondoc enj oc êmac êndu ma nê ñaê ênaña.
- 6 Tenj embe êtu ñaclenj aê êmênj, oc êsôm biñ dansañ. Nê ñalêlôm ênac biñ sec-sec sa, gocgo êsa awê naêsôm lasê.

\* **40:17:** Dawidnê pesalem tenj.

- 7 Êsêac samob, tañ nêñ ñalêlôm kêmoatiñ têtê kêtû  
aêña nañ, sêjac biñ kesec-kesec kêtû aêña.  
Êsêac taêñ gêjam biñkalom kêpi aêgeñ gebe
- 8 “Eñ ñac tobiñ kalon-kalon sec,  
teñ embe ênêc amboac tonañ, oc êndi sa êtiam  
atom.
- 9 Ñoc ñac mênbañ, tañ ôlic andañ eñ ma geñ mo  
añga aêñoc nañ,  
tec kêkac akain sa gebe êka aê.
- 10 O Apômtau, taêm labu aê ma ônam aê sa êtiam,  
go jakêñ ñagêjô êndêñ êsêac.
- 11 Ñoc ñacjo embe ôli êpi-êpi êtu aêña atom,  
go aê jajala gebe aôm gôlic aê ñajam.
- 12 Aôm gôjam aê sa kêtû ñoc biñ masigenña  
ma kôkêñ aê kakô aôm lanjômnêmña geden  
têtêgeñ.
- 13 Lambiñ êndêñ Apômtau, Israelnêñ Anôtô  
êndêñ galoc to enden têtêgeñ.

Biññanô, biññanôgoc.

\*

## 42

### *BUKU KÊTU LUAGÊCÑA*

#### *Tanam awen su Apômtauña*

- 1 O Anôtô, aê aocsulu kapa aômña  
amboac bôcgabuñ, tañ awa ececgeñ gebe ênôm  
bu nañ.

---

\* **41:13:** Dawidnê pesalem teñ.

- 2 Njoc katuc n̄aawasulu k̄epa Anôtôḡa, k̄epa k̄etu Anôtô mata jaliḡa.  
 Êndêḡ ondoc oc jasa najalic Anôtônê laḡoanô.
- 3 Galij matocsulu k̄etu njoc mo k̄etôm bêc to gelenḡ, gebe s̄enac aêḡnoc Anôtô ôkwi k̄etôm bêcgenḡ gebe Nêm Anôtô gêm̄oa ondoc.”
- 4 Jakô njoc ḡalêlôm ḡawapac auc atom, taêc ênam biḡ tonecgenḡ gebe gêm̄unḡenḡ gawiḡ lau taêsam ma gawê êsêac gadêḡ Anôtônê andu gaja.  
 Aêac awê tolasê ma toîndugenḡ aja abe akêḡ Anôtônê om.
- 5 O katuc tau, amboac ondoc gôm̄oa njoc ḡalêlôm tobiḡ wapac ma ôluḡ-ôluḡenḡ.  
 Ôkêḡ matam Anôtô gebe aê oc janam danḡe êndêḡ eḡ, taḡ kêsa aê laḡoc sa to k̄etu njoc Anôtô naḡ.
- 6 Njoc katuc k̄epô gêducgenḡ gêm̄oa njoc ḡalêlôm. Amboac tonanḡ tec taêc gêjam aôm gamoa Jordan to lôc Hermon ḡatêpôê ḡagamêḡ tonec.  
 Gaḡgôḡ lôc Misar tonec.
- 7 Bu ḡasamac teḡ gêm̄ôec biḡ gêdêḡ ḡasamac teḡ gêdêḡ taḡ k̄epô kêsêp pocdambê naḡ.  
 Ojae, aôm̄nêm dembom to koteḡ samob gênôm aê aucgoc.
- 8 Gêdêḡ gelenḡḡa gaenḡ oliḡ gebe Apôm̄tau êkêḡ nê moasiḡ êsa ma gêdêḡ gêbêc nê wê gêc aocsuḡ to kateḡ njoc mec gêdêḡ Anôtô, taḡ kêkêḡ aê gaḡgôḡ matoc jali.
- 9 Aê kasôm gêdêḡ njoc poclabu Anôtô gebe  
 “Amboac ondoc kôliḡ aê siḡ.



Amboac ondoc gamoa togêṅwapacgeṅ.

Ma ṅacjo kêkôniṅ aê tònṅ.”

<sup>10</sup> Lau taṅ sêlêsu aêṅa naṅ, têtataṅ pêlê aê  
e sêjamuṅ ṅoc ṅatêkwa popoc-popocgeṅ.

Êsêac têtataṅ pêlê aê gedetaṅ tònṅgeṅ gebe  
“Nêm Anôtô gêmoa ondoc.”

<sup>11</sup> O katuc tau, amboac ondoc gômoa ṅoc ṅalêlôm  
tobiṅ wapac ma ôluṅ-ôluṅgeṅ.

Ôkêṅ matam Anôtô, gebe aê janam danṅe  
êndêṅ eṅ, taṅ kêsa aê laṅôc sa to kêtutu ṅoc  
Anôtô naṅ.

\*

## 43

(Gêjac têku pesalem 42)

*Mec Anôtô ênam aêac saṅa*

<sup>1</sup> O Anôtô, ôwaka ṅoc gêdêṅ sa ma ônam gôliṅ ṅoc biṅ  
êndêṅ lau têtataṅ gêwiṅmê tônê ṅai.

Ônam aê sa  
aṅga ṅamalac dansaṅ to secwaga nêṅ.

<sup>2</sup> Aôm kêtutu Anôtô, taṅ gejob aê naṅ,  
amboac ondoc kôtiṅ aê su.

Amboac ondoc jamoa togêṅwapacgeṅ  
ma soṅo-soṅo kêkôniṅ aê tònṅ.

<sup>3</sup> Ôsakiṅ nêm ṅawê to nêm biṅ ṅaṅêṅ  
gebe êwê aê.

Ma ôkêṅ aê jandêṅ nêm lôc dabuṅ,  
to nêm andu, taṅ gônṅônṅ naṅ jana.

<sup>4</sup> Go jandêṅ Anôtônê altar jana.

\* **42:11:** Lau Kora nêṅ wê tenṅ.

Jandêñ Anôtô, tañ ôlic kêpi-kêpi eñña nan.  
 O ñoc Apômtau Anôtô,  
 aê jalambin aôm ña gêñ wêñagen.  
 5 O katuc tau, amboac ondoc gômoa ñoc ñalêlôm  
 tobin wapac  
 ma ôluñ-ôluñgen.  
 Ôkêñ matam Anôtô gebe aê janam dançe êndêñ eñ,  
 tañ kêsa aê lanôc sa to kêtú ñoc Anôtô nan.

## 44

### *Mec Anôtô ejop aéacña*

- 1 O Anôtô, aéac tañ anô kêsô tañensun  
 ma tamenmai sêjac aômnêm min gêdêñ aéac  
 gebe gêdêñ êsêacnêñ bec, tañ sêmoa nan, aôm  
 gôgôm nêm gêñsêga gêdêñ êsêac,  
 gôgôm gêdêñ bêc andanğenña.
- 2 Aôm lêmam jagosen lau samuc su ma kôkêñ nêm  
 lau sênğôn sêjô êsêac malen.  
 Aôm gosen tentenlatu su, ma kôlainj êsêacgen  
 sêjam gamêñ auc.
- 3 Êsêac tañ nêñ sinj kêsi gamêñ ñatau su atom.  
 Ma êsêac tañ nêñ ñaclai kêku ñacjo tulu atom.  
 Aôm taômgenj nêm anôña to lêmam ma lanômanô  
 ñawê gêgôm  
 gebe aôm têtmac gêwinj êsêac.
- 4 Aôm taômgenj kôtu ñoc kinj to Anôtô.  
 Aôm kôkêñ Jakob kêku nê ñacjo tulu.
- 5 Aôm ôwinj aéac, go akônin ma ñacjo tôñ.  
 Aômnêm ñaê êpuc aéac tôñ, go aka ma ñacjo  
 popoc.
- 6 Aê kakêñ gêwinj ñoc talamgenj atom.

- Ma aênjoc siñ gêjam aê sa atom.
- 7 Aôm taômgenj tec kôpuc aêac tøj gêdêj ma ñacjo.  
Ma gôgôm êsêac, tañ nêj ñalêlôm kêmoatiñ tøj  
kêtu aêacña nañ, nêj meloco kêsa.
- 8 Aêac atoc Anôtô sa gederj tøjgenj.  
Ma awenj gêoc nêj ñaê ñapañ.
- 9 Mago galoc kôtiñ aêac su to gôgôm aêac majen  
kêsa  
ma gôwiñ aêacma siñwaga atom.
- 10 Aôm kôpuc aêac tøj atom, tec aêac aêc kêtu ma  
ñacjoña.  
Ma êsêac, tañ nêj ñalêlôm kêmoatiñ tøj kêtu  
aêacña nañ, sê ma waba êliñ-êliñ.
- 11 Aôm gôwi aêac siñ ñamelocñagenj amboac domba,  
tañ sêwê gebe nasêmbuc nañ.  
Aôm kôpa aêac êliñ-êliñ asêp lau samuc  
ñalêlôm.
- 12 Aôm kôkêj taôm nêj lau dêdêj lau sêjam ôli êsêac  
ma sêkêj ñaôli sauñanô amboac êsêac gêj  
ñaôma tenj.
- 13 Aôm kôkêj lau, tañ ma sackapoagêdô gêdêj taun  
nañ, têtanj pêlê aêac.  
Lau samob, tañ sêgi aêac auc sêngôj nañ, têtanj  
pêlê to sêômac aêac.
- 14 Aôm kôkêj aêac atu lau samuc nêj biñ makicña  
ma tentenlatu têtaiñ gêsunj kêtu aêacña.
- 15 Aê taêc gêjam ñoc majoc gederj tøjgenj  
ma majoc kêkôm lanôcanô auc.
- 16 Gebe ganô biñ pêlêña to biñ alôb-alôb  
ma galic ñacjo senj anô-anô gebe sêkac nêj  
kamocgôc.

- 17 Aêac atap gêṅ tonañ ṅai samob sa,  
mago alinj aôm siṅ ma agôm aômnêm poac  
paliṅ atom.
- 18 Aêacma ṅalêlôm kêkac tau su anṅa aômnêm atom.  
Ma aêac eṅkaiṅ geo gala aômnêm intêna atom.
- 19 Mago aôm kôkêṅ kêam sec saleṅṅa sêṅac aêac  
popoc  
ma gêsunḃôm gêjam aêac auc.
- 20 Aêac embe alinj ma Anôtô siṅ  
ma aôc lemeṅ sa êndêṅ anôtô jaba teṅ,
- 21 eṅ oc êtap biṅ amboac tonañ sa atom me.  
Gebe eṅ tec kêjala gêṅ samob, taṅ aêac ajala gêc  
ma ṅalêlôm ṅadim labusêga teṅ naṅ.
- 22 Masigoc, sêjaiṅ aêac kêtôm bêcgeṅ kêtu aômṅa.  
Ma sêgôm aêac atôm bôc, taṅ sebe sêmbuc naṅ.
- 23 O Apômtau, matam êpoamaṅ. Gôêc bêc kêtu  
âsageṅṅa.  
Matam êlac ma ômasuc aêac endeṅ tênggeṅ  
atom.
- 24 Gôsaṅ laṅômanô auc, o wagneṅ.  
Ma kôliṅ aêacma gêṅwapac to anṅôṅ jageoṅa  
siṅ.
- 25 Ojae, ma katuṅ kêpô gêduc e geṅ kekop  
laṅgwagneṅ.  
Aêacma ôliṅ kêtap labôc jagêc.
- 26 Ôndi, mênônam aêac samaṅ.  
Ônam aêac sa êtu nêm têmtac gêwiṅ teṅgeṅṅa.

\*

---

\* 44:26: Lau Kora nêṅ wê teṅ.

## 45

*Kiη gêjam awê ηawê*

- <sup>1</sup> Biη êjam-êjam kêôliη kêpi anηa aêηoc ηalêlôm tec  
gebe ênsêwa êsa. Amboac tonaη jansaη ηoc  
wê êndêη kiη.  
Imbeloc kêtôm ηac lêmagaôηa keto kêlêpê.
- <sup>2</sup> Aôm lanômanô ηajam kêlêlêc ηamalac samob, taη  
sêηgôη nom naη, nêη su. Gêdômôlic e têtac  
kêsa lanηwageη.  
Amboac tonaη tec Anôtô gêjam mec aôm  
geden tôηgeη.
- <sup>3</sup> O ηactêkwa, ôjandiη nêmi siη êηkaleη magim.  
Nêmi laukasap e ηawasi lanηwageη.
- <sup>4</sup> Ajôc, ηac tau, ônac siη taumaη. Ôηgôm êtu  
biηηanôηa to ôpuc biηgêdêη tôη.  
Ma lêmam anôηa êwaka nêmi ηaclai kapôêη sa.
- <sup>5</sup> Aômnêmi sôb ηamatagosu kesenêη kiηnê ηacjo nêη  
nipkalop tôη  
ma tentenlatu samob sêu tauη jasêc amkaiη  
ηalabu.
- <sup>6</sup> Aômnêmi lêpôη, taη Anôtô kêpuc tôη naη, êkô  
tengeη to tengeη.  
Aôm gôjam gôliη nêmi lau ηa biηgêdêη.
- <sup>7</sup> Aôm têmtac gêwiη biηgêdêη ma nêmi ηalêlôm  
kêmoatiη tôη kêtui biη alôb-alôbηa.  
Amboac tonaη Anôtô, taη kêtui nêmi Anôtô naη,  
geη oso aôm ηa niptêkwi têmtac ηajamηa e  
kôlêlêc samob su.
- <sup>8</sup> Lakisia to môsê ma samboa ηamalu kêsa anηa nêmi  
ηakwê.

- Êsêac sêjam wê sêngôḡ andu, taḡ sêgêlôḡ ḡa bôc ḡajabo naḡ, e gêgôm aôm têtac ḡajamanô.
- 9 Kiḡ latuḡio sêmoa sêwiḡ lauo ḡagêdô aḡa nêḡ andu.  
Ma nêḡ awê togêlôḡ gold Opirḡageḡ kêkô aômḡnêḡ anôḡa.
- 10 O latucoenec, matam ê aê ma ôkêḡ taḡam ḡoc biḡ.  
Ôliḡ nêḡ lau to tamamḡnê andu siḡ.
- 11 Ma embe kiḡ têtac êkac eḡ êtu aôm laḡôḡmanô ḡajamḡa,  
naḡ ôkêḡ êwiḡgeḡ gebe eḡ kêtḡ nêḡ ḡatau.
- 12 Lau Tirusḡa oc sêḡsuḡ awa êḡdêḡ aôm.  
Ma lau tolêlôm oc têtḡ kêka-kêka gebe aôm ôlic êsêac ḡajam.
- 13 Kiḡ latuo gêmoa andu kiḡḡa ḡalêlôm togêlôḡ ḡawasi laḡwageḡ.  
Êḡnê ḡakwê sêwa gam gold gêwiḡ.
- 14 Êsêac sêwê eḡ, taḡ kêsô ḡakwê talô-talô sa naḡ, dêdêḡ kiḡ sêja.  
Ma sêwê êḡnê sakiḡwagao toôḡgeḡ dêdêḡ kiḡ sêja amboac tonageḡ.
- 15 Sêjam lasê ma sêwê êsêac toôḡḡugeḡ ma jasêsô kiḡḡnê andu ḡalêlôm sêja.
- 16 Aôm ôḡap latôḡi taêsam sa, taḡ sêjô tamami su naḡ.  
Aôm oc ôkêḡ êsêac têtḡ kasêga aḡa gamêḡ samob.
- 17 Aê oc jakêḡ lau wakuc ḡamuḡa samob taêḡ êḡnam aôm ḡapaḡ.

Amboac tonañ tentenlatu awenñ êoc aôm  
tengeñ to tengeñ.

\*

## 46

*Anôtô kêtù nêñ lamu to ñaclai*

<sup>1</sup> Anôtô kêtù nêñ lamu to ñaclai.

Enñ gêjam aêac sa gêdêñ danğônñ jageonñ a gêjac  
ñawae.

<sup>2</sup> Amboac tonañ embe nom ênaññ ma lôc êu tau  
êsêp gwêc êna,  
nañ aêac tatêc tauñ atom.

<sup>3</sup> Embe gwêc ñadindiñ  
ma êngasim e ê kâpic-kâpic naêpi lôc e êkôtêñ  
tau, nañ aêac tatêc tauñ atom.

Lau siñ undambêññ nêñ Apômtau kêpuc aêac tôn  
Jakobnê Anôtô kêtù aêacnêñ laimôkê.

<sup>4</sup> Bu kapôêññ tec kêpoac ma ñasêli kêmalôm Anôtônê  
malac  
to kêmoasiñ Lôlôc Ntau nê andu dabuñ.

<sup>5</sup> Anôtô tec gêmoa malac tau ñaluñgeñ, tec sensenñ  
su ênaññ atom.  
Anôtô gêjam malac tau sa gêdêñ bêbêc  
kanucgeñ.

<sup>6</sup> Tentenlatunêññ lai kêpoa ma kiñnêñ gamêñ kêtù,  
enñ kêtêñ nê wapap gêjac e nom kêtênêp.

<sup>7</sup> Lau siñ undambêññ nêñ Apômtau kêpuc aêac tôn.  
Jakobnê Anôtô kêtù aêacnêñ laimôkê.

<sup>8</sup> Amêññ ma alic Apômtaunê gêsêga.

---

\* **45:17:** Lau Kora nêñ wê têtac gêwiñ tauñññ tenñ.

- Alic gêñ kainj tenj, tañ gêgôm anja nom nanj.
- <sup>9</sup> Njac tonanj tec gêjam gôlinj sinj e gêdêñ nom ñamadiñ.
- Njac tonanj tec gêjac talam ñatikoc gêngic to kêmadôm kêm tulu ma kêkêñ kareta sinja ja geñ su.
- <sup>10</sup> “Gamêñ ñañêñ êsa ma ajala gebe Apômtau aê taugenj.
- Tentenlatu tetoc aê sa ma lau anja nom samob amboac tonanjenj.”
- <sup>11</sup> Lau sinj undambêña nêñ Apômtau kêpuc aêac tôñ. Jakobnê Anôtô kêtû aêacnêñ lai môkê.
- \*

## 47

### *Anôtô kêtû lau nomja samob nêñ kinj*

- <sup>1</sup> O tentenlatuac, amakop lememe,  
anam lasê Anôtô toôndugenj.
- <sup>2</sup> Lôlôc Njatau Anôtô enj ñacsinjsêlêcsêga,  
kinj ñaclai tec gêjam gôlinj nom samucgenj.
- <sup>3</sup> Enj kêkôninj tentenlatu tôñ sêsô aêac ñalabu.  
Ma kêkêñ aêac tajam gôlinj lau to-m-to-m.
- <sup>4</sup> Enj kêjalinj aêacnêñ nomlênsêm sa,  
Jakob, tañ enj têtac gêwiñ nanj, nê gêñ towae.
- <sup>5</sup> Anôtô kêpi gêja toôndugenj.  
Dauc gêwê Apômtau toaligenj kêpi gêja.
- <sup>6</sup> Awem êoc Anôtô, awem êocmanj.  
Awêm êoc aêacnêñ kinj, awem êocmanj.
- <sup>7</sup> Gebe Anôtô kêtû nom samucgenj ñakinj  
Amboac tonanj anam ênê wê totalô ñajam tenj.

\* **46:11:** Lau Kora nêñ wê tenj.



- 8 Anôtô kêtû lau samuc nêñ kiñ.  
 Anôtô kêpôn tau sic gêngôn nê lêpôn dabuñ.  
 9 Tentenlatunên kasêga sêkac tauñ sa  
 kêtôm Abrahamnê Anôtô nê lau,  
 gebe nom tau ñagôliñwaga sêsô Anôtô ñalabu,  
 gebe eñ kêtû ñatau towaegac. \*

## 48

### *Anôtônê malac ñawê*

- 1 Apômtau eñ ñac kapôên, amboac tonañ awen eoc  
 eñ ñanô  
 aña aêacnên Anôtônê malac.  
 2 Ênê lôc dabuñ gêguñ sa lanğwagen  
 kêtû ñamalac samob nêñ gên ênac matenjanô  
 ñajamña.  
 Anôtônê lôc tau tec lôc Sion  
 kiñ kapôên nê malac.  
 3 Anôtô kêwaka tau sa aña êsêacnên andulêiôm  
 gebe eñ laimôkê.  
 4 Gôlicgac me, kiñ sêkac tauñ sa  
 ma êsêac sêwêgen sêmên,  
 5 e sêlic ma têtakê.  
 Êsêac selendec e nêñ meloco kêsa ma sêc êliñ-  
 êliñ  
 6 ma têtênêp tauñ êndu-êndu  
 to sêmoa jageo amboac awê, tañ ñapalê kêtun  
 eñ nañ.  
 7 Aôm kôkên musalô kapôên  
 e gôjac lau Tarsis nêñ wañ popoc.  
 8 Galoc talic gên tau kêtôm, tañ tañô nañ,

\* 47:9: Lau Kora nêñ wê teñ.

anğa lau siñ undambêña nêñ Apômtau nê malac,  
 anğa nêñ Anôtô nê malac,  
 tañ enj kêwaka sa gebe êkô endenj tòngeñ.

<sup>9</sup> O Anôtô, aêac taêñ gêjam aômnêm têmtac gêwiñ tengeñña

amoa nêm lôm dabuñ ñalêlôm.

<sup>10</sup> O Anôtô, aôm waem kêsa e jagêdêñ nom ñamadiñ kêtôm nêm ñaê.

Biñgêdêñ kêsêp lêmam anôña e mêngec poap tagen.

<sup>11</sup> Lôc Sion êtu samuc êtu biñ tonanña.

Juda latuñio sênam lasê toôndugeñ êtu aôm kômêtoç biñña.

<sup>12</sup> Asêlêñ awê angi lôc Sion auc

ma asa ñaandulatu tuñbômña sa.

<sup>13</sup> Asala tuñbôm tomalagen e êmbacnê ma asêlêñ

amoa ñaandu towae ñalêlôm,

gebe anac miñ êndêñ lau wakuc sêñô,

<sup>14</sup> gebe Anôtô tonan kêtû aêacnêñ Anôtô êmoa tengeñ to tengeñ.

Enj oc êwê aêac endenj tòngeñ.

\*

## 49

*Taen kêka awamata atom gebe geñ ñaôma*

<sup>1</sup> Tentenlatu samob, anjô biñ tonec.

Amac lau, tañ anğôñ nom samob auc nan, akêñ tañemman.

<sup>2</sup> Amac lau ñaôma latuñi to apômtau latuñiac,

\* **48:14:** Lau Kora nêñ wê tenj.

- amac lau tolêlôm ma lau ñalêlôm sawa amboac tonanjen.
- <sup>3</sup> Aocsunj êsôm mêtê lasê  
ma ñoc ñalêlôm taê ênam binj tokauc acgom.
- <sup>4</sup> Aê jaê tanoc êndênj binjôlinj langwa  
ma jawa ñam sa to janac gênj wênja êtanj.
- <sup>5</sup> Êndênj bêc wapacña embe ñacjo nêj binj alôb-alôb êkôm aê auc,  
nanj jatêc tauc êtu agenja.
- <sup>6</sup> Lau sec taênj kêka nêj awagenj  
to tetoc taunj sa kêtû nêj waba taêsamja.
- <sup>7</sup> Ñamalac tenj êkênj gênj ênac da tau êngôm êtôm atom  
ma enj êkênj ñaôli êsi tau sunja êndênj Anôtô oc êngôm naeo amboac tonanjen.
- <sup>8</sup> Gebe katuñ ñaôli (gebe tamoa matenj jali ñaôli)  
kapôênj secsêga,  
ñac tenj êtap sa êtôm atomanô.
- <sup>9</sup> Enj embe taê ênam gebe ênac da tau e êmoa mata  
jaligenj ma êsêp sê atom  
oc êngôm êtôm atomanô.
- <sup>10</sup> Aêac talicgac gebe laumêtê sêmac êndu ma lau  
meloc to kaucmê sêjanja amboac tonanjen.  
Ma êsêac oc sêwi nêj waba sinj naelom lau tenj sêkôc.
- <sup>11</sup> Lau tonan sê nêj ñaê kêpi nom ñagamênj ñagêdô,  
mago nêj sê kêtû nêj malacmôkê, kêtû nêj andu totêm-totêm.
- <sup>12</sup> Binjanô, ñamalac tonê gêlônjenj, tec êmoa nê tenjenj atom.  
Enj kêtôm bôc, tanj ênanja nanj.

- 13 Lau tañ taêñ kêpa taun su nañ,  
 ma êsêac, tañ sêkêñ gêwiñ êsêacnêñ biñ ma  
 oc têndançuc êsêac nañ, nêñ lêñ kêtôm  
 tonançen.
- 14 Êsêac têdênañ taun têtôm domba gebe lamboam  
 gêwê kaiñ êsêac.  
 Gêmac anô kêtú nêñ ñacgejob.
- 15 Ma Anôtô oc ênam ñoc katuc kêsi ança lamboam  
 ñançalai  
 gebe en oc ênam aê kêsi.
- 16 Amboac tonanç embe ôlic ñac ten nê awa êtu  
 taêsam  
 ma nê andu ñagêñlêlôm ênsac tau ñaô-ñaô, nañ  
 têmtac sec atom,
- 17 gebe en embe êmac êndu, oc êkôc gêñ samob  
 tonanç ñai ñatenç êna atom.  
 Ênê gêlônç ñawasi oc êwiñ enç êna atom.
- 18 Enç embe êlambiñ tau gebe êmoa ñajam ança nom  
 ma lau embe sêlambiñ enç gebe kêtap nê kôm  
 ñanô taêsam sa,
- 19 oc ênam enç sa atom, enç naêndêñ tamai to nêñ lau  
 ñanô,  
 tañ sêlic oc ñawê kêtiam atom nañ.
- 20 Biññanô, ñamalac tonê gêlônç oc êmoa tençenç  
 atom.  
 Enç kêtôm bôc, tañ ênaña nañ.
- \*

## 50

### *Anôtô enç métôcwaga*

\* **49:20:** Lau Kora nêñ wê tenç.

- 1 Njaniniņ Natau Apômtau Anôtô gêmôêc gêdêņ nom  
ma kêsôm nê biņ  
aņga oc kêpiņa jagêdêņ oc kêsêpņa.
- 2 Anôtônê ņawê kêpoac lasê aņga Sion,  
taņ kêtu malac togêlônșêga naņ.
- 3 Aêacnêņ Anôtô gêmêņ togamêņ gêmacgeņ atom.  
Ja kêdaņgac-kêdaņgac gêmuņ eņ kêsêp gamêņ  
kêlaņgaņ.
- 4 Eņ gêmôêc gêdêņ undambê ôņa ma gêdêņ lau  
nomņa,  
gebe êmêtôt c nê lau.
- 5 Eņ kêsôm gebe “Akac ņoc lau-mansaņwaga,  
taņ sêkêņ da sêmoatiņ poacņa gêdêņ aê naņ, sa  
sêmêņ.”
- 6 Tec undambê êsôm ênê biņ gêdêņ lasê  
gebe Anôtô tau eņ mêtôcwaga.
- 7 “O ņoc lau, akêņ taņem aê gabe jasôm biņ.  
O Israel tau, aê gabe jawa nê m keso, taņ gôwê  
kaiņ naņ lasê. Anôtô, aôm nê m Anôtô aê.
- 8 Aê gabe jasôm aôm êtu nê m daņa atom  
gebe matocanô galic nê m daja gedenj tôngeņ.
- 9 Aê gabe jakôc bulimakao kapoac aņga nê m andu  
to noniņ kapoac aņga nê m sapalêlôm atom,
- 10 gebe gwada saleņņa samob  
to bôc tokaiņ-tokaiņ, taņ sêmoa lôc tolôc naņ,  
ņatau aê.
- 11 Moc samob, taņ sêmoa lôlôc naņ, aê kajala kêtu  
tôņ  
ma gêņ, taņ sêmoa obalêlôm naņ, ņatau aê.
- 12 “Mo embe êjô aê, oc jasôm êndêņ aôm atom,

gebe nom samucgen to ηagêηlêlôm samob  
ηatau aê.

- 13 Aê oc gaen bulimakao ηamêsôm  
me oc ganôm noniη ηadec me.
- 14 Ôkêη dange êtu da êndêη Apômtau,  
ma ôηgôm biη, taη gôjac mata naη, ηanô êsa  
êndêη Lôlôc Natau.
- 15 Ma awam ênac aê êndêη bêc ôpô lênaηa,  
go janam aôm sa ma awam êôc aê.”
- 16 Mago Apômtau kêsôm gêdêη ηac-kêkac-tau-suwaga  
gebe  
“Amboac ondoc aôm kôsa aêηoc biηsu sasa ma  
aêηoc poac ηabiη gêc awamgen.
- 17 Aôm tonanη tec godec ηoc mêtôc  
ma kôtiη ηoc biη su gêc dêmôêmmuηa.
- 18 Embe ôtap gengeηtêna ten sa, oc wê en êtu nêmm  
sêlêb  
ma mockaiηtêna êtu nêmm ηac ôlim andanηa.
- 19 “Aôm kôlêwanη awamsuη gêdêη biη sec  
ma imbêlam geno-geno biηdansanη ηapanηen.
- 20 Aôm gôηgôηgenη ma kôgôliη biη kêpi lasim  
to gôga biη kêpi taôm tênam latu,
- 21 Aôm gôgôm gêη tonanη ηai, mago aê gajam tauc  
tôη, tec taêm gêjam gebe aê katôm aôm.  
Tagen galoc jaec biη aôm gebe jawa nêmm kauc  
sa.
- 22 “Amac taη aliη Anôtô siη naη, taêm ênam biη  
tonanη acgôm.  
Embe masi, oc jansenη amac su ananηa ma ηac  
ten ηêtôm gebe ênam amac sa atomanô.

23 Nac tañ êkêñ danje êtu da nañ, etoc aê sa  
 ma nac, tañ êsa nê lêñ lañônêm sawagen nañ,  
 oc jakêñ enj êlic Anôtônê moasiñ.”

\*

## 51

### *Mec Anôtô êsuc sec ôkwiña*

- 1 O Anôtô, taêm walô aê gebe aôm nac moasiñ.  
 Aôm taêm walô natau kapôêñ, onsenj aêñoc sec  
 su.
- 2 Ôkwasin ñoc tôp su  
 ma ômbuñ ñoc geo su e jatu selec.
- 3 Gebe aê tauc kajala ñoc kesogac  
 ma matoc gê ñoc geo gedenj tôngenj.
- 4 Aê gagôm sec gêdêñ aôm taômogoc  
 ma gagôm gêñ, tañ aôm gôlic gebe sec nañ.  
 Tec kômêtôc aê jagêdêñ  
 ma nêmetôc tau solop.
- 5 Ojae, tinoc kêkêkam aê tobiñgenj  
 ma kêkôc aê tosecgenj.
- 6 Aôm gobe biññanô ênam ñamalacnêñ ñalêlôm auc,  
 amboac tonañ ôwa mêtê tokauc ñabiñ  
 ñalêlômña sa êndêñ aê.
- 7 Ônsêlô ñoc geo su tomalagenj gebe jatu selec.  
 Ôkwasin aê gebe ñakêñkêñ langwagenj.
- 8 Ôkêñ aê jatu samuc to têtac ñajam êsa  
 ma ôlic, tañ gôjac popoc nañ, ôli êpi-êpi êtiam.
- 9 Ônsañ lañômanô auc êndêñ ñoc sec  
 ma ômbuñ aêñoc geo samob su.

\* **50:23:** Asapnê pesalem tenj.

- 10 O Anôtô, ôkêñ ñoc ñalêlôm ñawa êsa  
ma ôkêñ ñalau wakuc to ñañêñ teñ êñgôn ñoc  
ñalêlôm.
- 11 Ôtiñ aê su aña lañômñêm atom  
ma ôkôc nêm Ñalau Dabuñ su aña aê atom.
- 12 Ôkêñ nêm moasiñ êñgôm aê têtac ñajam êsa êtiam  
ma ôpuc aê tôñ ña ñalau tañoc wamuña.
- 13 Go aê jandôn aômñêm biñ êndêñ lau, tañ sêgêli  
aômñêm biñ sêmoa nañ,  
ma lau sec sênam tauñ ôkwi dêndêñ aôm sêmu  
sêwac êtiam.
- 14 O Anôtô, ñoc moasiñ ñaAnôtô, ônam aê sa gebe  
jamac êndu atom,  
go imbeloc êôc aôm sa toôndugeñ gebe aôm ñac  
gêdêñ.
- 15 O Apômtau, ondelec gêdôcôlic  
gebe aocsuñ jasôm aôm waem lasê
- 16 gebe da gêjac matamanô ñajam atom  
ma embe jansuñ daja êwac, aôm oc ôlic ñajam  
atom.
- 17 Da tañ gêjac Anôtô mataanô ñajam nañ, katuñ  
popoc.  
O Anôtô, lañôm eo ñalêlôm popoc to ôluñ-ôluñ  
atom.
- 18 Moasiñ ñatau aôm, ômoasiñ Siongeñ.  
Ômboa tuñbôm Jerusalemña sa êtiam.
- 19 Go da ñanô to daja ma da samuc ênac matamanô  
ñajam,  
go sêkêñ bulimakao kapoac wacênsac nêm al-  
tar ñaô.



\* propete Natan gêdêḅ enj gêja. Pesalem dambu taunḅa kêtû aclêḅa.

## 52

### *Anôtônê mêtôc to moasiḅ*

<sup>1</sup> O ḅaclaisêga aôm, kotoc taôm sa nêḅ secḅa kêtû agenḅa.

Anôtônê têtac gêwiḅ tenḅenḅa gêc geden tōḅḅenḅ.

<sup>2</sup> Aôm kalomtêna, taêm gêjam imbêlam ḅabiḅgêga e wai-waiôma.

<sup>3</sup> Aôm têtmac gêwiḅ sec kêlêlêc ḅajam su ma têtmac gêwiḅ biḅ dansaḅ kêlêlêc biḅḅanô su.

<sup>4</sup> Aôm imbêlam dansaḅ.  
Têtmac gêwiḅ biḅ alôb-alôb ḅaôma.

<sup>5</sup> Amboac tonaja Anôtô oc enseḅ aôm su ônaḅa samucḅenḅ. Enj oc êtiḅ to enseḅ aôm su aḅga nêḅ beclêlôm ma oc êkip aôm sa aḅga lau matenḅ jali nêḅ gamêḅ.

<sup>6</sup> Lau gêdêḅ oc sêlic e têtêc taunḅ ma sêômac aôm gebe

<sup>7</sup> “Kec, alic ḅac tônê kêkêḅ Anôtô kêtû nê lamu atom.  
Kêkêḅ gêwiḅ nê awa taêsam ma gêjam kauc gebe sec êpuc enj tōḅ.”

<sup>8</sup> Ma aê tec katôm katêkwi ḅawawa ḅajam kakô Anôtônê andu.

Aê taêc kêka Anôtônê têtac gêwiḅ tenḅenḅa

---

\* **51:19:** Dawidnê pesalem gêga gêdêḅ enj gêmoa gêwiḅ Baseba ma

gedenj tòngeŋ.

<sup>9</sup> Aê oc janam danje aôm endenj tòngeŋ êtu nêŋ gêŋ,  
taŋ gôgôm nanŋa  
ma jatoc nêŋ ŋaê sa êndêŋ lau mansaŋ sêŋô  
gebe aôm gabêjam.

\* mênkêtêku binj gêdêŋ Saul gebe Dawid kêsô  
Abimeleknê andu gaja nanj.

## 53

*Namalacnêŋ sec*  
(Pes 14:1-7)

<sup>1</sup> Lau meloc tec nêŋ ŋalêlôm kêsôm gêdêŋ taŋŋ gebe  
“Anôtô teŋ gêmoa atomanô.”

Êsêac sêgôm gêŋ sec to alôb-alôb ma nêŋ teŋ  
gêgôm gêŋ ŋajam teŋ atom.

<sup>2</sup> Apômtau katuc kêninj ŋamalac latuŋi anŋa un-  
dambê  
gebe êtap ŋac tokauc teŋ, taŋ kêtêc Anôtô nanj,  
sa gamoa me masi.

<sup>3</sup> Mago samob sêkac taŋŋ su, samob têtû secŋagenj.  
Êsêacnêŋ teŋ gêgôm gêŋ ŋajam teŋ atom, masi  
samucgenj.

<sup>4</sup> Lau secwaga samob nêŋ kauc gêbôc me. Êsêac  
têdanjgônj ŋoc lau amboac seŋ mo  
ma êsêac awenj gêjac Apômtau atom.

<sup>5</sup> Mago êsêac têtakê ŋasec kêtôm têtakê teŋ gêmuj su  
atomanô

---

\* **52:9:** Dawidnê wê teŋ. Gêga gêdêŋ taê ŋac Edomŋa Doeg

gebe Anôtô kêsa nê m ñacjo nê ñatêkwa salin-  
salinjen.  
Enj oc êku êsêac tulu samucgen  
gebe enj kêtin êsêac su.

<sup>6</sup> Ojae, moasinj ênam Israel sanja mênêsa anja Sion  
ecmanj.  
Êndênj tanj Apômtau êmoasinj nê lau êtiam nanj,  
Jakob oc êtu samuc, ma Israel oc têtac ñajam  
êsa.

\*

## 54

*Anôtô ênam aêac sa êndênj nê ñacjo ñamec*

- <sup>1</sup> O Anôtô, ôkênj nê m ñaê ênam aê sa  
ma nê m ñaclai êwaka ñoc binjêdênj sa.  
<sup>2</sup> O Anôtô, ôkênj tanjam ñoc mec.  
Wê tanjam êndênj aocsunj ñabinj,  
<sup>3</sup> gebe lau jaba tetoc taunj sa gêdênj aê ma ñaclaikoc  
têtu kêka-kêka sebe sensenj katuc su.  
Êsêac sêsa Anôtô lanjô sa atom.  
<sup>4</sup> Aê galicgac, Anôtô kêtunj ñoc gêjam-aê-sawaga.  
Apômtau kêpuc katuc têtunj ñajana.  
<sup>5</sup> Sec tanj aênoc ñacjo sêgôm nanj, naêpi êsêac taunj.  
Onsenj êsêac su gebe aôm ñac ñanjenj.  
<sup>6</sup> Go aê jansunj ñoc da êndênj aôm totêtac ñajamgenj.  
O Apômtau, aê gabe aoc êoc nê m ñaê gebe  
gabêjam ñanô,  
<sup>7</sup> gebe aôm kôjanjo aê su anja gênjwapac samob

\* **53:6:** Dawidnê pesalem tenj.

ma matocanô galic ñoc ñacjo e têtac ñajam gebe  
sênañagac.

\* Saul sêja ma sêsôm gebe Dawid kêsiñ tau gêmoa  
êsêacnêñ gamêñ.

## 55

*Ñac tenj ketenj nê mec kêtú nê ñac jabanj kékac tau  
su anja ênê*

<sup>1</sup> O Anôtô, ôkêñ tanjam ñoc mec

ma ôsiñ taôm êndêñ ñoc tanjiboa atom.

<sup>2</sup> Ôñô aê ma ôjô aêñoc biñ.

Aê gaenj oliñ tauc ma gao tonoc gêñwapacgeñ,

<sup>3</sup> kêtú ñacjonêñ ñaonda

ma kêtú lau, tanj sêkac tauñ su anja Anôtônê  
nêñ ñaôndu,

gebe êsêac sêgôliñ gêñwapac kêpi aê

ma sêkêñ kisa aê ñawaôboa.

<sup>4</sup> Ñoc ñalêlôm ñatutuc ñasec gêc ñoc wanjêlêlôm.

Gêmacanô gêgôm aê katakê e gêjac ñoc lênô auc.

<sup>5</sup> Katakê e katênêp

to ôliclu gêbuc.

<sup>6</sup> Aê kasôm gebe “Ojae, balôsimagê ênêc aêmamanj

gebe jalôp sa jaêc gêñ tonec su najalêwanj tauc  
jamo a ñoc ñasawa tenj.

<sup>7</sup> Oc jaêc balingenj jana,

jalêwanj tauc janğôñ ñoc gamêñ sawa tau.

<sup>8</sup> Oc jaêc jana ñoc gamêñ kêsiñ tenj

gebe mu-gêbuc to gamêñ-kêlanğanğ ê aê tônğ  
atom.”

---

\* **54:7:** Dawidnê pesalem tenj, gêga gêdêñ tanj lau Sipit dêdêñ

- 9 O Apômtau, onsej êsêac su ma ôwa êsêac nêj biñ êngic  
gebe galic sêgôm gêj ñaclai to sêkac taunj kêkôc anja malac.
- 10 Êsêac sêgi malac kêtôm bêc to gelenjenj sêsêlêj  
sêmoa ñatuñbôm ñaô  
ma gêj keso to biñwapac gêjam malac auc.
- 11 Ñaclai sec gêjam gamêj auc.  
Ma sêkônij lau to sêsau biñdansaj anja mala-  
cluñ.
- 12 Ñacjo embe êsu aê susu  
oc jaôc gêjwapac tonaj.  
Embe ñoc soño-soño êkianj tau sa êndêj aê  
oc jasiñ tauc ôkwi.
- 13 Mago aôm, tañ kêtôm aê nañ,  
aôm ñoc ñac jabañ aê to ñoc ñac, ôlim andañ  
aêña gôgôm gêj tau.
- 14 Aêagêcnêj biñ gelom tau e ñapep  
ma tawê toôndugenj dawij taunj dadêj  
Anôtônê andu taja.
- 15 Ojae, ñoc ñacjo sêmac sênañamañ ma sêsêp lam-  
boam tomatenj jaligenj sênamañ  
gebe biñ alôb-alôb gêjam nêj andu to nêj  
ñalêlôm auc.
- 16 Aê tec gamôêc gêdêj Apômtau  
ma Apômtau oc ênam aê kêsi.
- 17 Aê gabe jatenj to janiñ olinj tauc êndêj êtula ma  
elenja to ocsalô  
ma oc êkêj taña aê aoc.

- 18 Eñ oc ênam katuc kêsi gebe êmoa tomalô ec êsêac  
 mênjtêtu gasuc aê atom  
 gebe êsêac, tañ sebe senseñ aê nañ, taêsam  
 ñalêlêma atom.
- 19 Anôtô tañ gêngôn nê lêpôn gêdên andanjanânô  
 nañ,  
 oc êkên taña aê ma êkônij êsêac tôn.  
 Êsêac têtêc Anôtô atom  
 ma sênam taun ôkwi atom amboac tonanjen.
- 20 Aênoc ñac, tañ gêmunjen ôli andan aê nañ, lêma  
 kêpi tau nê lau.  
 Eñ gêjac nê poac popoc.
- 21 Awasun gen oso bin e ñawasi kêtôm bôc ñalêsi,  
 mago bin tau ñamata kêtôm sin.  
 Eñ kêbanac bin ñajam-ñajamjen kêlêlêc niptêkwi su,  
 mago kêtôm têdaiñ sin gebe sênac.
- 22 Ôkac nêmgênwapac tolagic su êndên Apômtau, eñ  
 oc ênam aôm sa.  
 Eñ oc êkên ñac gêdên êku atomanô.
- 23 Binjanô, o Anôtô, aôm oc ôku êsêac tulu  
 ma sêsêp sê ñadimlabu sêna.  
 Lau tañ sêwê kaiñ dec to bin dansan nañ, oc sêmac  
 êndu ñatêkwa galigen.  
 Ma aê tec taêc kêka aômgen.

\*

## 56

### *Mec materj êsap Anôtôña*

\* 55:23: Dawidnê wê têtj.

- 1 O Anôtô, taêm labu aê gebe ñamalac sêu lai aêña elêmê.  
Lau siñwaga sêlêsú aê gedenj tòngeñ.
- 2 Ñoc ñacjo sêu lai aê gedenj tòngeñ  
gebe êsêac, tañ tetoc tañ sa ma sêkêñ kisa aê  
nañ, lau taêsam ñasec.
- 3 Gêdêñ ñasawa, tañ ñoc ñalêlôm ñagogo gamoa nañ,  
aê taêc kêka aômgeñ.
- 4 Aê taêc kêka Anôtô ma katêc tauc atom.  
Aê kalambinj Anôtô kêtú biñ, tañ eñ gêjac mata  
nañ. Ñamalac oc sêngôm asageñ êndêñ aê.
- 5 Kêtôm bêc samobgeñ ñoc ñacjo sêlênsôn aê.  
Êsêac taêñ gêjam biñ tagenj tonec gebe sêkic  
aêñoc biñ.
- 6 Êsêac sêkac tañ sa ma dêdib aêñoc lêñ semoa  
gebe taêñ kêka sebe senseñ aê su.
- 7 O Anôtô, ôkeñ ñagêjô êndêñ êsêac êtu nêñ secña.  
Aôm têmtac ñandan ma ôku tentenlatu tulu.
- 8 Aôm kôsa aêñoc noc ñawapacña sa. Aôm kôkêñ aê  
matocsulu kêsêp nêñ laclu jakêpoac.  
Aôm koto ñoc bêc ñawapacña kêsêp nêñ buku-  
goc.
- 9 Embe jamôêc êndêñ Apômtau oc ñoc ñacjo sêc su.  
Aê kajala kêtú tónj gebe Anôtô ênam aê sa.
- 10 Aê oc jalambinj Anôtô êtu nê biñña.  
Aê kalambinj Apômtau kêtú biñ, tañ gêjac mata  
nañ.
- 11 Aê taêc kêka Apômtau, tec katêc tauc atom.  
Ñamalac têtôm gebe sêngôm asageñ êndêñ aê.
- 12 O Anôtô, kôm tonec gêjac aê ñawae gebe jañgôm  
biñ, tañ gajac mata gêdêñ aôm nañ, ñanó êsa.

Aê oc jansuŋ da danŋeŋa êndêŋ aôm êwac.  
 13 Gebe aôm gôjam aêŋoc katuc sa gebe jamac êndu  
 atom  
 ma gôjam ockaiŋ sa gebe jaka bêlêlib atom.  
 Gebe jasêlêŋ jamoa Anôtô laŋônêmŋa  
 ma jamoa ŋawê, taŋ kêpô lau mateŋ jali naŋ,  
 ŋalêlôm jawiŋ.  
 \* eŋ tôŋ aŋga malac Gat naŋ.

## 57

*Mec Anôtô ênam aêac saŋa  
 (Pes 108:1-5)*

1 O Anôtô, taêm labu aê, taêm labu aêmaŋ  
 gebe ŋoc katuc gê lamu aômgeŋ.  
 Aê gabe jaê lamu aôm magêmlabu  
 e ŋaclai enseŋ aê suŋa ê su acgom.  
 2 Aê gamôêc gêdêŋ Lôlôc Natau Anôtô.  
 Gamôêc gêdêŋ Anôtô, taŋ gêjam gôliŋ ŋoc biŋ  
 gêmoa naŋ.  
 3 Eŋ kêkêŋ nê gêŋ ênam aê saŋa aŋga undambê  
 mênêsa. Eŋ oc êŋgôm lau, taŋ sêjanda aê naŋ,  
 majeŋ êsa.  
 Anôtô oc êkêŋ nê têtac gêwiŋ teŋgeŋŋa to biŋ  
 ŋaŋêŋŋa êmêŋ.  
 4 Aê gaêc lewe ŋalêlôm.  
 Êsêac gwadatêna sec.  
 Luŋluŋ kêtôm kêm to sôb  
 ma imbelen kêtôm siŋ ŋamata.

---

\* **56:13:** Dawidnê pesalem teŋ, gêga gêdêŋ taŋ lau Pilisti sêkôc



- 5 O Anôtô, ôwaka taôm sa anğa undambê  
ma nê m ηawasi ênam nom samucgeη auc.
- 6 Êsêac sêkic uc aê gebe jawê  
ma sêkônij aê katuc tôη.  
Êsêac sêkwê sê teη gesen aê auc,  
mago êsêac tauη sêu tauη sêsêp.
- 7 O Anôtô, aê têtac kêpa su, têtac kêpa sugoc.  
Aê janam wê to janac gêη wêηa êtaη.
- 8 O ηoc katuc, ôndi sa. O gêη wêηaagêc, andi sa.  
Aê gabe janu gamêη êu bôη sa.
- 9 O Apômtau, aê gabe janam danje aôm jamoa lau  
taêsam ηalêlôm.  
Aê gabe jalambij aôm jamoa tentenlatu  
ηalêlôm.
- 10 Gebe aômnê m têtac gêwiη teηgeηηa kêpi e  
jagêdêη undambê  
ma aômnê m bij ηaηêη e gêdêη tao.
- 11 O Anôtô, ôwaka taôm sa anğa undambê  
ma nê m ηawasi ênam nom samucgeη auc.  
\* pocgêsuη naη.

## 58

### *Mec Anôtô êmê têtac lau alôb-alôbηa*

- 1 O amac gôliηwagaac, amac amê têtac bij katôgeη me  
masi.  
Amac amê têtac ηamalac samob jagêdêη me masi.
- 2 Masianô, amac taêm gêjam bij alôb-alôb gêc nê m  
ηalêlôm.  
Amac agôm gêηgeo gêjam gamêη samob auc.

\* 57:11: Dawidnê pesalem teη gêga gêdêη taη gêc Saul su anğa

- 3 Lau tañ sêkac taun su anğa Anôtônê nan, sêgôm nêñ gêñ sêjac m gêdêñ nêñ têm ñapalêgenña kwananğen.
- Lau dansanğwaga seo kwananğen gêdêñ tañ tenenji sêkôc êsêac su nan.
- 4 Ñamalic gêjam êsêac auc kêtôm gêjam moac sec auc. Ac têtôm moac, tañ gêbôc tañasun auc gebe êñô biñ atom nan.
- 5 Têtôm moac, tañ kêkêñ taña nê gôliñwaga awa to ñac mectomanña, tañ kêsôm ñamec kêtû tôn nan atom.
- 6 O Anôtô, ônac êsêacnêñ lunlun popoc anğa awenğsun.
- O Apômtau, ôkip lewe matic nêñ ñani sa.
- 7 Ôkenğ êsêac sê su êtôm bu kêtaiñ su.
- Êsêac têtû masê amboac gêgwanğ intênaña.
- 8 Êsêac sênaña amboac i, tañ daônğ sa anğa malenğ nan.
- Êsêac têtôm ñapalê, tañ têna kêkôc enğ ñamatê ma gêlic gamêñ ñawê sapu nan.
- 9 Sêjala atomgenğ ma sebob êsêac amboac waônğ.
- Sêmoa matenğ jaligenğ ma Anôtô têtac ñandanğ êju êsêac sa sênaña.
- 10 Ñac gêdêñ embe êlic sêkêñ ñagêjô êndêñ ñac, tañ gêgôm sec nan, oc ôli êpi.
- Enğ oc êkwasiñ akaiñ êsêp ñac alôb-alôb nê dec.
- 11 Ma lau oc sêsôm gebe Biññanô, lau gêdêñ têtap nêñ ñagêjô ñajam sa.
- Biññanô, Anôtô tañ kêmêtôc biñ anğa nom nan, tec gêmoa.”

\*

## 59

### *Mec Anôtô ênam aéac saŋa*

- <sup>1</sup> O ŋoc Anôtô, ôjaŋgo aé su aŋga ŋoc ŋacjonêŋ.  
Ôtu aéŋoc lamu êndêŋ ŋoc soŋo-soŋo.
- <sup>2</sup> Ôjaŋgo aé su aŋga secwaga nêŋ.  
Ma ônam aé sa aŋga lau, taŋ sêkêc dec siŋ naŋ  
nêŋ.
- <sup>3</sup> Gôlicgac me, êsêac têtú kêka-kêka sebe sensen  
katuc su. Ma ŋactêkwa sêkac sa sebe sensen  
aê.  
O Apômtau, aé gagôm gêŋ geo ten atom.
- <sup>4</sup> Aêŋoc biŋ masi, mago êsêac sêlêtigeŋ mêŋtêdênaŋ  
taŋ sêkô sebe sênac aé.  
Ôndi mêŋônam aé sa ma ônac êsêac.
- <sup>5</sup> O Apômtau, lau siŋ undambêŋa nêŋ Anôtô ma  
Israelnêŋ Anôtô aômgoç, ôndi, ôkêŋ ŋagêjô  
êndêŋ lau samuc samob.  
Taêm labu êsêac, taŋ sêgôm aômnêm biŋ paliŋ  
ŋa biŋ alôb-alôb naŋ, nêŋ ten atom.
- <sup>6</sup> Êsêac amboac kêamgeŋ sêmu e mêŋseola malac auc  
kêtôm kêtulageŋ.
- <sup>7</sup> Ôlic êsêac awen ŋpic kêsa. Imbeleŋ kêtôm siŋ  
gebe êsêac taêŋ gêjam gebe “Asa oc êŋô aéac.”
- <sup>8</sup> O Apômtau, aôm kôômac êsêac.  
Aôm kôsu lau samuc susu.

---

\* **58:11:** Dawidnê pesalem ten.

- 9 Njoc njaclai aôm, gabe matoc êsap aômgenj  
gebe aôm Anôtô, kôtu njoc tunjtêna.
- 10 Njoc Anôtô oc êpuc aê tontônj êmênj tonê têtac  
gêwiñj aêña.  
Enj oc êkênj aê jalic enj êku njoc njacjo tulu.
- 11 Ônac êsêac êndu atom ec njoc lau materjanô êpi  
êsêac ma sêliñ biñ siñ atom. Aôm njaclai,  
onsoc êsêac gebe seo êliñ-êliñ sêmoa.  
O Apômtau, aêacma lamu aôm, nêma njaclai êtiñ  
êsêac piñpañ nasênêc.
- 12 Êsêac awenjsuñ sec, ma biñ, tañ kêsa gêdônôlic  
nañ, amboac tonañ.  
Ôkênj êsêac sêwê nêñ tetoc tañ sa êtu uc ma  
sêwê nêñ biñ alôb-alôb to biñdansañ, tañ  
sêsôm nañ, amboac tonañ.
- 13 Têmtac njandañ ma onseñ êsêac su. Ônseñ êsêac su  
e malenjmê samucgenj.  
Ôkênj êsêac sêjala gebe Anôtô njacgôliñ tau tec  
gêjam gôliñ aña Jakob e gêdênj nom njamadiñ.
- 14 Aênjoc njacjo amboac kêamgenj sêmu e mênseola  
malac auc  
kêtôm kêtulagenj.
- 15 Êsêac sêoc jaañ-jaañ gebe têtap nêñ gwada sa  
ma embe têtap sa êtôm atom, oc sêkênj Iêsu.
- 16 Mago aê gabe jañga wê êpi aômnmê njaclai  
ma aoc êoc nêma têmtac gêwiñj tenjenña ña ñandu  
êpi êtôm bêc samob  
gebe aôm kôtu njoc tunjtêna

gêdêḡ ḡoc noc kapô lêna taucḡa, tec gaê lamu aômgeḡ.

<sup>17</sup> ḡoc ḡaclai aôm, tec gabe jaḡga wê êpi aôm gebe Anôtô kêtḡ ḡoc tuḡtêna, ḡoc Anôtô, taḡ têtac gêwiḡ aê naḡ.

\* dêdib eḡ aḡga nê andu gebe sênac eḡ endu.

## 60

*Mec Anôtô ênam aêac sa êndêḡ nêḡ soḡo-soḡoḡa  
(Pes 108:6-13)*

<sup>1</sup> O Anôtô, aôm kôtiḡ aêac su ma goseḡ aêac êliḡ-êliḡ.

Aôm têtmac ḡandaḡ su ma galoc ônam aêac sa êtiam.

<sup>2</sup> Aôm kôwiwic gamêḡ e kôkac nom kêkôc.

Ômakop ḡasêawa auc êtiam gebe gamêḡ ḡakôjô-kôjô.

<sup>3</sup> Aôm kôkêḡ nêḡ lau sêôc gêḡwapac ḡasec.

Aôm kôkêḡ gêḡ aêac anôm e kêjaḡḡ aêac.

<sup>4</sup> Aôm gôjac lau, taḡ têtêc aôm naḡ, nêḡ gêbôm su gebe sêkac taḡ sa ma sêc nêḡ ḡacjo nêḡ talam su.

<sup>5</sup> Ônam nêḡ lau, taḡ têtmac gêwiḡ êsêac naḡ sa.

Nêḡ anôḡa ênam aêac sa ma ôkêḡ taḡam aêacmêḡmaḡ.

<sup>6</sup> ḡac dabuḡ Anôtô kêsôm nê biḡ lasêgac gebe

“Kaku ḡacjo tulu, tec ôlic kêpigeḡ. Aê gabe janac sam Sikem, gabe janam dôḡ bumaḡ Sukot.

---

\* **59:17:** Dawidnê pesalem teḡ gêdêḡ taḡ Saul kêsakiḡ lau gebe

- 7 Aê katu Gilead to Manase n̄atau ma Epraim k̄etu  
 m̄ok̄êcapac n̄akululuŋ.  
 Juda k̄etu n̄oc ḡoliŋ.
- 8 Moab k̄etu laclu jakwasin̄ tauc̄ŋa. Aê janu n̄oc  
 atapa su ma jambalin̄ naênsac Edom.  
 Aê oc janam lasê êtu Pilistian̄a.”
- 9 Asa oc êwê aê jasa malac n̄ajaŋa jana.  
 Asa oc êwê aê jasa Edom jana.
- 10 O Anôtô, aôm oc k̄otiŋ aêac su me.  
 O Anôtô, aôm oc ôwê aêacma lau sin̄ŋa atom  
 me.
- 11 Ônam aêac sa êndên̄ n̄acjoman̄  
 gebe n̄amalac oc sênam aêac sa êtôm atom.
- 12 Anôtô êwiŋ aêac, go taku nêŋ n̄acjo tulu  
 gebe eŋ oc êka aêacnêŋ n̄acjo popoc samob.

*Dawidnê teŋ gêdên̄ taŋ gêjac sin̄ gêdên̄ lau  
 Aramea an̄ga Naharalm̄ to Soba ma Joab kêkac  
 tau ôkwi ma gêjac lau Edom 12,000 an̄ga Gaboan̄  
 Gwêc̄ŋa.*

## 61

### *Mec Anôtô ejop aêacŋa*

- 1 O Anôtô, ôŋô n̄oc taŋi kapôên̄.  
 Ôken̄ taŋam n̄oc mec.
- 2 Gan̄gôn̄ gêdên̄ nom n̄amadiŋ ma aoc gêjac aôm  
 gebe n̄oc n̄alêlôm n̄atutuc n̄asec.  
 Poc kapôên̄ tec kêkô, ma aê tauc oc japi jatôm atom.  
 Amboac tonan̄ aôm ôkam aê, go japi.
- 3 Gebe aê gaê lamu aômgen̄.  
 Aôm k̄otu n̄oc tun̄têna gêdên̄ n̄acjo.

- 4 Ojae, jaŋgôŋ nê m beclêlôm enden tôniaŋman.  
Jaŋgôŋ nê m magêm ŋalabugenman.
- 5 Gebe aôm Anôtô kôkêŋ taŋam biŋ, taŋ gajac mata naŋ.  
Aôm kôkêŋ aê gawê kaiŋ êsêac, taŋ têtêc  
aômnêm ŋaê naŋ, nêŋ gêŋlênsêm.
- 6 Ônac têku kiŋnê bêc wakuc-wakucgen ênêc.  
Ôkêŋ eŋ êmoa tojala-tojala ŋapaŋ.
- 7 Ôkêŋ eŋ êŋgôŋ nê lêpôŋ êŋgôŋ Anôtô  
laŋônê mŋagen.  
Ôkêŋ nê m têtac gêwiŋ tenŋenŋa to biŋ ŋaŋêŋ  
êkwa eŋ auc.
- 8 Amboac tonan aoc êôc nê m ŋaê enden tôniaŋ  
ma jaŋgôm biŋ, taŋ gajac mata naŋ, ŋanô êsa  
êtôm bêcgen.
- \*

## 62

### *Anôtô taugen eŋ lamuanô*

- 1 Aêŋoc katuc gêôŋ Anôtô ŋaŋêŋgen  
gebe eŋ oc ênam aê sa.
- 2 Eŋ taugen kêt u ŋoc poclabu ma ŋoc gêjam-sawaga.  
Eŋ kêt u ŋoc laimôkê, tec oc jaku sa samucgen  
atom.
- 3 Amac samob aboa taôm sa api ŋac tagen abe aku  
eŋ tulu  
amboac tuŋ, taŋ kêôpac kwananŋen naŋ, e  
êndêŋ ondocgen.

---

\* **61:8:** Dawidnê tenŋ.

- 4 Êsêac taêḡ gêjam biḡ tagen tonec gebe têtin en anḡa nê lêpôn.  
Êsêac têtac gêwin biḡdansan. Aweḡsun gêjam mec, mago nêḡ ḡalêlôm kêpuc boa.
- 5 O ḡoc katuc, ôôn Anôtô ḡanḡenḡen  
gebe en kêtú aê kakêḡ matoc ḡamôkê.
- 6 En taugen kêtú ḡoc poclabu ma ḡoc gêjam-sawaga.  
En kêtú ḡoc laimôkê, tec oc jaku sa atom.
- 7 Anôtô kêtú ḡoc moasin to waec ḡamôkê.  
Anôtô kêtú ḡoc poctêna, taḡ gaê lamu nan.
- 8 O ḡoc lauac, taêm êka en ḡapan. Ansêwa nêḡ  
ḡalêlôm sa êndêḡ en.  
Anôtô kêtú aêacnêḡ lamu.
- 9 ḡamalac ḡaôma latuḡi têtôm gêḡ ḡajaô-jaô, kasêga  
latuḡi têtôm gêḡ ḡanômê.  
Embe tanam dôḡ êsêac, oc dôḡ êmandi êsêac sa  
gebe samob ḡagaô kêlêlêc ḡajaô-jaô su.
- 10 Taêm êka ḡaclai êkônin ḡamalac tôḡḡa atom ma  
akêḡ mateḡ gebe aḡanḡo gêḡḡa atom.  
Embe nêḡ awa êtu taêsam, nan nêḡ ḡalêlôm  
êsap tôḡ atom.
- 11 Anôtô kêsôm biḡ kêtú dim tagen, mago aê ganô  
biḡ luagêc kêsêp tau lêlôm gebe  
Anôtô en ḡaclai.
- 12 Ma aôm Apômtau, kôtu têtac gêwin tenḡenḡa  
ḡatau  
gebe aôm kôkêḡ ḡagêjô gêdêḡ ḡamalac kêtôm  
gêḡ samob, taḡ êsêac sêgôm nan.



\*

## 63

### *Tanam aweŋ su Anôtô*

- 1 O Anôtô, aôm kôtu ŋoc Anôtô, aê gasom aôm.  
Katuc gêjam awa su aôm.
- Ôlic kêtû sawa aômŋa  
amboac gamêŋ ŋakelen, taŋ bu masi  
samucgeŋ ma kêtû sawa bu naŋ.
- 2 Aê gabe matoc ê aôm aŋga nêŋ gamêŋ dabuŋ  
ma jalic nêŋ ŋaclai to ŋawasi.
- 3 Gebe aôm têtmac gêwiŋ teŋgeŋŋa ŋajam kêlêlêc  
jaŋgôn matoc jaliŋa su,  
tec aoc êôc aôm.
- 4 Amboac tonan aê jalambin aôm êtôm ŋoc bec  
jaŋgôn matoc jaliŋa samob  
ma jaôc lemoc sa to aoc ênac nêŋ ŋaê.
- 5 Ŋoc katuc kêtap moasiŋ sa e gêôc eŋ tôŋ  
ma aoc gêôc aôm toôndugeŋ.
- 6 Êndêŋ taŋ jasa tauc sic najanêc ŋoc mê naŋ, jasa  
aôm laŋôm sa  
ma taêc ênam aôm êndêŋ êmbêc samuc.
- 7 Gebe aôm gôjam aê sagac,  
tec gajam wê totêtac ŋajam samucgeŋ gaŋgôn  
aôm magêŋ labu.
- 8 Aêŋoc katuc kêsap aôm tôŋ ŋajaŋa.  
Lêmam anôŋa kêkam aê sa kakô ŋaŋêŋ.
- 9 Ma êsêac, taŋ têtû kêka-kêka sebe senseŋ aê su  
naŋ,

---

\* **62:12:** Dawidnê pesalem teŋ.

- oc sênaŋa sêsêp nom ŋakêlêndiŋ sec sêna.
- 10 Siŋ enseŋ êsêac su  
ma têtû kêam sec saleŋŋa nêŋ gwada.
- 11 Mago kiŋ oc têtac ŋajam Anôtôŋa. Êsêac samob,  
taŋ têtôc lemeŋ  
kêpi eŋ naŋ, oc têtû samuc gebe eŋ oc êmbôc  
dansaŋtênanêŋ awenŋsuŋ auc.
- \* Judaŋa naŋ.

## 64

### *Mec Anôtô ejop aêac êndêŋ ŋacjo alôb-alôb*

- 1 O Anôtô, kataŋ nec, ôkêŋ taŋam aê aoc.  
Ojop katuc êndêŋ ŋacjo, taŋ kêtakê aê naŋ.
- 2 Ôkô aê auc êndêŋ lau secwaga nêŋ biŋ, taŋ taêŋ  
gêjam gêc nêŋ ŋalêlôm sebe senseŋ aê naŋ.  
Ma êndêŋ lau geo, taŋ sêkac tauŋ sa toôndugeŋ  
sêmoa naŋ.
- 3 Sêuc imbelenê kêtôm siŋ.  
Sêsôm biŋ ŋamalic kêtôm sêpê sôb.
- 4 Sêpê ŋac mansaŋ ŋa siŋ geŋgeŋgeŋ.  
Sêpê eŋ paliŋ-paliŋgeŋ ŋamelocŋageŋ.
- 5 Sêjatu tauŋ siŋ geoŋa ma sêmoatiŋ sebe sêkêŋ lakô.  
Êsêac taêŋ gêjam gebe “Asa oc êlic aêac.”
- 6 Êsêac taêŋ gêjam kêsêp biŋ alôb-alôb. Taêŋgêjam  
gebe “Ajac dabiŋ tomalageŋ sugac,”  
gebe ŋamalac samob nêŋ ŋalêlôm kêtôm  
gêsuŋbôm seclêlôm.
- 7 Sêgôm tauŋ amboac tonanê e Anôtônê sôb kêtap  
êsêac sa,

---

\* **63:11:** Dawidnê pesalem gêga gêdêŋ taŋ gêmoa gamêŋ sawa

- go sêjala taun gebe ôlin lasê sep tagen.  
 8 Enj oc ensen êsêac êtu nêj imbelenja.  
 Samob tañ sêlic êsêac nan, têdainj gêsunj gêdênj  
 êsêac.  
 9 Go ñamalac samob têtêc taun sêsôm Anôtônê  
 gênsêga lasê  
 ma nêj kauc kêsa kêpi ênê gôlinj.  
 10 Ñac gêdênj têtac ñajam kêtû Apômtaunja ma gê  
 lamu enjenj.  
 Ma ñalêlôm mansanj samob sêmoa ñajam to ôlinj  
 kêpigenj.  
 \*

## 65

### *Danje kêtû Anôtônê moasinj ñalêlômja*

- 1 O Anôtô, lau awenj êoc aôm anja Sionmanj.  
 Ma sêngôm binj, tañ sêjac mata gêdênj aôm nan,  
 ñanô êsa.  
 2 Aôm kôkênj tañam mec,  
 amboac tonanj ñamalac samob dêndênj aôm  
 sêwac  
 3 êtu nêj geo ñatonja. Aêacma geo embe êlêlêc aêac  
 sù,  
 go ôsuc ôkwi.  
 4 Aê aoc êoc ñac, tañ aôm kôjalinj enj sa gebe êtu  
 gasuc aôm  
 wacêmoa nêma malaclunjanj,  
 gebe aôm nêma andu to lôm ñagênj ñajam,  
 tec oc êoc aêac tônj.  
 5 O Anôtô, aêacma kêsiwaga, aôm kôkênj tañam aêac  
 to gôjam aêac sa ña gêntalô.

\* **64:10:** Dawidnê pesalem tenj.

Lau anġa nom nġamadinġ samob to êsêac, taġ sêġġoġ  
 ġwêcm anġa jaêcsêġa naġ,  
 sêkêġ matenġ aômġenġ.

6 Aôm nactêkwa, taġ kôġandinġ nġaclai kêtu nêġ  
 ômbinġkap naġ,  
 tec kôkwê lôc tolôc sa kêkô.

7 Aôm ġôê ġwêc kêtu malô to ġôġôm nġadembom nġatip  
 kêsâ  
 ma ġôġôm tentenġlatu samob nêġ wambanġ kêtu  
 malô.

8 ġôġôm e lau, taġ sêġġoġ nom nġamadinġ jaêcsêġa  
 naġ,  
 têtêc taunġ kêtu nêġ ġênġtalôġa.

Aôm ġôġôm lau ġamêġ oc kêġpi to oc kêsêġnġa  
 sêġjam lasê toôġnduġenġ.

9 Aôm kokelenġ nom ma kôsanim nġa bu.  
 Aôm kômoadinġ nom nġanôġenġ.

Aôm Anôtô kôkêġ nêġ bu kêsunġ e nġalap-lap  
 lanġwagenġ.

Aôm kômasaanġ nom amboac tonanġ, tec kôkêġ  
 launêġ ġênġ kômġnġa kêġpi nġajamġenġ.

10 Aôm kôsanim nom nġawampôm e nġapep sawa to  
 kôlênsim nom e kêtu palê.

Aôm kôkêġ kom kêmaloġm nom ma ġôġjam mec  
 ġênġ e kêġpi nġajam.

11 Aôm ġôġjac dabinġ jala nġa nêġ moasinġ totau-totau  
 ma wanġam nġalêsi ġênôm ġamêġ ġêġjam auc.

12 Bôcnêġ ġamêġ sêġinġ ġênġnġa nġamêdôb nġajamġenġ  
 nġapanġ.

Ma ġamêġ nġamatu ġêġbuc tau sa e têtac kêsâ  
 lanġwagenġ.

13 Bôc sêġjam oba auc amboac oba kêsô nġakwê

ma gaboan kêkwa tau auc ña molaun.  
 Êsêac sêjam lasê  
 to sêjam wê sêwiñ tauñ totêntac ñajamgeñ.  
 \*

## 66

### *Wê lambiñ to danjeña ten*

- 1 Gamêñ samob awem êôc Anôtô toôndugeñ.
- 2 Atoc ênê ñaê ñawae sa.  
 Alambiñ en e ñawasi lanwgagen.
- 3 Asôm êndên Anôtô gebe “Aômnêm gôlin e ñajamanô  
 kain ten.  
 Aômnêm ñacjo tetoc aôm sa kêtû nêm ñac lai  
 gêjam sêgaña.
- 4 Lau gamêñ samobña sewec êndên aôm ma awen  
 êôc aôm.  
 Samob tetoc nêm ñaê sa.”
- 5 Amên ma alic gêñ, tañ Apômtau gêgôm nañ.  
 En gêjam gôlin ñamalacnên latuñi e têtac kêsa  
 lanwgagen.
- 6 En gêjam gwêc ôkwi kêtû gamêñ ñakelen, tec en kain  
 sêsa ñasamac ñamala sêja.  
 Ma aêac têtac ñajam kêtû enña.
- 7 En ñagôlin, nê gôlin oc ênêc tengeñ. Mata kêsap  
 tentenlatugeñ, tec gêmoa.  
 Lau-sêli-tauñ-sawaga oc tetoc tauñ sa êndên en  
 atom.
- 8 O tentenlatuac, alanem aêacma Anôtô.  
 Anôm ênê wae êtu tapa ñanô.
- 9 En gêjam aêac katun sa, tec tamoa materñ jali

---

\* **65:13:** Dawidnê pesalem ten. Wê ten.

ma kêpuc en̄kaiŋ tōŋ, tec taku atom.

- 10 O Anôtô, aôm kôsaê aêacgac.  
Aôm kôpac aêac e awê kêtom sêpac silber gêwê.
- 11 Aôm kôkêŋ aêac awê uc.  
Aôm kôkêŋ gêŋwapac gêsac aêac dêmôêŋtêkwa tōŋ.
- 12 Aôm kôkêŋ ma ŋacjo sêka aêac lênsôŋ. Aôm kôkêŋ aêac asa ja to bu ŋasamac ŋalêlôm aja, mago galoc gôwê aêac sa jaakô gamêŋ ŋajam.
- 13 Aê todajageŋ jasô nêŋ andu  
ma jaŋgôm biŋ, taŋ gajac mata su naŋ, ŋanô êsa.
- 14 Gêdêŋ taŋ kapô lêna naŋ, kasôm lasê  
ma aocsuŋ kasôm kêtû tōŋ gebe jaŋgôm gêŋ tau tonaj.
- 15 Aê gabe jansuŋ domba ŋalêsi êtu daja to domba kapoac ŋada ŋamalu êsa êndêŋ aôm.  
Aê gabe jamansaŋ bulimakao to noniŋ kapoac atu da êndêŋ aôm.
- 16 Amac lau, taŋ atêc Anôtô naŋ, samob amêŋ aŋô.  
Aê gabe janac miŋ biŋ, taŋ eŋ kêmoasiŋ ŋoc katuc naŋ.
- 17 Aê aocsuŋ gamôêc kapôêŋ gêdêŋ eŋ  
ma wê lambiŋŋa gêc imbeloc ŋatêpôê.
- 18 Ŋoc ŋalêlôm embe taê êka biŋ eso,  
oc Apômtau êkêŋ taŋa aê atom.
- 19 Mago Apômtau kêkêŋ taŋa aêgoc.  
Eŋ gê taŋa aêŋoc mec.
- 20 Aê aoc êoc Anôtô gebe gêjac kapoac ŋoc taŋiboa atom.

Ma kêgamiņ nê têtac gêwiņ tengeņņa gêdêņ aê  
atom.

\*

## 67

*Seņ mo lasê ņawê dangeņa*

- 1 Anôtô taê labu to ênam mec aêac.  
Eņ oc êkêņ laņôanô êpô aêac.
- 2 Gebe lau nomņa sêjala nêմ lêņ  
to lau samuc samob sêjala ņaclai ônam lau saņa.
- 3 O Anôtô, tentenļatu awenņ êôc aôm.  
Tentenļatu awenņ êôc aôm tomalagenņ.
- 4 Tentenļatu ôliņ êpi ma sênam wê toôndugenņ gebe  
aôm kômêôtôc launêņ biņ jagêdêņ  
ma gôwê tentenļatu samob aņga nom.
- 5 O Anôtô, tentenļatu awenņ êôc aôm.  
Tentenļatu awenņ êôc aôm tomalagenņ.
- 6 Nom gêjam ņanôgac.  
Anôtô, aêacnêņ Anôtô, gêjam mec aêac.
- 7 Anôtô gêjam mec aêac  
ma nom ņamadiņ samob têtêc eņ.

\*

## 68

*Anôtô kêku nê ņacjo lulu ņawê lambiņņa*

- 1 Anôtô êndi êkô gebe enseņ nê ņacjo êliņ-êliņ  
ma êsêac, taņ nêņ ņalêlôm kêmoatiņ tônj kêtu  
eņņa naņ, sêc su aņga ênê laņônêմņa.
- 2 Anôtônê laņôanô enseņ lau, taņ sêkac taunj su aņga  
ênê naņ,

---

\* 66:20: Wê tenj. \* 67:7: Wê tenj.

- êtôm mu kêdaba jadaun to ja kêpac lêp gêwê.  
<sup>3</sup> Ma lau gêdêḡ têtac ḡjamgeḡ to têtû samuc sêkô  
 Anôtô laḡônêḡ  
 ma ôliḡ êpi toôndugeḡ.
- <sup>4</sup> Anam wê êpi Anôtô. Awem êôc ênê ḡaê. Anam  
 ḡac, taḡ kêsa gamêḡ sawa naḡ, nê intêna.  
 ḡac tau nê ḡaê gebe Apômtau. Akô eḡ  
 laḡônêḡḡa ma anam lasê toôndugeḡ.
- <sup>5</sup> Anôtô taḡ gêmoa nê andu dabuḡ naḡ,  
 kêtû mosêbunêḡ tamenḡi to awêtucnêḡ gêjam-  
 sawaga.
- <sup>6</sup> Anôtô gêjam lau sawa sa gebe têtap gôlôac sa ma  
 kêgaboac lau kapoacwalôḡa su jasêmoa nêḡ  
 tauḡḡa.  
 Ma kêmasê gêsunḡtêkwa ḡatoḡwaga sa e  
 nêḡ gamêḡ, taḡ sêḡgôḡ naḡ, kêtû kelenḡ  
 laḡgwageḡ.
- <sup>7</sup> O Anôtô, gêdêḡ taḡ gôdi gôwê lau sa ma kôtu  
 êsêacnêḡ ḡamata  
 to gêdêḡ taḡ amkaiḡ kôka gamêḡ sawa tôḡ naḡ,
- <sup>8</sup> nom kêtênêp to umbonḡ kêsêwa kom  
 kêtû Anôtônê laḡôanô kêtû awêḡa.  
 Lôc Sinai kêtênêp kêtû Anôtô gêô lasê lôc tauḡa.  
 Israelnêḡ Anôtô gêô lasêgac.
- <sup>9</sup> O Anôtô, aôm kôkêḡ kom gêjac kêsêwageḡ  
 ma kôlau nêḡ nomlênsêḡ, taḡ gelo-gelo naḡ.
- <sup>10</sup> Aômnêḡ gôlôac têtap nêḡ gamêḡ sêḡgôḡḡa sa.  
 O Anôtô, nêḡ moasiḡ kêmasaḡ gamêḡ tau kêtû  
 lau ḡalêlôm sawaḡa.



- 11 Apômtau kêjatu sa  
ma lauo taêsam ñasec sêjam wêsiñ e ñawae kêtú  
tapa.
- 12 “Lausiñ totonj-totonj to nêñ kinj sêc, sêcgoç”  
ma lauo sêjac sam ñawaba gêdêñ tauñ.
- 13 Talic êsêac amboac balôsi ñaôsic-ôsic amboac  
silber ma ñawaô jonjsamuc ma ñaôsic-ôsic am-  
boac gold.  
Amacnêm lauo ñagêdô sêmoa domba nêñ sapa  
ñalêlôm kêtú agenñja.
- 14 Gêdêñ tañ ñajaña ñatau Anôtô kêpa kinj êliñ-êliñ  
nañ,  
eñ kêkêñ sno gêjac anga lôc Salmon.
- 15 Aôm lôc Basanña kôtu lôc towae.  
Aôm lôc Basanña ñatêpôê jabo-jabogoc.
- 16 Amac lôc ñagêdô, tañ jabo-jabo nañ, asagen  
têmtac ñandanj gêdêñ lôc, tañ Anôtô gebe  
êñgônj êtu nê gamêñ nañ.  
Biññanô, Apômtau oc êñgônj tônê endenj tôngeñ.
- 17 Anôtô gêmêñ anga Sion ña nê kareta siñña taêsam  
ñalêlêma atom.  
Apômtau gêmêñ anga Sinai mêngeô lasê nê  
gamêñ dabuñ.
- 18 Aôm kôpi lôlôc jagôwê lau kapoacwalôña sêwiñ  
aôm. Ñamalac sêsuñ nêñ gêñ gêdêñ aôm  
gêwac.  
Gêsuñtêkwa ñatonj oc sêñgônj sêwiñ Apômtau  
Anôtô amboac tonañ.
- 19 Awenj êôc Apômtau, eñ kêsip aêac sa bêc to bêc.  
Eñ Anôtô, tañ gêjam aêac sa nañ.

- 20 Anôtô tonan̄ tec kêtú aêacnêḡ Anôtô, taḡ gêjam  
aêac kêsi nan̄,  
ma Apôm̄tau Anôtô eḡ ḡatau, tec oc ênam tasa  
paḡ lêndaḡ ôkwi.
- 21 Biḡḡanô, Anôtô oc elo nê ḡacjo môkêḡapac popoc,  
oc ênac ḡac, taḡ kêsêlêḡ tonê secgeḡ nan̄,  
môkêdaḡgam popoc amboac tonan̄.
- 22 Apôm̄tau kêsôm kêtú tôḡ gebe “Aê oc jajoḡ êsêac  
aḡga Basan sêmu sêmêḡ.  
Biḡḡanô, oc jajoḡ êsêac aḡga gwêc ḡagêdimbob  
sa sêmu sêmêḡ.
- 23 Gebe ôkwasiḡ amkaiḡ êsêp nêḡ declêlôm.  
Nêm kêam imbeleḡ têtap nêḡ gwada aḡga  
ḡacjonêḡ sa.”
- 24 O Anôtô, lau sêlic nêm gôlôac ḡawalaḡ baliḡ.  
Sêlic ḡoc kiḡ Anôtônê walaḡ baliḡ omḡa sêmoa  
gamêḡ dabuḡ.
- 25 Lau sênam wê ḡa aweḡwaga têtú ḡamata, go lau,  
taḡ sêjac gêḡ wêḡa kêtaḡ nan̄, têtú ḡamu  
ma lauo takiḡ sêmoa ḡasawa togegobgeḡ.
- 26 Awem êoc Apôm̄tau Anôtô aḡga gôlôacnêḡ sêkac  
sa ḡalêlôm.  
Amac taḡ Israel kêtú nêm ḡamôkê nan̄, awem  
êoc Apôm̄tau.
- 27 Lau Benjaminḡa toḡ sauḡ ec teḡ sêwê sêmoa ônê,  
lau Judanêḡ kasêga toḡ kapôêḡ teḡ kêdaguc,  
go kasêga Sebulonḡa to kasêga Naptaliḡa am-  
boac tonan̄geḡ têtú ḡamu.
- 28 O Anôtô, ôḡgôm nêm lai êpoa.

O Anôtô, ondenj gêj, tañ gôjam aêac saña nanj tôj.

29 Kinj oc sejonj awa sa dëndêj aôm sêna Jerusalem êtu nêmlôm dabunja.

30 Ôlêj binj bôcbôm Aiguptunja, tañ sêmoa humanj nasinjêlôm nanj.

Ôlêj binj tentenlatui, tañ têtôm bulimakao kapoac to njalatu nanj,

e samob sêmbu taunj ma sêkêj silber êndêj aôm.

Onsenj lau, tañ têtac gêwinj sinj nanj, êlinj-êlinj.

31 Kasêga anja Aiguptu sêmêj.

Lau Aitiopianja sêlêti ma sêmêtôc lemenj gêdêj Anôtô.

32 Amac kinj nomja anam wê êpi Anôtô.

Awem êôc Apômtau,

33 tañ gêmunj andanjanô gêmoa nê undambê lólôcna nanj.

Anjô enj gêôc awa sa ma gêmôêc nja awa kapôêj.

34 Aoc Anôtô njac lai lasê. Enj gêjam gôlinj Israel tonjawasigenj

ma nê njac lai gêc tao njalêlôm.

35 Anôtô njac lai kainj tenj kêsa anja nê gamêj dabunj gêmêj.

Enj Israelnêj Anôtô. Enj kêkêj ôlinj walô gêdêj nê lau.

Lambinj êndêj Anôtô.

\*

---

\* 68:35: Dawidnê pesalem tenj. Wê tenj.

## 69

*Mec Anôtô ênam saña*

- <sup>1</sup> O Anôtô, ônam aêma saman  
gebe bu gênôm aê auc e gabe janaña.
- <sup>2</sup> Aê malocmê kasêp lemonj gôlub-gôlub gaja.  
Gamêñ tenj kêtôm gebe jaka tôñña gêc atom.  
Aê katap bugaboañ sec sa ma ñasamac kêkôm  
aê auc.
- <sup>3</sup> Katañ tauc e tekoc gêbac ma ñoc koclabenj kêtú  
dambê-dambê lanjwagenj.  
Aê gaôñ to kakêñ matoc Anôtô e matocanô  
ñabob kêsa.
- <sup>4</sup> Lau tañ têtac gedec aê kêtú ñam tenña atom nañ,  
taêsam ñasec,  
sêlêlêc môkêclauñ môkêcapacña su.  
Lau tañ sebe senseñ aê su nañ, ñaclai sec  
ma êsêac sêgôlinj binj kêpi aê. Êsêac sêkac aê  
gebe jakêñ gêñ êjô gêñ, tañ gajam genjenj  
atom nañ.
- <sup>5</sup> O Apômtau, aôm kôjala ñoc keso  
ma ñoc geo kêsinj tau gêdêñ aôm atom.
- <sup>6</sup> O Anôtô, tañ kêtú lausinj undambêña nêñ ñatau  
nañ,  
ôkêñ aê gebe janjôm lau, tañ mateñ gê aôm  
nañ, majenj êsa atom.
- O Israelnêñ Anôtô,  
ôkêñ aê gabe janjôm lau, tañ sêsap aôm tôñ  
nañ, waenj sec atom,
- <sup>7</sup> gebe aê gaôc gêñwapac sec kêtú aôm ña.  
Majoc e techeloc ñawapac kêsa kêtú aômña.
- <sup>8</sup> Ñoc lasitêwai sêlic aê amboac ñac jaba

ma tinocnê lau sêlic aê amboac ñac  
gamêñbômña teñ.

- 9 Gebe gaim tauc su nê m anduña e katu meloc su.  
Ma lau, tañ sêmbu aômña nan, nêñ biñ sêmbuña  
mêñkêpi aê gêwiñ.
- 10 Aê katu kasec ôlic gebe katan to gajam dabuñ  
mo,  
mago lau sêsu aê susu.
- 11 Aê ganôñ kaukauc kêt u ñoc ñakwê  
ma êsêac sêga wê susuña kêpi aê.
- 12 Lau embe sêñgôñ malacluñ nan, oc sênam aêñoc  
biñ êtu biñgalôm  
ma lau, tañ bu kêjanñ êsêac nan, sêga wê sec  
kêpi aê.
- 13 O Apomtau, aê tec jansuñ ñoc mec êndêñ aôm.  
O Anôtô, ôjô ñoc mec êndêñ noc, tañ aôm gôlic  
ñajam nan.
- Ôjô aê aoc êtu nê m têtac gêwiñ teñgeñña,  
êtu ôngôm nê m biñ, tañ gôjac mata nan, ñanô  
êsa.
- 14 Ôkam aê sa anga lemon gebe gôdubub jasêp e  
najanana atom.  
Ônam aê sa anga ñoc ñacjo nêñ, ma anga bu  
ñagêdim êwiñ.
- 15 Ôkêñ ñasamac ênsalê aê auc atom.  
Ma ôkêñ aê janôm bu su jasêp gêdimbob me  
janêc êsêp sê jana atom.
- 16 O Apômtau, ôkêñ tañam aê gebe nê m têtac gêwiñ  
teñgeñña tau ñajam.

Ôkac taôm ôkwi êndêḡ aê êtu nêḡ taêm labu  
ḡanôḡa.

17 Ôsiḡ laḡôm ôkwi êndêḡ nêḡ sakiḡwaga atom.  
Aê gamoa jageo, ôḡô aêḡoc biḡ galocḡeḡ.

18 Ôndêḡ aê ômôêḡ ma ônam aê kêsi.  
Ôsa aê laḡôc sa êndêḡ ḡoc ḡacḡo.

19 Aôm ḡôlic aêḡoc biḡ, taḡ sêḡôm aê êndu-êndugeḡ  
to ḡaḡḡôḡ jageo ma sêḡôm aê katu meloc  
naḡḡac.

Aôm kôjala ḡoc soḡo-soḡo samobḡac.

20 Sêsu aê susu e katuc ḡêbac to popocḡeḡ,  
tec gamoa jageo ḡanô.

Kasaê gebe sê malô aê elêmê  
ma kakêḡ matoc gebe sênam aê sa e masi.

21 Êsêac sêkêḡ ḡaikisi aê gaēḡ kêtu mo  
ma ḡêdêḡ taḡ bu ḡêḡô aê naḡ, sêkêḡ bu ḡamakic  
ḡêdêḡ aê ḡanôm.

22 Nêḡ moasiḡ êtu nêḡ lakô  
ma nêḡ moasiḡ daḡa êtu naḡ sê sêu taḡḡ  
êsêḡḡa.

23 Ôkêḡ êsêac mateḡanô êtu kanuc sêlic ḡamêḡ atom  
ma ôkêḡ êsêac magiḡ êsu.

24 Ôkêc nêḡ têḡtac ḡandaḡ êpi êsêac  
ma nêḡ ḡalêlôm ḡamondec-mondec êtap êsêac  
sa.

25 Nêḡ malac oc êtu ḡasaḡ ênêc  
ma nêḡ andulêlôm êtu tuc êkô.

26 Gebe êsêac sêjanda ḡac, taḡ aôm taôm ḡôjac eḡ  
naḡ,  
ma sêjam biḡḡalôm kêpi lau, taḡ aôm ḡôjac êsêac  
ôliḡ lasê naḡ, naḡ ḡandaḡ.

- 27 Ônsalê nêḡ keso ḡagêḡô ênsac nêḡ keso ḡagêdô ḡaô.  
Ma ôkêḡ êsêac sêwê kainḡ nêḡ moasinḡ ônam  
ḡamalac kêsinḡ atom.
- 28 Nêḡ ḡaê ênêc êwiḡ lau ḡêdêḡ nêḡ atom.  
Senseḡ êsêacnêḡ ḡaê su aḡḡa buku matenḡ  
jalinḡ ḡalêlôm.
- 29 Aê tec ḡaḡḡôḡ ḡageo ma ḡaôc ḡêḡwapac ḡanô.  
O Anôḡô, ôsip aê sa ma ônam aê kêsi.
- 30 Aê ḡabe ḡaḡḡa wê ḡaḡḡôm Anôḡônê ḡaê ḡawae êsa.  
ḡanam danḡe to jatoc enḡ sa ḡanô.
- 31 ḡaḡḡôm amboac tonanḡ ec Apômḡtau êlic ḡajam  
êlêlêc bôc kapoac,  
êlêlêc bulimakao kapoac to ḡajabo ma bôc, taḡ  
enḡkêku ḡêwa kêkôc nanḡ su.
- 32 Lau taḡ sêôc ḡêḡ wapac nanḡ, embe sêlic oc têtac  
ḡajam êsa.  
Amac taḡ asom Anôḡô amoa nanḡ, nêḡ ḡalêlôm  
enḡenḡ amac sagneḡ.
- 33 Gebe Apômḡtau kêkêḡ taḡa lau ḡalêlôm sawa  
ma kêlinḡ nê lau, taḡ sêḡḡôḡ kapoacwalô nanḡ,  
sinḡ atom.
- 34 Undambê to nom awenḡ êôc Anôḡô.  
ḡwêc tau to ḡagêḡ matenḡ jali samob, taḡ ḡêmoa  
ḡalêlôm nanḡ, amboac tonanḡenḡ.
- 35 Gebe Anôḡô oc ênam Sion kêsi ma êkwê malac  
ḡudaḡa sa êḡiam  
ma nê lau nasêḡḡôḡ tôḡê ma têtḡ ḡamêḡ ḡatau.
- 36 Ênê sakinḡwaga nêḡ wakuc oc sêkôc sa êḡu nêḡ  
ḡêḡlênsêḡ  
ma êsêac, taḡ têtac ḡêwiḡ enḡ nanḡ, oc sêḡḡôḡ  
tôḡê.

\*

**70**

*Mec Anôtô ênam saña*  
(Pes 40:13-17)

- <sup>1</sup> O Anôtô, mênônam aê sa.  
O Apômtau, ônsaic taômgenj mênôpuc aê tôj.  
<sup>2</sup> Êsêac tañ dêdib aê sebe sensej aê su nañ,  
ôkêj êsêac majenj to tenbelenj ñawapac êsa.  
Ôkêj êsêac, tañ sêkêj materj sebe aê jatu sec nañ,  
sêc tomajenjenj sêmu sêna.  
<sup>3</sup> Êsêac tañ sêgôm “Kec, kec” kêpi aê nañ,  
ôkêj êsêac têtakê tomajenjenj.  
<sup>4</sup> Ôkêj êsêac samob, tañ sesom aôm nañ,  
ôlij êpi to têtac ñajam êsa êtu aôm ña.  
Ôkêj êsêac samob, tañ taênj kêka aômnêm moasinj  
nañ,  
sêsôm lasê enderj tôngenj gebe “Apômtau ñac  
towae.”  
<sup>5</sup> O Apômtau, aê tec ñac palê-palê to ñac ñalêlôm  
sawa.  
O Anôtô, ôlêti sebenj ôndênj aê ômôênj.  
O Apômtau, ônam gamênj tôj atom  
gebe ñoc ônam-aê-sa to ôpuc-aê-tôjwaga  
aômgor.

\*

**71**

*Ñamalacanô tenj nê mec*

\* **69:36:** Dawidnê tenj. \* **70:5:** Dawidnê pesalem tenj. Tanjiboa tenj.



- 1 O Apômtau, aê gaê lamu aômgenj.  
 Ôkêñ aê jamoa tomajocgenj atom.
- 2 Ôngamboac aê to ônam aê sa êtu nêmbingêdêñja.  
 Ôê tanjam aê ma ônam aê kêsi.
- 3 Ôtu ñoc poclabu jaê lamuñja to ñoc laimôkê ônam  
 aê saña.  
 Aôm tonañ kôtu ñoc poclabu to ñoc laimôkê.
- 4 O ñoc Anôtô, ôjanjo aê su anja lau, tanj sêkac taun  
 su anja aômnêm nanj lemenj.  
 Ôjanjo aê su anja lau alôb-alôb to lêsutêna nêñ.
- 5 O Apômtau, aê kakêñ matoc aômgenj.  
 O Apômtau, aê ñapalêgenj ma taêc kêka aôm.
- 6 Gêdêñ tinoc kêkôc aê su ma gasunj tauc gêdêñ aôm,  
 kasa anja tinocnê e aôm gôlôm aêgenj,  
 amboac tonañ oc jalambinj aôm endenj têtjenj.
- 7 Lau samob sêlic aê amboac gêñsêga tenj,  
 mago aôm kôtu aêñoc lamu ñajaña.
- 8 Aocsunj kêsunj aômnêm lanem sa  
 ma gêgôm waem kêtû tapa kêtôm bêcgenj.
- 9 Aê katu ñamalacanôgac, tec ôtiñ aê su atom.  
 Ñoc ñaclai gêbacnê, tec ôwi aê sinj atom.
- 10 Gebe ñoc ñacjo sêsôm binj kêpi aê  
 ma êsêac, tanj sêkic ñoc binj nanj, sêjam binjalôm  
 sêwiñ taunj
- 11 ma sêsôm gebe “Anôtô gêwi enj sinjac,  
 ajanda enj e naakam enj têtjenj gebe ênê kêsiwaga  
 masi.”
- 12 O Anôtô, ômoa jaêc aê atom. O ñoc Anôtô, ôlêtigenj  
 mêtjenam aê sa.

- 13 Êsêac tañ sêkêñ kisa aê nañ, majenñ êsa e sênañ  
ma sêsu êsêac, tañ sebe sêkêñ aê jandac  
gêñwapac nañ, susu e sêmoa totenbelen  
ñawapacgeñ.
- 14 Aê gabe jakêñ matoc aôm endenñ tângên  
ma jañgôm waem êsa êlêlêc su.
- 15 Aocsuñ êsôm nêmbiñgêdên to nêmbiñgêdên  
ñamalac saña lasê êtôm bêcgeñ.  
Aê oc jasa moasiñ tonanñ sa êtôm atom.
- 16 Aê gabe jasa Apômtau Anôtô nê gênñ ñaclai sa.  
Aê gabe jalambiñ aôm taômgeñ nêmbiñgêdên.
- 17 O Anôtô, aê ñapalêgeñ ma aôm kôdônñ aê,  
tec gaoc nêmbiñgêdên lasê ñapanñ e gêdênñ galoc.
- 18 O Anôtô, embe jatu ñamalacanô e môdê ênam aê  
auc,  
nañ ôwi aê siñ atom.
- Gebe jasôm nêmbiñgêdên lau wakuc,  
tañ mêñsêsa êtu ñamu nañ.
- 19 O Anôtô, nêmbiñgêdên kêsunñ kwandanñ  
kêpi e jagêdênñ undambê.  
O Anôtô, tañ gôgôm gênñ ñaclaisêga nañ, asa oc  
êtôm aôm.
- 20 Aôm kôkêñ gêñwapac to gênñ ñandanñ gêjam aê auc  
elêmê.  
Mago aôm oc ôkêñ aê tekoc saki êsa êtiam ma  
ôwê aê sa anña nom ñalêlômssêga japi jamênñ  
êtiam.
- 21 Aôm oc otoc aê sa êlêlêc  
ma ônac aê têtac tônñ.
- 22 O ñoc Anôtô, amboac tonanñ oc aoc êoc aôm ña  
gênñ wêña

- kêtu aôm ñac ñañêñña.  
 O Israelnêñ ñac dabuñ,  
 aê gabe jañgôm gêñ wêña êtañ êndêñ aôm.  
 23 Aê gêdôcôlic ênam lasê êtu têtac ñajamña  
 ma katuc, tañ gôjam kêsi nañ, amboac  
 tonañgeñ.  
 24 Imbeloc oc êsôm nêmbiñgêdêñ gêjam aê saña lasê  
 êtôm bêcgeñ  
 gebe êsêac, tañ sebe sêkêñ aê jandac  
 gêñwapac nañ, majenêsa e sêmoa totenbelen  
 ñawapacgeñ.

## 72

### *Mec kêtu kinña*

- 1 O Anôtô, ôndôñ kinñ gebe êmêtôc biñ ña nêmbiñgêdêñña  
 ma ôkêñ nêmbiñgêdêñ êndêñ kinñ latu.  
 2 Gebe ênam gôliñ nêmlau ña biñgêdêñgeñ  
 ma êmêtôc lau ñasec nêñ biñ katôgeñ.  
 3 Lôc sênam ñanô moasiñ êmoasiñ lauña  
 ma gamêñ ñabau sênam ñanô biñgêdêñ.  
 4 Kinñ êmêtôc lau ñalêlôm sawa nêñ biñ naêndêñgeñ,  
 eñ ênam lau sêpô lênaña sa  
 ma êka êsêacnêñ lêsutêna popoc.  
 5 Gôlôac to gôlôac têtêc aôm  
 êtôm têm, tañ oc ajôñ êpô gamêñ nañ.  
 6 Kinñ êtôm kom, tañ gêjac kêsêp kôm  
 ma eñ oc êtôm kom, tañ kêmalôm nom nañ.  
 7 Êtôm kinñ tau nê têm biñgêdêñ ênac tau lêtêñ  
 amboac ñaola ñajam

- ma wama ênam gamêḡ auc kêtôm ajun ḡawê  
kêpô gamêḡ gêôc aucgeḡ.
- 8 Ênê gamêḡ gôliḡḡa ênêc gwêc ḡamadiḡ teḡ e  
naêndêḡ ḡamadiḡ teḡ  
ma aḡga bu Euprat e naêndêḡ nom ḡamadiḡ.
- 9 lau gamêḡ sawaḡa sêpôḡ aenḡduc êndêḡ eḡ  
ma nê ḡaḡjo sêu tauḡ sênêc nom.
- 10 Kiḡ Tarsis to lau, taḡ sêḡgôḡ nuc naḡ,  
oc sejoḡ nêḡ awa nasênsuḡ êndêḡ eḡ.  
Lau Arabia to Aitiopia ḡataui  
oc sêkêḡ nêḡ awamata êndêḡ eḡ.
- 11 Biḡḡanô, kiḡ samob oc tetoc eḡ sa.  
Lau samuc samob oc sênam sakiḡ êndêḡ eḡ.
- 12 Gebe eḡ oc ênam ḡac ḡalêlôm sawa, taḡ awa gêḡac  
eḡ naḡ sa  
ma ḡac ḡasec, taḡ gêḡam-sawaga gêmoa atom  
naḡ, amboac tonanḡeḡ.
- 13 Eḡ oc taê labu ḡac ḡaôma to ḡalêlôm sawa  
ma ejop lau sawa nêḡ katuḡ.
- 14 Eḡ oc ênam êsêacnêḡ katuḡ kêsi aḡga lêsutêna to  
ḡaclai-secwaga lemeḡ.  
Eḡ oc êlic lau tonanḡ ḡai nêḡ dec amboac gêḡ  
ḡanô.
- 15 Kiḡ oc êḡgôḡ ḡêḡgeḡ ma sêkêḡ gold Arabiaḡa  
êndêḡ eḡ.  
Êsêac teteḡ mec êtu eḡḡa endeḡ tônḡeḡ ma  
Anôtônê mec êpi eḡ ḡapaḡ.
- 16 Mo êmôp lasê ênêc ênê gaboanḡ  
ma êtu secḡa ênêc lôctêpôê.  
Mu êôc ênê gêḡkaiḡ ḡatêpôê naêsêp-naêsêp amboac  
aḡga Lebanon

ma ñamalac êlêc anğa malac êtôm gêgwanj gêlêc  
anğa nom.

17 Ênê ñaê oc ênêc endenj tôngenj.

Ênê wae ênêc êtôm oc êpô gamênj.

Lau nomña samob awenj êôc enj

ma tetenj Anôtô gebe ênam mec enj to êkênj enj  
êmoa totêtac ñajamgenj.

18 Lambinj êndênj Apômtau, lau Israelnênj Anôtô.

Enj taugenj tec gêgôm gêñsêga gêmoa.

19 Lambinj êndênj ênê ñaê towae endenj tôngenj.

Ênê ñawasi ênam nom auc samucgenj.

Biññanô, biññanôgoc.

20 Isai latu Dawid nê mec gêbacnê gêdênj tonec.

*Salomonê tenj.*

## 73

### *BUKU KÊTU TÊLÊACÑA*

#### *Anôtô kêmêtoç biñ jagêdênjenj*

1 Biññanô, Anôtô kêmoasiñ lau mansañ

to kêmoasiñ êsêac, tañ nênj ñalêlôm ñawa nañ,  
amboac tonañ.

2 Mago aê kadabiñ gebe japô ockaiñ ôkwi

ma kadabiñ gebe jaka bêlip tagenj

3 gebe matoc katu lanemtêna kêtú sêmoa ñajam-  
ñajamña

ma galic lau alôb-alôb têtú lau tolêlôm.

4 Lau tonañ ñai sêjam kauc ñandanj

ma sêmoa ôlinj ñajam to ôlinj samuc.

- 5 Êsêac sêôc gêñwapac têtôm lau ñagêdô atom.  
Ma sêlic ñandan tej têtôm lau ñagêdô atom.
- 6 Amboac tonañ tec tetoc tañ sa kêtû nêñ gêlôn,  
tañ sênôn nañ,  
ma ñaclai kêkwa êsêac auc amboac nêñ ñakwê.
- 7 Êsêac tonañ têtôp e matenânô kololoc gêja  
ma sêsêwa biñ meloc, tañ taêñ gêjam gêc nêñ  
ñalêlôm nañ, kêsa awê.
- 8 Êsêac sêsu biñ susu tonêñ ñalêlôm ñamalic.  
Êsêac tetoc tañ sa ma sêpô biñ kêpi laugenj.
- 9 Awenşuñ kêsôm biñ gesenj undambê  
ma imbelenj kêsôm biñ gêjac laoc nomgenj.
- 10 Amboac tonañ tec lau dêdêñ êsêac  
ma sêlib êsêacnêñ biñ kêtôm sêlib bu.
- 11 Êsêac sêsôm gebe “Anôtô oc êjala biñ amboac  
ondoc  
ma Lôlôc Ñatau oc êñô biñ ñam amboac on-  
docgenj.”
- 12 Alic acgom, lau alôb-alôb nêñ biñ amboac tonañ  
sêmoa ñajam gedenj têtongenj sêjac nêñ awa sa-sa.
- 13 Ojae, kamasañ ñoc ñalêlôm e ñatipsawa ñaômagoc  
ma kakwasinj lemoc e gawê geo tej ñakainj  
atom.
- 14 Mago gêñwapac gêgôm aê kêtôm bêcgenj  
ma gêñ kêlêsû aê kêtôm ñagenj samob.
- 15 Aê embe taêc ênam gebe aê jasôm biñ amboac  
tonañ jawin  
oc jansau nêñ launêñ gôlôac.
- 16 Amboac tonañ katu kêka-kêka gebe jajala ñam  
elêmê,  
mago galic gebe ñawapac.

- 17 E kasô Anôtônê gamêṅ dabuṅ gaja,  
go ṅoc kauc kêsa kêpi lau alôb-alôb nêṅ  
lêṅtêpôê.
- 18 Biṅṅanô, aôm kotoc êsêac sêkô gamêṅ ṅalêṅô,  
go gôgôm êsêac sêu tauṅ e popoc-popocṅ  
sêjaṅa.
- 19 Sesen êsêac su wenṅ tagenṅ,  
sêjaṅa tonêṅ ṅalêlôm ṅatutucṅ.
- 20 Êsêac têtôm aêac taêc bêc e taêc mê.  
Mateṅ gêlac ma talic gêṅ ṅakatu tau malamê.
- 21 Gêdêṅ taṅ ṅoc ṅalêlôm ṅamakic kêsa  
e kêtuṅ aê masi naṅ,
- 22 aê katu meloc e ṅoc kauc gêjaṅa,  
katôm bôc gamoa aôm laṅômnêmṅa.
- 23 Mago kasap aôm tôṅ gedêṅ tîṅṅenṅ.  
Aôm kôkam aê tôṅ gêdêṅ lemoc anôṅa.
- 24 Aôm gôwê aê kêtôm, taṅ taêm gêjam naṅ,  
ma êtu ṅamu aôm oc ôkôc aê sa toṅawasigenṅ.
- 25 Aêṅoc asa teṅ gêmoa undambê  
ma ṅoc asagenṅ gêc nom gebe japô lêna. Aôm  
taômṅenṅoc.
- 26 Ôlic to katuc oc êtu palê,  
mago Anôtô kêtu ṅoc gêṅlênsêm teṅṅenṅ ma  
teṅṅenṅ.
- 27 Biṅṅanôṅoc, êsêac taṅ sêmoa jaêc aôm naṅ sênaṅa.  
Aôm goseṅ lau samob, taṅ sêkac tauṅ su aṅga  
aômnmêm naṅ su.
- 28 Mago aêṅoc tec galic ṅajam gebe jamoa Anôtô  
ṅagalagenṅ.

Aê gaê lamu Apômtau Anôtô gebe jasôm  
aômnêm gêñ samob, tañ gôgôm nañ lasê.

\*

## 74

*Têtañ nêñ lôm, dabuñ kêtû ñacjo sesen sunja*

- 1 O Anôtô, amboac ondoc kôtiñ aêac su ñanôgen.  
Ma têtmac ñandañ sec gêdêñ gêñ, tañ gojob nañ.
- 2 Taêm ênam nêm gôlôac, tañ gêmunjen kôjaliñ ma  
kôwaka êsêac sa têtû taôm nêm lau nañ.  
Taêm ênam lôc Sion, tañ gôñgôñ kêtû nêm  
malac nañ.
- 3 Ôsêlêñ open gamêñ popoc tau, tañ gacgen gêc-gêc  
nañ.  
Ojae, gêñ samob, tañ kêkô gamêñ dabuñ  
ñalêlôm nañ, ñacjo sesen sugoc.
- 4 Nêm ñacjo sêjam wambañ ñamelocñagen anja nêm  
gamêñ, tañ lau sêkac taun sa sêmoa nañ.  
Êsêac sêgun nêñ bam kêkô gebe gamêñ tonan  
kêtû êsêacnêñ.
- 5 Êsêac têtôm kômwaga saleñña,  
tañ sêsap ka tulu ña nêñ ki nañ.
- 6 Êsêac sêga katapa toñatalô popoc  
ña nêñ ki to hama kapôêñ.
- 7 Êsêac sêkêc nêm gamêñ dabuñ ja gen su  
ma sesen nêm ñaê ñaandu ñadabuñ su e gêjaña  
samucgen.
- 8 Êsêac taêñ gêjam gêc taunjen gebe “Aêac dansen  
êsêac su e tomalagen.”

---

\* **73:28:** *Asapnê.*



Ma sêkêc Anôtônê sakin dabuñ ñamala samob,  
tañ kêkô-kêkô nañ, ja geñ su.

- <sup>9</sup> Aêacma gêbôm dabuñ samob maleñmê.  
Propete teñ gêmoa kêtiam atom, ma aêac  
samob ajam kauc ñanoc gêñ tonañ oc  
êmbacnê êndêñ ondoc.
- <sup>10</sup> O Anôtô, kalomtêna oc sêsôm nêñ biñ susu e  
êndêñ ondocgeñ.  
Ñajco oc sêngôm aômnêm ñaê oc êtu meloc  
enderj tôñgeñ me.
- <sup>11</sup> Amboac ondoc kôtaiñ lêmam su.  
Amboac ondoc kôkapiñ lêmam tôñ.
- <sup>12</sup> Mago Anôtô kêtú aêñoc kinj gêdêñ andañgeñ  
tauanô.  
Eñ gêjam ñamalac sa kêtôm nom ñagamêñgeñ.
- <sup>13</sup> Aôm gôwa gwêc kakôc ña nêm ñaclai kapôêñ  
ma golo secsêga gwêcña môkêapac popoc.
- <sup>14</sup> Aôm gôga bôcsêga Lewiatan môkêapac kêkôc  
ma kôkêñ eñ ôli kêtú bôc gamêñ sawa nêñ.
- <sup>15</sup> Aôm kôkêñ bumata kêpulu to keselenj.  
Aôm gôwa bu kapôêñ-kapôêñ gêñgic-gêñgic e  
ñakelenj kêsa samucgeñ.
- <sup>16</sup> Aôm kôtu gelenña ñatau. Aôm kôtu gêbêcauc ñatau.  
Aôm tec kotoc ajôñ to oc sêkô malenj.
- <sup>17</sup> Aôm gôjac lôcawa nom e gêdêñ ñamadiñ.  
Aôm kôkêñ oc kêsa to komôgoc.
- <sup>18</sup> O Apômtau, taêm ênam gebe nêm ñajco sêômac  
aôm.  
Êsêac sêkac taun su aña aômnêm ma sêgôm  
nêm ñaê kêtú gêñ meloc.

- 19 Ôwi nêmbalôsinê katu sinj êndênj kiki atom.  
 Ôlinj aômnêm lau njasec nêj katunj sinj samucgenj atom.
- 20 Matam êndinj nêmb poac, tanj kômoatinj gawinj aêac nanj,  
 gebe naclai sec gêjam gamênj nakesec nomnja samob auc.
- 21 Ôkênj nac, tanj gêôc gêjwapac nanj, maja êsa atom.  
 Lau njalêlôm sawa to lau njasec awenj êôc nêmb njêmanj.
- 22 O Anôtô, ôndi sa ma ônam nêmb gêj kêsimanj.  
 Taêm ênam binj meloc, tanj lau alôb-alôbwaga sêgôlinj kêpi aôm kêtôm bêc to gelenjenj.
- 23 Olinj nêmb njacjo nêj njanda sinj atom.  
 Nêmb sonjo-sonjo nêj wambanj, tanj kêpi gedenj tôngenj nanj, amboac tonanj.

\*

## 75

### *Anôtô kêmbêôc njamalacnêj binj jagêdênj*

- 1 O Anôtô, aêac awenj gêôc aôm. O Anôtô, aêac alanem aôm.  
 Aêac asôm aôm waem lasê ma awa gêjtalô samob, tanj aôm gôgôm nanj sa.
- 2 Anôtô kêsôm gebe “Aê kakênj noc noc mêtôcna ma oc jamêôc binj naêndênjenj.
- 3 Embe nom êkôtinj tau ma njamalac samob, tanj sêngônj nom nanj têtênêp,  
 go aê jandenj nom njanombanj tôj.

---

\* 74:23: Asapnê tenj.

- 4 Aê aoc ênac tetoc taun sawaga gebe ‘Atoc taôm-sa atom.’  
Ma êndên lau alôb-alôbwaga gebe ‘Asa mômêmapac sa amboac secgeņmaņ.
- 5 Asa mômêmapac sa ŋanôgeņ  
amboac tonan atom. Amêtôc gêsômtêkwa êtu baliņ alanem taômgeņ atom.’ ”
- 6 Mêtôcwaga oc mênêsa anğa oc kêpiņa ma anğa oc kêsêpņa atom  
ma êmên anğa gamên gêmu kêpi to gêmu kêsêpņa atom amboac tonanğeņ.
- 7 Anôtô oc êmêtôc biņ êmoa.  
Eņ oc êkônin lau teņ tôn me etoc lau teņ sa.
- 8 Apômtau lêma kêkam laclu teņ,  
taņ ênê têtac ŋandan ŋawain ŋajaņa kêpoac naņ.  
Eņ kêkêc kêsêp laclu  
ma lau alôb-alôb sêlib ŋatetep samob gêwiņ.
- 9 Ma aê oc ôlic api toôndugeņ ŋapan  
gabe aoc aoc Jakobnê Anôtô.
- 10 Eņ asap lau sec samob, taņ sêkac taun su anğa  
Anôtônê naņ, naņ ŋaclai tulu.  
Eņ êkian lau gêdên nêņ ŋaclai sa êtu kapôeņ.
- \*

## 76

### *Wê aweņ êoc Anôtônğa*

- 1 Anôtônê wae kêsa anğa Juda.  
Ênê ŋaê kesewec anğa Israel.
- 2 Êsêac sê ênê bec anğa Salem.  
Ma nê andu kêkô Sion.

\* **75:10:** Asapnê wê teņ.

- <sup>3</sup> Anğa tonañ tec eñ gêjac talam ñasôb-ôsic popoc  
ma gêgôm lautuc to siñ ma laukasap samob  
amboac tonañgeñ.
- <sup>4</sup> Lôc tengeñña ñatau aôm ñac ñawasi.  
Samob têtêc aômgeñ.
- <sup>5</sup> Sêjanço ñaclai ñasiñsêlêc nêñ waba su.  
Êsêac sêjac tuluc e sêliñ taun siñ ma ñactêkwa  
samob lemeñ kêtû goloñ.
- <sup>6</sup> O Jakobnê Anôtô, aôm gôjam wambañ  
e kômônañ kareta to gôgôm hosnêñ meloco  
kêsa.
- <sup>7</sup> Aôm embe têtmac ñandanñ êsa ma asa oc êkô aôm  
lanômniem  
gebe aôm ñaclai sec.
- <sup>8</sup> Aôm kôsôm biñ katô anğa undambê gobe ômêtôc  
biñ,  
tec lau nomña sêñô e gêjac êsêacnêñ lênô auc  
sêñgôñ.
- <sup>9</sup> Gêdêñ tonañ Anôtô gêdi gebe êmêtôc biñ  
gebe êoc lau samob, tañ sêoc gêñwapac anğa  
nom nañ sa.
- <sup>10</sup> Ñamalacnêñ têtmac ñandanñ oc êñgôm aôm waem  
êtu tapa.  
Ma êsêac, tañ sêwê siñ sa nañ, oc sêlic nêñ om.
- <sup>11</sup> Anac mata biñ ma anğôm ñanô êsa êndêñ  
Apômtau, amacnêñ Anôtô.  
Lau samob, tañ sêñgôñ sêgi eñ auc nañ, sênsun  
nêñ gêñ êndêñ Anôtô, tañ têtêc eñ nañ.
- <sup>12</sup> Ñac tau kêkôninñ kasêga, tañ tetoc taun sa nañ,

ma kêtakê kin kapôêñ-kapôêñ ñasec.

\*

## 77

*Gêñwapac embe êñgôm aêac, nañ Anôtô taê walô aêac*

<sup>1</sup> Aê gamôêc gêdêñ Anôtô ña aoc kapôêñ. Binjanô aê gabe jamôêc.

Gamôêc kapôêñ gêdêñ Anôtô gebe eñ êkêñ taña aê.

<sup>2</sup> Gêdêñ tañ gêñwapac gêgôm aê nañ, aê katenj mec gêdêñ Apômtau,

mago gêñ tenj gêjam malô aê atom.

<sup>3</sup> Aê embe taêc ênam Anôtô, oc janiñ olinj tauc.

Embe taêc ênam binj ñam, oc ñoc kauc ensom mala ôkwi.

<sup>4</sup> Eñ kêkêñ aê gajam jali gêbêcauc samuc.

ñoc ñalêlôm ñatutuc e kasôm binj jageo.

<sup>5</sup> Aê taêc gêjam kêsêp bêc gêmunjenña

ma jala, tañ gêjaña wanêcgenj su nañ, amboac tonañ.

<sup>6</sup> Kêtôm gêbêcgenj aê taêc gêjam binj jakêsa-jakêsa.

Aê taêc gêjam binj gêc ñoc ñalêlôm ma kakip sa e ganac matoc gebe

<sup>7</sup> “Apômtau oc êtiñ aêac su samucgenj

ma êmoasiñ aêac êtiam atomanô me masi.

<sup>8</sup> Ênê têtac gêwiñ tenjenña gêbacnê me.

Ma binj, tañ eñ gêjac mata nañ, gêjac pep su me.

<sup>9</sup> Anôtô oc kêlinj êmoasiñ launja sinj me.

Ênê têtac ñandanj gêbôc nê taê walô auc me.”

\* **76:12:** *Asapnê wê tenj.*

- 10 Tec kasôm gêdêḡ tauc gebe “Aêḡoc ḡalêlôm  
ḡawapac ḡanô  
gebe Apômtau gêjam nê gôliḡ ôkwi.”
- 11 Aê gabe taêc ênam gêḡ, taḡ Apômtau gêgôm naḡ.  
Biḡḡanô, gabe taêc ênam nêḡ gêḡtalô, taḡ  
gôgôm gêdêḡ andanḡnaḡ.
- 12 Jakip gêḡ samob, taḡ aôm gôgôm naḡ, ḡam sa  
ma jasala aômḡnêḡ gêḡsêga samob.
- 13 O Anôtô, nêḡ intêna dabuḡ.  
Lau samuc nêḡ anôtô ondoc kapôêḡ kêtôm  
aôm.
- 14 Aôm taômḡnaḡ Anôtô, taḡ gôgôm gêḡsêga naḡ.  
Aôm kôwaka nêḡ ḡaclai sa gêdêḡ tentenḡlatu  
sêlic.
- 15 Lêmam ḡajaḡa gôjam nêḡ lau,  
Jakob agêc Josep latuḡi kêsi.
- 16 O Anôtô, gêdêḡ taḡ bu gêlic aôm naḡ, kêtêc aôm.  
Ma gwêc ḡagêdim kêtênêp lasê.
- 17 Tao sêsêwa kom ḡasec to umbon ḡatêtac kêkêḡ  
wapap gêjac.  
Ma aômḡnêḡ sôbôsic ḡeḡ gamêḡ ḡêḡḡic-gêḡḡic.
- 18 Aômḡnêḡ wapap ḡakicsêa ḡadindiḡ kaiḡ teḡ, ôsic  
kêpô gamêḡ ḡawê kêsa  
e nom ḡawiwic dendenḡnaḡ to kôtêḡ-kôtêḡnaḡ.
- 19 Aômḡnêḡ intêna gêjac gwêc ḡêḡḡic ma nêḡ lêḡ  
gêwa ḡasamac kapôêḡ êliḡ-êliḡ,  
mago sêlic waḡam atom.
- 20 Aôm gôwê nêḡ lau amboac ḡaceḡjob gêwê nê  
domba.  
Mose agêc Aron sêjam aôm laḡôm.

\*

## 78

*Sêlêñ biñ Israel kêtú tañeñpêcña*

- 1 Ao ñoc lauac, akêñ tañem ñoc mêtê.  
 Aê tañem aocsuñ ñabiñ.
- 2 Aê gabe jaña aoc êtu jasôm biñgôliñña.  
 Aê gabe jaôñ biñgôliñ têm ñamata tauanôña sa.
- 3 Biñ tañ aêac añô to ajala  
 ma tamenji sêjac miñ gêdêñ aêac nañ.
- 4 Biñ tau aêac ansa auc êndêñ aêacnêñ ñapalê atom,  
 tanac miñ êndêñ lau wakuc, tañ têndañguc  
 nañ, gebe  
 Apômtau gêgôm nê gêñ towae ma ñaclai  
 to gêñsêgagen.
- 5 Eñ gêwa biñ sa aña Jakobnêñ  
 to kêwaka biñ sa aña Israelnêñ  
 ma kêsakiñ aêacnêñ mimi  
 gebe sêsôm lasê êndêñ nêñ wakuc.
- 6 Gebe lau wakuc, tañ têndañguc êsêac nañ, sêñô  
 ñawae  
 ma tauñ sênac ñamiñ elom nêñ wakuc.
- 7 Sêñgôm amboac tonañ, go sêkêñ matenñ Anôtô to  
 sêliñ gêñ, tañ eñ gêgôm nañ, siñ atom  
 ec sêñgôm ênê biñsu êtu tôñ.
- 8 Gebe êsêac têtú gôlôac gêsunjtêkwa ñatonñboa  
 têtôm nêñ mimi.  
 Êsêacnêñ ñalêlôm geo gala  
 ma nêñ katunñ kêsap Anôtô tôñ ñañêñ atom.
- 9 Epraimnê gôlôac sêpê talam lemeñ kata,

---

\* **77:20:** *Asapnê teñ.*

- mago gêdêḡ siḡ ḡabêc naḡ sêc ḡamelocḡageḡ.
- 10 Êsêac sêmasaḡ Anôtônê poac atom  
ma sebe sêsa nêḡ lêḡ êtôm ênê biḡsu atom.
- 11 Êsêac sêliḡ ênê ḡêḡsêga, taḡ ḡêḡôm naḡ siḡ  
ma ḡêḡtalô, taḡ eḡ ḡêḡôm êsêac sêlic naḡ, am-  
boac tonageḡ.
- 12 Eḡ ḡêḡôm ḡêḡsêga êsêac tamenḡi sêlic.  
ḡêḡôm aḡga ḡamêḡ Aiguptu ḡagaboaḡ Soan.
- 13 Eḡ ḡêwa ḡwêc kêkôc ma kêkêḡ êsêac sêwê sêsêp  
ḡaluḡgeḡ sêja.  
Eḡ ḡêlêc dembom sa kêpi e amboac tuḡbôm.
- 14 Eḡ ḡêwê êsêac ḡa tao ḡêdêḡ ocsalô  
ma ḡa ja ḡêdêḡ ḡêbêc.
- 15 Eḡ ḡêga poc kêkôc aḡga ḡamêḡ sawa  
ma kêkêḡ bu kapôḡeḡ aḡga nom ḡalêlôm ḡêmêḡ  
mêḡêsêac sêḡôm e ḡêôc êsêac tôḡ.
- 16 Eḡ kêkêḡ bu kêpulu aḡga poc ḡalêlôm  
ma bu tau ḡêc ḡasamac laḡgwageḡ kêsa ḡêja.
- 17 Mago êsêac sêkêḡ sec ḡêjô gedēḡ tôḡgeḡ  
ma sêli taḡ sa ḡêdêḡ Lôlôc ḡatau aḡga ḡamêḡ  
sawa.
- 18 Êsêac sêsaê Apômtaugeḡ sêjac ḡawae  
ma sêkapiḡ eḡ ḡebe êkêḡ mo êndêḡ êsêac êtôm  
êsêac taḡ têḡtac ḡêwiḡ.
- 19 Êsêac têtaḡ pêlê Anôtô ḡebe  
“Talic acgom, Anôtô oc êkêḡ mo êndêḡ aêac  
aḡga ḡamêḡ sawa me masi.
- 20 Eḡ ḡêjac poc  
e bu keselēḡ ḡasamac laḡgwageḡ kêsa ḡêja,  
ma oc êkêḡ mo to gwada  
ḡebe nê lau sêniḡ amboac tonageḡ me masi.”



- 21 Apômtau gêjô biŋ amboac tonan e têtac nandan  
kêsa.  
Ênê ja kêsa gebe enseŋ Jakob, ma nê lai kêpoa  
gebe enseŋ Israel
- 22 kêtû êsêac sêkêŋ gêwiŋ Anôtô atomŋa ma kêtû  
êsêac têtac kêpa sugen gebe Anôtô ocgo  
ênam êsêac sa nec atomŋa.
- 23 Mago eŋ kêjatu tao lólôcŋa  
ma gêlêc undambê ŋakatam su
- 24 ma kêkêŋ mana kêsêlô kêtôm kom gêjac gebe  
sêniŋ.  
Amboac tonan eŋ kêkêŋ mo undambêŋa gêdêŋ  
êsêac.
- 25 Amboac tonan êsêac seŋ aŋelanêŋ mo kêtû nêŋ  
gêŋ.  
Ma Anôtô kêkêŋ gêdêŋ êsêac kêtôm êsêac têtac  
gêwiŋ.
- 26 Eŋ kêkêŋ musalô kêsa umbon  
ma ŋaclai ŋatau kêkalem mula gêmêŋ.
- 27 Eŋ kêkêŋ gwada kêsêlô kêtôm kekop  
ma moc tomagê kêtôm gaŋac gwêcŋa.
- 28 Eŋ kêkêŋ kêsêlô kêsêp nêŋ gamêŋ, taŋ sêc naŋ  
ŋaluŋgeŋ,  
kêgi nêŋ bec, taŋ sêŋgôŋ naŋ auc.
- 29 Seŋ e gêôc êsêac tôŋ ŋanôgeŋ.  
Gêŋ taŋ teteŋ naŋ, eŋ kêkêŋ kêlêlêc gêdêŋ  
êsêac.
- 30 Nêŋ ŋalêlôm kêkac êsêac gêŋ amboac tonanŋa  
ŋawaô  
ma seŋ gêŋ gêc awenŋeŋ
- 31 e Anôtô têtac nandan kêsa gêdêŋ êsêac  
ma gesen êsêacnêŋ lau ŋactêkwa ŋagêdô su ma  
gêjac lau Israel nêŋ lau matak ŋagêdô êndu.

- 32 Anôtô gêgôm nê gêḡ amboac tonanḡ, mago êsêac  
sêgôm nêḡ sec sêsiḡ sugenḡ,  
ma sêkêḡ gêwiḡ ênê gêḡtalô atom.
- 33 Kêtu gêḡ tonanḡḡa tec Apômtau kêkêḡ êsêacnêḡ bêc  
gêjaḡa amboac awenjaô  
ma kêkêḡ gêḡ ḡaclai sec sep tagenḡḡa gesenḡ nanḡ  
jala sêmoa matenḡ jaliḡa su.
- 34 Gêdêḡ tanḡ Anôtô gesenḡ êsêac nanḡ, gocgo awenḡ  
gêjac enḡ kêtiam  
ma sêjam tauḡ ôkwi to sesom enḡ.
- 35 Ma taêḡ gêjam nêḡ lamu Anôtô  
gebe Lôlôc ḡatau Anôtô kêtú nêḡ kêsiwaga.
- 36 Mago awenḡsuḡ sêsoḡm biḡ dansanḡ  
ma imbeleḡ sêsau
- 37 gebe nêḡ ḡalêlôm kêsap enḡ tôḡ ḡajaḡa atom  
ma sêmasanḡ ênê poac kêtú anô atom.
- 38 Mago enḡ taê walô êsêac ma kêsuc êsêacnêḡ sec  
ôkwi  
ma gesenḡ êsêac tauḡ su sêjaḡa atom.
- Enḡ gêjam têtac ḡandanḡ tôḡ gêdêḡ êsêac  
ma kêkêḡ nê ḡaclai kêtú awê kêpi êsêac  
samucgenḡ atom.
- 39 Enḡ taê gêjam êsêac gebe gêḡ palê-palê,  
têtôm gêḡ ḡajaô-jaô, tanḡ êna e êna-ênagenḡ nanḡ.
- 40 Sêli awenḡ sa anḡa gamêḡ sawa gêdêḡ enḡ elê mê  
ma sêgôm ênê ḡalêlôm ḡawapac kêsa.
- 41 Êsêac sêsaê Anôtô todim-todim kêtú gêḡ wakuc-  
wakucḡa elê mê  
ma sêgôm Israelnêḡ Anôtô dabunḡ têtac ḡandanḡ  
kêsa.
- 42 Êsêac taêḡ gêjam ênê lêma ḡajaḡa atom,

- sêlin bêc, tañ eñ gêjam êsêac kêsi anğa nêñ  
 ñacjonêñ nanñ siñ.
- 43 Gêdêñ tañ gêgôm nê gêñtalô anğa Aiguptu  
 to gêgôm nê gêñsêga anğa gamêñ gaboan  
 Soanña nanñ.
- 44 Eñ gêjam nêñ bu ôkwi kêtuc  
 e lau Aiguptu nêñ bu sênômña masi.
- 45 Eñ kêkêñ lelonñ taêsam ñasec gêñjac êsêac  
 to ôpôac, tañ sêgôm êsêac têtuc meloc nanñ.
- 46 Eñ kêkêñ moac tamoac señ êsêacnêñ gêñ ñanô  
 anğa kôm  
 ma gêñ, tañ lemeñ sêgôm ñakoleñ elêmê nanñ,  
 wagô jaseseñ su.
- 47 Eñ kêkêñ kompoc gêñjac êsêacnêñ wain ñamôkê  
 popoc  
 ma kom ñamatu kêtuc nêñ gêñlêwê êndu.
- 48 Eñ kêkêñ kompoc gêñjac nêñ bulimakao  
 ma ôsic geñ nêñ bôc totonñ su.
- 49 Eñ kêbaliñ nê têtac ñandanñ kêpi êsêac ñawaô.  
 Eñ geñ oliñ sec e nê ñalêlôm kêmoatiñ tôñ ma  
 kêkêñ gêñwapac sec tonjaê-tonjaê samob.
- 50 Eñ kêpô nê têtac ñandanñ ñabênic sugenñ gêdêñ  
 êsêac.  
 Eñ kêjanço êsêac katunñ su atom, gêsiniñ êsêac  
 sugenñ sêsêp gêmac sec ñalêlôm sêja.
- 51 Eñ gêñjac ñapalê ñamêc samob êndu anğa Aiguptu,  
 Lau matac samob nêñ ñamêc sêjanña anğa  
 Hamnê bec.
- 52 Go gêwê nê lau sêsa sêmêñ têtôm ñacgejob gêwê  
 nê domba  
 ma gêjam gôliñ êsêac anğa gamêñ sawa kêtôm  
 domba pom kapôêñ teñ.

- 53 Enj gêwê êsêac sêmoa ñaņêņgenj e têtêc taunj atom,  
mago kêkêņ gwêc kêmakop êsêacnêņ ñacjo auc.
- 54 Amboac tonanj gêwa êsêac e sêô lasê ênê gamêņ  
dabuņ,  
sêô lasê lôc, taņ enj lêma anôņa kêkôc kêtũ nê  
gêņ naņ.
- 55 Enj gesoc lau samuc sêmuņ-sêmuņ  
ma kêkêņ Israelnêņ gôlôacmôkê sêņgôņ lau tau  
nêņ gamêņ.
- 56 Mago êsêac sêsaê Lôlôc Natau Anôtô to sêli taunj  
sa ñapaņ  
ma sêsap ênê biņsu tôņ atom.
- 57 Sêkac taunj su aņga ênê ma sêgôm ênê biņ palin  
têtôm tamenj.  
Êsêacnêņ lêņ keso kêtôm talam, taņ sêkêkam  
ņasôb mata kôtêņ-kôtêņgenj naņ.
- 58 Êsêacnêņ sakinj gamêņ ñabaũa gêgôm enj têtac  
ņandaņ  
ma nêņ sakinj anôtôi jabaņa kêbôli ênê ñalêlôm  
auc.
- 59 Anôtô gêlic e ñalêlôm kêmoatinj tôņ  
ma kêtinj Israel su samucgenj.
- 60 Enj gêwi nê bec aņga Silo sinj.  
Mala tau, taņ enj jagêmoa ñamalac ñalêlôm naņ.
- 61 Enj kêkêņ nê poac ñakatapa,  
taņ kêtũ ênê ñaclai to ñawasi ñabelo naņ, ñacjo  
sêkôc sêja.
- 62 Enj gêwi nê lau sinj gêdêņ ñacjonêņ sinj  
ma nê ñalêlôm kêbôli auc kêtũ nê gêņlênsêmņa.
- 63 Sinj gesenj ênê lau matak su  
ma nêņ lauo takinj sêjam wê ñacņa kêtiam atom.
- 64 Sinj gesenj ênê dabuņwaga su

ma sêlôc gêdêḡ êsêacnêḡ awêḡḡuc gebe têtariḡ  
 tariḡboa kêtû êsêacḡa atom.

- 65 Sêgôm sêmoa e Apômḡtau mata gêlac kêtôm ḡac tenḡ  
 gêc bêc e kêliḡ tau siḡ, go mata gêlac.  
 Kêtôm ḡac siḡsêlêc tenḡ gênôm gêḡ e kêjariḡ enḡ.
- 66 Enḡ gêjac nê ḡacjo kêsêp dêmômêḡmuḡḡagenḡ  
 ma gêgôm êsêac e majenḡ tauḡ êndu-êndu.
- 67 Enḡ kêtiḡ Josepnê bec su  
 ma kêjaliḡ gôlôac Epraimḡa sa atom.
- 68 Enḡ kêjaliḡ gôlôac Judaḡa sa.  
 Lôc Sion tau, tariḡ têtac gêwiḡiḡ naḡ.
- 69 Enḡ kêsuḡ nê gamêḡ dabuḡ sa kêpi e jakêtôm  
 undambê.  
 Gêgôm e gêjac malac su kêtôm nom, tariḡ êkô  
 ḡêḡḡenḡ naḡ.
- 70 Go kêjaliḡ nê sakiḡwaga Dawid sa,  
 kêkôc enḡ su aḡga gamêḡ dombaḡa.
- 71 Kêkôc enḡ aḡga domba têna to ḡalatu nêḡ  
 gebe ejop ênê lau Jakob to ênê gêḡḡlênsêḡ Is-  
 rael.
- 72 Dawid gejob êsêac tonḡalêlôm ḡariḡêḡ  
 ma gajam gôliḡ êsêac ḡa lêma kwalam lanḡwa.  
 \*

## 79

### *Mec Anôtô ênam nê lau kêsiḡa*

- 1 O Anôtô, lau samuc sêso nêḡ gamêḡ sêja.  
 Êsêac sesenḡ nêḡ lôm dabuḡ ḡadabuḡ ma sêjamu  
 Jerusalem e popocḡenḡ.

---

\* **78:72:** Asap gêga.

- 2 Êsêac sêkêñ nêñ sakinwaga nêñ ñawêlêlan kêtú moc, tañ sêmoa umboñ ñalabu nañ, nêñ gwada.  
Sêkêñ nêñ lau mansañ nêñ ñawêlêlan gêdêñ bôc ñaclai.
- 3 Êsêac sêkêc êsêacnêñ dec siñ kêtôm bu, sêgôm sêgi Jerusalem auc e kêsô tau  
ma ñac teñ gêmoa gebe ênsun ñacmatê nañ gêmoa atom.
- 4 Aêacma lau malac ñagêdô, tañ dêmôêñ gêjac taun nañ, sêsu aêac susu  
ma tentenlatu, tañ sêñgôn maken-makeñ nañ, sêlic aêac amboac gêñ meloc ma têtan pêlé aêac.
- 5 O Apômtau, oc gobe ôli nêñ ñalêlôm sa ñapan e êndêñ ondoc acgom.  
Nêñ têmtac ñandan êndanjac-êndanjac amboac jawaô e êndêñ ondoc, go êmbacnê.
- 6 Ôkêñ nêñ têmtac ñandan naêpi lau samuc, tañ sêjam kauc aôm nañ,  
to êpi tentenlatu, tañ awen gêjac nêñ ñaê atom nañman.
- 7 Gebe êsêac sêjac aêacma lau êndu  
ma sêgôm nêñ malac kêtú gasañ.
- 8 Ôkêñ tameninêñ sec ñagêjô êpi aêac atom. Taêm labu aêac sebenman  
gebe aêac awi atu gwasaê aômña siñ.
- 9 O Anôtô, tañ kôtu aêacma kêsiwaga nañ, ônam aêac saman.  
Ôñgôm nêñ ñaê ñawae êsa.  
Ônam aêac sa to ôsuc aêacma binj ôkwiman.

- Ôngôm êtu nê m waemᶇa.  
 10 Amboac ondoc lau samuc sê nac aê ac ôkwi gebe  
 “Lau tônê nêᶇ Anôtô oc gê moa ondoc.”  
 Ôkac nê m sakinᶇwaga, taᶇ lau samuc sê kê c ê sê acnêᶇ  
 dec siᶇ naᶇ,  
 nêᶇ kamocgôc êndêᶇ aê ac matenᶇanô alicmaᶇ.
- 11 Ôkêᶇ taᶇam lau kapoacwalôᶇa nêᶇ biᶇ, taᶇ seᶇ  
 oliᶇ taunᶇa naᶇ.  
 Lê mam ᶇajaᶇaboa, amboac tonanᶇ ô nam lau, taᶇ  
 sê kic ê sê acnêᶇ biᶇ gebe sê mac ê ndu naᶇ sa.
- 12 O Apômtau, aôm ôkêᶇ ᶇagêjô ê pi lau, taᶇ têtanᶇ  
 pê lê aôm sêᶇgôᶇ aê acma gamêᶇ ᶇamadiᶇ naᶇ  
 aᶇgom.  
 Ma ôkêᶇ ê sê acnêᶇ biᶇ ᶇagêjô ê tu dim 7.
- 13 Ma aê ac tec atu nê m lau to tonᶇ, taᶇ aôm go-  
 job ê sê ac nec, abe anam danᶇe aôm endenᶇ  
 tôᶇgeᶇ,  
 ma gô lô ac to gô lô ac sêᶇgôm aôm waem ê sa ê tôm  
 tê mgeᶇ.
- \*

## 80

### *Mec gebe Anôtô ê nam Israel sa ê tiamᶇa*

- 1 O Israelnêᶇ ᶇacgejob, taᶇ gojob Josep kê tôm  
 domba ᶇatonᶇ teᶇ naᶇ, ôkêᶇ taᶇam.  
 Aôm taᶇ gôᶇgôᶇ kerub ᶇaô naᶇ, oc taôm lasê
- 2 êndêᶇ Epraim agêc Benjamin ma Manase.  
 Ôndi tonᶇac lai mêᶇôn am aê ac sa.
- 3 O Anôtô, ô nam aê ac sa ê tiam.

\* 79:13: Asapnê teᶇ.

Ôkêñ lañômanô mênêpô aêac gebe ênam aêac sa.

- 4 O Apômtau, lausij undambêña nêñ Anôtô,  
nêm lau teten mec elêmê ma aôm gobe ôê  
têmtac ñandanj tônia e êndênj ondocgenj.
- 5 Aôm kôkênj êsêac senj matenjsulu kêtunêñ mo.  
Aôm kôkênj êsêac sênôm matenjsulu, tanj kêsêp  
laclu e mênjgêc nanj.
- 6 Aôm kôpô aêac sij e tentenlatu sêsu aêac susu  
ma aêacma ñacjo sêômac aêac.
- 7 O Lausij undambêña nêñ Apômtau, mênônjam  
aêac sa êtiam.  
Ôkêñ lañômanô mênêpô aêac gebe ênam aêac  
sa.
- 8 Aôm kôkip wainmôkê tenj sa anja Aiguptu  
ma kôjanda lau samuc sêsa gebe ôsê êsêp êsêac  
maleñj.
- 9 Aôm kôwaka ñagamênj sa ñapep,  
tec ñawakac keselenj ñajam ma gêjam gamênj  
auc.
- 10 Ka tau kêkênj ajuñ lôc samob  
ma ñalaka gêjam kaseda kapôênj auc.
- 11 Ka tau ketoc laka kêsa e jagêdênj gwêc  
ma ñasêli kêpi e jagêdênj bu Euprat.
- 12 Amboac ondoc tec gosênj ñatuñ su.  
Lau samob, tanj sasa intêna tonanj nanj, oc  
sênjam genjenj ñanô.
- 13 Bôcgabuñ kêsuc popoc  
ma bôc salenja ñagêdô senj katu nêñ mo.



- 14 O lausij undambêna nêj Apômtau, ômu ômôên étiam.  
 Ôtuc kêniñ ança undambê ma matam e wainmôkê tau e taêm walô nê m gen étiam.
- 15 Taêm walô nê m gêñ, tañ lêmam anôña kasê nañ.  
 ma ñasêli, tañ gôjac kolec nañ.
- 16 Nacjo dêdim gêñgic e ja-gen su.  
 Lanômanô ñajaê êndên êsêac ma onsen êsêac su sênaña.
- 17 Ôkên lêmam eo ñac, tañ kêkô nê m anôña nañ auc.  
 Eo ñamalac latu, tañ gôlôm en e kêt u kapôên nañ auc.
- 18 Go aêac akac tañ su ança aôm nê m étiam atom.  
 Ôkên aêac anğôn mater jali ma awen êc aôm nê m ñaê.
- 19 O lausij undambê nañ Apomtau, mênôn am aêac sa étiam.  
 Ôkên lanômanô mênêpô aêac gebe ênam aêac sa.

\*

## 81

### *Wê omña to biñ sênam tañ ôkwiña*

- 1 Awem êc Anôtô, tañ kêt u aêacnên gêjam-sawaga nañ toôndugen.  
 Awem êc Jakobnê Anôtô toôndugen.
- 2 Apuc wê sa ma anac on êtañ  
 ma anğôm gêñ wêña tokaiñ-tokaiñ êtañ.
- 3 Anac dauc êtañ êndên ajôn mênêô lasê

\* **80:19:** Asap gêwa nê biñ sa.

- ma embe ajôn êtu samuc nañ, anac atañ êtu  
nêm om ñawaña,  
<sup>4</sup> gebe Israelnêñ mêtê amboac tonañ.  
 Jakobnê Anôtô kêjatu nê biñ amboac tonañ.  
<sup>5</sup> Kêkêñ kêtú biñsu gedêñ Josep gêdêñ tañ gebe  
 enseñ Aiguptu nañ.  
 Aê ganô biñ samuc teñ, nañ tañocsuñ gêjac  
 kwananğeñ atom nañ gebe
- <sup>6</sup> “Aê kajonğ gêñwapac su anğa aôm magim  
 ma kakêñ aôm gôwi nêm gadob kômña siñ.  
<sup>7</sup> Gêdêñ tañ kôtap gêñwapac sa nañ, awam gêjac aê  
 ma gajam aôm sa.  
 Anğa ñoc gamêñ kêjanğañ, tañ kasiñ tau gamoa  
 nañ, aê kakêñ tañoc aôm. Anğa bu sêli awenğ  
 saña Meriba aê kasaê aôm.
- <sup>8</sup> Ñoc lauac, akêñ tañem gabe jalêñ biñ amac.  
 O Israel, tañam wamu aêmamañ.
- <sup>9</sup> Ônam sakinğ anôtô jaba teñ atomanô.  
 Ma aôm oteñ mec êndêñ tentenğlatunêñ anôtôi  
 teñ atom.
- <sup>10</sup> Aê Apômtau, tec katu nêm Anôtô, tañ gawê aôm  
 anğa gamêñ Aiguptu nañ.  
 Ôña awamsuñ kacgenğ gebe jalôm aôm.
- <sup>11</sup> “Mago ñoc lau sêkêñ tañeñ aê atom  
 ma Israel sêgôm aêñoc biñ kêtú tônğ atom.  
<sup>12</sup> Tec gawi êsêac siñ kêtú gêsunğtêkwa ñatonğña  
 sêsa nêñ lêñ kêtôm êsêac tauñ nêñ ñalêlôm.  
<sup>13</sup> Ojae ñoc lau sêkêñ tañeñ aêmañ.  
 Israel sêsa ñoc lêñmañ.  
<sup>14</sup> Go jakôninğ êsêacnêñ ñacjo tônğ sebeñ

ma jaku êsêacnêḡ ḡacjo samob tulu.

<sup>15</sup> Êsêac taḡ têntac gedec aê naḡ, oc sewec toḡalêlôm  
ḡatutucḡeḡ sêkô aê laḡôcnêm  
gebe nêḡ ḡagêḡô oc ênêc endeḡ tōḡeḡ.

<sup>16</sup> Mago aê gabe jalôm aôm ḡa mo mataêjamḡeḡ  
ma gabe jakêḡ lêḡ aḡga poclabu êsa wacêlau  
aôm.”

\*

## 82

### *Anôtô eḡ ḡacḡôliḡsêga*

<sup>1</sup> Anôtô ḡêmoa nê lau sêkac taḡ sa ḡaluḡeḡ.  
Eḡ kêmêtôc biḡ ḡêḡḡôḡ ḡôliḡwaga sêkac taḡ sa  
ḡalêlôm.

<sup>2</sup> “Awi amêtôc kesōḡa siḡmaḡ  
ma akêḡ êwiḡ lau, taḡ sêkac taḡ su aḡga  
Anôtônê naḡ, nêḡ biḡ atom.

<sup>3</sup> Amêtôc lau ḡaôma to mosêbu nêḡ biḡ êtu katô  
ma anam lau ḡasec to ḡalêlôm sawa sa.

<sup>4</sup> Apuc ḡac sawa to ḡac, taḡ kêḡô lêna ḡêḡ naḡ tōḡ.  
Ajaḡḡo eḡ su aḡga lau, taḡ sêkac taḡ su aḡga  
Anôtônê naḡ lemeḡ.

<sup>5</sup> “Êsêac lau meloc to nêḡ kauc masi.  
Amacnêm mêtê kêtû sec samucḡeḡ ma  
biḡḡêdêḡ malamê aḡga nom.

<sup>6</sup> Biḡḡanô, aê tauc kasômḡac gebe ‘Amac atu  
anôtôigeḡ  
ma amac samob atu Lôlôc ḡatau latuigeḡ.’

<sup>7</sup> Mago oc amac êndu atôm ḡamalac  
ma aku e anaḡa atôm kasêga sêḡaḡa.”

\* **81:16:** Asapnê teḡ.

8 O Anôtô, ômôêḡ ma ônam gôliḡ nom samucḡen  
ma tentenḡlatu samob têtû aômḡnêm ḡêḡ.

\*

## 83

*Tapô lêna takô ḡaḡjo ḡalêlôm ḡamec*

1 O Anôtô, ôḡgamiḡ taôm atom.

O Anôtô, ônam taôm tôḡ to awam mêḡen atom.

2 Gôlicḡac me, nêm ḡaḡjo awenḡ aliḡ-alonḡ kêsa sêmoa  
ma êsêac, taḡ nêḡ ḡalêlôm kêmoatiḡ tôḡ kêtu  
aômḡa naḡ, sêsa laḡôḡanô sagenḡ.

3 Êsêac sêḡôm ḡêḡlêlôm sebe sensenḡ nêm lau su  
ma sêmoatiḡ poac sebe sensenḡ lau, taḡ sê lamu  
aôm naḡ.

4 Êsêac sêsôm ḡebe “Amêḡ nadansenḡ êsêac su ec nêḡ  
teḡ ênêc êtiam atom  
ma taêḡ ênam ḡaê Israel êtiam atomanô.”

5 Biḡḡanôḡoc, êsêacnêḡ ḡalêlôm tagenḡ ma sêmoatiḡ  
nêḡ biḡ e ḡacḡen ḡêc-gêcḡen,  
sêmoatiḡ poac ḡebe sensenḡ aôm su.

6 Lau taḡ sêḡḡôḡ Edom to Ismaelwaga nêḡ bec  
lau Moab to lau Hagar amboac tonanḡ.

7 Lau Gebal to Amon ma Amalek,  
lau Pilisti to lau Tirusḡa amboac tonanḡenḡ.

8 Lau Asuriaḡa sêsap lau tôḡnê ḡai tôḡ.  
Lau tonanḡ ḡai sêpuc Lotnê latui tôḡ.

9 Onsenḡ êsêac êtôm ḡêmuḡḡenḡ ḡosenḡ Midian  
ma êtôm ḡosenḡ Sisera to Jabin anḡa bu Kison.

10 Lau tonanḡ ḡai sêjaḡa anḡa Endor

\* **82:8:** Asapnê pesalem teḡ.

- ma nêḡ ḡawêlêlan ḡêmôb ḡêc nom.
- 11 Onseḡ êsêacnêḡ kasêḡa êtôm ḡoseḡ Oreḡ ma Seb.  
Onseḡ êsêacnêḡ lau towae samob êtôm Seba  
agêc Salmuna.
- 12 Lau tonanḡ ḡai tec sêḡac awenḡ geḡe  
“Aêac tajanḡo Anôtônê ḡamêḡ su.”
- 13 O ḡoc Anôtô, onseḡ êsêac êtôm mu kêlai kekop  
ḡagêḡḡonḡ ḡêḡ êndu  
ma êtôm mu kelelo jataê.
- 14 Onseḡ êsêac êtôm ḡa ḡeḡ oba  
ma êtôm ḡawaô kêdanḡac kêpi lôc.
- 15 Nêḡ ḡamêḡ kêlanḡanḡ êtakê êsêac  
ma nêḡ mu-ḡêbuc êpuc soc êsêac amboac  
tonanḡ.
- 16 O Apômtau, ôkêḡ majenḡ êkwa êsêac lanḡôḡanô auc,  
ec sensom geḡe sênam sakinḡ aôm.
- 17 Ôkêḡ êsêac majenḡ to têtakê ḡanô  
e nêḡ meloco êsa ma sênanḡamanḡ.
- 18 Ôḡḡôm êsêac amboac tonanḡ e sêjala geḡe aôm  
taômḡeḡ tec kôtu Apômtau.  
Lau nomḡa samob tetoc aôm sa geḡe Lôlôc  
ḡatau aôm taômḡeḡ.
- \*

## 84

### *Tanam awenḡ su Anôtônê andu ḡawê*

- 1 O lausiḡ undambêḡa nêḡ Apômtau,  
nêḡ andu e têtac kêsa lanḡwagenḡoc.
- 2 ḡoc katuc ḡêḡam awa su Apômtaunê lôḡ  
ḡamalacluḡ

\* **83:18:** Asapnê pesalem wêḡa teḡ.

- e taê gêjac tau kêsi-kêsi.  
 Ôlic to katuc kêpi-kêpigen ma gêjam wê  
 kêtû Anôtô mata jaliņa.
- <sup>3</sup> O lausin undambêņa nêņ Apômtau,  
 o ñoc kin to ñoc Anôtô,  
 kêclêwam kêtap nê andu sa  
 ma mochibi gêjam nê ic gebe êsu ñalatuņa gêc  
 nê altar ñagala.
- <sup>4</sup> Aoc gêôc lau, taņ sêņgôn nê andu ñalêlôm  
 ma sêlambiņ aôm geden tôngeņ naņ.
- <sup>5</sup> Aê aoc gêôc lau, taņ laņôn gêlac nê gamêņgeņ  
 sêja  
 ma nêņ ñaclai ñam kêsêp aôm naņ.
- <sup>6</sup> Embe nasêsa gaboņ ñakelenņa, oc sêņgôm  
 gaboņ tau êtu gamêņ bumataņa  
 ma komô saun êkêņ bu ênam gamêņ tau auc.
- <sup>7</sup> Êsêac sêwê taêņ andangeņ  
 e sêlic Anôtô aņga Sion.
- <sup>8</sup> O lausin undambêņa nêņ Apômtau Anôtô, ôņô ñoc  
 mec.  
 O Jakobnê Anôtô, ôkêņ taņam.
- <sup>9</sup> O Anôtô, matam ê aêacma kin  
 ma matamanô ôlic nê ñac, taņ seņ oso eņ naņ  
 laņôanô.
- <sup>10</sup> Amoa nê-malaclun bêc tagengeņ  
 ñajam kêlêlêc amoa aêacma malac bêc tausen  
 su.  
 Jajop ñoc Anôtônê andu ñakatam oc êmoasin aê  
 êlêlêc jaņgôn lau kesowaga nêņ bec su ñêņgeņ.
- <sup>11</sup> Gebe Apômtau Anôtô kêtû ñoc ñawasi to lautuc, eņ  
 kêkêņ moasin to wae.

- Enj oc êngamiņ gêņ ņajam tenj êndêņ lau, taņ sêsa  
nêņ lêņ laņôņnêm sawa naņ atom.
- 12 Lausiņ undambêņa nêņ Apômtau,  
aê aoc êôc ņamalac, taņ taê kêka aôm naņ.
- \*

## 85

### *Israel tetenj gebe Anôtô taê walô êsêac*

- 1 O Apômtau, aôm kômoasiņ nêm launêņ gamêņ.  
Aôm gôjam gêņwapac, taņ gêgôm Jakob naņ  
ôkwi.
- 2 Aôm kôsuc nêm launêņ biņ ôkwi  
ma gôsaņ êsêacnêņ geo samob auc.
- 3 Aôm kôpuc nêm têmtac ņandaņ tôņ  
ma gôwi nêm têmtac ņalakoc siņ.
- 4 O Anôtô, aêacma kêsiwaga, mênônam aêac sa êtiam  
ma ôwi ôlim ņakam aêacņa siņ.
- 5 Aôm oc gobe têmtac ņandaņ êndêņ aêac endenj  
tôņgeņ me.  
Aôm oc gobe ôê têmtac ņandaņ tôņ elom-elom  
ma wakuc samob me.
- 6 Aôm oc ôkêņ aêac asê awenj su êtiam  
gebe nêm lau ôliņ êpi êtu aômņa êtiam me masi.
- 7 O Apômtau, ôtôc nêm têmtac gêwiņ tengeņņa êndêņ  
aêac  
ma ôkeņ aêac awê kainj nêm moasiņ.
- 8 Aê gabe jaņô biņ, taņ Apômtau Anôtô tau kêsôm  
kêsa awa naņ.  
Enj kêsôm biņmalô  
gêdêņ nê lau, gadêņ nê lau dabuņ,

\* **84:12:** Kora latui nêņ pesalem tenj.

- tañ sêmu dëndên nêñ lêñ meloc êtiam atom  
nañ.
- <sup>9</sup> Kêdabingac gebe ênam lau, tañ têtac eñ nañ, sa  
biññanôgen  
gebe ñawasi ênam aêacnêñ gamêñ auc.
- <sup>10</sup> Têtac gêwiñ tengeñña to biñ ñañêñ oc sêwiñ taun.  
Biñgêdên to biñmalô oc sêmbôêñ taun.
- <sup>11</sup> Biñ ñañêñ oc êpoa anğa nom êpi êmêñ  
ma biñgêdên oc atuc kêniñ anğa undambê  
asap êmêñ.
- <sup>12</sup> Apômtau oc êkêñ gêñ ñajam  
ma nañ nom ñanô esewec êlêlêc su.
- <sup>13</sup> Biñgêdên oc êmuñ engeñ  
ma biñmalô oc êpuc eñ waña. \*

## 86

### *Tapô lêna taun dangôñ ñamec*

- <sup>1</sup> O Apômtau, mênwê tañam to ôkêñ tañam aê  
gebe aê ñac sawa ganğôñ jageo.
- <sup>2</sup> Ojop aêñoc katuc gebe aê ôlic andañ aôm tec  
gamao.  
O ñoc Anôtô, ônam nêñ sakinwaga, tañ mata  
kêsap aôm nañ sa.
- <sup>3</sup> O Apômtau, ñoc Anôtô, taêm walô aê  
gebe aoc gêjac aôm geden têngen.
- <sup>4</sup> Ôkêñ nêñ sakinwaganê ñalêlôm êtu samuc.  
O Apômtau, aê kasuñ ñoc ñalêlôm sa gêdên aôm.
- <sup>5</sup> Gebe aôm Apômtau, kôtu ñac gabêjam ma kôsuc biñ  
ôkwi kêlêlêc.

---

\* **85:13:** Kora latui nêñ pesalem ten.



Aômnnêm têmtac gêwiņ tengeņņa gêdêņ lau  
samob, taņ awenņ gêjac aôm naņ.

- <sup>6</sup> O Apômtau, ôņô ñoc mec.  
Wê taņam ñoc taņiboa kapôêņ.
- <sup>7</sup> Embe japô lêna, oc aoc ênac aôm  
gebe aôm oc ôjô aêñoc mec.
- <sup>8</sup> O Apômtau, anôtôi nêņ teņ kêtôm aôm gêmoa  
atom.  
Ma gêņ ñanô teņ oc êtôm gêņ, taņ aôm gôgôm  
naņ, atom amboac tonanņeņ.
- <sup>9</sup> O Apômtau, lau samuc samob, taņ kôkêņ êsêac  
naņ, oc mênșêpôņ eņduc êndêņ aôm.  
Ma sênșôm nêm ñaê ñawae êsa.
- <sup>10</sup> Gebe aôm taômgeņ ñac kapôêņ tec gôgôm gêņșêga.  
Biņñanô, aôm taômgeņ tec kôtu Anôtô.
- <sup>11</sup> O Apômtau, ôndôņ nêm lêņ êndêņ aê,  
go taņoc wamu aôm ñaņêņgeņ.  
Ôndôņ aê gebe janam sakiņ aôm  
toņoc ñalêlôm samucgeņ.
- <sup>12</sup> O Apômtau ñoc Anôtô, gabe aoc êoc aôm toņoc  
ñalêlôm samucgeņ  
ma jaņgôm nêm ñaê ñawae êsa endenņ tôņgeņ.
- <sup>13</sup> Gebe aôm têmtac gêwiņ aê tengeņ.  
Aôm kôjaņgo katuc su aņga lamboam  
ñakêlêndiņ.
- <sup>14</sup> O Anôtô, lau teņbeleņ aņgeņ sêkêli tauņ gêdêņ aê  
ma ñaclai totongeņ dêdib katuc sêmoa  
ma êsêac sêsa aôm laņôm sa elêmê atom.
- <sup>15</sup> O Apômtau, aôm Anôtô taêm labu to kômooasiņ  
kêlêlêc.

- Aôm ñac gabêjam tec gôê biñ tòn ma nêmtac  
gêwiñ tengeñña gêc geden tòngeñ.
- 16 Ôkac taôm ôkwi ôndêñ aê ma taêm labu aê.  
Najaña ñatau, ôpuc nêmtac sakiñwaga tòn gebe aê  
gajam sakiñ aôm kêtôm tinoc gêgôm.
- 17 Ôngôm gêntalô teñ êpi aê gebe jajala nêmtac moasiñ.  
Ôkên ñoc ñacjo sêjala e majen êsa  
êndên êsêac sêlic gebe aôm Apômtau tec gôjam  
aê sa to gôjam malô aê. \*

## 87

### *Jerusalem ñalambin*

- 1 Apômtau kêkwê nê malac sa kêkô lôc dabuñ.
- 2 Apômtau têtac gêwiñ Sion ñasacgêdô  
kêlêlêc gamên ñagêdô, tañ Jakobnê lau sêngôn  
nañ su.
- 3 O Anôtônê malac, ôkên tañam biñ tonec,  
tañ en kêsôm kêpi aôm nañ gebe
- 4 “Aê kasa Aiguptu to Babilon sa gêwiñ lau-tañen-  
wamu-aêwaga.  
Ma lau Pilistia to Tirus ma Aitiopia nêñ  
malacmôkê Jerusalem.”
- 5 Ma sêsôm êpi Sion gebe lau tokain-tokain nêñ  
malacmôkê  
gebe Lôlôc ñatau tau kêpuc tòn gebe êkô ñajaña.
- 6 Apômtau eto tentenlatu nêñ ñaêmôkê ma êwa êsêac  
sa gebe  
“Tenerji sêkêc êsêac anga Jerusalem, Jerusalem  
ñatau êsêac.”

---

\* **86:17:** Dawidnê mec teñ.

7 Êsêac sênam wê to têtê gebe  
 “Aôm kôtu ma moasiņ samob ŋamôkê.”  
 \*

## 88

### *Nac togêŋwapac nê wê kêtaņ taunja*

- 1 O Apômtau, taņ kôtu aêņoc kêsiwaga to Anôtô naņ,  
 aê gamôêc gêdêņ ocsalô ma aoc gêjac aôm  
 gêdêņ gêbêc.
- 2 Ôņô ŋoc mec  
 ma wê taņam ŋoc taņiboa gebe ônam sa.
- 3 Gebe katuc gêôc gêŋwapac e têkwa gêbac  
 ma kasa paņ lamboam ŋalêndaņ.
- 4 Êsêac sêsam aê gawiņ lau, taņ sê su sêsêp sêlêlôm  
 sêja naņ.  
 Aê katôm ŋac, taņ nê ôliwalô gêjaņa su naņ.
- 5 Aêņoc mê gêc ŋacmatê ŋalêlôm  
 katôm êsêac, taņ sêjac êsêac êndu sêc sêlêlôm  
 naņ.
- Lau tonañ ŋai aôm taêm gêjam êsêac kêtiam atom  
 gebe lêmam gêjam êsêac sapu sugac.
- 6 Aôm kôtiņ aê su kasêp lamboam ŋalabuanô gaja,  
 kasêp gêsunjbôm ŋakêlêndiņ sec.
- 7 Aôm nêtm têtmac ŋandaņ kêsac aê êndu.  
 Ma nêtm têtmac ŋandaņ ŋadembom samob  
 kêkôniņ aê tôņ.
- 8 Aôm kôkêņ ŋoc lau mênbaņ samob sêjac jaê aê  
 gebe sêlic aê amboac gêņ ŋanô masi teņ.  
 Kôlai aê auc, tec gabe jasa e jatuc-jatuc.

\* **87:7:** Kora latui nêņ pesalem wêņa teņ.

- 9 Ganğôn jageo e matocanô kêtû wao.  
O Apômtau, aê aoc gêjac aôm kêtôm bêcgeŋ ma  
galam lemoc gêdêŋ aôm.
- 10 Aôm oc ôngôm gêŋtalô êpi ŋacmatê me masi.  
Êsêac oc dêndi mênșêlanem aôm me masi.
- 11 Êsêac oc sênac miŋ biŋ êpi aômnmêm têm-tac gêwiŋ  
teŋgeŋŋa aŋga sêlêlôm me masi.  
Oc sêsôm biŋ êpi aômnmêm biŋ ŋaŋêŋ aŋga gêŋ  
gêmôb ŋamala me masi.
- 12 Êsêac oc sêsôm aômnmêm gêŋtalô ŋawae aŋga  
gêsuŋbôm me masi.  
Oc sêsôm nêm biŋgêdêŋ lasê aŋga gamêŋ sêliŋ  
tauŋ siŋŋa me masi.
- 13 O Apômtau, amboac tonan aoc gêjac aôm.  
Ŋoc mec gêdêŋ aôm gêwac kêtôm bêbêcgeŋ  
samob.
- 14 O Apômtau, amboac ondoc kôtiŋ aê su  
ma gôsaŋ laŋômanô auc gêdêŋ aê.
- 15 Aê tekoc saki masi gêdêŋ ŋapalêgeŋ ma tec  
gamo a jageo ŋapaŋ.  
Aê tekoc gêbac kêtû nêm ŋagêjô ŋawapacŋa.
- 16 Aôm têm-tac ŋandaŋ ŋawaô kêku aê tulu.  
Aômnmêm gêŋwapac kêtakê aê e katuc uŋ tagen.
- 17 Kêtôm bêc samob kêkôm aê auc amboac bu  
ŋasamac  
ma gêjam aê auc samucgeŋ.
- 18 Aôm kôkêŋ ŋoc ŋac to tawaŋ sêjac tauŋ gêŋgic  
aŋga aêŋoc  
ma galic gêsuŋbôm kêtû ŋoc tawaŋ.

\*

## 89

### *Sênac mateŋ biŋ, taŋ Anôtô gêjac mata naŋ*

- <sup>1</sup> O Apômtau, aê gabe jaŋga wê êpi nêmtac gêwiŋ tengeŋŋa enden tôneŋ.  
Gabe jasôm nêmtac biŋ ŋaŋêŋ lasê êndênŋ gôlôac e naêsu kwananŋenŋ.
- <sup>2</sup> Aôm tec gôjac mata gebe têmtac gêwiŋ tengeŋŋa tau oc ênêc enden tôneŋ.  
Aôm kôwaka nêmtac biŋ ŋaŋêŋ sa ŋapep kêtôm, taŋ kômasaŋ undambê naŋ.
- <sup>3</sup> Aôm kôsôm gebe “Aê kamoatiŋ poac gêdênŋ ŋac, taŋ kajaliŋ enŋ sa naŋ,  
ma gajac mata gêdênŋ ŋoc sakiŋwaga Dawid gebe
- <sup>4</sup> “Aê jakênŋ nêmtac gôliŋ kiŋŋa elom nêmtac wakuc ŋapaŋ ma jawaka nêmtac lêpônŋ sa êtôm gôlôac to gôlôac samob.’”
- <sup>5</sup> O Apômtau, undambê sêlanem aôm nêmtac gêŋtalô ma lau dabuŋ, taŋ sêkac taŋ sa naŋ, awenŋ gêôc aôm gebe aôm ŋac ŋaŋêŋ.
- <sup>6</sup> Gebe asa oc êtôm Apômtau anŋa tao lôlôcŋa ma anôtôinênŋ latuŋi asa oc êtôm Apômtau.
- <sup>7</sup> Anôtô ŋaclai gêŋgôŋ lau dabuŋ sêkac taŋ sa ŋalêlôm  
ma samob, taŋ sêmoa enŋ laŋôanônŋa naŋ, têtêc enŋ ŋanô.
- <sup>8</sup> O Apômtau, lausiŋ undambêŋa nêŋ Anôtô, asa oc êtôm aôm.

---

\* **88:18:** Kora latui nêŋ pesalem wêŋa tenŋ.

- O Apômtau, aôm ñaclai sec ma nêmbiñ ñañêñ  
kêkwa aôm auc.
- <sup>9</sup> Aôm gôjam gôliñ gwêc, tañ kêgasim nañ.  
Ñadembom embe êkuc-êkuc, aôm oc ôngôm ñatip  
êsa.
- <sup>10</sup> Aôm gôjac gêñsêga Rahab popoc jamuñ-  
jamuñgeñ.  
Lêmam ñajaña gesen nêmbiñ ñacjo êliñ-êliñ
- <sup>11</sup> Aôm kôtu undambê to nom ñatau.  
Aôm kôkêñ nom samuc to gêñ samob, tañ  
gêjam nom tau auc nañ.
- <sup>12</sup> Aôm kôkêñ gamêñ musañgu-m to mula-mña.  
Lôc Tabor to Hermon ôliñ kêpi kêtú aômnêmbiñ  
ñaêña.
- <sup>13</sup> Lêmam dambê ñactêkwa sec.  
Lêmam ñajaña to kôsuñ nêmbiñ anôña sa.
- <sup>14</sup> Biñgêdêñ to biñ ñañêñ kêtú nêmbiñ lêpôn ñanombañ.  
Têmtac gêwiñ tengeñña to biñ ñañêñ gêc aôm  
lañômnêmbiñ.
- <sup>15</sup> O Apômtau, aê aoc gêoc lau, tañ lañômanô ñawê  
kêpô êsêac  
ma ôliñ kêpi kêtú aômña nañ.
- <sup>16</sup> Êsêac tapi-tapigeñ kêtú nêmbiñ ña ñapañ.  
Ma sêjam lasê kêtú aômnêmbiñ biñgêdêñña.
- <sup>17</sup> Gebe aôm kôtu êsêac waen to ñaclai ñamôkê.  
Aômnêmbiñ moasiñ kêwaka aêacma ñaê sa e ñapep.
- <sup>18</sup> Gebe Apômtau kêtú aêacnêñ lautuc ñatau  
ma Israelnêñ ñac dabuñ kêtú aêacnêñ kin nê  
ñatau.

*Anôtônê biñ, tañ gêjac mata gêdêñ Dawid nañ*

- 19 Gêdêḡ gêmunḡen aôm gôwa nêm biḡ sa gêdêḡ nêm  
 sakiḡwaga ḡaḡêḡ ḡa ḡakatu gebe  
 “Aê kakêḡ sunsuḡ kiḡḡa gêdêḡ ḡactêkwa teḡ  
 kêkuc ênam lau sa. Aa kakêḡ lêpôḡ kiḡḡa  
 gêdêḡ ḡac, taḡ kajaliḡ sa aḡga lau nêḡ naḡ.
- 20 Aê katap ḡoc sakiḡwaga Dawid sa,  
 gaen oso en ḡa ḡoc niptêkwi dabun
- 21 gebe lemoc êpuc en tôḡ enden tôḡḡen  
 ma lemoc êkêḡ ḡaclai êndêḡ en.
- 22 Nê ḡacjo ênsau êôc en êtôm atom  
 ma secwaga teḡ êku en tulu atom.
- 23 Aê gabe jansen ḡênê ḡacjo popoc sênêc en  
 laḡônêmḡa  
 ma janac êsêac, taḡ sêkêḡ kisa en naḡ êndu.
- 24 Aêḡoc biḡ ḡaḡêḡ to têtac gêwiḡ teḡḡenḡa êpuc en  
 tôḡ.  
 Aêḡoc ḡaê oc êsuḡ ênê wae sa.
- 25 Aê jakêḡ ênê gôliḡ ḡamadiḡ  
 aḡga gwêc ḡaluḡ e êndêḡ bu kapôêḡ Euprat.
- 26 En oc awa ênac aê gebe ‘Aêḡoc tamoc aôm,  
 aôm kôtu ḡoc Anôtô to ḡoc moasiḡ ḡamôkê.’
- 27 Aê gabe jakêḡ en êtu latuc ḡamêc.  
 En kêtu kiḡ nomḡa nêḡ ḡatau.
- 28 Aê oc jamoasiḡ en enden tôḡḡen  
 ma matoc êsap ḡoc poac tôḡ ḡajaḡa êtu enḡa.
- 29 Aê gabe jawaka ênê gôlôac nêḡ teḡ sa enden  
 tôḡḡenḡ gebe êtu kiḡ  
 ma ênê lêpôḡ êkô ḡapaḡ êtôm undambê.
- 30 “Ênê latui embe sêwi ḡoc biḡ siḡ  
 ma nêḡ lêḡ eso aêḡoc biḡ, taḡ kajatu naḡ,
- 31 ma embe sêḡgôm aêḡoc biḡ êtu meloc

- ma sêkêñ tañeñ ñoc biñsu atom,  
 32 oc jai êsêac ña palip êtu sêkac tañeñ sunja  
 ma oc janac êsêac êtu nêñ kwalecña.
- 33 Mago gabe jañgamiñ ñoc moasiñ êndêñ Dawid  
 atom  
 ma jansa ñoc biñ ñañêñ auc êndêñ eñ atomanô.
- 34 Aê gabe jañgôm ñoc poac êtu biñ lêlêña atom  
 ma janam biñ, tañ aocsunñ kasôm lasê nañ,  
 ôkwi atom.
- 35 “Aê ñac dabunñ, tec katôc lemoc sa kêpi tauc katu  
 dim tagenñ  
 gebe jansau Dawid teñ atomanô.
- 36 Ênê gôlôac oc sêmoa endenñ tôneñ.  
 Ênê lêpônñ êtôm oc, tañ kêkô aê lanôcnêm nañ.
- 37 Eñ oc êmoa endenñ tôneñ êtôm ajônñ,  
 tañ kêtôm gêwa-biñ-tau-sawaga ñañêñ anga tao  
 lôlôcña nañ.”

*Tañi kêtu sêku kiñ tuluña*

- 38 Mago galoc aôm kôtiñ to kômasuc ma têmeñac  
 ñandanñ  
 gêdêñ nêm ñac, tañ goenñ oso eñ nañ.
- 39 Aôm kôsap poac, tañ kômoatiñ gêdêñ nêm  
 sakiñwaga nañ tulu  
 ma gôgôm ênê sunsunñ kêtu meloc ma kôpalip  
 kêsêp lêsap gêja.
- 40 Aôm gosenñ ênê tunbôm samob êlin-êlin  
 ma kôsiñ baliñ ênê malac totunbôm e popoc  
 jamunñ-jamunñeñ.
- 41 Lau samob, tañ sêsa tonanñ sêja-sêmêñ nañ,  
 sêjanngo gêñ anga ênê



- nê lau mênban en sêsu en susu.
- 42 Aôm kôkên lau, tan sêlêsû en nan, sêku en tulu.  
Aôm kôkên ênê ñacjo samob e sêpi-sêpigen kêtû enña.
- 43 Aôm kôkên en gêc tonê sin ñamatagen gêja  
ma gêdên sin kêsa nan, kôpuc en tôñ atom.
- 44 Aôm gôgôm e ênê ñawasi gêjaña samob  
ma kôtiñ ênê lêpôn pinpan jagêc nom.
- 45 Aôm kôgasuñ ênê bêc ñapalê matakña kêtû dambê  
ma kôkên maja to ñawapac kêsalê en auc.

*Mec ten kêtû Anôtô êjanço en suna*

- 46 O Apômtau, gobe ônam taôm auc samucgen e  
êndên ondocgen acgom.  
Aômnêm têmtac ñandan ñajawaô êndançac e  
êndên ondocgen acgom.
- 47 O Apômtau, taêm ênam aêac ançôn maten jali ñam  
ma taêm ênam gebe kôkên ñamalac samob gebe  
oc sê su seben.
- 48 Ñamalac ten gêmoa ondoc gebe ênam kauc gêmac  
ma êmoa enden tôñgen.  
Asa oc êjanço tau nê katu su ança lamboam.
- 49 O Apômtau, aômnêm têmtac gêwiñ, tan gôjac mata  
gêdên andançen tauanô nan,  
to bin, tan aôm ñac bin ñanênña gôjac mata kêpi  
Dawid nan, gêc ondoc.
- 50 O Apômtau, taêm ênam nêm sakinwaga nê  
gênwapac  
gebe kajala gêc ñoc ñalêlôm amboac tonec  
gebe tentenlatu samob sêlic aê amboac gên  
lêlênña ten.

51 O Apômtau, nê m ñacjo têtaj pêlê  
to sêsu nê m ñac, taj goeñ oso eñ nañ, susu  
kêtôm nê lêñ samobgeñ.

52 Lambin êndêñ Anôtô enden tõeñen

Biññanô. Biññanôgoc.

\*

## 90

### *BUKU KÊTU ACLÊÑA*

*Anôtô gêmoa tengeñ ma ñamalac gêmoa têtageñ*

1 O Apômtau, aôm kôtu aêacma lamu.

Gôlôac to gôlôac sê lamu aôm.

2 Lôc gêboa tau sa atomgeñ ma aôm kôkêñ nom to  
ñagêñlêlôm samob atomgeñ,  
nañ aôm Anôtô gômoa tengeñ to tengeñ.

3 Aôm kôkêñ ñamalac têtü kekop kêtiam  
ma kôsôm gebe “O ñamalac latui, amu ana.”

4 Aôm gôlic jala tausen kêtôm bêc nõeñña, taj  
gêjaña nañ,  
ma kêtôm ajam jali dambêgeñ gêdêñ gêbêc.

5 Aôm kôtiñ aêac su amboac bu lau. Êsêac sêmoa  
dambêgeñ amboac taêc bêc ma taêc mê  
têtageñ.

Êsêac têtôm oba ñamêdôb, taj kêpuc wakuc  
gêdêñ bêbêcgeñ nañ.

6 Bêbêcgeñ kêpuc ñajam-ñajamgeñ  
e kêtula ma kêmêliñ e kêtü masê.

---

\* **89:52:** Ñac Esraña Etan nê wê tengeñ.

- 7 Aôm têtmtac nandanj kêdanjac aêac su  
ma aômnmêm njalêlôm kêmoatiñ tônj kêtakê aêac  
secanô.
- 8 Aôm kotoc aêacma geo kêkô aôm lanômnmêmja.  
Aôm lanômanô nawê kêpô aêacma sec, tanj gêc  
lêlômgenj nanj.
- 9 Gebe aôm têtmtac nandanj gêjac aêacma bêc samob  
gêngic.  
Aêacma jala kêtôm atanj awenj kêtu dambê.
- 10 Aêac amoa matenj jali najala jagêdêñ 70.  
Ma embe anğônj nêñgenj, nanj oc naêndêñ 80.  
Mago jala tau nanô gêñwapac to nanômê  
ma gê su sebenj amboac moc gêlôb.
- 11 Asa oc taê ênam aôm têtmtac nandanj nanaclai  
ma asa kêtêc têtmtac kêbôli auc.
- 12 Amboac tonanj ôndônj aêac gebe asa ma bêc sa  
njapep  
gebe ma njalêlôm êjala mêtê tokauc.
- 13 O Apômtau, ômu ômôêñmanj, gobe ômoa jaêc aêac  
e êndêñ ondocgenj.  
Taêm walô nêm sakinjwagamanj.
- 14 Aôm têtmtac gêwiñ tenjenja êôc aêac tônj êtôm  
bêcgenj,  
ec ôlinj êpi to têtmtac najam êtôm ma bêc samob.
- 15 Ôkêñ bêc aêacma njalêlôm najam êsanja e naêtôm  
bêc, tanj kôkôninj aêac tônj nanj,  
to êtôm jala, tanj gêñwapac kêkôm aêac auc nanj.
- 16 Ôwa nêm kolenj nam sa êndêñ nêm sakinjwaga  
ma ôwa nêm nawasi sa êndêñ êsêacnêñ njapalê  
amboac tonanjenj.

- 17 O Apômtau, aêacma Anôtô, nê m moasiņ mênjêpi  
aêac.  
Ônam mec aêacma lemeņ ģakoleņ, biņņanô,  
ônam mec ma lemeņ ģakoleņmaņ.

\*

## 91

### *Tamoā Naniniņ Natau nê ajuņlabu*

- 1 Ķac taņ ģê lamu Lôlôc Ķataugeņ  
ma ģêņģôņ Ķaniniņ Natau nê ajuņlabu naņ,  
2 oc êsôm êndêņ Apômtau gebe “O ģoc lamu to ģoc  
laimôkê.  
O ģoc Anôtô, taņ taêc kêka aôm naņ.”  
3 Gebe eņ taugeņ oc êjaņgo aôm su aņģa ģac-ģêdib-  
mocwaga nê lakô  
ma ênam aôm sa êndêņ ģêmac sec.  
4 Eņ oc êņģandê aôm auc ģa nê magê ma aôm oc  
ôņģôņ ênê magêlabu ģajamgeņ.  
Ênê biņ ģaņjêņ kêt u lautuc to maluku.  
5 Aôm oc ôtêc ģêņsêģa ģêbêcģa atom  
ma ôtêc sôb, taņ ģêlôb ģêdêņ ocsalôģa naņ,  
atom amboac tonanģeņ.  
6 Aôm oc ôtêc ģêmac sec, taņ kêmooasac tokesecgeņ  
ma ônaņ ģeseņ lau ģêdêņ ocsalô naņ, êtap aôm  
sa atom amboac tonanģeņ.  
7 Lau tausen, taņ sêwiņ aôm naņ, embe sênaģa,  
ma tausen to tausen, taņ sêmoa kêsi lêmam  
anôģaģa naņ, embe sênaģa naņ,  
mago oc êģac aôm sa.  
8 Aôm taôm matamanô êpi lau kesowaga

\* **90:17:** Anôtônê ģac Mose nê mec.

ma ôlic ñagêjô, tañ oc êtap êsêac sa nanj.

- <sup>9</sup> Apômtau kêtù aômnêm lamu.  
 Aôm kôjaliñ Lôlôc Ñatau sa gebe êtu nêm  
 laimôkê,  
<sup>10</sup> tec oc ôndac gêñwapac atom  
 ma gêñ sec teñ oc êsa nêm bec ñagala atom.  
<sup>11</sup> Gebe eñ oc êsakiñ nê añela êtu aômña  
 gebe sejop aôm aña nêm lêñ samob.  
<sup>12</sup> Êsêac oc sêsip aôm sa ña lemen  
 gebe amkainj êndiñ êpi poc atom.  
<sup>13</sup> Aôm oc ôsêlêñ ôngêli lewe to moac.  
 Aôm oc ôka lewe to moactêna popoc.
- <sup>14</sup> Anôtô kêsôm gebe “Aê oc janam lau, tañ sêsap aê  
 tôñ totêntac gêwiñgeñ nanj sa  
 ma japiñ êsêac, tañ sêjala ñoc ñaê nanj auc.  
<sup>15</sup> Êndêñ tañ awenj ênac aê, oc jakêñ tañoc êsêac.  
 Êndêñ tañ sêngônj naeo, oc jamoa jawiñ êsêac  
 ma janam êsêac kêsî to jatoc êsêac sa.  
<sup>16</sup> Aê oc jakêñ êsêac sêmoa maten jali ñêñgeñ  
 ma jatôc ñoc moasiñ êndêñ êsêac sêlic.”

## 92

### *Wê lambiñña*

- <sup>1</sup> Tanam danje Apômtau kêtù gêñ ñanô mataêjam.  
 O Lôlôc Ñatau, aêac alanem nêm ñaê.  
<sup>2</sup> Êndêñ bêbêcgeñ samob aêac asôm nêm têmtac  
 gêwiñ tengeñña lasê  
 ma êndêñ êmbêc akêñ nêm binj ñañêñ ñawae.  
<sup>3</sup> Apip gêñ wêña ñagam lemêlu ma anac  
 kaliñwanjsêga êtanj

- ma anac gêṅ wêṅa ṅagêdô amboac tonanṅeṅ.
- 4 Gebe aôm Apômtau gôgôm nêṁ gêṅ ṅajam e kêmoasiṅ aêṅoc ṅalêlôm, tec gajam wê ma katuc samuc nêṁ lêmam ṅakôm.
- 5 O Apômtau, aôm nêṁ kôm ṅanô kapôêṅanô. Aôm taêm gêjam biṅ samob kêsêp lêlôm e jakôkip sa.
- 6 ṅac taṅ nê kauc masi naṅ, oc êjala gêṅ tonan ṅai atomanô. Ma ṅac meloc oc êjala ṅam sapu.
- 7 Lau taṅ sêkac taṅ su anṅa Anôtônê naṅ, têtôm gêgwan ṅamêdôb wakuc ṅajam, ma lau samob, taṅ sêgôm sec naṅ, têtôm ka ṅaola kêsa, mago oc sêmoa atom, sênaṅa samucṅeṅ.
- 8 Ma aôm Apômtau oc ôṅgôṅ nêṁ lêpôn, taṅ kêkô lólôcṅa naṅ, endeṅ tôṅṅeṅ.
- 9 O Apômtau, aôm nêṁ ṅacjo oc sênaṅa biṅṅanô. Nêṁ ṅacjo oc sênaṅa biṅṅanôgoc. Aôm oc onseṅ lau samob, taṅ sêgôm sec naṅ, popoc êliṅ-êliṅ.
- 10 Aôm gôgôm aê ôlic walô kêsa amboac bôc bulimakao kapoac ṅaclai teṅ. Aôm goeṅ oso aê ṅa gêṅ têtac ṅajamṅa.
- 11 Aê galic sêku ṅoc ṅacjo tulu ma gaṅô lau sec sêwakic.
- 12 Lau gêdêṅ sêpoa sêpi amboac nip ma têtû balin kêtôm kaseda Lebanonṅa.

- 13 Êsêac têtôm ka, taŋ sêsê kêsêp Apômtaunê andu naŋ.  
Êsêacnêŋ ŋaola gêjac lêtêŋ aŋga aêacnêŋ Anôtônê malacluŋ.
- 14 Êsêac sêjam ŋanô gêdêŋ taŋ môdê kêpi êsêac naŋ.  
Nêŋ ŋatêkwi taêsam ma ŋalauŋ ŋawawa laŋwagenŋ.
- 15 Biŋ tonanŋ gêwa sa gebe Anôtô eŋ ŋac ŋaŋêŋ ma biŋ keso teŋ gêc ŋoc lamu atom.
- \*

## 93

### *Anôtô kêtú kin*

- 1 Apômtau kêtú kin. Eŋ kêsô ŋawasi kinŋa kêtú nê ŋakwê. Apômtau gêjam gêlônŋ sa ma kajandinŋ ŋaclai kêtú nê ômbinŋkap.  
Ŋac tau gedêŋ nom tôŋ ŋajaŋa gebe wiwic atom.
- 2 Aômnnêm lêpônŋ kêkô ŋajaŋa kwananŋeŋ gêdêŋ andanŋeŋ ma ŋapanŋ.  
Aôm gômoa gêdêŋ têm kêsa atomgeŋ.
- 3 O Apômtau, bu ŋasamac kêsa, ŋasamac kêsa e ŋadindinŋ ŋanô.  
Ŋasamac kêsa e gamêŋ gêônŋ-gêônŋ
- 4 Apômtau lôlôcŋa kêtú ŋatau ŋajaŋa, eŋ kêlêlêc bu ŋasamac kapôêŋ ŋadindinŋ.  
Kêlêlêc gwêc, taŋ kêgasim ŋatêna naŋ su.
- 5 Biŋ taŋ aôm gôwa sa naŋ, ŋaŋêŋ to biŋŋanô.

\* 92:15: Wê Sabatŋa.

O Apômtau, ñamalac tetoc nê m andu sa gebe gamêñ dabuñ ma sêñgôm enden tõegeñ acgomman.

## 94

### *Anôtô kêt u lau samob nêñ mêtôcwaga*

- 1 O Apômtau, aôm kôkac kamocgôc ñatau.  
Kamocgôc ñaAnôtô mênô lasê.
- 2 Aôm tañ kômêtôc lau nomña nêñ biñ nañ, ôndi samañ.  
Ôkên ñagêjô êndên lau, tañ tetoc taun sa nañ.
- 3 Secwaga tetoc taun sa  
ma ôlin kêpi kêt u nêñ secña e êndên ondocgeñ.
- 4 Êsêac sêsôm biñ alôb-alôb e awenôpic mêngebôc lanwgagen.  
Secwaga samob sêkêli taun ñanô.
- 5 O Apômtau, êsêac sêka nê m lau popoc.  
Êsêac sêkônin nê m gênlênsê m tõe.
- 6 Êsêac sêgin awêruc to mosêbu êndu  
ma sêjac lau jaba, tañ sêmoa aêacma gamêñ nañ êndu.
- 7 Êsêac sêsôm gebe “Anôtô oc êlic sapu.  
Jakobnê Anôtô kêpuc mata tõe aêac atom.”
- 8 Amac lau meloc, tañ amoa lau ñalêlôm nañ, nê m kauc êsa acgomman.  
Ma amac lau gêbôc oc êndên ondoc acgom, go ajala biñ ñam.
- 9 Ñac tau, tañ kêkên aêac tañesun kêsap tõe nañ, oc êñô biñ atom me.



- Ma ñac tau, tañ kékêñ aêac matenjanô nañ, oc êlic gamêñ teñ sapu me.
- 10 Ñac tau, tañ gêwa ñamalacnêñ kauc sa to gêjam gôliñ tentenlatu samob nañ, oc êkêñ ñagêjô atom me.
- 11 Apômtau tec kêjala biñ, tañ ñamalac taêñ gêjam gêc nêñ ñalêlôm nañ, e jakêkip sa, mago êsêac tauñ têtôm awenjaô ñaôma.
- 12 O Apômtau, aê aoc êôc ñac, tañ aôm gôjam gôliñ eñ nañ, to aoc êôc ñac, tañ aôm gôwa nêñ biñsu sa gêdêñ eñ nañ.
- 13 Aôm gobe ômbôc gêñwapac auc êndêñ eñ, ôñgôm ômoa e êndêñ bêc, tañ sêkwê sê gebe ñac alôb-alôb êsêp êna nañ.
- 14 Apômtau oc êtiñ nê lau su atom ma oc êwi nê gêñlênsêm siñ atom.
- 15 Biñgêdêñ oc êwaka tau sa aña gamêñ mêtôcña êtiam ma lau gêdêñ oc sêpuc biñgêdêñ tau tôñ.
- 16 Asa oc êpuc aê tôñ êndêñ lau secwaga. Asa oc êkô êwiñ aê êndêñ lau alôb-alôb.
- 17 Apômtau embe ênam aê sa atom, oc ñoc katuc wanêcgeñ naêmoa nê gamêñ ñañêñ su.
- 18 Gêdêñ tañ katêc tauc gebe janac tauc êndu nañ, nêñ têtac gêwiñ tengeñña kêpuc aê tôñ, o Apômtau.
- 19 Gêdêñ tañ gêñwapac gêjam ñoc ñalêlôm auc nañ, aôm gôjam malô aê e gôgôm aê têtac ñajam kêsa kêtiam.

- 20 Lau sêmêtôc biñ kesowaga to êsêac, tañ sêjam  
biñsu ñamata ôkwi-ôkwi nañ,  
oc sêwê kain aôm me.
- 21 Lau tonañ sêkac tauñ sa gebe sêkic ñac gêdêñ nê  
biñ  
ma sêmêtôc lau, tañ nêñ biñ masi samucgeñ  
nañ, gebe sêmac êndu.
- 22 Mago Apômtau tec kêtú ñoc tuñtêna ñajana sec.  
Ñoc Anôtô kêtú ñoc poc, tañ gaê lamu nañ.
- 23 Eñ oc êkêñ ñagêjô êndêñ êsêac êtôm nêñ biñ alôb-  
alôb ma enseq êsêac tauñ êtu nêñ secña.  
Biññanô, Apômtau aêacnêñ Anôtô, oc enseq  
êsêac su.

## 95

### *Talambij Anôtô to tanam sakin en ñawê*

- 1 Amêñ, talambij Apômtau.  
Lasê êtañ to têntac ñajam êndêñ aêacnêñ  
moasiñmôkê.
- 2 Aêac todañgegeñ dandêñ en tawac takô en  
lañônêm.  
Tanam wê lambiñña toaligen.
- 3 Gebe Apômtau en Anôtô kapôên.  
Eñ kêtú anôtôï samob nêñ kiñsêga.
- 4 Eñ gêjam gôliñ nom ñakêlêndin  
to lôc ñatêpôê samob.
- 5 Eñ kêtú-gwêc ñatau gebe en kêkêñ.  
Eñ kêtú masañm ñatau gebe en kêlêsob ña lêma.
- 6 Amêñ, tawec ma taten mec êndêñ en.  
Tapôñ aenduc êndêñ Apômtau, tañ kêkêñ aêac  
nañ,

- 7 gebe enj kêtû aêacnêḡ Anôtô ma aêac tatu ênê lau, taḡ enj gejob naḡ, ma domba, taḡ enj gêjam gôliḡ naḡ.  
 Ojae, êndêḡ ocsalô tonec akêḡ taḡem enj awamaḡ.
- 8 “Anḡôm nêḡ ḡalêlôm ḡadani asa êtôm sêgôm anḡa Meriba,  
 ma êtôm sêgôm gêdêḡ bêc sêmoa gamêḡ sawa Masaḡa naḡ atom.
- 9 Gêdêḡ tonanḡ Tamemi sêsaê aê.  
 Aê gagôm ḡoc gêḡ ḡagêdô êsêac taḡḡ sêlicḡac, mago sêsaê aê.
- 10 Gôlôac tonanḡ sêgôm aê têtac kêbôli auc kêtôm jala 40 ma aê kasôm gebe’ Êsêac lau tonanḡ nêḡ kauc kêlêsa ḡapanḡ  
 ma êsêac sêkô taḡḡ auc gêdêḡ aêḡoc lêḡ.’
- 11 Amboac tonanḡ têtac ḡandanḡ ma katôc lemoc kêtû tôḡ gebe  
 ‘Êsêac oc sêsô aêḡoc gamêḡ sêniḡ awenḡa atomanô.’”

## 96

### *Wê lambiḡḡa*

- 1 Anḡa wê wakuc êpi Apomtau.  
 Amac lau gamêḡ samobḡa, anḡa wê êpi Apômtau.
- 2 Anḡa wê êpi Apômtau ma awem êoc ênê ḡaê.  
 Asôm ênê moasiḡ ḡawae lasê êtôm bêc to elenḡenḡ.
- 3 Asôm ênê ḡawasi lasê êndêḡ tentenḡlatu to ênê gêḡsêga êndêḡ lau nomḡa samob.

- 4 Apômtau eṅ ḡac kapôêṅ, amboac tonanṅ samob awenṅ êôc eṅ.  
Tatêc eṅ êlêlêc anôtôi samob su.
- 5 Gebe tentenṅlatu nêṅ anôtôi samob gwamgeṅ.  
Apomtau taugenṅ tec kêkêṅ undambê.
- 6 Wae to ḡawasi kinṅa kêkôm eṅ auc.  
ṅaclai to ḡawasi gêjam ênê gamêṅ dabuṅ auc.
- 7 O lau samuc nêṅ gôlôac, atoc Apômtau sa.  
Atoc Apômtaunê ḡawasi to ḡaclai sa.
- 8 Atoc Apômtaunê ḡaê towae sa.  
Asô ênê malacluṅ ana ma ansuṅ da êndêṅ eṅ.
- 9 Au taôm anêc Apômtau lanṅônêṅ togêlôṅ dabuṅgeṅ.  
Nom ḡagamêṅ samob, atênêp êtu eṅṅa.
- 10 Asôm binṅ tonec lasê êndêṅ lau samuc gebe  
“Apômtau katu kinṅ.  
Eṅ kêsuṅ nom ḡam tôṅ ḡajaṅa gebe kôjô-  
kôjô atom. Eṅ oc êmêtôc tentenṅlatunêṅ binṅ  
naêndêṅgeṅ.”
- 11 Undambê atu samuc ma nom têtac wapi,  
gwêc tau to gêṅ materṅ jali samob, taṅ sêmoa  
ḡalêlôm nanṅ, ḡadindiṅ êsa.
- 12 Kôm to gêṅ kômṅa samob sênam lasê.  
Ka salenṅtênaṅa samob sêmôêc toaligenṅ.
- 13 Sêkô Apômtau lanṅônêṅṅa gebe eṅ oc êmêṅ.  
Binṅanô, eṅ oc amêṅ gebe êmêtôc nom.  
Eṅ oc amêtôc gamêṅ samob ḡa binṅgêdêṅ  
to tentenṅlatu ḡa nê binṅ ḡaṅêṅ.

## 97

*Anôtô en gôliņsêga*

- <sup>1</sup> Apômtau kêtû kiņ. Nom tau ênam lasê toôndugen.  
Nuc samob, atu samuc.
- <sup>2</sup> Tao ŋamajaņ kêkwa en auc.  
Biņgêdêņ to biņ katô kêtû ênê lêpôņ ŋanombaņ.
- <sup>3</sup> Ja aņga ênê gêmuņ-gêmuņgen.  
Ja kêdaņgac ênê ŋacjo su sêjaņa.
- <sup>4</sup> Ênê ôsic kêpô nom  
ma lau, taņ sêņgôņ nom naņ, sêlic e têtakê.
- <sup>5</sup> Apômtau gêgôm lôc gêwê e kêtôm lêp  
gebe en kêtû lau nomņa samob nêņ Apômtau.
- <sup>6</sup> Undambê sêwaka ênê biņgêdêņ sa  
ma tentenlatu samob sêlic ênê ŋawasi.
- <sup>7</sup> Lau samob, taņ sêjam sakiņ gwam to tetoc tauņ sa  
kêtû nêņ gwamņa naņ, oc sêkô tomajaņgen.  
Anôtôi samob sêu tauņ sêc en laņônêmņa.
- <sup>8</sup> Sion gêņô e têtac ŋajam ma Juda latuņio awen gêôc  
toôndugen  
kêtû aôm Apômtau, kômêtôc biņņa.
- <sup>9</sup> Gebe aôm, Apômtau, kôtu nom samuc ŋatau  
towae.  
Aôm kôlêlêc anôtôi samob ŋêņgen su.
- <sup>10</sup> Apômtau têtac gêwiņ lau, taņ sêkêņ kisa êndêņ sec  
naņ.  
En tau gejob nê lau mansaņ katuņ ma kêjaņgo  
êsêac su aņga lau geo nêņ lemeņ.
- <sup>11</sup> Ŋawê kêsa gebe êpô lau gêdêņ  
ma têtac ŋajam kêpi êsêac, taņ nêņ ŋalêlôm  
ŋaņêņ naņ.
- <sup>12</sup> Amac lau gêdêņ atu samuc Apômtauņa

ma anam danje enj.

## 98

*Anôtô kêtú nom samucgen ñagôlinwaga*

- 1 Apuc wê wakuc tenj sa êndênj Apômtau  
gebe enj gêgôm gêñsêga.
- Ênê lêma anôña  
to ñaclai dabunj kêku nê ñacjo tulu.
- 2 Apômtau kêsôm enj kêku ñacjo tulu ñawae lasê.  
Enj geoc nê binjêdênj lasê gêdênj tentenlatu  
samob.
- 3 Enj taê gêjam nê têtac gêwinj tenjenña to binj ñañênj,  
tañ gêjac mata gêdênj gôlôac Israel nañ.
- 4 Lau gamênj samobña awem êôc Apômtau  
toôndugenj.  
Anam lasê to apuc wê lambinña sa.
- 5 Anjôm gênj wêña êtañ gebe ênjôm Apômtaunê wae  
êsa.  
Anjôm ña gênj wêña ma apuc wê tau sa.
- 6 Anac dauc to posauno êtañ.  
Awem êôc kinj Apômtau toôndugenj.
- 7 Gwêc to ñagênj samob, tañ gelec-gelecgenj sêmoa  
ñalêlôm nañ, ñadindinj êsa  
ma lau samob, tañ sêngônj nom auc nañ, am-  
boac tonanjenj.
- 8 Bu kapôênj ñasamac, amakop lememe.  
Lôc samob sêkêli tañj sêpi-sêpigenj sêkô Anôtô  
lanjôgenj.
- 9 Sêngôm êndênj Apômtau gebe enj oc mênjêmetôc  
ñamalac nomña nêñ binj.

Enj oc êmêtôc lau samob, tañ sêngôn nom auc  
nañ, ña biñgêdêñ ma biñkatô.

## 99

### *Anôtô enj kinj towae*

- <sup>1</sup> Apômtau kêtú kinj. Tenteñlatu têtênêp tauñ êndu-  
êndu.  
Nê lêpôn kékô kerub nêñ magê ñaô e nom kôjô-  
kôjôgeñ.
- <sup>2</sup> Apômtau kêtú ñac kapôêñ anja Sion.  
Enj ñatau kêlêlêc tenteñlatu samob su.
- <sup>3</sup> Lau samob sêlambiñ ênê ñaê towae to ñac lai kainj  
teñ  
gebe enj ñac dabuñ.
- <sup>4</sup> O kinj toñac lai,  
aôm têmtac gêwiñ biñgêdêñ.  
Aôm kôwaka ñagôlinj gêdêñ sa  
ma kômêtôc biñ kêtú katô anja Jakobnê.
- <sup>5</sup> Atoc Apômtau, aêacnêñ Anôtô sa  
ma au taôm naanêc taon, tañ akainj kêka tônj  
nañ, gebe enj ñac dabuñ.
- <sup>6</sup> Mose agêc Aron têtú ênê dabuñwaga, ma Samuel  
gêmoa gêwiñ êsêac, tañ awenj gêôc ênê ñaê  
nañ.  
Êsêac awenj gêjac enj, tec enj kékêñ taña êsêac.
- <sup>7</sup> Enj gêmoa tao ñalêlôm ma kêsôm biñ gêdêñ êsêac.  
Êsêac sêmasañ ênê biñsu to biñ, tañ enj kêjatu  
gêdêñ êsêac nañ.
- <sup>8</sup> O Apômtau, aêacma Anôtô, aôm kôkêñ tañam êsêac.

Aôm Anôtô kôsuc êsêacnêḡ biḡ ôkwi ma gôjac  
êseac kêtû sêgôm kesonḡa.

- <sup>9</sup> Atoc aêacnêḡ Apômtau Anôtô sa ma au taôm  
naanêc ênê lôc dabuḡ ḡalabu  
gebe aêacnêḡ Apômtau Anôtô eḡ ḡac dabuḡgoc.

## 100

### *Wê lambiḡḡa*

- <sup>1</sup> Amac lau gamêḡ samobḡa, lasê êtaḡ totêmtac  
ḡajam êndêḡ
- <sup>2</sup> Apômtau. Anam sakiḡ Apômtau toôlim êpigeḡ.  
Mêḡakô eḡ laḡônêm toôndugeḡ.
- <sup>3</sup> Ajala Apômtau gebe eḡ Anôtô.  
Eḡ kêkêḡ aêac tec tatu ênê gêḡ. Aêac tatu ênê  
lau to toḡ, taḡ eḡ gejob naḡ.
- <sup>4</sup> Awê asô ênê sacgêdô ana todaḡe ma asô ênê lôm  
dabuḡ ḡamalacluḡ toôndugeḡ.  
Anam danḡe eḡ to awem êôc ênê ḡaê.
- <sup>5</sup> Gebe Apômtau eḡ ḡac gabêjam, ênê moasiḡ oc ênêc  
teḡgeḡ  
ma ênê biḡ ḡaḡêḡ ênêc teḡgeḡ to teḡgeḡ.
- \*

## 101

### *Kiḡ gêjac mata biḡ*

- <sup>1</sup> Aê gabe jaḡga wê api moasiḡ to biḡgêdêḡ.  
O Apômtau, aê gabe janam wê êndêḡ aômgeḡ.
- <sup>2</sup> Aê gabe jasa lau laḡônêm sawa nêḡ lêḡ  
Aôm oc ôndêḡ aê ômôêḡ êndêḡ ondoc.

\* **100:5:** Pesalem danḡeḡa teḡ.



Aê gabe jaṅgôṅ ḡoc andulêlôm  
toṅoc ṅalêlôm ṅawageṅ.

<sup>3</sup> Aê gabe matoc êndiṅ  
gêṅ eso atom.

Aê jakêṅ kisa êndêṅ êsêac, taṅ sêkac taṅ su aṅga  
Anôôtônê.  
Biṅ amboac tonage êtap aê sa atom.

<sup>4</sup> ṅalêlôm keso ênac jaê aê.  
Aê gabe janam kauc gêṅ sec.

<sup>5</sup> Aê gabe jansen lau,  
taṅ sêgôliṅ biṅ sacgeṅ kêpi nêṅ lau sackapoa  
gêdô gêdêṅ taṅ naṅ.

Lau tenbeleṅ aṅgeṅ ma êsêac, taṅ nêṅ ṅalêlôm  
kêkiaṅ tauboa naṅ,  
galic êsêac keso ḡoc ṅalêlôm.

<sup>6</sup> Matoc gê lau, taṅ sêgôm nêṅ gêṅ ṅaṅêṅgeṅ naṅ,  
gebe sêmoa sêwiṅ aê.

Lau tolaṅôṅnêm sawa  
oc sênam sakiṅ aê.

<sup>7</sup> ṅac teṅ embe ênam biṅ dansaṅ ṅa lêmageṅ  
oc êṅgôṅ ḡoc andu atom.

Matoc geso lau,  
taṅ sêsôm biṅ dansaṅ sêmoa naṅ.

<sup>8</sup> Lau samob, taṅ sêgôm biṅ alôb-alôb naṅ,  
jansen êsêac su aṅga gamêṅ tonec êtôm bêcgeṅ.

Ma lau samob, taṅ sêgôm sec naṅ,  
oc jansen êliṅ-êliṅ aṅga Apômtaunê malac.

\*

---

\* **101:8:** Dawidnê pesalem teṅ.

# 102

*Nac matac tonê ñalêlôm ñawapac nê mec*

- 1 O Apômtau, ôkêñ tañam ñoc mec  
ma ôkêñ ñoc tañiboa e wacdingen aôm.
  - 2 Êtôm ñasawa, tañ ñoc ñalêlôm ñatutuc nañ,  
ônsañ lañômanô auc êndêñ aê atom.
- Wê tañam aê.
- Êtôm ñasawa, tañ jamôêc nañ, ôkêñ tañam aê  
ñagaôgen.
- 3 Ojae, ñoc bêc gêôñ sa katôm jadaun  
ma ñoc ñatêkwa ñandañ kêtôm ja gen gêmoa  
ñalêlôm.
  - 4 Aêñoc ñalêlôm kêsêlic e kêtú masê amboac gêgwan  
ma gêgôm aê e kaliñ tauc sin ma gaen gêñ  
atom.
  - 5 Kasê aoc jamêc-jamêc  
e ñoc ñamêsôm gedec ñatêkwa.
  - 6 Aê katôm moc gwêcña, mago jagamoa gamêñ  
sawa.  
Aê katôm mocki gêmoa gamêñ gasañ.
  - 7 Aê gabe janêc bêc e gagôm jageo ma katan tauc.  
Aê katôm moc ñanô kêsú tagen, tañ gêñgôn níp  
nañ.
  - 8 Ñoc ñaço sêsu aê susu kêtôm bêcgen.  
Êsêac tañ sêkêli taun kêtú aêña nañ, sêpuc  
boagen gebe aê janañamañ.
  - 9 Ojae, aê gaen wao kêtú ñoc mogoc  
ma gabe janôm gêñ, nañ ganôm matocsulu  
toôn-toôn
  - 10 kêtú aôm têmtac ñandañ to nêñ ñalêlôm kêmotin  
tôñña

- gebe aôm gôc aê sa ma kôgôndiŋ aê.
- 11 Aêŋoc bêc kêtôm katuŋ kêtû baliŋ.  
Ojae, aêma kamêliŋ amboac gêgwanŋoc.
- 12 Mago aôm Apômtau, tec kôtu kiŋ gôŋgôŋ nêŋ  
lêpôŋ geden tôŋgeŋ  
ma gôlôac to gôlôac tetoc aômnêŋ ŋaê sa.
- 13 Aôm oc ôndi ma taêm walô Sion gebe ŋanoc aôm  
taêm walôŋa kêdabiŋgac.  
Ŋanoc tau mêŋkêsa su.
- 14 Aômnêŋ sakiŋwaga têtac gêwiŋ Sion tau ŋaalê  
ma nêŋ ŋalêlôm kêmoatiŋ tôŋ kêtû gamêŋ tau  
ketocŋa.
- 15 Ec lau samuc oc têtêc Apômtaunê ŋaê  
ma kiŋ nomŋa samob têtêc nêŋ ŋawasi.
- 16 Biŋŋanô, Apômtau oc êkwê Sion sa êtiam.  
Eŋ oc eoc tau lasê tonê ŋawasi.
- 17 Eŋ oc êkac laŋôanô ôkwi êndêŋ lau, taŋ sêjac  
kapoac êsêac naŋ, nêŋ mec  
ma êmbôc taŋasuŋ auc êndêŋ êsêacnêŋ taŋiboa  
atom.
- 18 Biŋ tonan ŋai teto ênêc e lau wakuc sêlic  
gebe lau, taŋ tenenŋi sêkôc êsêac su atomgeŋ  
naŋ, awenŋ êôc Apômtau.
- 19 Gebe eŋ gêjam tuc anŋa nê lôlôc dabuŋ  
gebe Apômtau kêtuc kêniŋ anŋa undambê  
kêsêp nom gêmêŋ
- 20 gebe êkêŋ taŋa êndêŋ lau kapoacwalôŋa nêŋ olinŋ  
ma êŋgamboac lau, taŋ têtû lau gêbac naŋ, su  
sêmoa mateŋ jali.
- 21 Gebe sêsôm Apômtaunê ŋaê lasê anŋa Sion  
ma nê wae anŋa Jerusalem.

- 22 Sêngôm êndênj tañ tentenlatu sêkac tauñ sa nañ,  
ma kiñnêñ lau sebe sênam sakinj êndênj  
Apômtau amboac tonañ.
- 23 Aê kasa ñoc lêñ gamoa e eñ gêgôm aêñoc ñaclai  
kêtu goloñ.  
Eñ gêjam aêñoc bêc ganğonj matoc jaliña su kêtu  
dambê,
- 24 e galoc katanj gebe “Ñoc Anôtô, ôkaja aêma êndênj  
ñoc bêc ñaluñgenj atom  
gebe aôm kôtu têm tenğenj to tenğenj ñatau.”
- 25 Andanğenj tauanô gôjac m nom  
ma undambê kêtu lêmam ñakôm.
- 26 Geñ tonañ ñai oc sênaña ma aôm oc gacgenj ômoa.  
Gêñ tonañ ñai samob oc têtü manê amboac  
ñakwê.  
Aôm oc ôjô gêñ tau êtôm tajô ñakwê  
ma aôm oc ônam gêñ tau tonañ ôkwigenj.
- 27 Mago aôm ômoa amboac gômoa endenj tönğenj  
ma nêñ jala oc ñatêku êsu atom.
- 28 Aômnêm sakinjwaga nêñ latuñi oc tec sêmoa nêñ  
ôliñ ñajamgenj  
ma nêñ gôlôac oc sêmoa aôm lanğômnêmña  
ñapanj.  
\* lêna tau êndu-êndu nañ, nê tañiboa gêdênj  
Apômtau kêtu nê kwalecña.

## 103

### *Talambij Apômtaunê moasinj*

1 O katuc tau, ôlanem Apômtau

---

\* **102:28:** Pesalem dambu tauñña kêtu lemenjtenjña. Ñac tañ kêpô

- ma aêḡoc ḡalêlôm samucḡeḡ, êlanem ênê ḡaê dabuḡ.
- <sup>2</sup> O katuc tau, ôlanem Apômtau  
ma ôliḡ ênê moasiḡ samob, taḡ ḡêjam aôm sa  
naḡ, siḡ atom.
- <sup>3</sup> Gebe eḡ tec kêsuc aômniêm biḡ samob ôkwi  
to ḡêḡôm aômniêm ḡêmac samob ḡajam kêsa.
- <sup>4</sup> Eḡ ḡêjam aôm kêsi aḡḡa sec  
ma kêkêḡ têtac ḡêwiḡ teḡḡeḡḡa to taê walô kêtu  
sunsuḡ ḡêdêḡ aôm.
- <sup>5</sup> Aôm ḡôḡḡôḡ ênê moasiḡ ḡaô kêtôm têm ḡômoa  
nomḡa.  
Amboac tonḡ tec ḡômoa ôlim matac kêtôm  
momboḡ.
- <sup>6</sup> Apômtau kêwaka biḡḡêdêḡ sa  
to kêwaka lau samob, taḡ kêkôniḡ êsêac tôḡ  
naḡ, sa amboac tonḡḡeḡ.
- <sup>7</sup> Eḡ ḡêwa nê lêḡ sa ḡêdêḡ Mose  
ma Israel latuḡi sêlic ênê ḡêḡsêḡa.
- <sup>8</sup> Apômtau kêtu taê walô to moasiḡ ḡam.  
Eḡ têtac ḡandaḡ ḡaôḡeḡ atom ma têtac ḡêwiḡ  
teḡḡeḡḡa ḡêjam sêḡa.
- <sup>9</sup> Eḡ oc êli biḡ laḡḡa sa elêmê atom  
ma ê têtac ḡandaḡ tôḡ ênêc ḡapaḡ atom.
- <sup>10</sup> Eḡ ḡêjac aêac kêtôm nêḡ sec atom  
to kêkêḡ ḡaḡêḡô ḡêdêḡ aêac kêtôm nêḡ ḡeo  
atom.
- <sup>11</sup> Ênê têtac ḡêwiḡ teḡḡeḡḡa ḡêdêḡ lau, taḡ têtêc eḡ  
naḡ kapôêḡanô,  
kêtôm ḡasawa, taḡ ḡeḡ umbonḡ to nom ḡêḡḡic  
naḡ.

- 12 Njasawa tañ enj kèkèñ genj aêac to nêñ geo gêñgic nañ,  
kêtôm njasawa, tañ genj oc kêpi to oc kêsêp gêñgic nañ.
- 13 Apômtau taê walô nê lau, tañ têtêc enj nañ,  
kêtôm tama tenj taê walô nê ñapalê.
- 14 Gebe enj kêjala aêac ôlinj ñam su  
enj kêjala gebe aêac kekop ñaôma.
- 15 Namalacnê bêc kêtôm gêgwan  
to kêtôm ñaola, tañ kèkô obalêlôm nañ.
- 16 Mu embe êsêlêñ naêpi, oc malamê eb tagen  
e talic êtiam atom.
- 17 Mago Apômtaunê têtac gêwinj tenjenña gêdêñ lau,  
tañ têtêc enj nañ, gêc tenjen to tenjen  
ma ênê moasinj naelom gôlôac to gôlôac.
- 18 Binj tonanj kêpi lau, tañ sêmasanj ênê poac  
to taêñ gêjam ênê binjsu gebe sêngôm êtu tôñña  
nañ.
- 19 Apômtau kêsa nê lêpônj sa kèkô undambê.  
Enj kinj gêjam gôlinj gamêñ samob.
- 20 Amac ênê anjela to ñaclaisêga, tañ akêñ tanjem ênê  
binj to atu ênê jaenwaga nañ,  
alanem Apômtau.
- 21 Amac lausinj undambêña samob to ênê  
sakinwaga, tañ agôm ênê binjsu kêtû tôñ  
nañ,  
alanem Apômtau.
- 22 Amac ênê gêñ samob, tañ kèkèñ gêc gamêñ  
samob, tañ enj gêjam gôlinj nañ, alanem  
Apômtau.  
O katuc tau, ôlanem Apômtau.

\*

**104***Apomtau gejob nê gêṅ, taṅ eṅ kêkêṅ naṅ*

- <sup>1</sup> O katuc tau, ôlanem Apômtau. O ṅoc Apômtau  
Anôtô, aôm ṅac kapôêṅgoc.  
Aôm kôsô ṅawasi kiṅṅa to ṅaclai kêtû  
nêm.ṅakwê.
- <sup>2</sup> Aôm gôi taôm auc ṅa ṅawê kêtû nêm gadê.  
Aôm gôlam undambê kêtôm becobo.
- <sup>3</sup> Aôm gôjac nêm andu ṅadembonṅ tōṅ tamiṅ bu.  
Tao kêtû nêm kareta ma gōṅgōṅ mu ṅamagê  
ṅaô.
- <sup>4</sup> Aôm kôkêṅ mu kêtû nêm jaenṅwaga.  
Aôm kôkêṅ ôsic towaô kêtû nêm sakiṅwaga.
- <sup>5</sup> Aôm kôsuy nom ṅaalê kêsêp ṅêṅgenṅ gêja, tec kêkô  
ṅajaṅa,  
amboac tonanṅ oc wiwic atomanô.
- <sup>6</sup> Aôm kôkêṅ gwêc kêkwa nom tau auc kêtôm ṅakwê  
ma bu tau kêpoac e kêlêlêc lôc su.
- <sup>7</sup> Aôm goec biṅ bu, tec gê su.  
Aôm gôjac wapap kêtanṅ, tec kêtainṅ tau su gêja.
- <sup>8</sup> Aôm kôkêṅ lôc kêpi ma gaboanṅ gênê kêsêp gêja  
e kêtôm ṅamadiṅ, taṅ aôm kôtôc naṅ.
- <sup>9</sup> Aôm kôtôc bu tau ṅamadiṅ gebe êṅgêli atom  
gebe bu tau ênam nom samucgenṅ auc êtiam  
atom.
- <sup>10</sup> Aôm kôkêṅ bumata kêpulu kêsa gaboanṅ  
ma bu tau keselenṅ kêsa lôc ṅasawagenṅ gêja.
- <sup>11</sup> Gêṅ matenṅ jali saleṅṅa samob sênôm.

---

\* **103:22:** Dawidnê tenṅ.

- Bôcgabuñ sênôm e gêôc êsêac tôñ.
- 12 Moc tañ sêmoa umbonñ ñalabu nañ, sêjam sac sêngônñ ñalêndañ.  
Sêjam nê wê kêtañ kêsa ñalaka ñasawa.
- 13 Aôm kôkêñ kom aña nêmandu lôlôcña mênkêmalôm lôc.  
Aôm gôjam kôm ñamoasinñ gêôc tôñ.
- 14 Aôm kôkêñ gêgwanñ kêpi gebe bôc sêniñ  
ma gêñ tolaunñ gebe ñamalac sênam ñakôm  
e têtap gêñ sêniñña sa aña nom
- 15 to wain gebe êngôm ñamalacnêñ ñalêlôm  
ñajam êsa ma niptêkwi gebe êngôm  
ñamalacnêñ lanñôñanô sênic-sênic êsa.
- 16 Kaseda Lebanonña sênôm bu e gêôc êsêac tôñ.  
Ka tau Apômtaunê ka, tañ tau kêsê nañ.
- 17 Moc sêjam ic sêngônñ ka tau  
ma boaloc gêjam sac gêngônñ kêmêsic.
- 18 Lôc baliñ kêtunonniñ gêbôm nêñ gamêñ  
ma mojanñ têtam sê lamu ñapoclabu.
- 19 Aôm kôkêñ ajônñ gebe êtôc têmandu.  
Oc tau kêjala ñanoc naêsêpña.
- 20 Aôm kôkêñ ñakesec, tec gêbêcauc,  
go gêñ salenña samob olinñ palê êsa.
- 21 Lewe matac têtanñ sebe sêniñ nêñ gwada,  
sêjatu nêñ mo aña Anôtônê.
- 22 Oc embe êpi, oc têtaiñ taunñ su  
nasêsa taunñ sic sênêc nêñ gêsunñ.
- 23 Go ñamalacgenñ êsa naênam nê kôm,  
êngôm nê gêñ êmoa e êmbêcauc.



- 24 O Apômtau, aômnêm kôm taêsam ñanô lasê.  
Aôm kômasaŋ gêŋ tau samob tomêtêgeŋ ma  
aômnêm gêŋ, taŋ kôkêŋ naŋ, gêjam nom auc.
- 25 Gwêc tau kêpoac ñatapa kêsô gedec lanŋwageŋ.  
Gêŋ mateŋ jali saun to kapôêŋ e gelec-  
gelecgeŋ.
- 26 Wan sêsêlêŋ sêmoa  
ma gasu-gasu, taŋ kôkêŋ naŋ, gêjam nê ôwê  
gêmoa.
- 27 Gêŋ tonan ñai samob sêôŋ aômgeŋ  
gebe aôm oc ôkêŋ nêŋ mo êtôm ñanocgeŋ.
- 28 Aôm embe ôkêŋ, oc sejon sa.  
Aôm embe ôlam lêmam, oc ñanô ñajam êôc êsêac  
tôŋ.
- 29 Aôm embe ônsaŋ lanômanô auc, oc têtakê.  
Aôm embe ôkôc êsêac awenjaô su, oc sêmac  
êndu ma têtû kekop êtiam.
- 30 Aôm embe ôkêŋ awanjaô, oc mateŋ jali êsa.  
Aôm gôjam nom lanô ôkwi kêtû wakuc.
- 31 Apômtaunê ñawasi oc ênêc tengeŋ.  
Apômtau oc êtû samuc nê geŋ, taŋ kêkêŋ naŋ.
- 32 Eŋ mata gê nom, tec kêkôtêŋ tau.  
Eŋ lêma kêmoasac lôc, tec ñajadaun kêsâ.
- 33 Aê gabe jaŋga wê êpi Apômtau êtôm ñoc bêc  
jaŋgôn matoc jali samob.  
Aê jaŋga wê lambiŋña êndêŋ ñoc Anôtô êtôm  
ñoc têm, taŋ jamoa naŋ.
- 34 Eŋ êŋô aêŋoc wê ñajammaŋ  
gebe Apômtau gêgôm aê têtac ñajam kêsâ.

35 Lau secwaga sênaŋa aŋga nom ma lau, taŋ sêkac  
tauŋ su aŋga Apômtaunê naŋ malenjmê.

O katuc tau, ôlanem Apômtau. Aleluja.

## 105

### *Anôtô kêmoasiŋ Israel ŋanô*

- 1 Anam danŋe êndên Apômtau, awem ênac ênê ŋaê.  
Anam ênê gên, taŋ gêgôm naŋ, ŋawae êsa êndên  
tentenlatu.
- 2 Anam wê êpi eŋ to anam wê lambiŋŋa êndên eŋ.  
Anam ênê gêŋsêga samob ŋawae êsa.
- 3 Atoc taôm sa êtu ênê ŋaê dabuŋŋa.  
Êsêac taŋ sesom Apômtau naŋ, ôliŋ êpi e tapi-  
tapigeŋ.
- 4 Apuc Apômtau to nê ŋaclai ŋam.  
Ansom ênê laŋôanô enden tôneŋ.
- 5 Taêm ênam ênê gêŋsêga, taŋ eŋ gêgôm naŋ.  
Taêm ênam ênê gêŋtalô to biŋ, taŋ awasuŋ  
kêmêtôc naŋ.
- 6 Ênê sakiŋwaga Abraham nê latui amac.  
Jakobnê latui tec kêjaliŋ amac sa.
- 7 Eŋ Apômtau, aêacnêŋ Anôtô.  
Eŋ nom samucgeŋ ŋatau.
- 8 Eŋ taê gêjam nê poac geden tôneŋ.  
Eŋ taê gêjam nê biŋ, taŋ gêjac mata kêpi gôlôac  
to gôlôac ŋêngeŋ su naŋ.
- 9 Eŋ taê gêjam poac, taŋ kêmoatiŋ gêdên Abraham  
naŋ,  
ma biŋ, taŋ kêtôc lêma gêdên Isak ma kêsôm  
kêtu tôneŋ naŋ.

- 10 Biņ tonañ eņ kêsôm kêtũ tõt gebe êtu Jakobnê  
biņsu  
ma kêtũ Israelnê poac ênêc tengeņņa.
- 11 Gêdêņ taņ eņ kêsôm gebe “Aê gabe jakêņ gamêņ  
Kanaan êndêņ aôm,  
nom taņ gajac sam kêtũ aômnmêm gêņlênsêm  
naņ.”
- 12 Gêdêņ taņ êsêac lau luagêcgeņ sêmoa naņ,  
amboac lau jaba aņga gamêņ tau.
- 13 Êsêac aņga lau teņ jaselom lau teņ  
ma aņga gamêņ teņ jasêpi gamêņ teņ.
- 14 Ma eņ gêlôc gebe lau teņ sêkônij êsêac tõt atom  
ma gec biņ kiņ ñagêdô kêtũ êsêacņa.
- 15 Eņ kêsôm gebe” Amoasac ñoc lau, taņ gaeņ oso  
êsêac naņ atom  
ma atu kasec aêņoc propete atom.”
- 16 Gêdêņ taņ Apômtau kêsakiņ tôtôm kêsa nêņ  
gamêņ  
ma gebe enseņ ñamalac ôlij ñaseņeņ mo samob  
su naņ,
- 17 eņ kêsakiņ ñac teņ nê ñaê Josep gêmunj êsêac,  
taņ lau teņ sêjam ôli eņ amboac gêņôma teņ  
naņ.
- 18 Sêkapiņ ênê akaiņ tõt ña ka  
ma sêsô eņ gêsutêkwa tõt ña kapoacwalô.
- 19 Eņ gêmoa amboac tonañ e biņ, taņ kêsôm lasê  
naņ ñanô kêsa,  
go Anôtônê biņ kêwaka eņ sa.
- 20 Gocgo kiņ kêkêņ lau jasêgaboac eņ su.  
Ñac taņ gêjam gôlij lau jaba taêsam naņ,  
kêlêwan eņ jagêmoa nê tauņa.

- 21 Njac tau kékêñ eñ kêtú ênê andu ñatau  
ma gêjam gôliñ ênê waba samob.
- 22 Kékêñ eñ gebe ênam gôliñ ênê kasêga êtôm nê  
ñalêlôm taê gêjam  
ma êndôn mêtê êndên ñac tau nê gôliñwaga  
towae.
- 23 Go Israel gêja Aiguptu.  
Ma Jakob gêngôn gamên tonan kêtú wakac.
- 24 Gêdên tonan Apômtau kêsun nê lau sa e têtú  
taêsam.  
Kêsun êsêac sa têtú dani sêlêlêc nêñ ñacjo, tan  
sêlêsu êsêacña nan.
- 25 Go gêjam lau Aiguptu nêñ ñalêlôm ôkwi e sêkên  
kisa gêdên nê lau  
ma sêgôm Anôtônê sakiñwaga kwalec.
- 26 Tec kékêñ nê sakiñwaga Mose  
agêc Aron, tan kêjaliñ eñ sa nan.
- 27 Njac ulu tonan sêgôm ênê gêñtalô anga lau tau nêñ  
ma sêgôm gêñsêga anga lau Aiguptu nêñ  
gamên.
- 28 Eñ kékêñ gêsunbôm to gêgôm gamên ñakanuc kêsa,  
mago êsêac sêkên tanên ênê biñ atom.
- 29 Eñ gêjam êsêacnên bu ôkwi kêtú dec  
ma kékêñ êsêacnên i sêmac êndu.
- 30 Eñ kékêñ ôpôac seola gamên auc  
e sêsô nêñ kiñ nê balêm ñalêlôm sêja.
- 31 Eñ kêjatu ma danğuc topom-topom Aleluja.  
sêmên.  
Kawan sêjam êsêacnên gamên samob auc.
- 32 Eñ kékêñ kompoc kêtuc êsêac  
ma ôsic kékac kêpô gamên gêjô kom su.

- 33 Kom tau gêjac êsêacnêḡ aiḡ to jambô  
ma gêjac êsêacnêḡ gamêḡ ḡaka popoc.
- 34 Eḡ kêjatu ma wagô sêmêḡ.  
Wagô wakuc taêsam ḡalêlêma atom.
- 35 Gêḡ tonan ḡai seḡ gamêḡ tonan ḡagêḡ tolaun  
samob  
ma seḡ êsêacnêḡ kôm ḡanô su.
- 36 Go gêjac lau nêḡ ḡacmêc samob êndu anḡa nêḡ  
gamêḡ,  
gêjac êsêacnêḡ lau matac ḡamêcḡoc.
- 37 Ma kêkêḡ nê lau sêwê tosilber ma goldgeḡ sêja.  
Ma ênê lau tau nêḡ teḡ kêsêlêḡ gêbôc-gêbôc  
atom.
- 38 Aiguptu sêlic êsêac sêc sêja, gocgo nêḡ ḡalêlôm  
kêlêwanḡ tau  
gebe têtêc êsêac ḡanô.
- 39 Eḡ kêkêḡ tao teḡ kêgadê êsêac  
ma jawaô gebe êpô êsêac êndêḡ êmbêc.
- 40 Êsêac tetêḡ, go eḡ kêkêḡ kêmbico sêmêḡ  
ma kêpuc êsêac tôḡ ḡa mo kêsêp anḡa undambê.
- 41 Eḡ gêga poc kêkôc ma bu kasa  
e keselêḡ kêsa gamêḡ sawa kêtôm bu kapôêḡ
- 42 gebe eḡ taê gêjam nê poac dabuḡ.  
Eḡ taê gêjam nê sakiḡwaga Abraham.
- 43 Amboac tonan eḡ gêwê nê lau sêsa sêja.  
Ma êsêac sêjam wê totêntac ḡajamgeḡ.
- 44 Eḡ kêkêḡ lau samuc nêḡ gamêḡ gêdêḡ êsêac  
ma êsêac sêwê kaiḡ lau tau nêḡ awa to waba  
kêtu nêḡ gêḡ
- 45 gebe êsêac sêmansaḡ ênê biḡsu  
ma sêḡgôm biḡ, taḡ eḡ kêjatu nanḡ, êtu tôḡ.

Aleluja.

## 106

### *Anôtô kêmoasiņ nê lau*

<sup>1</sup> Aleluja.

Anam danġe êndênġ Apômtau gebe eņ gabêġam.

Ênê moasiņ oc ênêc tenġenġ biņġanôgoc.

<sup>2</sup> Asa kêtôm gebe êsôm Apômtaunê ġênġsêġa lasê  
tomalagenġ

ma asa oc êġġôm ênê wae êsa naêtôm.

<sup>3</sup> Aê aoc êôc êsêac, taņ sêsap biņġêdênġ tônġ

ma sêmasaņ biņġêdênġ gedênġ tônġenġ naņ.

<sup>4</sup> O Apômtau, taêm ênam aê êtôm, taņ taêm walô nêġ  
lau naņ.

Mêġônâġ aê aoc sumâġ

<sup>5</sup> gebe jalic lau, taņ kôjaliņ êsêac sa naņ, sêġoa nêġ

ġajam ma êmoasiņ ġoc ġalêlôm

gebe têtac ġajam êsa êtu nêġ lau têtac ġajamġa

ma jamoa ôlic êpigenġ êtu nêġ ġêġlênsêġmġa.

<sup>6</sup> Aêac to ma mimi agôm secġoc.

Aêac agôm keso to geogoc.

<sup>7</sup> Ma mimi sêġoa Aiguptu ma tetoc aômġnêġ

ġênġsêġa sa atom, ac taênġ ġêġam nêġ moasiņ,

taņ ġêġam êsêac auc naņ atom.

Êsêac ġêsunġêkwa ġatonġ kêsa ġêdênġ Lôlôc Nġatau

aņġa Gwêckoc,

<sup>8</sup> mago eņ ġêġam êsêac sa kêtu nê ġaêġa

gebe êwaka nê ġaclai sa ġamalac sêlic.

<sup>9</sup> Eņ kêsaic biņ kêpi Gwêckoc e ġakelenġ kêsa.

- En gêwê nê lau sêsêlêḡ selom ḡamakenḡ amboac  
 sêmoa gamêḡ ḡakelenḡ.
- 10 En gêgôm gêḡ tonanḡ gêjam êsêac kêsi anḡa lau, tanḡ  
 sêjanda êsêac nanḡ lemenḡ  
 ma kêjanḡo êsêac su anḡa nêḡ ḡacjo nêḡ ḡaclai.
- 11 ḡadembom kêsinḡ lau, tanḡ sêlêsu êsêac nanḡ auc  
 e ḡanô kêsu tenḡ kêsêp sinḡsawa atom.
- 12 Gêdêḡ tonanḡ sêkêḡ gêwinḡ ênê binḡ  
 ma sêjam wê lambinḡḡa kêpi enḡ.
- 13 Mago êsêac sêlinḡ ênê gêḡsêga sinḡ sebenḡ  
 ma sesenḡ ênê gôlinḡ popoc.
- 14 Êsêac sêkêḡ gêwinḡ nêḡ ḡalêlôm ḡakalac anḡa  
 gamêḡ sawa  
 ma sêsaê Anôtô anḡa gamêḡ ḡagêlêḡ.
- 15 Tec enḡ kêkêḡ gêḡ, tanḡ êsêac têtanḡ nanḡ,  
 mago kêkêḡ gêmac sec gesenḡ êsêac.
- 16 Anḡa gamêḡ becḡa êsêac sêjam lêmunḡ Mose  
 ma sêgôm Anôtônê dabunḡwaga Aron amboac  
 tonanḡenḡ.
- 17 Tec nom gêḡnac ma kêdanḡgôḡ Datan  
 ma kêmakop tonḡ Abiramḡa auc.
- 18 Ja kêsa anḡa êsêacnêḡ tonḡ ḡalêlôm  
 e jawaô genḡ alôb-alôbwaga su.
- 19 Êsêac sêmasanḡ nêḡ bulimakao ḡakatu gold tenḡ  
 anḡa Sinai  
 ma sêjam sakinḡ ḡakatu gold tau.
- 20 Ma sêkêḡ bôc, tanḡ senḡ gêgwanḡḡa nanḡ, nêḡ tenḡ  
 ḡakatu  
 gêjô nêḡ Anôtô nê ḡawasi su.
- 21 Êsêac sêlinḡ nêḡ gêjam-sawaga Anôtô,

- tañ gêgôm gêñsêga aŋga Aiguptu nañ siñ.
- 22 Njac tau gêgôm gêñtalô aŋga gamêñ tonañ,  
gêgôm gêñ ñaclaisêga aŋga Gwêckoc.
- 23 Amboac tonañ Anôtô kêsôm gebe  
ensenê nê lau su.
- Mago nê sakiñwaga Mose, tañ Anôtô kêjalij en sa  
nañ,  
kêkô Anôtônê têtac ñandañ auc gebe enseq  
êsêac su atom.
- 24 Go sêkêñ gêwiñ biñ, tañ en gêjac mata nañ atom  
ma sêbu gamêñ ñajam tau.
- 25 Êsêac têtû dindiñ biñ kêtôm nêñ beclêlômgen  
ma sêkêñ tañen Apômtaunê awa atom.
- 26 Tec en gêôc lêma sa ma kêsôm kêtû tôñ gebe  
ensenê êsêac aŋga gamêñ sawa.
- 27 Go êta êsêacnêñ wakuc êlij-êlij sêsêp tentenlatu  
ñalêlôm  
e sêmac êndu aŋga gamêñ jaba.
- 28 Go êsêac sêsap Bal Peor tôñ  
ma seq gwam matê ñada.
- 29 Êsêac sêgôm gêñ amboac tonañ e sêgôm Apômtau  
têtac kêbôli auc  
ma gêmac sec teñ gêgôm êsêac.
- 30 Go Pinehas gêdi ma kêmetôc êsêac  
e gêmac sec gêôñ sa.
- 31 Njac tau gêgôm nê gêñ amboac tonañ tec lau sêlic  
en amboac ñac mansañ  
ma gôlôac to gôlôac taêñ gêjam en geden  
tôñgen.



- 32 Go sêgôm Anôtô têtac nandanj kêsa anja bu  
Meriba  
e Mose kêtap nâgêjô sa gêjô êsêac.
- 33 Êsêac sêgôm Mosenê nâlêlôm gêonj enj sa sec  
e kêsôm binj tokauc masi.
- 34 Israel sesenj lau samuc  
kêtôm Apômtau kêsakinj êsêacnja atom.
- 35 Êsêac sêjam tauj  
e têtêku lau samuc nanj lênj jaba.
- 36 Ma sêjam sakinj êsêacnênj gwam,  
tec kêtû lakô gêdênj êsêac.
- 37 Êsêac sêkênj latunjio to njac têtû da  
gêdênj lau samuc nênj njalau sec.
- 38 Êsêac sêkêc lau tobinjmê nênj dec sinj gebe sêkênj  
latunjio to njac kêtû da gêdênj Kanaannênj  
gwam.  
Sêgôm amboac tonanj tec sesenj nom njadabun  
su.
- 39 Êsêac sêjac môp tauj tec sêkac tauj su anja  
Anôtônê.  
Êsêac sêgôm nênj gênj amboac tonanj tec sesenj  
poac popoc.
- 40 Go Apômtau têtac nandanj kêsa gêdênj nê lau  
gebe nê nâlêlôm kêmoatinj tau tônj kêtû nê  
gênlênsêmnja.
- 41 Enj gêwi êsêac sinj sêsêp lau samuc lemenj,  
tec lau, tanj sêkênj kisa êsêac nanj, sêjam gôlinj  
êsêac.
- 42 Nênj njacjo sêkôninj êsêac tônj  
e sewec sêsô njacjo lemenj njalabu samucgenj.
- 43 Apômtau gêjam êsêac sa kêsêp njasawa njapanj,

- mago êsêac gêsuntêkwa ñaton ma nêñ sec gêjam  
sêga e kêkôninî êsêac tôn.
- 44 Tagenê gêdên tañ têtatñ tauñ gêdên en nañ,  
Apômtau kêkên taña to taê walô êsêac kêtú nêñ  
gêñwapacña.
- 45 En taê gêjam nê poac, tañ kêmoatinê kêtú êsêacña  
nañ,  
ma taê walô êsêac kêtú nê têtac gêwin tengeña.
- 46 Ma kêkên êsêac, tañ sêwê êsêac sêngôn  
kapoacwalô nañ,  
nêñ ñalêlôm taên walô êsêac.
- 47 O Apômtau, aêacma Anôtô, ônam aêacmên sa  
ma ônac aêac sa anga lau samuc nêñ êtiam  
gebe aêac anam danje êndên aômnmê ñaê dabun  
ma têtac ñajam êsa êtu nêñ waemña.
- 48 Awenê êoc Apômtau Israelnêñ Anôtô êndên galoc  
to enden tôngeñ,  
ma lau samob sêlôc gebe “Binjanô.”

Aleluja.

## 107

### *BUKU KÊTU LEMENTENJA*

#### *Apômtau gêjam aêac sa*

- <sup>1</sup> “Anam danje êndên Apômtau gebe en ñac gabêjam,  
ênê moasinê ênêc tengeñ binjanô.”
- <sup>2</sup> Lau tañ Apômtau gêjam êsêac kêsi ma kêjanço êsêac  
su anga gêñwapac nañ,  
sêsôm amboac tonañ.

- 3 Lau tañ eñ gêjac êsêac sa sêmêñ aña oc kêpi to oc  
kêsêp ma aña musañgu-m to mula-m nañ,  
sêsôm amboac tonañ.
- 4 Nêñ lau ñagêdô seo sêmoa gamêñ sawa, tañ intêna  
masianô nañ,  
ma têtap malac sêñgônña ten sa atomanô.
- 5 Mo to bu gêjô êsêac  
e katuñ tekwen gêbac.
- 6 Gêñwapac tonañ gêgôm êsêac e awen gêjac Anôtô,  
tec gêjam êsêac sa aña nêñ ñandan tau
- 7 ma gêwê êsêac katôgen  
e sêô lasê malac ten ma sêñgônñ.
- 8 Êsêac sênam danje êndêñ Apômtau êtu ênê têtac  
gêwiñ tengeñña  
ma êtu ênê gêñsêga, tañ gêgôm gêdêñ ñamalac  
latuñi nañña,
- 9 gebe eñ kélau êsêac, tañ bu gêjô êsêac nañ,  
ma kêkêñ gêñ ñajam gêôc êsêac, tañ mo gêjô  
nañ tôñ.
- 10 Nêñ lau ñagêdô sêñgônñ gêsunbôm to ñakesec,  
sêlai êsêac tôñ ña ki sêñgônñ jageo
- 11 gebe êsêac sêli awen sa gêdêñ biñsu  
ma sêbu Lôlôc Njatau nê biñ.
- 12 Kolen ñajaña kêkônin êsêac e tekwen gêbac.  
Êsêac sêu tauñ jasêc ma nêñ gêjam-sawaga masi.
- 13 Gêñwapac tonañ gêgôm êsêac e awen gêjac  
Apômtau,  
tec eñ gêjam êsêac sa aña nêñ ñandan tau.
- 14 Eñ gêwê êsêac sêsa aña gêsunbôm to ñakesec  
ma kêsaic nêñ kapoacwalô gêñgic.

- 15 Lau tonañ awen êôc Apômtau êtu ênê têtac gêwin  
teñgeñña  
ma êtu ênê gêñsêga, tañ gêgôm gêdên ñamalac  
latuñi nanña,
- 16 gebe eñ kêtuc katam ki popoc  
ma kêtuc balan ki tulu.
- 17 Nêñ lau ñagêdô têtap gêmac sa kêtú nêñ secña  
ma sêôc ñandan kêtú nêñ geonña.
- 18 Lau tonañ nêñ ñalêlôm gedec gêñ taniñña samob  
e sêsa pañ lêndan sêmac ênduñña.
- 19 Gêñwapac tonañ gêgôm êsêac ma awen gêjac  
Apômtau,  
tec eñ gêjam êsêac sa anña nêñ ñandan tau.
- 20 Eñ kêsakiñ nê biñ gebe êñgôm êsêac ñajam êsa  
ma kêjanço êsêac su anña sê.
- 21 Lau tonañ awen êôc Apômtau êtu ênê têtac gêwin  
teñgeñña  
ma êtu ênê gêñsêga, tañ gêgôm gêdên ñamalac  
latuñi nanña.
- 22 Êsêac sêkêñ da dançe  
ma sêsôm ênê gêñ, tañ gêgôm nan, lasê êsêp wê  
têtac ñajamña.
- 23 Nêñ lau ñagêdô sêlac sêsa gwêcô sêja  
sebe têtulu gêñ anña gwêc sawa.
- 24 Êsêac sêlic gêñ, tañ Apômtau gêgôm nan,  
to ênê gêñsêga gwêc sawanña.
- 25 Gebe eñ kêjatu e mu gêbuc  
ma gêli gwêc ñadembom kapôên sa.
- 26 Gwêc tau kêsun êsêac sa sêpi e jadêdên undambê,  
go gêu êsêac sêsêp e gacgen sêsêp gwêclêlôm  
sêja.

- Ma gêgôm êsêac e atêñ uc-ucgeñ.
- 27 Êsêac katunj kêlau e sêku amboac bu kêjanjñ êsêac  
ma nêñ meloco kêsa samucgeñ.
- 28 Gêñwapac tonan gêgôm êsêac e awenj gêjac  
Apômtau,  
tec enj gêjam êsêac sa anja nêñ ñandanj tau.
- 29 Enj gêgôm mutêna kêtú malô  
ma kêkêñ bênônj kêsêp
- 30 e êsêac têntac ñajam kêsa gebe gwêc kêtú malô,  
go gêwê êsêac sêsô lêlôm, tanj sepeñ nanj sêja.
- 31 Lau tonan awenj êôc Apômtau êtu ênê têtac gêwiñ  
teñgeñña  
ma êtu ênê gêñsêga, tanj gêgôm gêdêñ ñamalac  
latunji nanjña.
- 32 Êsêac tetoc enj sa anja gôlôac ñalêlôm  
ma sêlanem enj anja laumatanêñ sêkac sa  
ñalêlôm.
- 33 Enj gêjam bu ôkwi kêtú gamêñ sawa  
ma bumata kêtú gamêñ kelenj.
- 34 Nom ñalêsi ñajam kêtú mêcgauc  
kêtú lau, tanj sêñgônj nanj, nêñ geonja.
- 35 Go gêjam gamêñ sawa ôkwi kêtú bugêjactonj  
ma gamêñ kelenj kêtú bumata.
- 36 Ma enj kêkêñ gamêñ tau gêdêñ lau, tanj mo gêjô  
êsêac nanj sêñgônj,  
go sêkwê nêñ malac sa gebe sêñgônjña.
- 37 Êsêac sêjam nêñ kôm to sêsê kôm wainjña  
e gêjam ñanô gêôc tau tôn-tôn.
- 38 Enj gêjam mec êsêac têtú lau taêsam  
ma kêkêñ nêñ bôc ñalêlêma atom.

- 39 Gêdêñ tañ gêñwapac kêkônin êsêac e sêpô lêna  
 tauñ êndu-êndu  
 ma nêñ gêñ ñajam kêtaiñ su e têtú wapi nañ,  
 40 eñ kêsêwa majen kêpi kasêga  
 ma kêkêñ êsêac seo sêmoa gamêñ sawa nañ,  
 intêna masi.  
 41 Mago eñ gêôc ñac ñalêlôm sawa sa aña gêñwapac  
 ñalêlôm  
 ma gêjac ênê gôlôac sa têtú kapôên.  
 42 Lau mansañ sêlic e têtac ñajam kêsá  
 ma gêjac lau secwaga samob nêñ lénô auc.  
 43 Lau tokauc taên ênam bin tonañ  
 ma sêjala Apômtaunê têtac gêwiñ tengeñña  
 ñanô.

## 108

*Mec Anôtô ênam aêac sa aña ñacjo nêñ  
 (Pes 57:7-11; 60:5-12)*

- 1 O Anôtô, ñoc ñalêlôm kêpa su gabe janam wê to  
 janôm gêñ wêña êtañ.  
 O katuc tau, ôndimañ.  
 2 Gêñ wêña totau-totau, andi.  
 Aê gabe janu gamêñ kelenden sa.  
 3 O Apomtau, aê gabe jalanem aôm aña lau  
 ñalêlôm.  
 Aê gabe aoc êôc aôm aña tentenlatu ñalêlôm.  
 4 Gebe aômnêm têtac gêwiñ tengeñña kêpi-kêpi e  
 jagêdêñ undambê  
 ma aômnêm bin ñañên kelenden tau e jagêdêñ  
 tao.  
 5 O Anôtô, ôsuñ taôm sa e êndên undambê ñaô  
 ma nêñ ñawasi ênam nom samuc auc.

- 6 Ôkêḡ taḡam aêac ma ônam nêḡ lau, taḡ têtḡtac  
gêwiḡ êsêac naḡ sa.  
Nêḡ anôḡa eḡḡeḡ aêac sa.
- 7 ḡac dabuḡ Anôtô kêsôm aḡga nê gamêḡ dabuḡ  
gebe  
“Aê jawa Sikem êkôc-êkôc totêtac ḡajamḡeḡ ma  
janac sam gaboḡ Sukot êndêḡ ḡoc lau.
- 8 Gilead to Manase kêtḡ ḡoc gamêḡ.  
Epraim kêtḡ môkêcapac ḡakululuḡ ki to Juda  
kêtḡ ḡoc tôc gôliḡḡa.
- 9 Moab kêtḡ ḡoc laclu jakwasḡ taucḡa.  
Aê jambaliḡ ḡoc atapa êḡi Edom ma ḡoc dimai  
êḡi Pilistinêḡ gamêḡ.”
- 10 O Anôtô, asa oc êwê aê jandêḡ malac totuḡbôm  
ḡajaḡa jana.  
Asa oc êwê aê najaô lasê Edom.
- 11 O Anôtô, aôm oc gôwi aêac siḡ  
ma kêtḡ aêacma lausiḡ nêḡ laumata atom me.
- 12 Ônam aêac sa êndêḡ ḡacjomaḡ  
gebe ḡamalac oc sênam aêac sa êtôm atom.
- 13 Anôtô êwiḡ aêac, go dansêḡ ḡacjo aliḡ-êliḡ.  
Eḡ taugenḡ tec oc êka aêacnêḡ ḡacjo popoc.
- \*

## 109

### *Nac-gêmoa-gêḡwapac-ḡalêlôm nê taḡi*

- 1 O Anôtô, aê aoc gêôc aôm,  
amboac tonḡ ônam taôm tôḡ aê atom,

\* **108:13:** Dawidnê pesalem teḡ. Wê teḡ.

- 2 gebe lau alôb-alôb to lau dansaŋ sêŋa awenŋ gêdên  
 aê  
 ma sêgôlinŋ biŋ kêpi aê.
- 3 Nêŋ biŋ têtac ŋandaŋ secŋa kêkôm aê auc  
 ma sêjac aê ŋam mêgeŋ.
- 4 Aê kateŋ mec kêtû êsêacŋa.  
 Aê têtac gêwiŋ êsêac, mago sêjam kisa aê.
- 5 Aê kamoasiŋ êsêac, mago sêkêŋ sec gêjô  
 Aê têtac gêwiŋ êsêac, mago sêkêŋ kisa aê.
- 6 Ôkêŋ ŋac alôb-alôb teŋ êmêtôc ŋoc ŋacjo  
 ma nê ŋacjo teŋ êŋgôlinŋ biŋ êpi eŋ.
- 7 Êsêac sêmêtôc eŋ ma sêkip ênê keso sa  
 ma ŋac tau nê mec êtu nê sec.
- 8 Ênê bêc êŋgôŋ mata jaliŋa êtu dambê  
 ma nê sakiŋ elom ŋac teŋmaŋ.
- 9 Ênê ŋapalê têtû mosêbu  
 ma nê awê êtu awêtuc.
- 10 Ênê ŋapalê sêmoa nêŋ alê katuc ŋagala atom,  
 sensom mo ma teteŋ sêôŋ-sêôŋgeŋ.
- 11 Ŋac sec tau, taŋ launêŋ tôp gêc eŋ naŋ, nê waba  
 samob êpêla tau su  
 ma lau jaba sêjaŋgo ênê kolenŋ ŋanô su.
- 12 Eŋ êtap nê ŋac taê walô eŋŋa teŋ sa atomanô  
 ma lau teŋ sênam jaom ênê mosêbu atom.
- 13 Ênê wakuc samob sêmac êndu  
 ma sênam kauc dêbuŋinêŋ ŋaê samucgeŋmaŋ.
- 14 Apômtau taê ênam ênê mimi nêŋ keso  
 ma êsuc tênanê sec ôkwi atomanô.
- 15 Apômtau taê ênam nêŋ sec endenŋ tôŋgeŋ  
 ma ensenŋ lau sec tonanŋ nêŋ ŋaê su samucgeŋ  
 e sêlinŋ siŋ aŋga nom.



- 16 Gebe ηac tau taê gêjam têtac gêwiη lauηa atom.  
En kêjanda lau sêngôn jageoηa to lau  
ηalêlômsawa ma lau sêpô lêna tauηηa e  
sêmac êndu.
- 17 En têtac gêwiη gebe êpuc boa lau amboac tonan  
sêpuc boa en tau.  
En têtac gedec moasiη, tec moasiη ênac jaê en.
- 18 Biη kêpuc boanηa kêkôm en auc amboac kêsô  
ηakwê.  
Gêη tau tonan êsêli ênê ôlilêlôm popoc am-  
boac bu ma êndanηuc ênê ηatêkwa amboac  
niptêkwimaη.
- 19 Biη kêpuc boanηa tonan kêtôm obo, taη en gêjac  
nan,  
ma kêtôm ômbiηkap, taη kêjandiη geden en tôη  
nan.
- 20 Apômtau oc êngôm aêηoc soηo-soηo  
to êsêac, taη sêsôm biη sec kêpi aê nan, amboac  
tonanηemaη.
- 21 Ma aôm Apômtau, ηoc Anôtô, mêηômoa ôwiη aê  
êtu nêma ηaêηa  
ma ônam aê sa êtu nêma têtac gêwiη tenηenηa.
- 22 Gebe aê ηac ηalêlôm sawa kapô lêna  
ma aêηoc ηalêlôm popoc jamuη-jamuηenη.
- 23 Aê ôlic kêtaiη e kêtôm katuη kêtu baliη su.  
Aê katôm siob, taη mutêna kêdaba piηpaη.
- 24 Aê gajam dabuη mo e ocmatu kêtu golon  
ma ôlic kêtu sec e ηatêkwa kêsa awê samob.
- 25 Êsêac sêkêη aê katu êsêacnêη gêη lêlêηa ten  
ma têdaiη gêsuη kêtu aêηa.
- 26 O Apômtau, ηoc Anôtô, mêηôpuc aê tôη.

- Ônam aê sa êtu nêmtêm têtac gêwiņ aê ŋanôgeņŋa.  
 27 Ôkêņ ŋoc ŋacjo sêjala gebe aôm lêmam gôjam aê sa.  
 Aôm Apômtau gêjam gôliņ amboac tonanġeņ.  
 28 Êsêac sêpuc boa aêmaņ, mago aôm ônam mec aê.  
 Êsêac taņ sêjanda aê naņ, sêkumaņ gebe  
 aômnêm sakiņwaga aê jamoa totêtac  
 ŋajamgeņ.  
 29 Majeņ êtu ŋoc soņo-soņonêņ ŋakwê  
 ma êsêac sênac biņ majeņŋa êtu nêņ obo.  
 30 Aocsuņ ênam danġe kapôêņ êndêņ Apômtau.  
 Aê jalambiņ eņ jamoa launêņ sêkac sa ŋalêlôm,  
 31 gebe eņ kêkô ŋac ŋalêlôm sawa nê anôņa  
 gebe ênam eņ sa êndêņ êsêac, taņ sebe sensen  
 eņ su naņ.

\*

## 110

### *Apômtau agêc nê kiņ, taņ geņ oso eņ naņ*

- 1 Apômtaunê biņ gêdêņ ŋoc Apômtau gebe  
 “Mêņôņgôņ aêŋoc anôņa  
 e jakêņ nêmtêm ŋacjo  
 sênêc amkaiņ ŋalabu acgom.”  
 2 Apômtau êkêņ nêmtêm gôliņ ŋaclai esewec aņga Sion  
 ma êsa êna êtu tapa.  
 Ônam gôliņ nêmtêm ŋacjo.  
 3 Êndêņ bêc, taņ aôm ônac nêmtêm ŋacjo naņ,  
 nêmtêm lau sêwiņ aôm sênac ŋawaegenġeņ.  
 Êtôm nop êpoac bêbêc kanucgeņ  
 aômnêm lau mata sêwac êndêņ aômnêm lôc  
 dabuņ.

\* **109:31:** Dawidnê pesalem teņ.

- 4 Apômtau kêtôc lêma sa su  
ma oc ensej nê biñ atom gebe  
“Aôm kôtu ñac dabuñsêga ômoa tengeñña  
kôtôm Melkisedek tau.”
- 5 Apômtau kêkô aômnêm anôña.  
Êndêñ ênê bêc têtac ñandañña oc êku kiñ samob  
tulu.
- 6 Eñ oc êmêtôc tentenlatunêñ biñ ma êkêñ nêñ  
ñacmatê sênam gamêñ auc.  
Eñ ênac lau mômêñ êkôc anğa gaboañ tapa.
- 7 Kiñ oc ênôm bu, tañ kêpoac gêdêñ intêna ñatali nan,  
amboac tonañ tec êsa mômêapac sagenj.  
\*

## 111

*Aweñ êoc Anôtô êtu êmoasiñ ôlinj to katunña*

1 Aleluja.

- Aê gabe janam dançe Apômtau tonoc ñalêlôm  
samucgenj.  
Janğôm amboac tonañ anğa lau mansañ to  
gôlôac ñalêlôm.
- 2 Apômtau gêgôm gêñsêga kapôêñ.  
Êsêac samob, tañ têtac kêkac êsêac kêtü gêñ  
tonañña nan, sêpuc gêñ tau ñam.
- 3 Ñawasi to ñaclai gêjam samob, tañ eñ gêgôm nan  
auc  
ma ênê biñgêdêñ oc ênêc endenj tôngeñ.
- 4 Apômtau kêkêñ nê gêñtalô taujala gebe talin sin  
atom.

\* **110:7:** Dawidnê pesalem tenj.

- En ηacmoasiη to ηac gabêjam.  
<sup>5</sup> En kêkêη mo gêdêη êsêac, taη têtêc en naη.  
 En taê gêjam nê poac geden têtêc.  
<sup>6</sup> En kêkêη lau samuc nêη gêηlênsêη gêdêη nê lau,  
 tec gêwa nê ηaclai sa gêdêη êsêac.  
<sup>7</sup> Gêη taη lêma gêgôm naη, ηaηêη to gêdêη.  
 Ênê biηsu samob kêtου katô.  
<sup>8</sup> En kêwaka biηsu tau sa gebe ênêc enden têtêc  
 ma kêkêη biηsu tau tobiη ηaηêη ma tobiη  
 ηaηôgêη.  
<sup>9</sup> En gêjam nê lau kêsi ma kêmoatiη nê poac  
 tengeηηa gêdêη êsêac.  
 Ênê ηaê dabuη to ηaclai.  
<sup>10</sup> Tatêc Apômtau kêtου mêtê ηam êwa lau samob, taη  
 sêgôm ηaηô êsa naη, nêη kauc sa.  
 Talambiη en enden têtêc.

## 112

### *Embe tatêc Anôtô oc ênam aêac sa*

- <sup>1</sup> Aleluja.  
 Aê aoc êêc ηac, taη kêtêc Apômtau  
 to gêgôm ênê biηsu ηaηô kêsa totêtac ηajamgeη  
 naη.  
<sup>2</sup> Ênê wakuc oc têtου gamêη ηatau toηaclai.  
 Ma Apômtau ênam mec lau mansaη nêη gôlôac.  
<sup>3</sup> Gêη masê to awa ênêc ênê andu  
 ma ênê biηgêdêη oc ênêc enden têtêc.  
<sup>4</sup> En kêpô lau mansaη kêtôm ηawê kêpô gamêη  
 ηakesec.  
 En ηac gêdêη tec taê labu ma kêmoasiη lau.

- 5 Aê aoc êôc ñac, tañ taê walô lau to gêjam lau sawa sa nan,  
ma êngôm nê gêñ samob naêndêngeñ.
- 6 Eñ oc êkô ñajaña êku atomanô  
ma lau oc taêñ ênam eñ enden tòngeñ.
- 7-8 Gêñwapac ñawae oc êngôm eñ êtêc tau atom.  
Ênê ñalêlôm ñañêñ ma taê êka Apômtau!  
Eñ têtac kêpa su ma kêtêc tau atom.  
Êndên ñamu eñ oc êku nê ñaço tulugeñ.
- 9 Eñ gêjac sam nê gêñ gêjac ñawaegen gêdên lau ñalêlôm sawa amboac tonanengeñ.  
Ênê biñgêdên oc ênêc enden tòngeñ. Eñ oc êtu apômtau towae.
- 10 Ñac tañ kêkac tau su anga Anôtônê nan, gêlic e kêtú môsi.  
Eñ gêmôên lulun, mago ñanô masi. Lau secwaga embe taêñ êka biñ ten oc ñanô ênsun tau êndên êsêac atom.

## 113

### *Aweñ êôc moasiñ ñatau Anôtô*

1 Aleluja.

Apômtaunê sakiñwaga amac,  
alanem Apômtaunê ñaê

2 Aweñ êôc Apômtaunê ñaê  
êndên galoc ma ênêc enden tòngeñ.

3 Aweñ êôc Apômtaunê ñaê  
anга oc kêpi e êndên oc kêsêp.

4 Apômtau kêlêlêc tentenlatui samob su.  
Ênê ñawasi kelen undambê su.

- 5 Asa oc êtôm Apomtau, aêacnêḡ Anôtô,  
 taḡ gêḡḡōḡ nê lêpōḡ aḡḡa lôlôc naḡ.  
 6 Ḥac tau naḡ gewec,  
 ḡo katuc kêniḡ undambê to nom.  
 7 Eḡ kêkam ḡalêlôm sawa aḡḡa kekop  
 ma gêôc ḡac kapô lênaḡa sa aḡḡa wao.  
 8 Gebe etoc eḡ êḡḡōḡ êwiḡ kasêḡa,  
 êḡḡōḡ nabaḡ ênê launêḡ kasêḡa.  
 9 Eḡ kêkêḡ awê kapoac gêwê kainḡ andu  
 ma kêkêḡ eḡ kêkôc ḡapalê e têtac ḡajam kêsa  
 laḡḡwageḡ.

Aleluja.

## 114

### *Wê Pasaḡa teḡ*

- 1 Alleluja.  
 Gêdêḡ taḡ Israel gêdi aḡḡa Aiguptu,  
 gedēḡ taḡ Jakobnê ḡôlôac dêdi aḡḡa lau awēḡ  
 jaba naḡ,  
 2 Juda kêtu Apômtaunê gamêḡ dabuḡ  
 ma Israel kêtu ênê gamêḡ ḡôliḡḡa.  
 3 Gwêc tau gêlic e kêtaiḡ su  
 ma bu Jordan gêlêc tau sa jakêkô.  
 4 Lôc sêboḡ têtôm domba kapoac  
 ma gamêḡ ḡabau têtôm domba ḡalatu.  
 5 O gwec, asageḡ gêḡôm aôm tec kôtaiḡ su.  
 O Jordan, asageḡ gêḡôm aôm tec ḡôlêc taôm sa  
 jakêkô.

- 6 O lôc, asagenj gêgôm amac tec aboanj amboac domba kapoac.  
 O gamênj n̄abau, asagenj gêgôm amac, tec aboanj amboac domba n̄alatu.
- 7 O nom, ôwiwic taôm gebe Apômtau gêmênj,  
 Jakobnê Anôtô mên̄gêmoa gêwiñj aôm.
- 8 N̄ac tau gêjam poc ôkwi kêtû bu n̄atonj  
 ma poclô kêtû bumata, tanj kêpulu kêpi gêmênj nanj.

## 115

### *Anôtô mata jali nê wae êsa*

- 1 O Apômtau, otoc aêac sa atom, otoc aêacma n̄aê sa atom, otoc taômnêm n̄aê sa êtu nêm têmtac gêwiñj tenjen̄n̄a to nêm binj n̄an̄êñ̄a.
- 2 Amboac ondoc lau samuc têtû kênac gebe  
 “Êsêacnênj Anôtô gêmoa ondoc.”
- 3 Aêacnênj Anôtô gêmoa undambêgoc,  
 enj gêgôm gênj samob, tanj nê n̄alêlôm taê gêjam nanj.
- 4 Êsêacnênj gwam silber to gold,  
 nanj n̄amalac lemenj sêgôm.
- 5 Êsêacnênj awen̄sunj gêc, mago sêsôm binj atom.  
 Mateñanô gêc, mago sêlic gamênj Aleluja atom.
- 6 Êsêac tan̄en̄sunj gêc, mago sên̄jô binj atom.  
 Lusun̄sunj gêc, mago sên̄u gênj atom.
- 7 Êsêac lemenj gêc, mago sêmoasac gênj atom. Enkainj gêc, mago sêsêlênj atom  
 ma nêñj koclabenj kêtan̄j atom.

- 8 Lau sêmasaŋ-gêŋ-tauwaga têtôm nêŋ gêŋ tau  
ma lau samob, taŋ taêŋ kêka gwam naŋ, am-  
boac tonanŋeŋ.
- 9 O amac Israelwaga, taêm êka Apômtau.  
Eŋ kêtû amacnêŋ lautuc ma gêjam-sawaga.
- 10 O Aronnê gôlôac, taêm êka Apômtau.  
Eŋ kêtû amacnêŋ lautuc to gêjam-sawaga.
- 11 O amac, taŋ atêc Apômtau naŋ, taêm êka  
Apômtau.  
Eŋ kêtû amacnêŋ lautuc ma gêjam-sawaga.
- 12 Apômtau taê gêjam aêac, eŋ oc ênam mec aêac.  
Eŋ oc ênam mec Israelnêŋ gôlôac ma oc ênam  
mec Aronnê gôlôac.
- 13 Eŋ oc ênam mec êsêac, taŋ têtêc Apômtau naŋ,  
lau sauŋ to lau kapôêŋ.
- 14 Apômtau êkêŋ amac atu taêsam.  
Eŋ êkêŋ amac atu taêsam ma nêŋ gôlôac am-  
boac tonanŋeŋ.
- 15 Apômtau taŋ kékêŋ undambê to nom naŋ,  
ênam mec amac.
- 16 Undambê kêtû Apômtaunê undambê  
ma nom tec eŋ kékêŋ gêdêŋ ŋamalac.
- 17 Ŋacmatê to êsêac, taŋ sêc sêsêp nêŋ gamêŋ  
ŋaŋêŋŋa sêja naŋ,  
nêŋ teŋ oc êlanem Apômtau atom.
- 18 Mago aêac oc talanem Apômtau  
galoc to oc endenŋ tônŋeŋ.

Aleluja.



# 116

*Anôtô gêjam ñac, tañ kêsã panj lêndanj nanj, sa ñawê danjgeña*

- <sup>1</sup> Aê têtac gêwiñ Apômtau gebe eñ kêkêñ taña aê  
ma gêñô ñoc tañjboa.
- <sup>2</sup> Eñ gê taña aê.  
Amboac tonañ jamôêc êndêñ eñ êtôm ñoc bêc  
samob.
- <sup>3</sup> Tamac êndu ñalêpoa gêsô aê tôñ ma katêc tauc  
ñasec kêtũ lamboamña.  
Aê gaôc gêñwapac to kapô lêna
- <sup>4</sup> e aoc gêjac Apômtaunê ñaê gebe  
“O Apômtau, aê jatenj aôm ônam aê kêsimanj.”
- <sup>5</sup> Apômtau eñ ñacmoasiñ to gêdêñ.  
Aêacnêñ Anôtô kêtũ taê labũ ñamôkê.
- <sup>6</sup> Apômtau gejob lau meloc-meloc.  
Aê katu palê, mago eñ gêjam aê sa.
- <sup>7</sup> O katuc tau, naôlêwanj taôm êtiam  
gebe Apômtau kêmoasiñ aômgaç.
- <sup>8</sup> Binjanô, aôm gôjam katuc kêsĩ anjga tamac êndunja.  
Aôm kôpuc matocgasi tôñ gêdêñ matocsulu ma  
gođenj ockaiñ tôñ gebe jaka selelec atom.
- <sup>9</sup> Aê jasa ñoc lêñ jamoa Apômtau lanjônêm  
anjga gamêñ sêngôñ matenj jaliña.
- <sup>10</sup> Gêdêñ tañ aê kasôm gebe “Ñoc ñalêlôm popoc-  
popocgenj” nanj,  
mago gawi kakêñ gêwiñ Anôtôña siñ atom.
- <sup>11</sup> Gêdêñ tañ kapô lêna ñasec nanj, aê kasôm gebe  
“Ñamalac samob dansañtêna.”
- <sup>12</sup> Aê oc jakêñ asagenj êndêñ Apômtau

- êjô nê moasiņ, taņ kêkêņ gêdêņ aê naņ.
- 13 Aê gabe jaôc moasiņ ņalaclu sa êtu danĝe  
ma gabe aoc ênac Apômtaunê ņaê.
- 14 Biņ taņ gajac mata gêdêņ Apômtau naņ, gabe  
jaņĝôm êtu tôņ.  
Gabe jaņĝôm êtu tôņ aņga ênê lau samob  
ņalêlôm.
- 15 Apômtaunê lau mansaņ embe sêmac êndu,  
oc êlic amboac ĝêņwapac teņ.
- 16 O Apômtau, nêĵ sakiņwaga aê, nêĵ sakiņwaga  
latu aê.  
Aôm kôgaboac lêpoa, taņ ĝêsô aê tôņ naņ su.
- 17 Aê jakêņ da danĝeņa êndêņ aôm  
ma aoc ênac Apômtaunê ņaê.
- 18 Biņ taņ gajac mata gêdêņ Apômtau naņ, gabe  
jaņĝôm êtu tôņ.  
Gabe jaņĝôm êtu tôņ aņga ênê lau samob  
ņalêlôm.
- 19 Aê gabe jaņĝôm jakô Apômtaunê andu  
ņamalacluņ,  
aņga aôm, Jerusalem, ņaluņĝeņ.

## 117

### *Alambiņ Apômtau*

- 1 Amac lau nomņa samob, awem êôc Apômtau.  
Amac tenterlatu samob, alanem eņ.
- 2 Gebe ênê têtac ĝêwiņ teņĝeņņa tau toņaclaigeņ  
ma ênê biņ ņaņêņ oc ênêc endeņ tôņĝeņ.
- Aleluja.

# 118

## *Gôlôac sêlic om ñawê danjeña*

- 1 Anam danje êndêñ Apômtau gebe eñ ñac gabêjam.  
Biññanô ênê moasiñ ênêc enden tôngeñ.
- 2 Israel sêsôm lasê amboac tonec gebe  
“Biññanô, ênê moasiñ ênêc enden tôngeñ.”
- 3 Aronnê gôlôac sêsôm lasê amboac tonec gebe  
“Biññanô, ênê moasiñ ênêc enden tôngeñ.”
- 4 Lau-têtêc-Anôtôwaga samob sêsôm lasê amboac  
tonec gebe  
“Biññanô, ênê moasiñ ênêc enden tôngeñ.”
- 5 Aê kapô lêna ma aoc gêjac Apômtau,  
tec Apômtau kêkêñ taña aê ma gajam aê sa.
- 6 Aê katêc tauc atom gebe Apômtau gêwiñ aê  
ñamalac oc sêñgôm asageñ êndêñ aê.
- 7 Apômtau gêwiñ aê, oc ênam aê sa  
ma jaku ñoc ñacjo tulu.
- 8 Daê lamu Apômtau  
ñajam kêlêlêc taên kêka ñamalac su.
- 9 Daê lamu Apômtau  
ñajam kêlêlêc taên kêka ñamalacnêñ laumata su.
- 10 Tentenlatu samob sêgi aê auc,  
mago aê gasen êsêac su gajam Apômtau lanô.
- 11 Sêgi aê auc e kêsô tau,  
mago aê gasen êsêac su gajam Apômtau lanô.
- 12 Êsêac sêgi aê auc amboac banic, mago ja  
kêkwanam êsêac su amboac oba,  
mago aê gasen êsêac su ña Apômtaunê ñaclai.
- 13 Êsêac têtuc aê ñajaña gebe jamben,  
mago Apômtau gêjam aê sa.

- 14 Apômtau kêtû ñoc ñaclai to ñoc ñac kalanem-  
enwaga.  
Enj kêtû ñoc kêsiwaga.
- 15 Wêsiñ toôndu kêpi anğa lau gêdêñ nêñ bec.  
Apômtau lêma anôña gêgôm gêñsêga ñaclai.
- 16 Apômtaunê lêma anôña kêsip ñamalac sa.  
Apômtaunê lêma anôña gêgôm gêñsêga ñaclai.
- 17 Aê oc jamac êndu atom, jangôn matoc jali  
ma jasôm Apômtaunê ñaê lasê.
- 18 Apômtau gêjac aê matocgasi aucgen,  
mago gêlôc gebe jamac êndu atom.
- 19 Alêc lôm dabuñ tau ñakatam su êndêñ aê.  
Aê gabe jasô najanam danje êndêñ Apômtau.
- 20 Apômtaunê sacgêdô tonec  
gêjac lau gêdêñ tauñgenj ñawae.
- 21 Aê gajam danje aôm gebe kôkêñ tanjam aê  
ma kôtu ñoc kêsiwaga.
- 22 Poc, tanj sêkwêwaga sêbaliñ siñ nanj,  
tec kêtû poc kêclêsuña.
- 23 Gêñ tonanj Apômtau gêgôm,  
tec matenânô talic amboac gêñsêga.
- 24 Bêc tau tonanj Apômtau kêkêñ.  
Awenj êoc toôndu ma ôlinj êpi-êpigerñmanj.
- 25 O Apômtau, ônam aêacmêñ sa.  
O Apômtau, ôkêñ aêac atap kolenj ñanô sa.
- 26 Awenj êoc ñac, tanj gêmêñ gêjam Apômtau lanô.  
Aêac anam mec amac anğa Apômtaunê andu.

- 27 Apômtau enj Anôtô, enj kêkêñj ñawê gêdêñj aêac.  
Atê wê tolêsôgenj ma anam gêlônj altar ñajabo.
- 28 Ñoc Anôtô aôm, aê gabe janam danje êndêñj aôm.  
Ñoc Anôtô aôm, aê gabe jatoc aôm sa.
- 29 Anam danje êndêñj Apômtau gebe enj ñac  
gabêjam.  
Biññanô, ênê moasinj ênêc endenj tôngeñj.

## 119

### *Anôtônê biñ wae*

- 1 Aoc êôc êsêac, tanj sêsa nêñj lêñj lañônñêm sawa  
ma sêsêlêñj kêtôm Apômtaunê biñsu nanj.
- 2 Aê aoc êôc êsêac, tanj sêmasañ ênê biñsu  
ma tanjeñj wamu enj tonêñj ñalêlôm samucgeñj  
nanj.
- 3 Êsêac sêgôm keso tenj atom.  
Sêsa ênê lêñj katôgeñj.
- 4 Aôm kôjatu nêñj ñagôlinj  
gebe ñamalac sêmansañ tomalagenj.
- 5 Ojae, ñoc lêñj ñañêñgeñj  
ma jamansañ aômñêm biñsu ñapepmanj.
- 6 Aômñêm biñsu samob embe ênêc aê  
lañôcnêmñagenj  
oc jañgôm tauc majoc êsa atom.
- 7 Aê embe jañô nêñj biñsu gêdêñj êtu tônj,  
oc jalambinj aôm tonjoc ñalêlôm makeñgeñj.
- 8 Aê gabe jamansañ aômñêm biñsu.  
Ônam aê sapu samucgeñj atom.

*Tanjeñj wamu êndêñj Apômtaunê biñsu*

- 9 Nacsênom tenj oc êsa nê lênj mata sawa amboac ondoc.  
 Enj êsap aômnêm binj tônj acgom, go êsa êndênj.  
 10 Aê gasom aôm tojoc njalêlôm samucgenj.  
 Ôkênj aê janac jaê aômnêm binjsu atom.  
 11 Aê kamasanj nêmbinj gêc njoc njalêlôm gabe janjgôm sec êndênj aôm atom.  
 12 O Apômtau, aoc gêôc aôm ôndônj nêmbinj njagôlinj êndênj aê.  
 13 Aocsunj jasa binj, tanj aôm awamsunj kôjatu nanj, samob sa njapep.  
 14 Aê têtac kêkac aê aômnêm binjsu njalênjja kêlêlêc têtac kêkac aê awa nomnja su.  
 15 Aê japuc binj, tanj aôm kôjatu nanj njam ma matoc êndinj aômnêm lênjgenj.  
 16 Aênjoc njalêlôm kêkac aê aômnêm binjsunjagenj. Aê gabe jalinj aômnêm binj sinj atom.

*Tatu samuc Apômtaunê binjsu*

- 17 Ômoasinj nêmbinjsakinjwaga aê gebe jamoa matoc jali ma jajop aômnêm binj.  
 18 Ôkênj matocanô êpoa lasê gebe jalic aômnêm binjsu njagênsêga.  
 19 Aê katu njaclej njôma ganjgônj nom. Ônsanj nêmbinjsu auc êndênj aê atom.  
 20 Njoc njalêlôm gêjam aoc su aômnêm binj tanj kôjatu nanj e tekoc gêbac.  
 21 Aôm goec binj lau kesowaga, tanj tenjbelej anjenj ma sêkac tauj su anja nêmbinjsu nanj.  
 22 Aê kamasanj aômnêm binjsu, amboac tonanj ônjgôm aê majoc êmbac ma lau sêsu aê susu atom.

23 Kasêga sêkac taun sa sêkic aênoc biñ sêmoa,  
mago nê m sakinwaga aê tec kapuc aômnêm  
biñsu ñam.

24 Aômnêm biñsu gêgôm aê têtac ñajam kêsa  
gebe kêtu ñoc gôlinwaga.

*Nalêlôm kêkac aê gebe tañoc wamu Apômtaunê  
biñsu*

25 Aê kapô lêna tauc ganğôn wao ñaô,  
amboac tonan mênôn am aê sa êtôm, tañ gôjac  
mata nan.

26 Gêdên tañ gajac miñ ñoc biñ gêdên aôm nan, aôm  
kôkên tañam aê.

Ôndôn nê m ñagôlin êndên aê janô.

27 Ôkên aênoc kauc êsa êpi intêna, tañ nê m biñsu  
kêjatu nan,  
oc japuc aômnêm gêñsêga ñam.

28 Aênoc ñalêlôm ñawapac gê tòngeñ ma galiñ matoc-  
sulu elêmê.

Ôkên ôlicwalô êsa êtôm gôjac mata.

29 Ôngamiñ aê êndên biñ dansan ñalên  
ma ômoasiñ aê ña aômnêm biñsu.

30 Aê kajalin lên biññanôña sa.

Kakên nê m biñsu kêkô aê lanôcnêmña.

31 Aê kasap aômnêm biñsu tôn.

O Apômtau, ôkên aê janğôm tauc paliñ atom.

32 Aê gabe jalêti jasa aômnêm biñsu ñalên  
gebe ñoc ñalêlôm kêkac aê lên tonanña.

*Mec kauc êsaña*

33 O Apômtau, ôndôn aê nê m biñsu ñalên.  
Aê gabe matoc êsap e wacjao lasê.

- 34 Ôkêñ ñoc kauc êsa gebe jamansañ aômnêm biñsu  
ma jamansañ toñoc ñalêlôm samucgeñ.
- 35 Ôwê aê jasa aômnêm biñsu ñalêñ  
gebe katu samuc aômnêm biñ tonañ.
- 36 Ôkêñ ñoc ñalêlôm êsap awa tônia atom,  
êsap nêm biñsugeñ tônia.
- 37 Ônam matocanô ôkwi anga gêñ nomña.  
Ôkêñ aê jasa nêm lêñ topalêgeñ.
- 38 Ôkêñ biñ, tañ gôjac mata gêdêñ lau-têtêc-aômwaga  
nañ,  
ñanô êsa êpi nêm sakinwaga aê amboac  
tonañgeñ.
- 39 Ôkac biñ susu, tañ katêc nañ su  
gebe nêm ñagôliñ ñajam.
- 40 Biñ ñanô, aê gajam aoc su nêm jatu, tañ gôjac jatu  
nañña.  
Ôkêñ nêm biñgêdêñ êpuc aê tônia.

*Ôliñ andañ Apômtaunê biñsu*

- 41 O Apômtau, ôkêñ nêm moasiñ êmoasiñ aê.  
Ônam aê sa êtôm, tañ gôjac mata nañ,  
42 gebe jajô ñac, tañ kêsu aê susu nañ awa,  
gebe aê kakêñ gêwiñ aômnêm biñ.
- 43 Ma ôkôc biññanô ñamêtê su anga aê aocsuñ  
samucgeñ atom  
gebe aê kakêñ matoc aômnêm gôliñ.
- 44 Aê gabe jamansañ nêm biñsu toñanôgeñ  
ma gabe jañgôm enden tôniañgeñ ñapañ.
- 45 Amboac tonañ jasa lañôcnêm sawageñ  
gebe aê gasom aômnêm biñ, tañ kôjatu nañ.
- 46 Aê gabe jasôm aômnêm ñagôliñ êndêñ kiñ



tomajoc êmbacgeŋ.

47 Aê têtac ŋajam kêtû nêmbiŋsuŋa,  
taŋ aê têtac gêwiŋ naŋ.

48 Aê jatoc aômnêmbiŋsu, taŋ têtac gêwiŋ naŋ sa  
ma taêc ênam japuc aômnêmgôliŋ ŋam.

*Aêac taêŋ êka Apômtaunê biŋsu*

49 Taêm ênam biŋ, taŋ gôjac mata gêdêŋ nêmbiŋwaga aê naŋ.  
Biŋ tau kêkêŋ aê kakêŋ matoc.

50 Aê gaŋgôŋ jageo ŋasec, mago biŋ, taŋ aôm gôjac  
mata naŋ,  
tec kêpuc aê tôŋ ma gê malô aê.

51 Lau sêkêli tauŋŋa sêsu aê susu ŋasec,  
mago aê kakac tauc su aŋga aômnêmbiŋsu  
atom.

52 O Apômtau, aê embe taêc ênam aômnêmbiŋgôliŋ  
laŋgwaanôŋa,  
naŋ oc ênac têtac tôŋ.

53 Aê têtac ŋandaŋ sec kêtû lau, taŋ sêkac tauŋ su  
aŋga Anôtônê naŋ,  
gebe lau tonan sêwi nêmbiŋsu siŋ.

54 Aômnêmbiŋsu kêtû ŋoc wê lanemŋa  
gêdêŋ taŋ kasa ŋoc lêŋ gamoa jaê ŋoc  
malacmôkê ŋanô naŋ.

55 O Apômtau, aê taêc gêjam aômnêmbiŋgêdêŋ  
gêbêc  
ma kamaŋ aômnêmbiŋsu.

56 Moasiŋ ŋanô, taŋ gawê kaiŋ naŋ, tonec  
gebe kamaŋ aômnêmbiŋsu.

*Anôtônê biŋsu e ŋaŋêŋ laŋgwageŋ*

- 57 Apômtau kêtú ñoc gêñlênsêm.  
 Aê kasôm kêtú tôñ gebe jamansañ aômnêm  
 biñsu.
- 58 Aê kateñ aôm toñoc ñalêlôm samucgeñ  
 gebe taêm walô aê êtu biñ, tañ gôjac mata  
 nañña.
- 59 Aê taêc gêjam ñoc lêñ  
 ma gajam gôliñ ockaiñ gêdêñ aômnêm ñagôliñ.
- 60 Aê gajam gamêñ tôñ atom, kakac taucgeñ  
 gebe jamansañ aômnêm biñsu.
- 61 Lau alôb-alôb nêñ lêpoa gêsô aê tôñ,  
 mago kaliñ aômnêm biñsu siñ atom.
- 62 Aê gadi sa gêdeñ gêbêcauc gêja lu gabe janam  
 dançe aôm  
 êtu nêm gôliñ gêdêñña.
- 63 Lau tañ têtêc aôm  
 ma êsêac, tañ tañeñ wamu nêm jatu nañ, nêñ  
 ñac teñ aê.
- 64 O Apômtau, aômnêm têmtac gêwiñ teñgeñña gêjam  
 nom auc.  
 Ôndôñ aômnêm biñsu êndêñ aê.

*Apômtaunê biñsu ñañanô*

- 65 O Apômtau, aôm kômoasiñ nêm sakiñwaga  
 ñanôgeñ,  
 kêtôm biñ, tañ gôjac mata nañ.
- 66 Ôndôñ mêtê tokauc ma mêtê jakip biñ saña  
 êndêñ aê  
 gebe aê taêc kêka aômnêm biñsu.
- 67 Gêdêñ tañ kôkôniñ aê atomgeñ nañ, gao gamoa,  
 mago galoc kamasañ aômnêm biñ kêtú tôñ.
- 68 Aôm ñac gabêjam ma kômoasiñ lau.

- Ôndôḡ aômnêm biḡsu êndêḡ aê.  
 69 Lau tenḡbeḡ aḡḡeḡ sêḡa biḡ kêpi aê,  
 mago aê kamasan nêḡ jatu toḡoc ḡalêlôm  
 samucḡeḡ.  
 70 Êsêacnêḡ ḡalêlôm ôliḡ ḡakam amboac ḡalêsi  
 kêkêkam lau,  
 mago aê tec ḡoc ḡalêlôm kêkac aê kêtu nêḡ  
 biḡsuḡa.  
 71 Aôm kôkôniḡ aê, tec kêmoasiḡ aê  
 gebe nêḡ mêtoḡ tau kêdôḡ nêḡ biḡsu gêdêḡ aê.  
 72 Awamsuḡ ḡabiḡsu kêmoasiḡ aê  
 kêlêlêc awamata totoḡ-toḡoḡ su.

*Apômtaunê biḡsu ḡamêtoḡ gêdêḡ*

- 73 Aôm lêmam kôkêḡ to kôlêsoḡb aê.  
 Ôwa ḡoc kauc sa gebe jajala aômnêm biḡsu.  
 74 Êsêac taḡ têtêc aôm nan, embe sêlic aê oc têtac  
 ḡjam êsa  
 gebe aê kakêḡ matoc aômnêm biḡ.  
 75 O Apômtau, aê kajala gebe aôm kômêtoḡ biḡ  
 jagêdêḡḡeḡ,  
 tec kôkôniḡ aê kêtoḡm aômnêm biḡ ḡaḡêḡ.  
 76 Ôkêḡ nêḡ têtac gêwiḡ tenḡeḡḡa ênam maḡ  
 aêmaḡ,  
 êtoḡm nêḡ biḡ, taḡ ḡôjac mata gêdêḡ nêḡ  
 sakiḡwaga aê nan.  
 77 Taêm walô aê gebe jaḡḡôḡ matoc jali  
 gebe aê têtac gêwiḡ aômnêm biḡsuḡaḡeḡ.  
 78 Tenḡbeḡ aḡḡeḡ, taḡ sêḡôm aê waec sec nan,  
 majeḡ êsa  
 ma aê tec taêc gêjam aômnêm biḡ, taḡ kôjatu  
 nan ḡam.

- 79 Ôkêñ êsêac, tañ têtêc aôm to sêjala aômnnêm biñ,  
 tañ gôwa sa nañ,  
 gebe sêkac taun òkwi dêndên aê.
- 80 Ôkêñ aênoc ñalêlôm êsap aômnnêm biñsu tôñ  
 gebe jañgôm tauc palin atom.

*Mec Apômtau ênam saña*

- 81 Aôm nêm moasiñ gêjô katuc  
 ma kakêñ matoc aômnnêm biñ.
- 82 Matocanô kêkac gebe jalic biñ, tañ aôm gôjac  
 mata nañ,  
 ma katu kênac gebe “Êndên ondoc, go ônam  
 malô aê.”
- 83 Aê katôm bêlabi, tañ dedeñ e kêtuton nañ,  
 mago kaliñ aômnnêm gôlin siñ atom.
- 84 Aômnnêm sakiñwaga nê bêc tendocgeñ gêc.  
 Êndên ondocgeñ, go ômêtôc lau, tañ sêlêsu aê  
 nañ, nêñ biñ.
- 85 Lau tañ sêkêli taun nañ, sêkwê sê aê.  
 Lau tañ seo gala aômnnêm biñ nañ, sêgôm biñ  
 tonañ.
- 86 Aômnnêm biñsu samob tobiññanôgeñ.  
 Êsêac sêôc aê òkwi ña biñ dansañ, amboac  
 tonañ ônam aê sa.
- 87 Saungeñ oc sensen aê su janaña anga nom,  
 mago aê tec gabe jawi biñ, tañ aôm kôjatu nañ,  
 siñ atom.
- 88 Aôm ñacmoasiñ ônam aê sa êtu nêm têmtac gêwiñ  
 tengeñña gebe jañgôn matoc jali  
 gebe jañgôm awamsun ñabiñ ñanô êsa.

*Takên êwiñ Apômtaunê biñsu*

- 89 O Apômtau, aômnêm biñ kêtû tônia kêsã ança undambê  
ma ênêc enden tônia.
- 90 Aômnêm biñ ñañên ênêc êtôm gôlôac to gôlôac.  
Aôm kôsuj nom su, tec gacgen kêkô ñaña kêsã.
- 91 Gên tañ kôkên ñañ, kêkô e gêdên galoc  
gebe gên samob têtû nêm sakiñwaga.
- 92 Aômnêm biñsu embe êtû aê têtac gêwiñ ñamôkê  
atom,  
oc jaña êndên tañ gêñwapac kêkôm aê auc  
ñañ.
- 93 Aê gabe jaliñ aômnêm jatu siñ atomanô  
gebe aôm kôkên, tec kêpuc aê tônia ganğôn matoc  
jali.
- 94 Aê katu aômnêm gên, ônam aê sa  
gebe aê kapuc aômnêm gôliñ tec gamoa.
- 95 Lau alôb-alôb dêdib aê gebe senseñ aê su,  
mago aê taêc gêjam aômnêm biñ, tañ gôwa sa  
ñañ.
- 96 Aê galic gên samob ñatêku gêc.  
Aômnêm biñsu tagen tec ñamadiñ masi.

*Têtac gêwiñ Apômtaunê biñsu*

- 97 Aê têtac gêwiñ nêm biñsu kêlêlêc  
ma taêc gêjam kêtôm bêcgen.
- 98 Nêm biñsu gêc aêña ñapañ  
ma gêgôm ñoc kauc kêsã kêlêlêc ñoc ñacionên  
su.
- 99 Aênoc kauc kêlêlêc ñoc kêdônwaga samob nên su  
gebe aê taêc gêjam biñ tagen, tañ aôm gôwa sa  
ñañen.
- 100 Aênoc kauc kêsã kêlêlêc kwalam lanğwa nên su

- gebe aê kamasan̄ aômnêm jatu.  
 101 Aê kagamin̄ ockain̄ gêdêñ lêñ geo samob  
 gebe Jamansan̄ aômnêm bin̄ ñapep.  
 102 Aê kakac tauc su an̄ga nêm gôlin̄ atom  
 gebe aôm taôm kôdôn̄ aê.  
 103 Aê kasaê aômnêm bin̄ gebe ñakana ñajamanô.  
 Kasaê ñakana kêlêlêc lêp su gêc aocsun̄.  
 104 Aômnêm jatu gêwa ñoc kauc sa,  
 tec kakêñ kisa gêdêñ bin̄dansan̄ samob.

*Apômtaunê bin̄su kêtû ockain̄ ñaja*

- 105 Aômnêm bin̄ kêtû ockain̄ ñadawen̄  
 ma ja ten̄ kêpô ñoc intêna.  
 106 Aê katôc lemoc ma jamansan̄ êtu tôn̄  
 gebe tan̄oc wamu aômnêm gôlin̄ gêdêñ.  
 107 Gêñwapac gêjac aê tôn̄ kasêp ñêngeñ gaja.  
 O Apômtau, ojop aê jamoa matoc jali êtôm nêm  
 bin̄, tan̄ gôjac mata nan̄.  
 108 O Apômtau, ôkôc ñoc da lambin̄ña sa  
 ma ôndôn̄ nêm gôlin̄ êndêñ aê.  
 109 Aê kasa pan̄ lêndan̄ gebe jamac êndun̄ja enden̄  
 tôn̄geñ,  
 mago kalin̄ aômnêm bin̄su sin̄ atom.  
 110 Lau alôb-alôb sêwa lakô aê,  
 mago aê gao gala aômnêm jatu ten̄ atom.  
 111 Bin̄ tan̄ aôm gôwa sa nan̄, kêtû ñoc gêñlênsêm  
 ten̄geñña  
 kêtû aên̄oc ñalêlôm kêtû samuc ñam.  
 112 Aên̄oc ñalêlôm taê gêjam kêtû tôn̄ gebe jan̄gôm  
 aêmnêm bin̄su ñanô êsa,  
 jan̄gôm enden̄ tôn̄geñ e jamac êndu.

*Apômtaunê bin̄su kêtû lamu ñajam*

- 113 Aê kakêñ kisa gêdêñ lau, tañ nêñ ñalêlôm gêja lu  
nañ,  
mago aê têtac gêwiñ aômnêm biñsu.
- 114 Aôm kôtu ñoc lamu to lautuc.  
Aê kakêñ matoc aômnêm biñ.
- 115 Amac lau secwaga, akac taôm sa naamoa jaêc.  
Aê gabe jamansañ ñoc Anôtônê biñsu.
- 116 Ôpuc aê têtac êtôm biñ, tañ gôjac mata nañ, gebe  
jamo a matoc jali.  
Aê kakêñ matoc aôm, amboac tonañ ôñgôm aê  
majoc êsa atom.
- 117 Ôpuc aê têtac gebe jamoa ñajam  
ma jamansañ aômnêm biñsu enden têtac.
- 118 Aôm oc ôtiñ lau samob, tañ seo gala aômnêm  
biñsu nañ, siñ  
gebe êsêac sêsau tañ ñamelocñagen.
- 119 Lau samob, tañ sêkac tañ su nañ, aôm gôlic  
êsêac amboac gêñ gambu.  
Ma aê tec têtac gêwiñ biñ, tañ aôm kôdôn nañ.
- 120 Aê katêc aôm e ôlilu gêli.  
Aê katêc tauc kêtû nêm mêtôcña.

*Tañ wamu Apômtaunê biñsu*

- 121 Aê kamasañ biñ solop to biñgêdêñ kêtû têtac.  
Ôwi aê siñ êndêñ sêlêsutêna atom.
- 122 Ôjô nêm sakiñwaga awa gebe ômoasiñ en.  
Ôkêñ tenbeñ angen sêkônin aê têtac atom.
- 123 Matocanô ñawapac kêsa gebe aê gaôn nêm  
moasiñ,  
gaôn aôm gebe ônam aê sa êtôm gôjac mataña.
- 124 Ônam nêm sakiñwaga sa êtôm nêm têtac gêwiñ  
tengeñña

- ma ôndôñ nêm biñsu aê jajala.
- 125 Nêm sakiñwaga aê, ôwa ñoc kauc sa  
gebe jajala biñ, tañ aôm ôwa sa nañ ñapep.
- 126 Apômtaunê noc gebe êwaka tau saña kédabiñ  
gebe êsêac sêgôm aômnêm biñsu popoc.
- 127 Kêtu tonañña aê têtac gêwiñ nêm biñsu  
kêlêlêc awamata toton-toton su.
- 128 Kêtu tonañña nêm jatu gêjam gôliñ aê.  
Aê gadec lêñ dansañ samob.
- Nalêlôm kêkac gebe taney wamu Apômtaunê biñsu*
- 129 Biñ tañ aôm gôwa sa nañ, kaiñ teñ.  
Kêtu tonañña ñoc ñalêlôm kêsap biñ tau tôñ.
- 130 Aôm embe ônac nêm biñ lêtêñ, oc êpô gamêñ  
ma êwa lau meloc-meloc nêñ kauc sa.
- 131 Aômnêm biñsu gêjô aê  
e aoc ec-ecgeñ.
- 132 Ôkac taôm ôkwi êndêñ aê ma taêm walô aê,  
êtôm gôgôm gêdêñ lau, tañ têtac gêwiñ nêm  
ñaê nañ.
- 133 Ôkêñ nêm biñ êpuc ockaiñ tôñ  
ma ôkêñ gêñ sec teñ ênam gôliñ aê atom.
- 134 Ônam aê kêsi êndêñ ñamalac, tañ sêkôniñ aê tôñ  
nañ,  
go jamansañ aômnêm jatu êtu tôñ.
- 135 Ôkêñ lañômanô êpô nêm sakiñwaga  
ma ôndôñ nêm biñsu êndêñ aê.
- 136 Matocsulu keselen amboac bu  
kêtu lau sêmasañ aômnêm biñsu atom ña.
- Apômtaunê biñsu ñamêtôc gêdêñ*
- 137 O Apômtau, aôm ñac gêdêñ



- ma aômnêm gôliņ jagêdêņ samob.  
 138 Aôm kômasaņ nêm biņsu tobiņgêdêņ  
 ma kômasaņ tobiņ ņaņêņ ņanô amboac  
 tonanņeņ.  
 139 Aê têtac ņandaņ kêlakoc aê sec  
 kêtu ņoc soņo-soņo sêliņ aômnêm biņ siņņa.  
 140 Aômnêm biņ, taņ gôjac mata naņ, ņakêņkêņ  
 lanğwageņ  
 ma nêm sakiņwaga têtac gêwiņ biņ tau.  
 141 Aê katu ņac sawa to sêbu aê,  
 mago kaliņ aômnêm jatu siņ atom.  
 142 Aômnêm biņgêdêņ kêtu biņgêdêņ tenņeņņa  
 ma aômnêm biņsu tau biņņa.  
 143 Aê kapô lêna to gêņwapac gêgôm aê,  
 mago nêm biņsu gêgôm aê têtac ņajam kêsa.  
 144 Biņ taņ aôm gôwa sa naņ, oc ênêc ņaņêņ enden  
 tônņeņ.  
 Ôwa ņoc kauc sa, go jaņgôn matoc jali.

*Mec Apômtau ênam saņa*

- 145 Aê gamôec toņoc ņalêlôm samucgeņ gêdêņ aôm.  
 O Apômtau, ôkêņ taņam aêmaņ.  
 Aê gabe jamansaņ aômnêm biņsu êtu tônņ.  
 146 Aê aoc gêjac aôm gebe ônam aê sa,  
 go jaņgôm biņ, taņ gôwa sa naņ, ņanô êsa.  
 147 Aê gadi gêdêņ bêbêc kanucgeņ ma kataņ tauc  
 kapôêņ.  
 Aê matoc kêsap aômnêm biņ tec gamoa.  
 148 Matoc jali ņapaņ gêdêņ gêbêc baliņ e geleņņa  
 ma taêc gêjam biņ, taņ aôm gôjac mata naņ, gêc  
 ņoc ņalêlôm.  
 149 Ôkêņ taņam aê êtu nêm têmtac gêwiņ tenņeņņa.

- O Apômtau, ôkêñ aê jamansañ aômnêm gôliñ.  
 150 Lau tañ têtîm aê, mago sêkac taun su ança  
 aômnêm biñsu nañ,  
 têdabiñ aêgac.  
 151 Ma aôm Apômtau, tec gômoa aê ñagala  
 ma aômnêm biñsu samob kêtû biññanô.  
 152 Aê kajala biñ, tañ aôm kômasañ nañ, wanêcgeñ  
 gebe aôm kômasañ gebe ênêc tengeñña.

*Mec Apômtau ênam kêsiña*

- 153 Ôlic ñoc ñandañ ma ônam aê samañ  
 gebe aê kalin aômnêm biñsu siñ atom.  
 154 Ônam gôliñ ñoc biñ ma ônam aê kêsi.  
 Ojop aê jamoa matoc jali êtôm nêm biñ, tañ  
 gôjac mata nañ.  
 155 Aôm oc ônam lau alôb-alôb kêsi atom  
 gebe êsêac sesom aômnêm biñsu atom.  
 156 O Apômtau, aôm taêm walô lau kêlêlêc.  
 Ojop aê jamoa matoc jali êtôm nêm biñgêdêñ.  
 157 Lau taêsam sêjanda aê to sêlêsu aê,  
 mago aê gawi aômnêm biñ, tañ gôwa sa nañ,  
 siñ atom.  
 158 Ñoc ñalêlôm gêbu lau-sêkêñ-gêwiñ-atomwaga  
 gebe êsêac sêmasañ aômnêm biñsu atom.  
 159 Ôlic aê, tec têtac gêwiñ nêm jatu nec.  
 Ojop aê jamoa matoc jali êtôm nêm têtac  
 gêwiñ tengeñña.  
 160 Aômnêm biñ kêtû biññanô anô tau.  
 Aômnêm gôliñ gêdêñ samob oc ênêc enden  
 tôñgeñ.

*Nalêlôm samucgeñ êndêñ Apômtaunê biñsu*

- 161 Aê gajam kauc tauc ma kasêga sêlêsû aê,  
mago ñoc ñalêlôm kêtêc aômnêm biñ tagen.
- 162 Aê katu samuc biñ, tañ aôm gôjac mata nan,  
kêtôm ñac teñ gêjac siñ e kêtap awa taêsam sa.
- 163 Aê gadec to kakêñ kisa biñ dansañ  
ma têtac gêwiñ aômnêm biñsu tagen.
- 164 Aê aoc gêôc aôm kêtôm bêcgeñ kêtû dim 7  
kêtû aômnêm gôliñ gêdêñña.
- 165 Lau tañ têtac gêwiñ nêm biñsu nan, sêmoa  
tobiñmalô ñanô  
gebe gêñ teñ êngôm êsêac sembenj atomanô.
- 166 O Apômtau, aê kakêñ matoc aôm gebe ônam aê  
sa  
ma kamasañ aômnêm biñsugac.
- 167 Aêñoc ñalêlôm kêmasañ biñ, tañ gôwa sa nan,  
kêtû tôñ  
ma têtac gêwiñ kêlêlêc.
- 168 Aê kamasañ nêm jatu to biñ, tañ gôwa sa nan.  
Aôm kôjala aêñoc lêñ samob kêtû tôñ.

*Mec Apômtau ênam sanja*

- 169 O Apômtau, ñoc tañi wacêsô aôm tañamsuñ.  
Ôwa ñoc kauc sa êtôm nêm biñ.
- 170 Ñoc mec wacêsô aôm tañamsuñ  
ma ônam aê sa êtôm biñ, tañ gôjac mata nan.
- 171 Lanem oc êsêwa êsa aocsuñ  
gebe aôm kôdôñ nêm biñsu gêdêñ aê.
- 172 Imbeloc oc ênam wê êpi nêm biñ  
gebe aômnêm biñsu samob jagêdêñ.
- 173 Ômansañ lêmam gebe ônam aê sa  
gebe aê kajala aômnêm jatu.
- 174 O Apômtau, aê gajam aoc su gebe ônam aê sa

- ma aômnêm biñsu gêgôm aê têtac ñajam kêsa.  
 175 Ojop aê jamoa matoc jali gebe jalanem aôm  
 ma nêm gôliñ ênam aê sa.  
 176 Aê gao sic amboac domba gêbôm, onsom nêm  
 sakiñwaga  
 gebe aê kaliñ aômnêm biñsu siñ atom.

## 120

### *Apômtau ênam aê sa anğa kalomtênanêñ*

- 1 Aê kapô lêna ma aoc gêjac Apômtau,  
 tec eñ kêkêñ taña aê.  
 2 O Apômtau, ônam aê kêsi anğa gêdôñôlic dansañ  
 ma anğa imbeleñ geo.  
 3 Aôm imbêlam geo,  
 Natau oc êkêñ asageñ êndêñ aôm ma êngôm aôm  
 amboac ondoc.  
 4 Oc êkêñ siñwaganê sôb bôjañ-bôjañ  
 ma sôb tojalana.  
 5 Ijoc aêma, tec gañgôñ Mesek,  
 tec gañgôñ Kedarnêñ becobo.  
 6 Aê gañgôñ gawiñ lau,  
 tañ sêkêñ kisa gêdêñ biñmalô nañ kêtômgac.  
 7 Aê ñac biñmalôña, mago êndêñ tañ jasôm biñ  
 wamaña nañ,  
 êsêac sêndi êtu siñña.

## 121

### *Ñac tañ gejob Israel ñañêñ nañ*

- 1 Aê gaôc matocanô sa kêpi lôc.  
 Ñoc ênam-aê-sawaga mênêsa anğa ondoc.  
 2 Apômtau tañ kêkêñ undambê to nom nañ,

oc ênam aê sa.

- <sup>3</sup> Eñ oc êkêñ amkainñ êka selelec atom.  
Nac tañ gejob aôm nañ, ênac tuluc atom.
- <sup>4</sup> Biññanô, ñac-gejob-Israelwaga  
gêjac tuluc to gêc bêc atom.
- <sup>5</sup> Apômtau kêtú nêñ gejobwaga. Apômtau kêtú nêñ  
ajunñ,  
tañ lêmam anôñña kêsô ñalabu nañ,
- <sup>6</sup> gebe oc êpac aôm êndêñ ocsalô atom,  
ma ajônñ êpô aôm êndêñ êmbêc atom.
- <sup>7</sup> Apômtau ejop aôm êndêñ gêñ sec samob,  
eñ gejob aôm katôm.
- <sup>8</sup> Apômtau oc ejop aôm êndêñ tañ ôsa ôna ma ôsô  
ômôêñ nañ,  
galoc ma endenñ tôngeñ.

## 122

### *Biñmalô ênêc Jerusalem ñamec*

- <sup>1</sup> Aê gañô lau sêsôm gêdêñ aê gebe “Tawê dandêñ  
Apômtaunê andu tana”  
ma gêgôm aê têtac ñajamanô.
- <sup>2</sup> O Jerusalem,  
galoc eñkainñ kêka aômnêñ sacgêdô tôngec.
- <sup>3</sup> O Jerusalem, sêkwê aôm sa kêtiam  
kêtôm malac, tañ tunbôm kêpiñ auc e ñajaña  
nañ.
- <sup>4</sup> Gôlôac to gôlôac sêpi gamêñ tonanñ  
Apômtau tau nê gôlôac sêpi-sêpi sêmoa  
êtôm eñ kêjatu êsêac

- gebe sêlanem Apômtaunê ñaê.
- <sup>5</sup> Anğa tonañ tec tetoc lêpônġ sêmêtôc binġa kêkô,  
tetoc Dawidnê gôlôacnêġ lêpônġ kêkô.
- <sup>6</sup> Ateġ mec êtu Jerusalem êtap binġmalô saġa.  
Êsêac taġ têtac gêwiġ aôm naġ, sêmoa  
ñajamgeġ.
- <sup>7</sup> Wama ênêc nêġ tunġbôm ñalêlôm  
ma binġmalô ênêc nêġ andu ñalêlôm.
- <sup>8</sup> Aê gabe jasôm gebe “Binġmalô êndêġ aôm”  
êtu ñoc lasitêwai to ñoc ñacġa.
- <sup>9</sup> Aê gabe jateġ moasiġ êtu aômġa,  
êtu Apômtau, aêacnêġ Anôtônê anduġa.
- \*

## 123

### *Mec Apômtau taê walô aêacġa*

- <sup>1</sup> Aê jaôc matocanô sa wacêpi aôm.  
Matocanô endec undambê, taġ gôġam gôliġ  
gôġgôġ naġ.
- <sup>2</sup> Aêac tatôm sakiġwaga, taġ mataanô êndêġ nê  
ñatau to sakiġwagao, taġ mataanô gêdêġ nê  
ñatau,  
tec aêac mateġanô êndêġ Apômtau, aêacnêġ  
Anôtô, e taê walô aêac.
- <sup>3</sup> O Apômtau, taêm walô aêac, taêm walô aêacmêġ.  
Aêac anô lau sêbu aêac e kêmasê aêac sa.
- <sup>4</sup> Lau sêkêli tauġ nêġ pêlê to teġbeleġ anġeġ nêġ bin  
susu  
kêmasê aêac katuġ sa kêlêlêc.

## 124

### *Anôtô gêġam Israel sa, tec sêlambiġ eġ*

\* **122:9:** Dawidnê teġ.

- 1 Israel galoc sêsôm acgom gebe  
 “Apômtau embe êmoa êwiņ aêac atom, oc amboac ondoc.
- 2 Gêdêņ taņ ņamalac dêdi sebe sênac aêac naņ,  
 Apômtau embe êmoa êwiņ aêac atom,
- 3 oc têdanġoņ aêac su tomatenġ jaligen  
 ma sensenġ aêac su êtu nêņ têntac ņandanġ secanôņa.
- 4 Bu ņasamac oc epeņ aêac lênsôņ  
 ma êc aêac su
- 5 e ņasamac ņakotoņ-kotoņ  
 ênsaņ aêac auc.”
- 6 Aêac awenġ êoc Apômtau gebe gêsunġ aêac dadêņ  
 ņacjo luņluņ  
 jakêkaku aêac popoc atom.
- 7 Aêac katuņ gêwê sa kêtôm moc gêwê dibwaganê  
 lakô sa.  
 Lakô tau gêņġic ma aêac tec tajam samuc.
- 8 Apômtau taņ kêkêņ undambê to nom naņ,  
 nê ņâe oc ênam aêac sa.
- \*

## 125

### *Anôtô kêtû nê lau Israel nêņ lamu*

- 1 Lau taņ ôliņ andaņ Apômtau naņ, têtôm lôc Sion,  
 taņ oc kôjô-kôjô atom, êkô ņaņêņ endenġ tônġenġ  
 naņ.
- 2 Lôc kêġi Jerusalem auc ma Apômtau kêġi nê lau  
 auc kêtôm tonanġ.  
 Gagôm gêdêņ galoc ma oc endenġ tônġenġ.

---

\* 124:8: Dawidnê teņ.

- <sup>3</sup> Lau alôb-alôb sênam gôliņ lau gêdêņ nêņ gamêņ  
 ɲapan atom.  
 Embe sêņgôm, go lau gêdêņ taun oc sêņgôm sec.
- <sup>4</sup> O Apômtau, ômoasiņ lau ɲajam  
 to êsêac, taņ taņeņ wamu aômniem jatu naņ.
- <sup>5</sup> Ma êsêac, taņ seo sic naņ,  
 Apômtau ôtiņ êsêac su nasêwiņ lau geowaga.

O Israel, biņmalô êndêņ aômman.

## 126

*Sêjam danġe kêtû Anôtô gêjac êsêac sa kêtiamņa*

- <sup>1</sup> Gêdêņ taņ Apômtau gêjam Sionnê gêņwapac ôkwi  
 naņ,  
 aêac asaê amboac aêc mêgeņ.
- <sup>2</sup> Gêdêņ tonañ aêac gêdôņ ômac-ômacgeņ  
 ma imbelen toôndugeņ.
- <sup>3</sup> Biņņanô, Apômtau gêgôm gêņsêga kêtû aêacņa.  
 Aêac ôliņ kêpi ɲanô.
- <sup>4</sup> O Apômtau, ônam aêacma gêņwapac ôkwi,  
 amboac kom kêkêņ bu kêsa ɲaman kêtiam anġa  
 gamêņ mula-mņa.
- <sup>5</sup> Lau taņ sêsê gêņ tomatenjsulu naņ,  
 oc sêkôc ɲanô sa toôndugeņ.
- <sup>6</sup> ɲac taņ kêbic mowê tomatasulugeņ gêja gebe êsê  
 naņ,  
 oc êmu êmêņ tomolêpoañ ma totêtac ɲajamgeņ.

## 127

*Anôtônê mec tagen ênam aêac sa*

- <sup>1</sup> Apômtau embe êkwê andu atom,



- oc lau taun sênam ñakoleñ elêmê.  
 Apômtau embe ejop malac atom,  
 oc kelenwaga sênam jali êtôm atom.
- <sup>2</sup> Amac embe andi êndêñ bêbêc kanucgeñ  
 ma anam kôm e êmbêcauc  
 gebe atap gêñ êôc amac tôñña sa, oc aņgôm elêmê.  
 Ñam gebe Anôtônê lau têtac gêwiñ êsêacña têtap  
 nêñ gêñ sa êndêñ tañ sênêc bêc nañ.
- <sup>3</sup> Latuñi têtú Anôtônê moasiñ gêdêñ aêac  
 ma eñ gêjam mec aêac ña gôlôac tau.
- <sup>4</sup> Lau matak latuñi  
 têtôm sôb, tañ kêsêp siñwaga lêma nañ.
- <sup>5</sup> Aê aoc êôc ñac,  
 tañ kêbic nê sôb tolagic-tolagic nañ.  
 Ñac tonañ embe êmansañ nê biñ êndêñ nê soño-soño  
 aņga malac ñasacgêdô,  
 oc sêngôm eñ maja êsa atom.
- \*

## 128

### *Tañeñ wamu Apômtau ñagêjô*

- <sup>1</sup> Aê aoc êôc ñac, tañ kêtêc Apômtau,  
 tañ kêsa ênê lêñ gêmoa nañ.
- <sup>2</sup> Aôm oc ôtap lêmam ñakoleñ ñañanô sa.  
 Ma aôm ôtu samuc ma ômoa ñajamgeñ.
- <sup>3</sup> Aômnêm awê êmoa nêm andu amboac m ma-  
 maloc,  
 tañ ñalatu taêsam kêgi auc nañ.  
 Aômnêm ñapalê têtôm nip kepeñ  
 kêgi nêm tebo auc.

\* **127:5:** Salomonê teñ.

- 4 Biñjanô, ñac teñ embe êtêc Apômtau,  
oc Apômtau ênam mec eñ amboac tonanjen.
- 5 Apômtau ênam mec aôm anja Sion  
gebe ôlic Jerusalem ñamoasiñ ênac matamanô  
ñajam êtôm aômnêm têm ômoa matam jaliña,
- 6 ma ôlic nêm ñapalênênj wakuc.  
O Israel, biñmalô êndênj aômmanj.

## 129

### *Israel sêôc gêñwapac ma Apômtau gêjam êsêac sa*

- 1 Israel embe êsôm nê biñ teñ, oc êsôm, nê biñ tonec  
lasê gebe  
“Aê ñapalêgenj ma sêlêsu aê ñasec.
- 2 Biñjanô, aê ñapalêgenj ma sêlêsu aê ñasec,  
mago sêkônij aê tôñ atom.
- 3 Lau sakwenjtêna sêsêlê aê dêmôêctêkwa  
e popoc jamuñ-jamuñgenj,
- 4 mago ñac gêdênj Apômtau gêdim lakô,  
tañ lau sec sêwa su nanj gêñgic.”
- 5 Lau samob, tañ têtac kêbôli auc kêtú Sionña nanj,  
sênu tauñ su tomajenjenj.
- 6 Oc têtôm gêgwanj, tañ kêkô salôm eñ, ñaô nanj,  
êtu kapôênj atom tagenj ma êmêlinj sebenj.
- 7 Ñanô masi, tec ñac teñ ejonj sa atom  
ma teñ ênac lagic gêñ tau atomanô.
- 8 Ma ñac teñ, tañ êsa intêna tonanjenj mênêlic gêñ tau  
nanj, oc êmôêc gebe “Apômtaunê moasiñ êpi  
amac.  
Aêac ajam mec amac ajam Apômtau lanjô” nec  
atom.

## 130

### *Mec Apômtau ênam aêac saña*

- <sup>1</sup> O Apômtau, aê aoc gêjac aôm anga ñakêlêndin ñec.  
<sup>2</sup> Apômtau, ôkêñ tañam aê aoc.  
     Ôê tañam ñoc tañiboa kapôêñ.  
<sup>3</sup> O Apômtau, aôm embe ôê ñec tôñ,  
     o Apômtau, asa oc êkô aôm lañômñêm.  
<sup>4</sup> Mago aôm, tec kôsuc biñ ôkwi,  
     amboac tonañ tec têtêc aôm.  
<sup>5</sup> Aê gaôn Apômtau. ñoc katuc gêôñ eñ,  
     tec kakêñ matoc nê biñ.  
<sup>6</sup> Ñoc katuc gêôñ Apômtau gêmoa,  
     gêgôm kêlêlêc ñac, tañ gêdib gamêñ gebe  
     elenñaña nañ su. Gêgôm kêlêlêc dibwaga  
     tonañ su biññanôgoc.  
<sup>7</sup> Israel, ôkêñ matam Apômtau  
     gebe Apômtau kêtú têtac gêwiñ tengeñña  
     ñamôkê ma gêjam lau kêsí gêjac ñawaegen.  
<sup>8</sup> Ma eñ oc ênam Israel kêsí  
     anña nêñ ñec samob.

\*

## 131

### *Olin andañ Apômtaunja*

- <sup>1</sup> O Apômtau, aêñoc ñalêlôm kêkian tau sa atom  
     ma matocanô ketoc tau sa atom.  
 Aêñoc ñalêlôm taê kêka gêñ,  
     tañ kapôêñ kêlêlêc aê nañ atom.  
<sup>2</sup> Masianô, aê kakônin ñoc ñalêlôm tôñ ñañêñgeñ.

\* **130:8:** Pesalem dambu taunña kêtú 6ña.

Ñoc ñalêlôm ñañêñ kêtôm ñapalê, tañ jamañgen  
gêsac têna lêma dambê ñañ.

<sup>3</sup> O Israel, ôkêñ matam Apômtau  
êndêñ galoc ma enden tònjen.

*Dawidné teñ.*

## 132

*Anôtô ênam mec gamêñ dabuñ*

<sup>1</sup> O Apômtau, taêm ênam Dawid  
to nê gêñwapac samob.

<sup>2</sup> Taêm ênam gebe eñ kêtôc lêma gêdêñ Apômtau  
ma gêjac mata biñ gêdêñ Jakobnê Anôtô ñaclai  
gebe

<sup>3</sup> “Aê gabe jasô ñoc beclêlôm atom  
ma jasa tauc sic janêc ñoc mê atom,

<sup>4</sup> aê gabe matocanô ênam kauc bêc  
ma matoc êmôp êtu bêcña atom,

<sup>5</sup> jamoa e jatap Apômtaunê mala teñ sa  
ma jatap Jakobnê Anôtô ñaclai nê andu teñ sa  
acgom.”

<sup>6</sup> Biññanô, aêac añgôn Eprata ma añô andu tau  
ñawae,  
go atap sa aña kôm Jarña.

<sup>7</sup> Aêac asôm gebe “Ajôc, tasô ênê andu ñalêlôm tana  
nadau taun ma tateñ mec tanêc ênê akain  
ñataon.”

<sup>8</sup> O Apômtau, ôndi tonêm poac ñakatapa ñaclainja  
ma ôna malam ôlêwan taômña.

<sup>9</sup> Aômnêm dabuñwaga sêsô biñgêdêñ êtu nêñ ñakwê

ma aômnêm lau mansaŋ sênam lasê totêntac  
ŋajamgeŋ.

- 10 Ôtiŋ nêm ŋac, taŋ goeŋ oso eŋ naŋ, su atom  
êtu nêm sakiŋwaga Dawidŋa.
- 11 Apômtau kêtôc lêma ma kêsôm nê biŋ kêtû tôŋ  
gêdêŋ Dawid.  
Eŋ kêsôm tobiŋŋanôgeŋ ma oc ênam ôkwi atom  
gebe  
“Aê gabe jakêŋ aôm taôm latôminêŋ teŋ  
êŋgôŋ aômnêm lêpôŋ.
- 12 Latômi embe sêmansaŋ aêŋoc poac  
to ŋoc biŋsu, taŋ jandôŋ êsêac naŋ,  
oc nêŋ wakuc sêŋgôŋ aômnêm lêpôŋ  
enden tôŋgeŋ.”
- 13 Biŋŋanô, Apômtau kêjaliŋ Sion sa  
ma taê gêjam gebe êtu ênê andu.
- 14 Ma eŋ kêsôm gebe “Aê maloc jalêwaŋ tauc enden  
tôŋgeŋŋa naŋ tonec.  
Aê taêc gêjam kêtû tôŋ tec jaŋgôŋ tonec.
- 15 Aê gabe janam mec êsêacnêŋ gêŋ êlêlêc su.  
Aê gabe jakêŋ mo êôc nêŋ lau ŋalêlôm sawa  
tôŋ.
- 16 Aê gabe jakêŋ moasiŋ êtu nêŋ dabuŋwaganêŋ  
ŋakwê.  
Êsêacnêŋ lau mansaŋ oc sênam lasê totêntac  
ŋajamgeŋ.
- 17 Aê gabe Dawidnê ŋaclai êpoa lasê aŋga tônê.  
Aê kamaŋaŋ aêŋoc ŋac, taŋ gaeŋ oso eŋ naŋ, nê  
jakaiŋ teŋ kêkô.
- 18 Aê jakêŋ majeŋ êtu ênê ŋacjonêŋ ŋakwê,

mago enj êkuc sunsunj ñaôsic-ôsic êngôñ enj  
môkêapac.”

## 133

*Lasitêwai semoa sêwiñ tauñ ñapep ñabinj*

- <sup>1</sup> Alicgac me, lasitêwai embe sêngôñ sêwiñ tauñ,  
oc talic ñakatu têtac êsa lanwgagenj.
- <sup>2</sup> Binj tonanj kêtôm niptêkwi ñajamanô, tañ sêkêc kêpi  
Aron môkêapac ma keselenj kêdaguc ênê êm,  
e jagêsac ênê ñakwê gêsutêkwa.
- <sup>3</sup> Kêtôm maninj anja lôc Hermon,  
tañ kêsêlô mênkêpi Sion nanj,  
gebe gamênj tonanj Apômtau gêjam mec su  
gebe sêmoa matenj jali endenj tôñgenj.

\*

## 134

*Anôtônê sakinj gêbêcña ñawê*

- <sup>1</sup> Ajôc, Apômtaunê sakinjwaga samob, tañ akô  
Apômtaunê andu gêdênj gêbêc nanj,  
alanem Apômtau.
- <sup>2</sup> Aôc lememe sa atenj mec akô gamênj dabunj  
ma alanem Apômtau.
- <sup>3</sup> Apômtau, tañ kêkêñ undambê to nom nanj,  
ênam mec aôm anja Sion.

## 135

*Awenj êôc Apomtau*

- <sup>1</sup> Aleluja.

Awem êôc Apômtaunê ñaê.

---

\* **133:3:** Dawidnê tenj.

- Amac tañ ajam sakinj Apômtau nañ, alanem enj.
- <sup>2</sup> Amac tañ akô Apômtaunê andulêlôm  
to akô aêacnêñ Anôtônê andu ñamalacluj nañ,
- <sup>3</sup> awem êôc Apômtau, gebe Apômtau enj ñac gabêjam.  
Anam wê êpi ênê ñaê gebe enj têtac kêsa lanjwagenj.
- <sup>4</sup> Gebe Apômtau kêjalij Jakob sa  
ma Israel kêtû ênê gêñlênsêm.
- <sup>5</sup> Biññanô, aê galicgac, Apômtau enj ñac kapôêñ  
ma aêacnêñ Anôtô kêlêlêc anôtôi samob su.
- <sup>6</sup> Gêñ samob, tañ Apômtau têtac gêwiñ anja  
undambê to nom ma anja gwêc to  
gêdimbobsêga samob nañ,  
oc êngôm êtu tôñ.
- <sup>7</sup> Enj tec gêwê tao anja gwêcm kêpi gêmêñ  
ma kêkêñ ôsic kêsêp kom ñalêlôm ma kêkôc mu  
su anja nom ñakêclêsu.
- <sup>8</sup> Enj tec gêjac Aiguptu nêñ ñamêc êndu,  
gêgôm gêdêñ ñamalac to bôc.
- <sup>9</sup> Anja tônê enj kêsakinj gêñsêga to gêñtalô  
gebe êmêtôc Parao to nê sakinjwaga samob.
- <sup>10</sup> Enj tec gesenj lau tomôkê-tomôkê taêsam  
ma gêjac nêñ kinj tonjaclai êndu.
- <sup>11</sup> Amboac lau Amor nêñ kinj Sihon ma Basan ñakinj  
Og  
ma lau Kanaan nêñ kinj toê-toê samob.
- <sup>12</sup> Ma enj kêkêñ êsêacnêñ gamêñ  
gêdêñ lau Israel sêwê kainj.

- 13 O Apômtau, aôm nê m ɲaê oc ênêc tenɲen.  
 O Apômtau, nê m waem oc êsa êndên ɲôlôac to  
 ɲôlôac.
- 14 Gebe Apômtau kêwaka nê launên ɲinɲêdên sa  
 ma taê walô nê sakinwaga.
- 15 Tentenlatunên gwam ɲamalac lemen sêgômɲa.  
 Êsêac sêmasaɲ ɲa silber to gold.
- 16 Awenɲun ɲêc, mago sêsôm ɲin atom.  
 Mateɲanô ɲêc, mago sêlic ɲamên atom.
- 17 Tanɲenɲun ɲêc, mago sênô ɲin atom  
 ma sêsi awen atom amboac tonanɲen.
- 18 Lau tan sêmasaɲ ɲên tauwaga naɲ, oc têtôm nên  
 ɲên tonan  
 ma lau samob, tan ôlin andaɲ naɲ, amboac  
 tonanɲen.
- 19 O Israelnê ɲôlôac, alanem Apômtau.  
 O Aronnê ɲôlôac, alanem Apômtau.
- 20 O Lewinê ɲôlôac, alanem Apômtau.  
 Amac tan atêc Anôtô naɲ, alanem Apômtau.
- 21 Awen êoc Apômtau anɲa Sion,  
 ɲatau, tan ɲênɲôn ɲerusalem naɲ.

Aleluja.

## 136

### *Wê danɲenɲa ten*

- 1 Anam danɲe Apômtau gebe en ɲac gabêjam.  
 ɲinɲanô, ênê moasiɲ ênêc enden tônɲen.
- 2 Anam danɲe anôtôinên Anôtô.  
 ɲinɲanô, ênê moasiɲ ênêc enden tônɲen.
- 3 Anam danɲe apômtauinên Apômtau.



Biññanô, ênê moasiñ ênêc endenj tòngeñ.

4 Eñ gêgôm gêñsêga.

Biññanô, ênê moasiñ ênêc endenj tòngeñ.

5 Eñ kêkêñ undambê tokaucgeñ.

Biññanô, ênê moasiñ ênêc endenj tòngeñ.

6 Eñ kêmasañ nom gêsac bu ñaô.

Biññanô, ênê moasiñ ênêc endenj tòngeñ.

7 Eñ kêkêñ oc to ajôn.

Biññanô, ênê moasiñ ênêc endenj tòngeñ.

8 Eñ kêkêñ oc gebe êwê gamêñ êndênj ocsalô.

Biññanô, ênê moasiñ ênêc endenj tòngeñ.

9 Eñ kêkêñ ajôn to utitalata gebe sêpô gamêñ êndênj êmbêc.

Biññanô, ênê moasiñ ênêc endenj tòngeñ.

10 Eñ gêjac Aiguptunêñ ñamêc êndu.

Biññanô, ênê moasiñ ênêc endenj tòngeñ.

11 Eñ gêwê Israel sa aña Aiguptu.

Biññanô, ênê moasiñ ênêc endenj tòngeñ.

12 Eñ gêgôm ña lêma ñajaña ma gêôc lêmadambê sa.

Biññanô, ênê moasiñ ênêc endenj tòngeñ.

13 Eñ gêwa Gwêckoc kêkêc gêja luagêc.

Biññanô, ênê moasiñ ênêc endenj tòngeñ.

14 Eñ gêwê Israel sêsêp ñalêlôm sêja.

Biññanô, ênê moasiñ ênêc endenj tòngeñ.

15 Eñ kêtiñ Parao to nê lausiñ sêsêp Gwêckoc ñalêlôm ma sênôm gwêc su.

Biññanô, ênê moasiñ ênêc endenj tòngeñ.

16 Eñ gêwê nê lau sêmoa gamêñ sawa.

Biññanô, ênê moasiñ ênêc endenj tòngeñ.

17 Eñ gêjac kiñ toñaclai êndu.

- Biñjanô, ênê moasiñ ênêc endenj tônggenj.  
 18 Nac tau, tañ gêjac kiñ towae êndu nanj.  
 Biñjanô, ênê moasiñ ênêc endenj tônggenj.  
 19 Eñ gêjac lau Amor nêñ kiñ Sihon êndu.  
 Biñjanô, ênê moasiñ ênêc endenj tônggenj.  
 20 Eñ gêjac Basan ñakiñ Og êndu.  
 Biñjanô, ênê moasiñ ênêc endenj tônggenj.  
 21 Eñ kêkêñ lau tonanñ ñai nêñ gamêñ gêdêñ nê lau  
 sêwê kainj.  
 Biñjanô, ênê moasiñ ênêc endenj tônggenj.  
 22 Eñ kêkêñ gamêñ tau gêdêñ nê sakiñwaga Israel.  
 Biñjanô, ênê moasiñ ênêc endenj tônggenj.  
 23 Eñ tec taê gêjam aêac gêdêñ tañ tapô lêna nanj.  
 Biñjanô, ênê moasiñ ênêc endenj tônggenj.  
 24 Ma gêjam aêac kêsi anğa lau, tañ sêlêsu aêac nanj.  
 Biñjanô, ênê moasiñ ênêc endenj tônggenj.  
 25 Eñ gêlôm gêñ taniñña gêdêñ gêñ matenñ jaliña  
 samob.  
 Biñjanô, ênê moasiñ ênêc endenj tônggenj.  
 26 Anam danje êndêñ undambê ñatau Anôtô.  
 Biñjanô, ênê moasiñ ênêc endenj tônggenj.

## 137

*Lau tañ sêngônj kapoacwalô anğa Babel nanj, nêñ  
 tanjiboa*

- 1 Gêdêñ tañ aêac anğônj Babelnêñ bu nanj,  
 aêac taêñ gêjam Sion ma atanj.  
 2 Aêac akêñ ma gêñ wêña  
 genj kalenñ ka siunñ, tañ kêkô tonanñ nanj,  
 3 gebe lau, tañ sêkôc aêac tônñ nanj,

sêkac aêac gebe anam ma wê, ma lau, taŋ  
 sêlêsu aêac naŋ,  
 sêkac aêac gebe amoa toôndugeŋ ma sêsôm gebe  
 “Anam nê m wê Sionŋa teŋ aêac aŋô.”

<sup>4</sup> Mago aêacmêŋ oc anam Apômtaunê wê  
 aŋga gamêŋ jaba amboac ondocgeŋ.

<sup>5</sup> O Jerusalem, aê embe jaliŋ aôm siŋ,  
 oc lemoc anôŋa êtu toŋ.

<sup>6</sup> Aê embe taêc ênam aôm atom ma embe ja-  
 toc Jerusalem sa êlêlêc ŋoc gêŋ samob, taŋ  
 gêgôm aê têtac ŋajam naŋ atom,  
 oc imbeloc êsap lôcboam tôŋ.

<sup>7</sup> O Apômtau, taêm ênam bêc, taŋ lau Edom sêgôm  
 gêŋwapac  
 gêdêŋ Jerusalem naŋ.

Êsêac sêmôêc gedenŋ tôŋgeŋ gebe  
 “Anseŋ êliŋ-êliŋ êsêp e êndêŋ nombanŋ.”

<sup>8</sup> O Babel, aôm kalomtênao.

Aêac awenŋ êoc ŋac, taŋ êkêŋ gêŋ, taŋ gêgôm  
 gêdêŋ aêac naŋ, êmu wacêpi aôm êtiam.

<sup>9</sup> Aêac awenŋ êoc ŋac, taŋ êoc nê m ŋapalê dedec sa  
 ma êmakiŋ êsêac sêpi poc naŋ.

## 138

### *Wê danŋeŋa kêt u Anôtônê biŋ ŋaŋêŋa*

<sup>1</sup> O Apômtau, aê gabe janam danŋe aôm toŋoc  
 ŋalêlôm samucgeŋ.

Aê gabe jalambiŋ aôm êndêŋ anôtôi sêlic.

<sup>2</sup> Aê gabe jateŋ mec êndêŋ aôm jakô nê m lô m dabunŋ  
 ŋamagêŋa

ma jalanem aômnêm ñaê êtu nêm moasiñ to  
 biñ ñañêñña  
 gebe aôm kôwaka nêm ñaê to biñ, tañ gôjac mata  
 nañ sa  
 kêlêlêc ñêñgen su.

<sup>3</sup> Gêdêñ tañ aoc gêjac aôm nañ, kôkêñ tañam aê.  
 Ma kôpuc ñoc ñalêlôm tôñ ña nêm ñaclai kain  
 teñ.

<sup>4</sup> O Apômtau, kiñ samob aña nom embe sêñô  
 awamsuñ ñabiñ  
 oc sêlambiñ aôm.

<sup>5</sup> Êsêac oc sêñga wê êpi Apômtaunê gôliñ  
 gebe Apômtaunê ñawasi gêjam gamêñ auc.

<sup>6</sup> Apômtau kêtú ñac towaegoc ma gêjam ñac ñalêlôm  
 sawa sa  
 ma kêjala lau-tetoc-taun-sawaga, tañ sêmoa jaêc  
 eñ nañ, amboac tonañgen.

<sup>7</sup> Aê embe jamoa gêñwapac ñalêlôm,  
 aôm oc ôpuc aê tôñ jañgôñ matoc jali.

Aôm kôpuc ñoc ñacjo, tañ têtac ñandañ sec gêdêñ aê  
 nañ sugen  
 ma nêm anôña gêjam aê sa.

<sup>8</sup> Apômtau oc êñgôm gêñ, tañ gêjac mata gêdêñ aê  
 nañ ñanô êsa.

O Apômtau, nêm moasiñ ênêc teñgen. Ônac  
 dabiñ kôm, tañ gôjac m nañ.

\*

---

\* **138:8:** Dawidnê teñ.

# 139

*Anôto kêjala gêṅ samob e gédêṅ ṅamadiṅ to gêmoa gamêṅ samob*

- <sup>1</sup> O Apômtau, aôm gôbi ṅoc ṅalêlôm lêtêṅ e kôjala aê.
- <sup>2</sup> Aê embe jaṅgôṅ me jandi sa, oc ôjala.  
Aôm gômoa jaêc, mago kôjala biṅ, taṅ aê taêc  
gêjam naṅ.
- <sup>3</sup> Aôm gôlic aê kasêlêṅ me gaêc  
ma kôjala aêṅoc lêṅ e tomalagenṅ samob.
- <sup>4</sup> ṅalô tenṅ ênsac imbeloc atom tagenṅ  
ma aôm Apômtau oc ôjala kwananṅenṅ.
- <sup>5</sup> Aôm kôpiṅ aê auc anṅa muṅa ma nêṅ ṅa  
ma gu lêmam gêsac môkêcapac.
- <sup>6</sup> Aê kasaê biṅ tonanṅ kainṅ tenṅ ṅanô  
kêlêlêc aêṅoc kauc su, tec kajala atom.
- <sup>7</sup> Nêṅ ṅalau gêmoa ma aê oc jasa ondoc  
ma aê oc jaêc jamu ondocṅa gebe ôlic aê atom.
- <sup>8</sup> Aê embe japi undambê jawac, oc jatap aôm sa.  
Ma embe jaja ṅoc mé ênêc lamboam, oc jatap  
aôm sa.
- <sup>9</sup> Aê embe jalôp jandêṅ gamêṅ oc kêpiṅa  
ma najalêwanṅ jaṅgôṅ gamêṅ oc kêsêpṅa jana,
- <sup>10</sup> oc lêmam êwê aê anṅa ôné  
ma ôsip aê sa ṅa nêṅ anôṅa.
- <sup>11</sup> Ma aê embe jasôm gebe gêsunṅbôm êkôm aê auc  
samucṅenṅ  
ma ṅawê, taṅ kêpô aê naṅ, ênam kesec,
- <sup>12</sup> mago aôm oc ôlic ṅakesec amboac ṅakesec atom.  
Ôlic gêbêcauc amboac elenṅa ma ṅakesec am-  
boac ṅawê.

- 13 Aôm taômgenj tec kôkênj aênoc njalêlôm  
ma kôlêsob aê anja tinoc têtacêlôm.
- 14 Aê gajam danje aôm gebe kôkênj aê njamêtê kainj  
tej.  
Aênoc katuc kêjala gebe aômnêm gênj, tanj  
gôgôm nanj, kêtuj gênsêga kainj tej.
- 15 Aôm kôjala noc njatêkwa njasec-njasec samob  
gêdênj tanj kôkênj aê kelec-kelec kôsingenj ma  
kôlêsob aê anja tinoc têtacêlôm.
- 16 Matamanô gôlic aê gêdênj tanj aê njanô kêsa atom-  
genj ma koto noc bêc, tanj taêm gêjam gebe  
janjgônj nanj, gêc nêmbuku kwananj.  
Gôgôm gêmunj kêsêp njasawa, nanj noc bêc tej  
mênkêsa atomanô nanj.
- 17 O Anôtô, binj tanj aôm taêm gêjam nanj, njawapac, oc  
jajala amboac ondoci.  
Gênj tonanj taêsam e njalêlêma atom.
- 18 Aê embe jasa sa, oc jalic êlêlêc ganjac su.  
Aê embe janêc e gulunj jandi, nanj jatap aôm sa.
- 19 O Anôtô, ônac alôb-alôbwaga êndumanj  
ma ôkênj lau, tanj sêwê kainj dec nanj, sêc su anja  
aênoc.
- 20 Lau tonanj tec sêkianj tauj sa ma sêsôm binj alôb-  
alôb kêpi aôm  
ma sêgôm aômnêm njê kêtuj meloc.
- 21 O Apômtau, aê oc jakênj kisa êndênj lau, tanj sêkênj  
kisa gêdênj aôm nanj, atom me.  
Ma janam lanjocanô ôkwi êndênj lau, tanj sêli  
tauj sa gêdênj aôm nanj, atom me.
- 22 Binjanô, aê kakênj kisa gêdênj êsêac njanja,  
galic êsêac têtuj noc njacjo.

- 23 O Anôtô, ômbi aê lêtêṅ e ôjala ṅoc ṅalêlôm.  
 Ônsaê aê to ôjala gêṅ, taṅ taêc gêjam naṅ.  
 24 Ma embe ôlic aê jasa lêṅ dansaṅ jamoa,  
 naṅ ôwê aê jasa lêṅ ṅaṅêṅṅa.  
 \*

## 140

### *Mec êtu Anôtô ênam aêac saṅa*

- 1 O Apômtau, ônam aê kêsi êndêṅ lau sec  
 ma ojop aê êndêṅ lau toṅaclai.  
 2 Lau tonañ taêṅ gêjam biṅ sec gêc nêṅ ṅalêlôm  
 ma sêkalom kisa kêtôm bêcgeṅ.  
 3 Êsêacnêṅ imbelenṅ ṅamata kêtôm moac wêmnê.  
 Moac ṅamalic gêc kêsa paṅ gêdôṅôlicgeṅ.  
 4 O Apômtau, ojop aê êndêṅ lau alôb-alôb lemeṅ.  
 Ônam jaom aê êndêṅ lau toṅaclai, taṅ sêkic biṅ  
 sebe senseṅ aê naṅ.  
 5 Tetoc-taunṅ-sawaga sêwa lakô kêtû aêṅa.  
 Êsêac sêkic uc gêjac intênataligeṅ ma sêwa lip  
 kêtû aêṅa gebe ênac aê.  
 6 Aê kasôm gêdêṅ Apômtau gebe “ṅoc Anôtô aôm.”  
 O Apômtau, ôkêṅ taṅam ṅoc taṅi kapôêṅ  
 7 O Apômtau, ṅoc Anôtô, ṅoc ṅac, taṅ gôjam aê sa  
 ṅajanaṅ naṅ.  
 Aôm kôtu ṅoc lamu gêdêṅ noc siṅṅa.  
 8 O Apômtau, ôkêṅ biṅ, taṅ lau alôb-alôb taêṅ gêjam  
 to kêkac êsêac naṅ, ṅanô êsa atom.  
 Onseṅ biṅ, taṅ sêkic kêtû aêṅa naṅ su.

\* 139:24: Dawidnê pesalem teṅ.

- 9 Ôkêḡ ḡoc ḡacjo sêku aê tulu atom  
ma biḡ, taḡ sêkic kêtû aêḡa naḡ, êpi êsêac taḡ.
- 10 Eḡ êkêḡ ḡalana ênsêlô êpi êsêac taḡ.  
Eḡ êtiḡ êsêac sêsêp sêlêlôm sêna e dêndi sa êtiam  
atom.
- 11 ḡac-gêga-biḡwaga oc êmoa naeo.  
Ma gêḡwapac oc epeḡ ḡac toḡaclai sec naḡ,  
piḡpoap-piḡpoap e ênaḡa.
- 12 Aê galicgac gebe Apômtau oc êmansaḡ lau sêḡgôḡ  
jageo nêḡ biḡ  
to êmansaḡ lau ḡalêlôm sawa nêḡ biḡ.
- 13 Biḡḡanô, lau gêdêḡ oc sênam danḡe êtu aômḡnêḡ  
ḡaêḡa.  
Lau gêdêḡ oc sêḡgôḡ sêwiḡ aôm.
- \*

## 141

### *Mec kêtulaḡa teḡ*

- 1 O Apômtau, aê aoc gêjac aôm ôkac taômḡeḡ ôndêḡ  
aê ômôêḡ.  
Embe jamôêc aôm, naḡ ôkêḡ taḡam ḡoc aoc.
- 2 Ôlic ḡoc mec êtôm gasôb jadaḡ gêdêḡ aôm.  
Ôlic jaôc lemoc sa êtu da êtulaḡa.
- 3 O Apômtau, ôkêḡ aocsuḡ ḡadibwaga teḡ  
ma ôkêḡ gêdôcôlic ḡakatam ḡagejobwaga teḡ.
- 4 Ôkêḡ ḡoc ḡalêlôm ewec êndêḡ gêḡ sec  
gebe jaḡgôm gêḡ alôb-alôb atom.

\* **140:13:** Dawidnê pesalem teḡ.



- 5 Njác gêdêñ tenj embe ênac aê me êlêñ binj aê, nan  
 jajala gebe oc têtac gêwiñ aê,  
 mago aê janac jao gebe lau sec nêñ tenj êniñ  
 oso môkêcapac atomanô gebe katenj mec  
 gedenj tôñgenj gebe Apômtau epenj êsêacnêñ  
 kisa su.
- 6 Embe sêmbalinj nêñ mêtôcwaga sêsêp pocsaginj,  
 lau oc sêjala gebe Apômtaunê binj binjanô.
- 7 Enj kêpalip êsêacnêñ ñatêkwa jatotonj-totonj sêc  
 gêdêñ lamboam ñagêsunjawa,  
 kêtôm poc, tanj têtuc kêkôc e popoc-popocgenj  
 gêc intêna nanj.
- 8 Matoc êndinj aôm, Apômtau ñoc Anôtô. Aê gabe jaê  
 lamu aôm.  
 Amboac tonanj ôwi ñoc katuc sinj gebe jananja  
 atom.
- 9 Ojop aê êndêñ lakô, tanj sêwa kêtû aêña nanj,  
 ma êndêñ lau secwaga nêñ lip amboac tonanj.
- 10 Ôkêñ lau, tanj sêkac taunj su nanj, sêwê taunj nêñ  
 uc  
 ma aê jao gala jana.

\*

## 142

*Anôtô ênam aêac sa anja gêñwapac ñalêlôm ñamec*

- 1 Aê aoc gêjac Apômtau kapôênjenj,  
 gamôéc kapôênj gêdêñ Apômtau.
- 2 Aê kasêwa ñoc tanj gêc enj lanjônêmña,  
 kasôm ñoc gêñwapac lasê gêdêñ enj.
- 3 Gêdêñ tanj ñoc ñalêlôm ñagogo nanj,  
 mago aôm kôjala lêñ, tanj aê kasa nanj.

\* **141:10:** Dawidnê pesalem tenj.

- Sêwa lakô kelecgen  
gêc ñoc intêna, tan kasa nan.
- <sup>4</sup> Aê matoc geso gêmu anôña,  
mago katap ñac ten gebe ênam aê sanja sa atom.  
Aê gabe jaê lamu gêñ ten, mago katap sa atomanô  
ma ñac ten gebe ênam aê sanja gêmoa atomanô.
- <sup>5</sup> O Apômtau, aê aoc gêjac aôm.  
Aê kasôm gebe ñoc lamu aôm to ñoc gêñlênsêm,  
tan gawê kain anja lau maten jali nêñ  
gamên nan.
- <sup>6</sup> Ojae, ôñô ñoc taniboaman gebe aê katuc gêbac su.  
Ônam aê kêsi anja lau, tan sêlêsu aê nan, gebe  
nêñ ôlin walô kêlêlêc aê su.
- <sup>7</sup> Wê aê sa anja kapoacwalô  
gebe jalanem aômnêm ñaê.  
Aôm embe ômoasin aê,  
oc lau gêdên sêkac sa sêwin aê.  
gêngôn poclabu nan. \*

## 143

*Embe ôlin to katun êngôn naeo, nan awen ênac*

*Anôtô*

- <sup>1</sup> O Apômtau, ôñô ñoc mec ma ôê tanam ñoc tanj.  
Aôm ñac tobin ñanên, ôkên tanam aê êtu nêm  
binjêdênña.
- <sup>2</sup> Ôkic nêm sakinwaga nê bin atom  
gebe aôm ôlic ñamalac mata jali ten êtôm ñac  
gêdên atom.
- <sup>3</sup> Ojae, ñacjo tau kêjanda katuc.

\* 142:7: Dawid gêga wê tonan gêdên tan

- En kêku aê tulu jagaêc nom ma aê katôm êsêac,  
tañ sêmac êndu su nañ.
- <sup>4</sup> Aêñoc katuc ôluñ-ôluñgeñ  
e ñoc ñalêlôm kêtû toñ aña ñoc wanlêlôm.
- <sup>5</sup> Aê taêc gêjam têm gêmun andanengeña ma taêc  
gêjam aômnêm lêmam ñakôm samob, tañ  
gôgôm nañ.  
Taêc gêjam jakêsêp aômnêm gôlin samob.
- <sup>6</sup> Aê galam lemoc ma kateñ mec gêdêñ aôm.  
Aêñoc katuc gêjam awa su aôm kêtôm nom  
ñakelen kêsê awa gebe kom ênac.
- <sup>7</sup> O Apômtau, ôkac taômgeñ mênôkêñ tañam aê.  
Ñoc ñalêlôm kêtû dambê-dambê su gebe  
janaña.  
Ônsañ lanômanô auc êndêñ aê atom  
gebe jatôm êsêac, tañ sê su sêsêp sêlêlôm sêja  
nañ atom.
- <sup>8</sup> Ôkêñ aê jañô aômnêm têmtac gêwin tengeña  
ñawae êndêñ elenña  
gebe aê taêc kêka aôm.  
Ôtôc intêna, tañ gobe aê jasa nañ, êndêñ aê  
gebe jasun ñoc katuc sa êndêñ aôm êwac.
- <sup>9</sup> O Apômtau, ônam aê kêsi êndêñ ñoc ñacjo.  
Aê jandêñ aôm wacjâê lamu aôm.
- <sup>10</sup> Ôndôn aê jañgôm ñoc gêñ êtôm aôm gôlic ñajam  
gebe aêñoc Anôtô aôm.  
Aômnêm Ñalau ñajam êwê aê jasa lêñ ñañêñ.
- <sup>11</sup> O Apômtau, ôpuc aê tôn jañgôn matoc jali êtu  
aômnêm ñaêña.

Ônam aê sa anğa gêṅwapac êtu aômnêm  
biṅgêdêṅṅa.

- 12 Onseṅ ṅoc ṅaço su ma ômoasiṅ aê ma onsoc  
samob, taṅ sêlêsu aê naṅ,  
gebe nêm sakiṅwaga aê. \*

## 144

*Aweṅ gêôc Anôto ṅamec. Moasiṅ gêjam Israel auc*

- 1 Aê aoc gêôc Apômtau, taṅ kêtû ṅoc tuṅtêna naṅ.  
Eṅ tec kêdôṅ lemoc gebe janac siṅ ṅajaṅa ma  
lemoclatu gebe janac siṅ ṅajaṅa.
- 2 Eṅ tec kêtû ṅoc balan ma ṅoc tuṅtêna to ṅoc  
kêsiwaga. Eṅ tec kêtû ṅoc lautuc to ṅoc lamu.  
Eṅ kêkêṅ tentenlatu sêsô aê ṅalabu.
- 3 O Apômtau, ṅamalac kêtôm asageṅ, tec aôm matam  
gêdiṅ eṅ  
ma ṅamalac latu tonec kêtôm asageṅ, tec aôm  
taêm gêjam eṅ nec.
- 4 ṅamalac kêtôm awajaô  
ma ênê bêc kêtôm gêṅ ṅajaô-jaô.
- 5 O Apômtau, ôwê nêm undambê sa ma ôsêp ômôêṅ  
ma ômoasac lôc gebe jadauṅ êsa.
- 6 Ôpalip ôsic mêṅenseṅ êsêac êliṅ-êliṅ.  
Ôpê nêm sôb ma onsoc êsêac sêc sêna.
- 7 Ômêtôc lêmam anğa lôlôc mêṅôjaṅgo aê su  
ma ônam aê sa anğa ṅasamac kapôêṅ anğa lau  
jaba lemeṅ.
- 8 Lau tonanṅ gêdôṅôlic sêsôm biṅ dansanṅ  
ma nêṅ anôṅa kêtôc gêṅ geo.

\* 143:12: Dawidnê pesalem teṅ.

- 9 O Anôtô, aê gabe janğa wê wakuc teŋ êpi aôm  
ma janğôm gêŋ wêŋa tonğam lemelu êtaŋ ma  
janam wê êndêŋ aôm.
- 10 Aôm kôpuc kiŋ tôŋ e sêku ŋaço tulu.  
Aôm kôjanğo nêŋm sakinğawa Dawid su anğa sinğ  
ŋaclai.
- 11 Ônam aê sa ma ôjanğo aê su anğa lau jaba lemeŋ.  
Anğa lau, taŋ gêdôŋôlic sêsôm biŋ dansaŋ to  
nêŋ anôŋa têtôc geo naŋ.
- 12 Aêac latuŋi lau matac têtôm ka baliŋ  
ma aêac latuŋio têtôm andu ŋajam-ŋajam ŋaalê  
poc, taŋ sepeŋ ŋatalô naŋ.
- 13 Aêacma andu moŋa gêlôc lanğwageŋ  
ma anğôŋ gêŋmasê ŋaô gedêŋ tôŋgeŋ.  
Aêacma domba sêsu ŋalatu tausen to tausen  
ma tentausen to tentausen seŋ gêŋ sêmoa oba.
- 14 Aêacma bulimakao sêsu ŋalatu taêsam ma  
gêŋwapac kêtap sa to sêjam ŋalatu su atom.  
Lau sêŋgôŋ sênam aucgeŋ, mago taŋiboia ênêc  
nêŋ malacluŋ atom.
- 15 Aê aoc êôc lau, taŋ sêmoa kêtôm biŋ, tec tasôm su  
nec.  
Aê aoc êôc lau, taŋ Apômtau kêtu nêŋ Anôtô  
naŋ.

\*

## 145

### *Talanem Apômtau êtu nê moasiŋ to ŋaclaiŋa*

- 1 O ŋoc kiŋ Anôtô, aê gabe jatoc aôm sa  
ma jalanem nêŋm ŋaê endêŋ tôŋgeŋ.

---

\* **144:15:** Dawidnê teŋ.

- 2 Aê gabe jalanem aôm êtôm bêcgen  
 ma aoc êôc nê m ñaê enden tônggen.
- 3 Apômtau en ñac kapôên, tec talanem en ñanôman.  
 Aêac ñamalac oc tapuc ênê ñam natatôm atom.
- 4 Gôlôac ten sêlanem aôm nê m kolen êndên gôlôac ten  
 sênô  
 ma sêsôm aôm nê m ñaclai ñagênsêga lasê.
- 5 Êsêac oc sêsôm aôm nê m ñawasi to waem kinña  
 lasê,  
 ma aê gabe jannga wê êpi nê m gênsêga.
- 6 Lau oc sêsôm aôm nê m gênsêga ña ñaclai lasê  
 ma aê gabe jawa aôm nê m waem kapôên sa.
- 7 Lau oc sênac aôm nê m moasin tengeñña ñamin  
 to têtú samuc aôm nê m binjêdên to òndugen.
- 8 Apômtau en ñac moasin to taê walô ñam.  
 En gêbin tôn ma têtac gêwin tengeñña gêjam en  
 auc.
- 9 Apômtau en ñajam gêdên ñamalac samob  
 ma en taê labu gên samob, tañ kêkên nan.
- 10 O Apômtau, gên samob, tañ kôkên nan, sênam  
 danje aôm.  
 Ma nê m lau mansan sêlanem aôm.
- 11 Êsêac oc sêsôm aôm nê m gamên kinña ñawae lasê  
 ma sênac aôm nê m ñaclai ñamin
- 12 gebe ñamalacnên latunji sênô aôm nê m gênsêga  
 to aôm nê m gamên kinña ñawasi ñanô ñawae.
- 13 Aôm nê m gamên kinña ênêc tengeñ  
 ma ônam gôlin gôlôac to gôlôac ñêngeñ êna.
- Apômtau gêgôm nê bin samob ñanô kêsá  
 ma nê kolen samob gêwa ênê têtac gêwin sa.

- 14 Apômtau kêpuc lau samob, taŋ seben naŋ tôŋ  
ma gêjac êsêac samob, taŋ sêngôŋ sêpô  
dêducgeŋ naŋ sa.
- 15 Lau samob materŋ gêdiŋ aôm  
ma aôm kôkêŋ êsêacnêŋ mo gêdêŋ ŋanoc.
- 16 Aôm kôlainŋ lêmamtapa ma gôlôm gêŋ materŋ jali  
samob  
e gêôc êsêac tôŋ.
- 17 Apômtau gêgôm nê gêŋ samob gêdêŋgeŋ  
ma gêgôm nê gêŋ samob tomoasiŋgeŋ.
- 18 Apômtau gêmoa êsêac, taŋ awenŋ gêjac eŋ naŋ  
ŋagala  
ma gêwiŋ êsêac samob, taŋ awenŋ gêjac eŋ  
toŋanôgeŋ naŋ.
- 19 Eŋ gêjam êsêac, taŋ têtêc eŋ naŋ, nêŋ sêpô lêna sa  
to gêŋô êsêacnêŋ taŋiboa ma kêpuc êsêac tôŋ.
- 20 Apômtau gejob êsêac samob, taŋ têtac gêwiŋ eŋ  
naŋ,  
ma oc enseŋ lau alôb-alôb samob su.
- 21 Aoc êôc Apômtaunê wae  
ma lau nomŋa samob sêlanem ênê ŋaê dabuŋ  
teŋgeŋ ma teŋgeŋ.
- \*

## 146

*Talanem Apômtau êtu ênê kôm gêdêŋŋa*

1 Aleluja.

O katuc tau, ôlanem Apômtau.

---

\* 145:21: Dawidnê wê lanemŋa teŋ.

- 2 Aê gabe jalanem Apômtau êtôm ñoc bêc samob,  
tañ ganğôñ matoc jali nañ,  
ma gabe janam wê êndêñ ñoc Anôtô êtôm ñoc  
têm, tañ jamoa nom nañ.
- 3 Taêm êka laumata to ñamalac ten  
gebe êsêac têtôm gebe sênam lau sa atom.
- 4 Awenjaô embe ênac pep, oc têtú kekop êtiam  
ma nêñ biñ, tañ taêñ gêjam nañ, oc ênac pep  
amboac tonanğen.
- 5 Aê aoc êôc ñac, tañ Jakobnê Anôtô gêjam eñ sa  
ma kêkêñ mata Apômtau Anôtôgen nañ.
- 6 Ñac tonanğ tec kêkêñ undambê to nom ma gwêc to  
ñagênlêlôm samob.  
Eñ ñac ñanên enden tônğen.
- 7 Ênê mêtôc gêdên gêjam êsêac, tañ lau sêkôninğ êsêac  
tônğ nañ sa  
ma gêlôm êsêac, tañ mo gêjô êsêac nañ.  
Apômtau kêgaboac lau kapoacwalônğa su.
- 8 Apômtau kêkêñ matenğpec sêlic gamênğ kêtiam ma  
kêsa lau, tañ sêpô dêducgen nañ sa.  
Apômtau têtac gêwiñ lau gêdên.
- 9 Apômtau gejob lau jaba ma gêjam awêtuc to  
mosêbu sa.  
Mago eñ gesen lau alôb-alôb nêñ intêna su.
- 10 Apômtau eñ kiñ tenğenğa.  
O Sion, aômnm Anôtô ênam gôlinğ enden  
tônğen.

\*

---

\* **146:10:** Aleluja.



# 147

*Anôtô kêtû ñaclai to moasiñ ma mêtê ñatau ñamôkê*

<sup>1</sup> Aleluja.

Alanem Apômtau gebe tanam wê êndênj aêacnênj  
Apômtau tonec gênj ñajam.

Lambiñ tonañ ñajam ma jagêdênj.

<sup>2</sup> Apômtau kêkwê Jerusalem sa kêtiam.

Enj gêjac Israel latunji, tañ sêmoa salin-salin nan  
sa.

<sup>3</sup> Enj kêmoasiñ êsêac, tañ ñalêlôm popoc nan,  
ma kêsabañ êsêacnênj kamoc ñandañ.

<sup>4</sup> Enj kêkênj utitalata kêtôm tau taê gêjam  
ma kêsam êsêacnênj ñaê samob tomalagenj.

<sup>5</sup> Aêacnênj Apômtau enj ñac kapôênj to ñaclaisêga.  
Ênê mêtê ñadônj gêc atomanô.

<sup>6</sup> Apômtau gêjam lau ñasec sa  
ma kêtinj alôb-alôbwaga pinpañ jasêc nom.

<sup>7</sup> Apuc Apômtaunê wê danjena sa.  
Anğôm gênj wêña êtañ êndênj aêacnênj Anôtô.

<sup>8</sup> Enj kêkênj tao gêsac umbon  
ma kêkênj kom kêmalôm nom to kêkênj gêgwan  
kêpuc anja lôc.

<sup>9</sup> Enj gêlôm bôc  
ma kêkênj mo gêdênj aoco ñalatu, tañ têtanj  
gêdênj enj nanj.

<sup>10</sup> Enj têtac gêwiñ hos ñaclai atom  
to gêlic ñamalac, tañ labum ñajaña nanj ñajam  
atom.

<sup>11</sup> Apômtau têtac gêwiñ lau, tañ têtêc enj nanj,

to têtac gêwiñ lau, tañ sêkêñ materñ ênê têtac  
gêwiñ tengeñña nañ.

- 12 O Jerusalem, ôlanem Apômtau.  
O Sion, ônam wê êndêñ nêñ Anôtô.
- 13 Gebe eñ kêmasañ nêñ katam ñajaña.  
Eñ gêjam mec nêñ ñapalê, tañ sêmoa nêñ  
ñalêlôm nañ.
- 14 Eñ kêbalañ nêñ gamêñ ñamadiñ auc ñapep  
ma gêlôm aôm gôñgôñ moasu ñaôgeñ.
- 15 Eñ kêsakiñ nê jatu kêsêp nom gêmêñ  
ma biñ tau kêlêti gêjam nom aucgeñ sep tagen  
gêja.
- 16 Eñ kêkêñ sno kêtôm kapok  
ma kêkêñ nop kêtôm wao.
- 17 Eñ kêpalip nê kompoc kêtôm poclô.  
Asa oc êêc ênê malotêna tôñ.
- 18 Eñ kêkêñ nê biñ e gêñ tau gêwê.  
Eñ kêkêñ nê mu, tec ñabu keselen.
- 19 Eñ gêwa nê biñ sa gêdêñ Jakob  
ma kêsôm nê gôliñ to biñgêdêñ lasê gêdêñ Is-  
rael.
- 20 Eñ kêmoasiñ tentenlatu ten amboac tonañ atom.  
Êsêac sêjala ênê biñsu atom.

Aleluja.

## 148

*Undambê to nom sêlanem Apomtau*

<sup>1</sup> Aleluja.

Alanem Apômtau anğa undambê.

Alanem eņ anğa lólôc.

<sup>2</sup> Ênê anęla samob, alanem eņ.

Ênê lau totoņ-totoņ samob, alanem eņ.

<sup>3</sup> Oc to ajôņ, alanem eņ.

Amac utitalata samob, alanem eņ.

<sup>4</sup> Amac undambê to undambê, alanem eņ.

Amac bu, taņ apoac umboņ ęaô naņ, alanem eņ.

<sup>5</sup> Gêņ samob tonanę ęai, alanem Apômtaunê ęaêmanę gebe eņ kêjatu, tec gêņ tau ęanô kêsa.

<sup>6</sup> Gebe eņ ketoc gêņ tonanę ęai kêkô gebe êkô enden tôņgenę  
ma kêkêņ ęagôlinę, taņ sêņgêli atom naņ, gêdêņ êsêac.

<sup>7</sup> Amac gêņ nomņa, amac gêņsêga gwêcņa to gwêc ęagêdimlabuņa samob naņ,  
alanem Apômtau.

<sup>8</sup> Aôm ja to kompoc, aôm sno to ômbinę,  
aôm mutêna, taņ gôgôm ênê binę kêtu tôņ naņ,  
amboac tonanęņ.

<sup>9</sup> Amac lôc to gamêņ ęabau samob,  
amac gêņkaiņ to nip walaņ samob,

<sup>10</sup> amac bôc saleņņa ma malacņa samob,  
amac gêņ kêkêņņa ma moc tomagê, alanem Apômtau.

<sup>11</sup> Amac kinę anğa nom to tentenęlatu samob,  
amac kasêga to gôlinęwaga nomņa samob,

- 12 amac ηacsêηom to awêtakin,  
 amac lau ηanô to ηapalê, alanem Apômtau.
- 13 Lau samob tonan ηai sêlanem Apômtaunê ηaêman  
 gebe ênê ηaê tagen tec ηaê towae. Ênê ηawasi  
 kêlêlêc undambê to nomgen.
- 14 En kêkêη ηaclai gêdêη nê lau gebe ênê lau  
 mansan samob sêlanem en  
 sêwiη lau Israel, tan têtû ênê gêη nan.

Aleluja.

## 149

### *Wê lambiηa ten*

<sup>1</sup> Aleluja.

Anam wê wakuc êndêη Apômtau.

Awen êoc en anηa ênê lau mansan ηalêlôm.

<sup>2</sup> Israel têtû samuc nêη ηac, tan kêkêη êsêac nan.  
 Sion latui awen êoc nêη kin toôndugen.

<sup>3</sup> Êsêac têtê wê sêlanem ênê ηaê  
 sênac on to gêη wêηa êtan.

<sup>4</sup> Apômtau têtac gêwiη nê lau  
 ma kêkêη lau palê-palê sêku nêη ηacjo tulu.

<sup>5</sup> Anôtônê lau têtû samuc en to sênam lasê to ôlin êpi  
 sênêc nêη mê ma awen êoc en toôndugen.

<sup>6</sup> Êsêac sêlambiη Anôtô to awen êpigen  
 ma sêmêngôm sin ηamata maken-maken

<sup>7</sup> gebe sêkac nêη kamocgôc anηa lau samuc nêη  
 ma sêkêη ηagêjô êndêη tentenlatu.

<sup>8</sup> Sênsô êsêacnêη kin ηa kapoacwalô tôη

ma sênsô nêñ lau mata tôñ ña kapoacwalô ki  
 9 gebe sêñgôm biñ, tañ Anôtô kêkic wanêcgeñ nan,  
 êtu tôñ êpi êsêac.  
 Biñ tonañ ketoc Anôtônê lau samob sa.

Aleluja.

## 150

### *Alanem Apômtau*

1 Aleluja.

Alanem Apômtau anga nê lôm dabun.

Alanem en anga undambê.

2 Alanem en êtu nê gêñsêgaña  
 ma alanem en êtu nê ñaclai kapôêñña.

3 Alanem en ña dauc ñaôndu.

Alanem en ña gêñ wêña to kalingwan.

4 Alanem en ña wê to on.

Alanem en ña gêñ wêña to gasuc.

5 Alanem en ña gegob êtañ.

Alanem en ña gegob ñakicsêa galan-galangen.

6 Gêñ samob, tañ sêsê awen nan, sêlanem Apômtau.

Aleluja.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb